




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.3.31







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.3.31




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.3.31




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.3.31






*Ex Libris Joannis Nenoini*  
*1874*





3 Ad. 2/3.





50

C

SAC

E

SV



VE

CANONES,  
ET DECRETA

SACROSANCTI OECVMENICI  
ET GENERALIS CONCILII

TRIDENTINI


SVB PAVLO III, IVLIO III,

PIO IIII. PONTIFICIBVS MAX.



VENETIIS, M. D. LXIIII.





# PAVLVS MANVTIVS

PIO LECTORI S.



**V**I de Catholica fide recte sentiunt, fatentur omnes utilissimum fuisse humano generi, atque adeo salutare Concilium Tridentinum; quod eximia summi Dei erga nos clementia, Pij IIII. Pont. Max. sapientia singulari, mirifica Legatorum Cardinalium, qui praesumere, uigilantia, maximo etiam Imperatoris, Regum, Rerumpublicarum, Principum, & Patrum, qui interfuere, consensu, ita confectum absolutumq. uidemus, ut exitiosam illam animorum pestem, quae quotidie serpebat latius, nunc quidem aliqua iam ex parte compressam esse, breui autem, ope diuina, cunctis populis & nationibus ad communem salutem consentientibus, prorsus tolli posse omnes confidant. quo merito gratiae sunt habenda primum immortalis Deo maxima, unde bona manant omnia, deinde Pio IIII, qui hoc spectauit unum, & in hoc potissimum ab illo primum die, quo summam inter omnes homines potestatem, delatam diuinitus, accepit, fixit curas, & cogitationes omnes, ut communibus malis generali Concilio mederetur: quo saepe remedio Christiana Resp. erumpentibus uitis occurrit, & impendentes ex dissensione, atque discordia calamitates euitauit. Hoc benefi-

A 2 cium



cium disseminari quamprimum, ac distribui per orbem terrarum, ad propagandam ueritatem, & diuulgandam Ecclesie Catholice sententiam, necesse est. itaque nunc eduntur puri Canones, & ipsa Decreta, cum appendice nulla: tantum ut ea cognoscantur, quæ primum sacrosancta Synodus, in Spiritu sancto legitime congregata, deinde Pontifex ipse confirmando seruari pariter ab omnibus in perpetuum iussit. nam reliqua Concilij acta, diligentissime per scribas publicos in ipso Concilio excepta, & litteris mandata, mox ita emittentur, ut, quacumque res in controuersiam uenerit, quacumque uel sententia dicta, uel oratio habita sit, omnia denique agitata, quasita, deliberata, suo quidque loco distincte, & abundanter exponantur. Interim accipe summam rei lector optime, quæ ad salutem uehementer pertinet: uniuersam uero Tridentini Concilij, trium Pontificum distinctam temporibus, historiam, eodem, cuius ad gloriam hæc omnia diriguntur, iuuante Deo, propediem expecta. nullam enim tanti negotij partem ignorare, non modo incundum est, uerum ad multa etiam utile, & accommodatum: quod aliorum Conciliorum lectio declarat. Roma, M. D. LXIV.



3

BVLLA INDICTIONIS  
SACRI OECVMENICI  
ET GENERALIS CONCILII  
TRIDENTINI

SVB PAVLO III. PONT. MAX.



AVLVVS EPISCOPVS, seruus  
seruorum Dei, ad futuram rei  
memoriam.

INITIO nostri huius Pontificatus,  
quem non ob merita nostra, sed propter suam ma-  
gnam bonitatem Dei omnipotentis providentia  
nobis commisit, cernentes iam tum in quas per-  
turbationes temporum, quotq. incommoda rerum  
fere omnium nostra Pastoralis sollicitudo & uigi-  
lia esset uocata, cupiebamus quidem mederi Chri-  
stianæ Reip. malis, quibus illa iamdudum uexa-  
ta, & propemodum oppressa est, sed ipsi etiam,  
ut homines circumdati infirmitate, ad tantum o-  
nus tollendum impares uires nostras esse sentieba-  
mus. nam cum pace opus esse intelligeremus ad li-  
berandam, & conseruandam a plurimis impen-  
dentibus periculis Remp. omnia inuenimus odijs  
& dissensionibus plena, dissentientibus præser-  
tim Principibus ijs inter se, quibus summa rerum  
pene omnis a Deo permessa sit. Cum unum Ouile,  
& unum Pastorem dominici esse gregis, ad inte-

A 3 gritatem



BVLLA INDICATIONIS

gritatem Christianæ religionis, et ad celestium bonorum spem in nobis confirmandam, necessarium duceremus; schismatis, dissidijs, hæresibus erat Christiani nominis diuulsa iam pene, & lacerata unitas. Cum tutam, atque munitam ab infidelium armis, atque insidijs Remp. optaremus; nostris erratis, nostraq. cunctorum culpa, Dei uidelicet ira peccatis nostris imminente, Rhodus fuerat amissa, Hungaria uexata, conceptum, & meditatam contra Italiam, contraq. Austriam, & Illyricum, terramariq. bellum: cum impius & immitis hostis noster Turca nullo tempore requiesceret; nostrorumq. inter se odia, & dissensiones, suam bene gerendae rei occasionem duceret. Igitur, ut dicebamus, in tanta hæresum, dissensionum, bellorumq. tempestate, tantisq. excitatis fluctibus, cum essemus ad moderandam & gubernandam Petri nauiculam uocati, nec uiribus ipsi nostris satis fideremus, primum coniecimus in Domino cogitatus nostros, ut ipse nos nutriret, animumq. nostrum firmitate, & robore, mentem consilio, sapienti. q. instrueret. Deinde animo repetentes, maiores nostros, sapientia admirabili, & sanctitate praditos, sæpe in summis Christianæ Reip. periculis remedium optimum, atque opportunissimum, œcumenica Concilia, & Episcoporum generales conuentus adhibuisse; ipsi quoque animum ad generale habendum Concilium adiecimus; exquisitisq. Principum sententijs,



tijs, quorum nobis uidebatur utilis in primis, & opportuna ad hanc rem esse consensio; cum eos tunc non alienos ab hoc tam sancto opere inuenissemus, œcumenicum Concilium, & generalem eorum Episcoporum, aliorumq. Patrum, ad quos pertineret, conuentum in ciuitate Mantuæ indiximus, anno Incarnationis Domini, sicut litteris, & monumentis nostris testatum est, millesimo quingentesimo trigesimo septimo, Pontificatus nostri tertio, ad x Kal. Iun. inchoandum; spem prope certam habentes fore, ut, cum illic in nomine Domini effemus congregati, ipse, sicut promisit, Dominus in medio nostrum affuturus, & bonitate, ac misericordia sua omnes temporum procellas, omniaq. pericula Spiritu oris sui facile depulsurus esset. Sed, ut semper insidiatur pijs actionibus humani generis hostis, primum contra omnem spem, & expectationem nostram denegata fuit nobis Mantuana ciuitas, nisi aliquas condiciones subiremus, ab institutis maiorum nostrorum, & condicione temporum, nostraq. ac huius sanctæ Sedis, ac nominis Ecclesiastici dignitate, libertateq. prorsus alienas, quas in alijs nostris litteris expressimus. Quapropter alium inuenire locum, alienamq. deligere ciuitatem necesse habuimus: quæ cum non statim nobis occurreret idonea, & apta; ad sequentes Kal. Nou. pro rogare Concilij celebrationem fuimus coacti. Interim seuus, & perpetuus hostis noster Turca in-



BVLLA INDICATIONIS

genti classe Italiam adortus, aliquot oppida in littoribus Apuliæ cepit, uastauit, diripuit, prædas hominū abegit: nos in maximo timore, et periculo omnium, muniendis littoribus nostris. finitimisq. auxilio iuuandis fuimus occupati: nec tamen interea destitimus consulere, & hortari Christianos Principes, ut, de idoneo ad habendum Concilium loco quid sentirent, nobis exponerent: quorum cum essent incertæ, uariæq. sententiæ, tempusq. diutius, quam erat opus, uideretur extrahi; nos optimo animo, atque, ut arbitramur, etiam consilio Vincentiam elegimus, urbem copiosam, & Venetorum, qui eam nobis concedebant, uirtute, auctoritate, potentia cum aditum patentem, tum stationem omnibus liberam, atque tutam in primis in se habentem. sed cum iam tempus longius progressum esset; nouæq. urbis electionem omnibus significari conueniret; iamq. Kalendæ Nou. appetentes facultatem huius diuulgationis excluderent; hyemsq. esset propinqua; rursus altera prorogatione tempus Concilij differre in proximum sequens uer, Maij. futuras Kalendas, compulsi fuimus. Qua re firmiter constituta, atque decreta, cum & nos ipsos; & cetera omnia ad eum bene agendum, Deo iuuante, celebrandumq. conuentum pararemus, plurimum reputantes interesse cum celebrationis Concilij, tum uniuersæ Christianæ Reip. Christianos Principes pace inter se, & concordia consentire; carissimos

in



in Christo filios nostros, Carolum Romanorū Imperatorem, semper augustū, et Christianissimū Regē Franciscum, duo præcipua Christiani nominis firmamenta, atque subsidia, orare, atque obsecrare institimus, ut ad colloquium inter se, & nobiscum una conuenirent; quorum quidem apud utrumque litteris, Nuncijs, & a latere nostro missis, ex uenerabilium fratrum nostrorum numero, Legatis, sæpissime egeramus, ut ex simultate, et dissidijs ambo in unum sædus, & piam amicitiam uellent conuenire, labentibusq. succurrere Christianis rebus: quarum seruandarum cum esset illis potestas ab Deo præcipue tributa, si id non agerent, & ad commune Christianorum bonum sua consilia non dirigerent, acris & seuera ratio eidem Deo ab ipsis reddenda esset. Qui aliquando precibus nostris annuentes, Nicæam se contulere. quo nos quoque longum iter, & senili ætati nostræ uehementer contrarium, Dei & pacis conciliandæ causa suscepimus: neque prætermisimus interea, cum tempus Concilij præstitutum, Kalendæ uidelicet Maiæ appropinquarent, tres Legatos summæ uirtutis, ac auctoritatis, a latere nostro, de numero eorundem fratrum nostrorum, S. R. E. Cardinalium, Vincentiam mittere, qui initium Concilij facerent, Prælatosq. undique uenientes exciperent, & ea, quæ iudicaret esse opus, agerent & tractarent, quoad nos ab itinere, & negotio pacis reuersi, omnia accuratius



BVLLA INDICATIONIS

accuratius dirigere possemus. Interim uero in illud sanctum opus, maximeq. necessarium, tractationem uidelicet pacis inter Principes, incubuimus, & quidem omni animi studio, omni pietate, ac diligentia. Testis est nobis Deus, cuius freti clementia nosmet ipsos itineris, & uitæ periculo exposuimus. Nostra testis conscientia, quæ nihil habet in hac re quidem, in quo nos arguat aut prætermisæ, aut non quæsita ad pacificandum occasionis. Principes ipsi testes, quos iam sæpe, tamq. uehementer Nuncijs, litteris, Legatis, monitis, hortatu, precibusq. omnibus obsecraueramus, ut similitates deponerent, ut societatem coirent, ut Christianæ Reip. in maximum, & propinquum iam adductæ discrimen, communibus studijs, & subsidijs opitularentur. Iam uero testes illæ uigiliæ atque curæ, illi diurni, nocturniq. animi nostri labores, graues sollicitudines, quas ob hanc rem & causam plurimas iam suscepimus: nec tamen ad optatum exitum nostra consilia, & acta adhuc perducta sunt. ita enim uisum domino Deo est: quem tamen non desperamus aliquando optata nostra benignius respecturum. ipsi quidem, quantum in nobis fuit, nihil, quod esset nostro Pastoralis officio debitum; in hac re omisimus. Quod si qui sunt, qui actiones pacis nostras in aliam interpretentur partem: dolemus quidem; sed tamen in dolore nostro gratias Deo omnipotenti agimus, qui ad exemplum, & doctrinam



doctrinam patientiæ nostræ suos uoluit Aposto-  
 los haberi dignos, qui pro nomine Iesu, qui pax  
 nostra est, contumeliam paterentur. Verum in  
 illo congressu, colloquioq. nostro, quod Nicææ  
 habitum est, etsi, peccatis nostris impredientibus,  
 inter duos Principes uera, & perpetua pax non  
 potuit confici, induciæ tamen decennales factæ  
 sunt: quarum opportunitate nos sperantes & sa-  
 crum Concilium commodius celebratum iri, &  
 deinde ex Concilij auctoritate perfici posse pacem;  
 apud Principes institimus, ut & ipsi uenirent ad  
 Concilium, & Prælatos suos præsentem duce-  
 rent, absentesq. accerferent. Qui cum de utro-  
 que se excusassent, quod & ipsis redire in regna  
 sua tum necesse esset, & Prælatos, quos se-  
 cum habuissent, itinere, atque impendijs fessos,  
 atque exhaustos recreari, & refici oporteret,  
 nos hortati sunt, ut aliam quoque prorogatio-  
 nem temporis habendi Concilij decerneremus.  
 Qua in re concedenda cum essemus aliquantum  
 difficiles, litteras interim a Legatis nostris, qui  
 Vincentiæ erant, accepimus, transacto iam, &  
 longius præterito Concilij ineundi die, unum uix,  
 aut alterum ex externis nationibus Prælatum  
 Vincentiam se contulisse. Quo nuncio accepto, cū  
 uideremus eo tempore nulla iam ratione haberi  
 Concilium posse, ipsis Principibus concessimus,  
 ut differretur tempus agendi Concilij usque ad san-  
 ctum Pascha, diemq. festum futuræ Dominicæ  
 resurre-



BVLLA INDICATIONIS

resurrectionis . Cuius nostri præcepti , expecta-  
tionisq. decretæ litteræ Genuæ , anno incarna-  
tionis Domini M. D. XXXVIII, IIII Kal. Iul.  
factæ , publicatæq. sunt . atque hanc dilationem  
eo propensius fecimus , quod pollicitus est nobis  
uterque Princeps Legatos suos Romam ad nos se-  
missurum , ut ea , quæ ad perfectionem pacis reli-  
qua essent , neque Nicææ ob breuitatem temporis  
potuerant omnia confici , Romæ commodius co-  
ram nobis agerentur , & tractarentur . & ob  
hanc rationem etiam a nobis ambo petierunt , ut  
hæc pacificationis procuratio Concilij celebratio-  
ni præponeretur , cum ipsum Concilium , pace  
facta , multo deinde utilius , & salutaris Chri-  
stianæ Reip. futurum esset . semper enim hæc pa-  
cis spes nobis iniecta Principum nos uoluntatibus  
assentiri hortata est . quam spem uehementer au-  
xit post discessum a Nicæa nostrum ipsorum duo-  
rum Principum inter se beneuola amicaq. congres-  
sio : quæ maxima nostra cum lætitia a nobis intel-  
lecta , confirmauit nos in bona spe , ut tandem ali-  
quando nostras preces apud Deum exauditas ,  
& uota pacis accepta esse crederemus . Hanc igitur  
pacis conclusionem cum & expeteremus , &  
urgeremus ; nec solum duobus ante dictis Prin-  
cipibus , uerum etiam carissimo in Christo filio no-  
stro , Ferdinando , Regi Romanorum , uideretur ,  
actionem Concilij , nisi pace facta , suscipi non o-  
portere ; cunctiq. a nobis per litteras suosq. Ora-  
tores



tores contenderent, ut alias rursus temporis pro-  
rogationes faceremus; præcipue autem instaret  
Serenissimus Cæsar, promississe se demonstrans ijs,  
qui a catholica unitate dissentiunt, se operam suam  
apud nos interpositurum, ut aliqua concordie ra-  
tio iniretur; quod ante suam in Germaniam pro-  
fectionem apte non posset fieri: Nos eadem sem-  
per spe spaci, & tantorum Principum uolunta-  
te adducti, cum præsertim cerneremus, ne ad di-  
ctum quidem Resurrectionis festum alios Præla-  
tos Vincentiam conuenisse, prorogationis nomen  
iam fugientes, quod tam sæpe frustra fuerat repe-  
titum, celebrationem generalis Concilij ad nostrum  
& Sedis Apostolicæ beneplacitum suspendere ma-  
luimus: itaq. fecimus, & de suspensione huius-  
modi litteras ad singulos supradictorum Princi-  
pum decima die Iun. M. D. XXXIX dedimus,  
sicut ex illis perspicue potest intelligi. Ea itaque  
suspensione necessario per nos facta, dum tempus  
illud magis idoneum a nobis, pacisq. aliqua con-  
clusio expectatur; quæ & dignitatem postea fre-  
quentiamq. Concilio, & Christianæ Reip. præ-  
sentiore salutem erat allatura; Christianæ inte-  
rea res in deterius quotidie prolapsæ sunt, Hun-  
garis, Rege ipsorum mortuo, Turcam uocantibus;  
Ferdinando Rege bellum in eos mouente; Belgis ad  
defectionem a Cæsare ex parte quadam incitatis:  
cuius defectionis comprimendæ causa per Galliam  
amicissime, & cum Rege Christianissimo concor-  
dissime,



BVLLA INDICATIONIS

diffime, magno beneuolæ inter eos uoluntatis  
indicio, transiens in Belgas Serenissimus Cæsar, et  
illinc deinde in Germaniam profectus, conuentus  
Germaniæ Principum, & ciuitatum tractandæ  
eius, quam dixerat, concordie causa habere cœ-  
pit. Sed cum, spe pacis iam deficiente, ille quoque  
modus curandæ in conuentibus, tractandæq. con-  
cordie ad maiores potius discordias concitandas  
aptus esse uideretur; inducti fuimus ad pristi-  
num Concilij generalis remedium, idq. per Le-  
gatos nostros, S. R. E. Cardinales ipsi Cæsari  
obtulimus, quod etiam postremo, & præcipue in  
Ratisponensi conuentu egimus; cum illic dilectus  
filius noster, Gaspar tit. S. Prædix, Cardinalis  
Contarenus, summa doctrina, & integritate,  
Legatum nostrum ageret. nam cum, id quod ne  
accideret, antea ueriti eramus, ex eius conuentus  
sententia peteretur a nobis, ut ab Ecclesia dissen-  
tientium quosdam articulos, tolerandos declara-  
remus, quoad per œcumenicum Concilium illi  
excuterentur, & deciderentur; idq. nobis, ut con-  
cederemus, neque Christiana & Catholica ueri-  
tas, neque nostra, & Sedis Apostolicæ dignitas  
permitteret; palam potius Concilium, ut quam-  
primum fieret, & proponi mandauimus. neque  
uero in alia umquam sententia, & uoluntate fui-  
mus, quam ut primo quoque tempore Concilium  
œcumenicum, & generale congregaretur. spera-  
bamus enim ex eo & pacem populo Christiano, et  
Christia-



Christianæ religionis integritatem posse recupera-  
ri: uerumtamen id cum bona gratia, & uolun-  
tate Christianorum Principum habere uoleba-  
mus. Quam uoluntatem dum expectamus; dum  
obseruamus tempus absconditum, tempus bene-  
placiti tui, o Deus; aliquando tandem decernere  
compulsi sumus, omne esse tempus beneplacitum  
Deo, cum de rebus sanctis, & ad Christianam  
Remp. pertinentibus consilia ineuntur. Quapro-  
pter uidentes, maximo quidem animi nostri cum  
dolore, rem Christianam quotidie in peius rue-  
re, Hungaria a Turcis oppressa, Germanis pericli-  
tantibus, ceteris metu, mæroreque afflētis, nul-  
lius iam Principis consensum expectare, sed tan-  
tum Dei omnipotentis uoluntatem, & Christia-  
næ Reip. utilitatem attendere constituimus. Ita-  
que cum Vincētiā amplius non haberemus, cu-  
peremusque cum uniuersæ Christianorum saluti,  
tum Germanicæ nationis incommodis in eligendo  
per nos noui Concilij habendi loco consulere, ali-  
quotque locis propositis ipsam Tridentinam ciuita-  
tem ab ipsis desiderari uideremus: nos etsi in cite-  
riore Italia commodius omnia tractari posse iudi-  
cabamus, ad eorum tamen postulationes nostram  
uoluntatem paterna caritate defleximus, ita-  
que Tridentum ciuitatem elegimus, qua in ciuita-  
te œcumenicum Concilium ad proxime uenturas  
Kalendas Nou. haberetur, idoneum locum illum  
statuentes, quo ex Germania quidem, alijsque Ger-  
manicæ



BVLLA INDICATIONIS

mania finitimis nationibus facillime, ex Gallia, Hispania, ceterisque. provinciis remotioribus non difficiliter Episcopi, & Prælati conuenire possent. Dies autem Concilij ea a nobis spectata est, quæ spatium in se haberet et publicandi per Christianas nationes nostri huius Decreti, & facultatis omnibus Prælati ad ueniendum tribuendæ. Quo minus autem annum tempus præfiniremus mutando Concilij loco, sicut quibusdam constitutionibus alias præscriptum est, ea res fuit in causa, quod longius extrahi spem sanandæ aliqua in parte Christianæ Reip. quæ tot detrimentis, et calamitatibus affecta est, noluimus: & tamen uidemus tempora; agnoscimus difficultates; quid sperari possit ex consilijs nostris, incertum esse intelligimus. sed quia scriptum est: Reuela Domino uiam tuam, & spera in eo, & ipse faciet: magis Dei clementiæ, & misericordiæ confidere, quam nostræ imbecillitati diffidere, constituimus. sæpe enim fit in bonis operibus incipiendis, ut, quod humana consilia non ualent, diuina uirtus efficiat. Huius igitur ipsius Dei Omnipotentis Patris, & Filij, & Spiritus sancti, ac beatorum eius Apostolorum, Petri, & Pauli auctoritate, qua nos quoque in terris fungimur, freti, atque subnixi, de uenerabilium item fratrum nostrorum, S. R. E. Cardinalium consilio, & assensu sublata, amotaque suspensione, de qua supra commemoratum est, quam per præsentis tollimus, & amouemus,

sacrum



*sacrum œcumenicum & generale Concilium in ciuitate Tridentina, loco commodo, & libero, omnibusq. nationibus opportuno, ad Kalendas proximas Nou. annis præsentis ab incarnatione Domini M. D. XLII incipiendum, prosequendum, & eodem Domino adiuuante, ad ipsius gloriam, atque laudem, & Christiani totius populi salutem absolendum, perficiendumq. indicimus, annunciamus, conuocamus, statuimus, atque decernimus; omnes omnibus ex locis tam uenerabiles fratres nostros Patriarchas, Archiepiscopos, Episcopos, & dilectos filios Abbates, quam alios quoscumque, quibus iure, aut priuilegio in Concilijs generalibus residendi, & sententias in eis dicendi permissa potestas est, requirentes, hortantes, admonentes, ac nihilominus eis in ui iurisiurandi, quod nobis, & huic sanctæ Sedi præstiterunt, ac sanctæ uirtute obedientiæ, alijsq. sub pænis iure aut consuetudine in celebrationibus Conciliorum aduersus non accedentes ferri, et proponi solitis, mandantes, arcteq. præcipientes, ut ipsimet, nisi forte iusto detineantur impedimento, de quo tamen fidem facere compellantur, aut certe per suos legitimos procuratores, & nuncios sacro huic Concilio omnino adesse, & interesse debeant. Supra autem dictos, Imperatorem, Regemq. Christianissimum, necnon ceteros Reges, Duces, Principes, quorum præsentia, si alias umquam, hoc quidem tempore maxime san*

B Etissi



BVLLA INDICATIONIS

Etissimæ Christi fidei, & Christianorum omnium  
futura est salutaris, rogantes, atque obsecrantes  
per uiscera misericordiae Dei, & Domini nostri  
Iesu Christi, cuius fidei ueritas, & religio &  
intus & extra grauiter iam oppugnatur, ut si sal  
uam uolunt Christianam esse Remp. si se Domino  
obstrictos, & obligatos pro maximis illius erga  
se beneficijs intelligunt, ne deserant ipsius Dei cau  
sam, & negotium; ipsi met ad sacri Concilij ce  
lebrationem ueniant, in quo ipsorum pietas, at  
que uirtus communi utilitati, salutiq. suae, ac  
ceterorum, & temporali, & aeternæ, pluri  
mum est profutura. Sin autem, id quod nolle  
mus, accedere ipsi non poterunt; at graues sal  
tem uiros legatos cum auctoritate mittant, qui  
personam Principis sui quisque & cum pruden  
tia, & cum dignitate possint in Concilio referre.  
In primis uero ut id curent, quod ipsis facillimum  
est, ut ex suis cuiusque regnis, ac prouincijs Epi  
scopi, & Prælati sine tergiuersatione, & mora  
ad Concilium proficiscantur. quod maxime qui  
dem a Prælati, Principibusq. Germaniæ Deum  
ipsum, atque nos impetrare æquum est, ut cum  
eorum præcipue causa, ipsisq. cupientibus Con  
cilium indictum sit, & in ea ciuitate indictum,  
quæ ab eis est desiderata, non grauentur ipsi sua  
cunctorum præsentia id celebrare, & ornare; quo  
melius, atque commodius, quæ ad integritatem,  
& ueritatem Christianæ religionis, quæ ad bono  
rum



rum morum reductionem, emendationemq. malorum, quæ ad Christianorum inter se, tam Principum, quam populorum pacem, unitatem, concordiamq. pertineant, & quæ ad repellendos impetus Barbarorum & infidelium, quibus illi uniuersam Christianitatem obruere moliuntur, sint necessaria, Deo nostris consultationibus præeunte, & lumen sapientiæ suæ, ac ueritatis mentibus nostris præferente, agi in dicto sacro æcumenico Concilio, & conspirante omnium caritate consuli, tractari, confici, ad optatosq. exitus deduci quamprimum, & quamoptime possint. Atque ut nostræ hæc litteræ, & quæ in eis continentur, ad notitiam cunctorum, quorum oportet, perueniant, ne uel quis illorum ignorantia excusationem prætendat, cum præsertim etiam non ad omnes eos, quibus nominatim illæ essent intimandæ, tutus forsitan pateat accessus, uolumus, & mandamus, ut in Basilica Vaticana Principis Apostolorum, & Ecclesia Lateranensi, cum ibi multitudo populi ad audiendam rem diuinam congregari solita est, palam clara uoce per curiæ nostræ cursores, aut notarios aliquos publicos legantur, lectæq. in ualuis dictarum Ecclesiarum, itemq. Cancellariæ Apostolicæ portis, & Campi Floræ solito loco affigantur, ubi ad lectionem, & notitiam cunctorum aliquandiu expositæ pendeant: cumq. inde amoueantur, earum nihilominus exempla in eisdem locis remaneant affixa. Nos



BVLLA INDICATIONIS

enim per lectionem, publicationem, affixionemq.  
huiusmodi, omnes, & quoscumque, quos ante-  
dictæ nostræ comprehendunt, post spatium duo-  
rum mensium a die litterarum publicationis &  
affixionis, ita volumus obligatos esse, atque a-  
strictos, ac si ipsismet illæ coram lectæ, & inti-  
matae essent, transumptis quidem earum, quæ  
manu publici notarij scripta, aut subscripta, &  
sigillo personæ alicuius ecclesiasticæ, in dignitate  
constitutæ, munita fuerint, ut fides certa, & in-  
dubitata habeatur, mandamus, atque decerni-  
mus. Nulli ergo omnino hominum liceat hanc  
paginam nostræ indicationis, annunciationis, con-  
uocationis, statuti, decreti, mandati, præcepti,  
& obsecrationis infringere, uel ei ausu temerario  
contra ire. Si quis autem hoc attentare præsum-  
pserit, indignationem omnipotentis Dei, ac bea-  
torum, Petri, & Pauli, Apostolorum eius se no-  
uerit incursum. Datum Romæ, apud S. Pe-  
trum, Anno incarnationis Dominicæ.

M. D. XLII, XI. Kal. Iun. anno VIII.

Blosius

Hier. Dand.

II  
S E S S I O P R I M A

SACROSANCTI OECVMENICI,

ET GENERALIS CONCILII

TRIDENTINI,

SVB PAVLO III. PONT. MAX.

*Celebrata die XIII mensis Decemb.*

*anno Domini M. D. XLV.*

Decretum de inchoando Concilio.



PLACET ne uobis, ad laudem & gloriam sanctæ & indiuiduæ Trinitatis, Patris, & Filij, & Spiritus sancti, ad incrementum, & exaltationem fidei & religionis Christianæ, ad extirpationem hæresum, ad pacem, & unionem Ecclesiæ, ad reformationem Cleri, & populi Christiani, ad depressionem, & extinctionem hostium Christiani nominis, decernere, & declarare, sacrum Tridentinum & generale Concilium incipere, & inceptum esse? Responderunt, Placet.

B 3      Indictio



SESSIO

Indictio futuræ Sessionis.

**E**T cum proxima sit celebritas Natiuitatis Domini nostri Iesu Christi, & subsequantur aliæ festiuitates labentis & incipientis anni; placet ne uobis primam futuram Sessionem habendam esse die Iouis post Epiphaniam, quæ erit septima mensis Ian. anno Domini, M. D. XLVI?  
Responderunt; Placet.

SESSIO

cum be  
primam  
descen  
lant a  
non im  
sapient  
omnes,  
Trident  
exhorta  
commis  
ni ambul  
rationib  
sacramen  
cepta des  
rit, ad

SESSIO SECVNDA,  
 CELEBRATA DIE VII  
 MENSIS IANVARIJ,  
 M. D. XLVI.

Decretum de modo uiuendi, & aliis  
 in Concilio seruandis.

**S**ACROSANCTA Tridentina Synodus, in Spiritu sancto legitime congregata, in ea præsidentibus tribus Apostolicæ Sedis Legatis, agnoscens cum beato Iacobo<sup>1</sup> Apostolo, quod omne datum optimum, & omne donum perfectum desursum est, descendens a patre luminum, qui ijs, qui postulant a se sapientiam, dat omnibus affluenter, & non improperat eis; & simul sciens, quod initium sapientiæ est timor Domini; statuit, & decreuit, omnes, & singulos Christi fideles, in ciuitate Tridentina congregatos, exhortandos esse, prout exhortatur, ut se a malis, & peccatis hætenus commissis emendare, ac de cetero in timore Domini ambulare, & desideria carnis non perficere, orationibus instare, sæpius confiteri, Eucharistiæ sacramentum sumere, ecclesias frequentare, præcepta denique Dominica, quantum quisque poterit, adimplere, necnon quotidie pro pace Princi-

B 4 pum



pum Christianorum, & unitate Ecclesie priu-  
tim orare uelint: Episcopos uero, & quoscum-  
que alios in ordine sacerdotali constitutos, œcume-  
nicum Concilium in ea ciuitate concelebantes, ut  
assidue in Dei laudibus incumbere, hostias, lau-  
des, & preces offerre, sacrificium Missæ quoli-  
bet saltem die Dominico, in quo Deus lucem con-  
didit, & a mortuis resurrexit, ac Spiritum san-  
ctum in discipulos infudit, peragere satagant, fa-  
cientes, sicut idem Spiritus sanctus per Aposto-  
lum præcipit, obsecrationes, orationes, postulatio-  
nes, gratiarum actiones pro Sanctissimo Domino  
nostro Papa, pro Imperatore, pro Regibus, &  
ceteris, qui in sublimitate constituti sunt, & pro  
omnibus hominibus: ut quietam, & tranquillam  
uitam agamus, pace fruamur, & fidei incremen-  
tum uideamus. Præterea hortatur, ut ieiunent  
saltem singulis sextis ferijs in memoriam passio-  
nis Domini, & eleemosynas pauperibus erogent:  
in ecclesia autem cathedrali singulis quintis ferijs  
celebretur Missa de Spiritu sancto, cum læta-  
nijs, & alijs orationibus ad hoc institutis: in a-  
lijs uero ecclesijs eadem die dicantur ad minus læ-  
tanie, & orationes: tempore autem, quo sacra  
peraguntur, colloctiones, & confabulationes  
non fiant, sed ore, & animo, celebranti assisla-  
tur. Et quoniam oportet Episcopos esse irrepre-  
hensibiles, sobrios, castos, domui suæ bene præ-  
positos, hortatur etiam, ut ante omnia quilibet  
in

in me-  
borum.  
nes or-  
mensi-  
tur: E-  
& erudi-  
piti, el-  
res; ut  
tur; &  
bus non  
Sros mi-  
crofand-  
tentio sit  
per tot a-  
tatis in-  
te, can-  
mation-  
tur con-  
gandos  
rarum &  
diligente-  
mus, &  
optatum  
& confu-  
probari q-  
ore, & e-  
& patren-  
In sen-  
Concilio



in mensa seruet sobrietatem, moderationemq. ciborum. Deinde cum in eo loco sæpe otiosi sermones oriri soleant, ut in ipsorum Episcoporum mensis diuinarum scripturarum lectio admisceatur: Familiæ uero suos unusquisque instruat, & erudiat, ne sint rixosi, uinosi, impudici, cupidi, elati, blasphemæ, & uoluptatum amatores; uitia demum fugiant, & uirtutes amplectantur; & in uestitu, & cultu, & omnibus actibus honestatem præ se ferant, sicut decet ministros ministrorum Dei. Ad hæc cum huius sacrosancti Concilij præcipua cura, sollicitudo, & intentio sit, ut, propulsatis hæresum tenebris, quæ per tot annos operuerunt terram, Catholicæ ueritatis lux, Iesu Christo, qui uera lux est, annuente, candor puritasq. refulgeat; & ea, quæ reformatione egent, reformentur: ipsa Synodus hortatur omnes Catholicos hic congregatos, & congregandos, atque eos præsertim, qui sacrarum litterarum peritiam habent, ut sedula meditatione diligenter secum ipsi cogitent, quibus potissimum uis, & modis ipsius Synodi intentio dirigi, & optatum effectum sortiri possit, quo maturius, & consultius damnari damnanda, & probanda probari queant: ut per totum orbem omnes uno ore, & eadem fidei confessione glorificent Deum, & patrem Domini nostri Iesu Christi.

In sententijs uero dicendis, iuxta Toletani Concilij statutum, in loco benedictionis confidentibus



SESSIO

tibus Domini sacerdotibus, nullus debeat aut im-  
modestis uocibus perstrepere, aut tumultibus per-  
turbare; nullis etiam falsis uanisue, aut obstina-  
tis disceptationibus contendere: sed quidquid di-  
catur, sic mitissima uerborum prolatione tempe-  
retur, ut nec audientes offendantur, nec recti iu-  
dicii acies perturbato animo inflectatur.

Insuper ipsa sacra Synodus statuit, ac decre-  
uit, quod, si forte contigerit aliquos debito in lo-  
co non sedere, & sententiam, etiam sub uerbo,  
Placet, proferre, congregationibus interesse, &  
alios quoscumque actus facere, Concilio durante,  
nulli propterea praeiudicium generetur, nulliq. no-  
num ius acquiratur.

Deinde indicta fuit futura Sessio ad diem  
Iouis, quartam mensis Febr. proxime uen-  
turi.

SESSIO



14

SESSIO TERTIA,  
CELEBRATA DIE IIII  
MENSIS FEBRUARII,  
M. D. XLVI.

Decretum de symbolo fidei.



**I**N NOMINE sanctæ, & indiui-  
duæ Trinitatis, Patris, & Filii, &  
Spiritus sancti.

*Hæc sacrosancta œcumenica, & ge-  
neralis Tridentina Synodus, in Spiritu sancto le-  
gitime congregata in ea præsidentibus tribus A-  
postolicæ Sedis Legatis, magnitudinem rerum  
tractandarum considerans, præsertim earum,  
quæ duobus illis capitibus, de extirpandis hære-  
sibus, & moribus reformandis, continentur, quo-  
rum causa præcipue est congregata; agnoscens au-  
tem cum Apostolo, non esse sibi colluctationem ad-  
uersus carnem, & sanguinem, sed aduersus spi-  
ritales nequitias in cælestibus, cum eodem omnes,  
& singulos in primis hortatur, ut confortentur  
in Domino, & in potentia uirtutis eius, in omni-  
bus sumentes scutum fidei, in quo possint omnia te-  
la nequissimi ignea extinguere, atque galeam spei  
salutis accipiant, cum gladio spiritus, quod est  
uerbum Dei. Itaque ut hæc pia eius sollicitu-  
do*



S E S S I O

do principium, & progressum suum per Dei gratiam habeat, ante omnia statuit, & decernit præmittendam esse confessionem fidei, Patrum exempla in hoc secuta, qui sacratioribus Concilijs hoc scutum contra omnes hæreses in principio suarum actionum apponere consuevere: quo solo aliquando & infideles ad fidem traxerunt, hæreticos expugnarunt, & fideles confirmarunt. Quare symbolum fidei, quo sancta Romana Ecclesia utitur, tamquam principium illud, in quo omnes, qui fidem Christi profitentur, necessario conueniunt: ac fundamentum firmum, & unicum, contra quod portæ Inferi numquam præualebunt, totidem uerbis, quibus in omnibus ecclesijs legitur, exprimendum esse censuit. quod quidem eiusmodi est. C R E D O in unum Deum patrem omnipotentem, factorem cæli, & terræ, uisibilium omnium, & inuisibilium; & in unum Dominum Iesum Christum, filium Dei unigenitum, & ex patre natum ante omnia sæcula; Deum de Deo, lumen de lumine, Deum uerum de Deo uero; genitum, non factum, consubstantialem patri, per quem omnia facta sunt; qui propter nos homines, & propter nostram salutem descendit de cælis, & incarnatus est de Spiritu sancto ex Maria uirgine, & homo factus est; crucifixus etiam pro nobis sub Pontio Pilato, passus, & sepultus est; & resurrexit tertia die secundum scripturas; & ascendit in cælum, sedet



det ad dexteram patris ; & iterum uenturus est cum gloria iudicare uiuos, & mortuos ; cuius regni non erit finis : & in Spiritum sanctum Dominum , & uiuificantem, qui ex Patre, Filioq. procedit ; qui cum Patre , & Filio simul adoratur , & conglorificatur ; qui locutus est per Prophetas : & unam sanctam Catholicam , & Apostolicam Ecclesiam. Confiteor unum baptisma in remissionem peccatorum : et expecto resurrectionem mortuorum , & uitam uenturi sæculi . Amen .

Indictio futuræ Sessionis .

E A D E M sacrosancta œcumenica , & generalis Tridentina Synodus , in Spiritu sancto legitime congregata , in ea præsidentibus eisdem tribus Apostolicæ Sedis Legatis, intelligens multos Prælatos ex diuersis partibus accinctos esse itineri, nonnullos etiã in uia esse, quo huc ueniant ; cogitansq. omnia ab ipsa sacra Synodo decernenda eo maioris apud omnes existimationis , & honoris uideri posse , quo maiori fuerint , & pleniori Patrum consilio , & præsentia sancita , & corroborata, statuit, & decreuit, futuram Sessionem post præsentem celebrandam esse die Iouis , quæ subsequetur Dominicam , Latare , proxime futuram : interim tamen non differri discussionem , & examinationem eorum , quæ ipsi Synodo discutienda , & examinanda uidebuntur .

S E S S I O



SESSIO QVARTA,  
CELEBRATA DIE VIII  
MENSIS APRILIS,  
M. D. XLVI.

Decretum de canonicis scripturis.

**S**ACROSANCTA œcumenica, & generalis Tridentina Synodus, in Spiritu sancto legitime congregata, præfidentibus in ea eisdem tribus Apostolicæ Sedis Legatis, hoc sibi perpetuo ante oculos proponens, ut, sublati erroribus, puritas ipsa Euangelij in Ecclesia conseruetur; quod promissum ante per Prophetas in scripturis sanctis, Dominus noster Iesus Christus, Dei filius, proprio ore primum promulgauit; deinde per suos Apostolos, tamquam fontem omnis, & salutaris ueritatis, & morum disciplina, omni creaturæ prædicari iussit; perspiciciensq. hanc ueritatem, & disciplinam, contineri in libris scriptis, & sine scripto traditionibus, quæ ipsius Christi ore ab Apostolis acceptæ, aut ab ipsis Apostolis, Spiritu sancto dictante, quasi per manus traditæ, ad nos usque peruenerunt; orthodoxorum Patrum exempla secuta, omnes libros tam ueteris, quam noui Testamenti, cum utriusque unus Deus sit auctor;



Et or; nec non traditiones ipsas, tum ad fidem; tum ad mores pertinentes, tamquam uel oretenus a Christo, uel a Spiritu sancto dictatas, & continua successione in Ecclesia Catholica conseruatas, pari pietatis affectu, ac reuerentia suscipit, & ueneratur. Sacrorum uero librorum Indicem huic Decreto adscribendum censuit, ne cui dubitatio suboriri possit, quinam sint, qui ab ipsa Synodo suscipiuntur. sunt uero infra scripti. Testamenti ueteris, quinque Moysis, idest, Genesim, Exodus, Leuiticus, Numeri, Deuteronomium, Iosue, Iudicum, Ruth, quattuor Regum, duo Paralipomenon, Esdræ primus, & secundus, qui dicitur Neemias, Thobias, Iudith, Hester, Iob, Psalterium Dauidicum centum quinquaginta psalmorum, Parabola, Ecclesiastes, Canticum canticorum, Sapientia, Ecclesiasticus, Isaias, Hieremias cum Baruch, Ezechiel, Daniel, duodecim Prophetæ minores, idest, Osea, Ioel, Amos, Abdias, Ionas, Micheas, Naum, Abacuch, Sophonias, Aggæus, Zacharias, Malachias, duo Machabæorum, primus, & secundus. Testamenti noui, quattuor Euangelia, secundum Matthæum, Marcum, Lucam, & Ioannem. Actus Apostolorum a Luca Euangelista conscripti. quattuordecim Epistolæ Pauli Apostoli, ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum,



tum, ad Philemonem, ad Hebræos. Petri Apostoli duæ, Ioannis Apostoli tres, Iacobi Apostoli una, Iudæ Apostoli una, & Apocalypsis Ioannis Apostoli. Si quis autem libros ipsos integros cum omnibus suis partibus, prout in Ecclesia Catholica legi consueuerunt, & in ueteri uulgata latina editione habentur, pro sacris, & canonicis non susceperit; & traditiones prædictas sciens, & prudens contempserit; anathema sit. Omnes itaque intelligant, quo ordine, & uia ipsa Synodus, post iactum fidei confessionis fundamentum, sit progressura, & quibus potissimum testimonijs, ac præsijs in confirmandis dogmatibus, & instaurandis in Ecclesia moribus, sit usura.

Decretum de editione, & usu sacrorum librorum.

**I**N SVPER eadem sacrosancta Synodus considerans non parum utilitatis accedere posse Ecclesiæ Dei, si ex omnibus latinis editionibus, quæ circumferuntur, sacrorum librorum, quænam pro authentica habenda sit, innotescat; statuit, & declarat, ut hæc ipsa uetus, & uulgata editio, quæ longo tot seculorum usu in ipsa Ecclesia probata est, in publicis lectionibus, disputationibus, prædicationibus, & expositionibus pro authentica habeatur; & ut nemo illam rejicere quouis prætextu audeat, uel præsumat.

Præterea,



Præterea, ad coercenda petulantia ingenia, decernit, ut nemo suæ prudentiæ innixus, in rebus fidei, & morum ad ædificationem doctrinæ Christianæ pertinentium, sacram scripturam ad suos sensus contorquens, contra eum sensum, quæ tenuit, & tenet sancta Mater Ecclesia, cuius est iudicare de uero sensu, & interpretatione scripturarum sanctarum, aut etiam contra unanimem consensum Patrum, ipsam scripturam sacram interpretari audeat; etiam si huiusmodi interpretationes nullo umquam tempore in lucem edendæ forent. Qui contra fecerint, per Ordinarios declarentur, & pœnis a iure statutis puniantur.

Sed & impressoribus modum in hac parte, ut par est, imponere uolens, qui iam sine modo, hoc est, putantes sibi licere quidquid libet, sine licentia superiorum Ecclesiasticorum, ipsos sacræ scripturæ libros, & super illis annotationes, & expositiones quorumlibet indifferenter, sæpe tacito, sæpe etiam e mentito prælo; &, quod grauius est, sine nomine auctoris imprimunt; alibi etiam impressos libros huiusmodi temere uenales habent; decernit, & statuit, ut posthac sacra scriptura, potissimum uero hæc ipsa uetus, & uulgata editio, quam emendatissime imprimatur: nulliq. liceat imprimere, uel imprimi facere quosuis libros de rebus sacris sine nomine auctoris: neque illos in futurum uendere, aut etiam

C      apud



S E S S I O

apud se retinere, nisi primum examinati, probatiq. fuerint ab Ordinario, sub pœna anathematis, & pecuniæ in Canone Concilij nouissimi Lateranensis apposita. Et si regulares fuerint, ultra examinationem, & probationem huiusmodi, licentiam quoque a suis superioribus impetrare teneantur, recognitis per eos libris, iuxta formam suarum ordinationū. Qui autem scripto eos communicant, uel euulgant, nisi antea examinati probatiq. fuerint, eisdem pœnis subiaceant, quibus impressores. Et qui eos habuerint, uel legerint, nisi prodiderint auctorem, pro auctore habebantur. Ipsa uero huiusmodi librorum probatio in scriptis detur, atque ideo in fronte libri, uel scripti, uel impressi, authentice appareat: idq. totum, hoc est, & probatio, & examen gratis fiat, ut probanda probentur, & reprobanda improbanda. Post hæc temeritatem illam reprimere uolens, qua ad profana quæque conuertuntur, & torquentur uerba, & sententiæ sacræ scripturæ, ad scurrilia scilicet, fabulosa, uana, adulationes, detractiones, superstitiones, impias & diabolicas incantationes, diuinationes, sortes, libellos etiam famosos; mandat, & præcipit ad tollendam huiusmodi irreuerentiam, & contemptum, ne de cetero quisquam quomolibet uerba scripturæ sacræ ad hæc, & similia audeat usurpare; ut omnes huius generis homines temeratores, & uiolatores uerbi Dei, iuris,

ris, & arbitrij pœnis per Episcopos coer-  
ceantur.


Indictio futuræ Sefsionis .

Item hæc sacrosancta Synodus statuit, &  
decernit, proximam futuram Sefsionem te-  
nendam, & celebrandam esse feria quinta,  
post sacratissimum festum proximum Pen-  
tecostes .



SESSIO QUINTA,  
CELEBRATA DIE XVII  
MENSIS IUNII,  
M. D. XLVI.

Decretum de peccato originali.

T FIDES nostra Catholica, sine qua impossibile est placere Deo, purgatis erroribus, in sua sinceritate integra, & illibata permaneat; & ne populus Christianus omni uento doctrinae circumferatur; cum serpens ille antiquus, humani generis perpetuus hostis, inter plurima mala, quibus Ecclesia Dei his nostris temporibus perturbatur, etiam de peccato originali, eiusq. remedio non solum noua, sed uetera etiam dissidia excitauerit: sacrosancta œcumenica, & generalis Tridentina Synodus, in Spiritu sancto legitime congregata, praesidentibus in ea eisdem tribus Apostolicae Sedis Legatis, iam ad reuocandos errantes, & nutantes confirmandos accedere uolens, sacrarum scripturarum, & sanctorum Patrum, ac probatissimorum Conciliorum testimonia, & ipsius Ecclesiae iudicium, & consensum secuta, hæc de ipso peccato originali statuit, fatetur, ac declarat.

Si quis non confitetur, primum hominem Adam, cum mandatū Dei in Paradiso fuisset transgressus,



gressus , statim sanctitatem , & iustitiam , in qua constitutus fuerat , amisisse , incurrisseque per offensam prævaricationis huiusmodi iram , & indignationem Dei , atque ideo mortem , quam antea illi comminatus fuerat Deus , & cum morte captiuitatem sub eius potestate , qui mortis deinde habuit imperium , hoc est Diaboli , totumque Adam per illam prævaricationis offensam , secundum corpus , & animam in deterius commutatus fuisse : anathema sit .

Si quis Adæ prævaricationem sibi soli , & non eius propagini asserit nocuisse ; & acceptam a Deo sanctitatem , & iustitiam , quam perdidit , sibi soli , & non nobis etiam eum perdidisse ; aut inquinatum illum per inobedientiæ peccatum , mortem , & pœnas corporis tantum in omne genus humanum transfudisse , non autem & peccatum , quod mors est animæ : anathema sit : cum contradicat Apostolo dicenti : Per unum hominem peccatum intrauit in mundum , & per peccatum mors : & ita in omnes homines mors pertransiit , in quo omnes peccauerunt .

Si quis hoc Adæ peccatum , quod origine unum est , & propagatione , non imitatione transfusum omnibus , inest unicuique proprium , uel per humanæ naturæ uires , uel per aliud remedium asserit tolli , quam per meritum unius mediatoris Domini nostri Iesu Christi , qui nos Deo reconciliauit in sanguine suo , factus nobis iustitia , sanctifica-

C 3 tio,



S E S S I O

tio, & redemptio; aut negat ipsum Christi Iesu meritum per Baptismi sacramentum in forma Ecclesiae rite collatum, tam adultis, quam paruulis applicari: anathema sit: quia non est aliud nomen sub caelo datum hominibus, in quo oporteat nos saluos fieri. unde illa uox: Ecce agnus Dei: Ecce qui tollit peccata mundi. Et illa: Quicumque baptizati estis, Christum induistis.

Si quis paruulos recentes ab uteris matrum baptizandos negat, etiam si fuerint a baptizatis parentibus orti; aut dicit in remissionem quidem peccatorum eos baptizari, sed nihil ex Adam trahere originalis peccati, quod regenerationis lauacro necesse sit expiari ad uitam aeternam consequendam; unde fit consequens, ut in eis forma Baptismatis, in remissionem peccatorum non uera, sed falsa intelligatur: anathema sit: quoniam non aliter intelligendum est id, quod dixit Apostolus: Per unum hominem peccatum intrauit in mundum, & per peccatum mors: & ita in omnes homines mors pertransiit, in quo omnes peccauerunt: nisi quemadmodum Ecclesia Catholica ubique diffusa semper intellexit. propter hanc enim regulam fidei ex traditione Apostolorum etiam paruuli, qui nihil peccatorum in semet ipsis adhuc committere potuerunt, in remissionem peccatorum ueraciter baptizantur, ut in eis regeneratione mundetur, quod generatione contraxerunt. Nisi enim quis renatus fuerit ex aqua, et Spiritu



*Spiritu sancto, non potest introire in regnum Dei .*

*Si quis per Iesu Christi Domini nostri gratiam, quæ in Baptismate confertur, reatum originalis peccati remitti negat; aut etiam asserit non tolli totum id, quod ueram, & propriam peccati rationem habet; sed illud dicit tantum radi, aut non imputari: anathema sit. in renatis enim nihil odit Deus, quia nihil est damnationis ijs, qui uere consepulti sunt cum Christo per Baptisma in mortem: quæ non secundum carnem ambulant, sed ueterem hominem exuentes, & nouum, qui secundum Deum creatus est, induentes, innocentes, immaculati, puri, innoxij, ac Deo dilecti effecti sunt, heredes quidem Dei, coheredes autem Christi, ita ut nihil prorsus eos ab ingressu cæli remoretur. Manere autem in baptizatis concupiscentiam, uel fomitem, hæc sancta Synodus fateatur, & sentit: quæ cum ad agonem relicta sit, nocere non consentientibus, sed uiriliter per Christi Iesu gratiam repugnantibus non ualet: quinimo qui legitime certauerit, coronabitur. Hanc concupiscentiam, quam aliquando Apostolus peccatum appellat, sancta Synodus declarat Ecclesiam Catholicam numquam intellexisse peccatum appellari, quod uere, & proprie in renatis peccatum sit, sed quia ex peccato est, & ad peccatum inclinat. si quis autem contrarium senserit; anathema sit.*

*Declarat tamen hæc ipsa sancta Synodus, non*

C 4 esse



esse suæ intentionis comprehendere in hoc decreto, ubi de peccato originali agitur, beatam & immaculatam uirginem Mariam, Dei genitricem; sed obseruandas esse constitutiones felicitis recordationis Xysti Papæ quarti, sub pænis in eis constitutionibus contentis, quas innouat.

Decretum de reformatione. Cap. I.

E ADEM sacrosancta Synodus, pijs summorum Pontificum, & probatorum Conciliorum constitutionibus inherens, easque amplectens, & illis adiiciens; ne celestis ille sacrorum librorum thesaurus, quem Spiritus sanctus summa liberalitate hominibus tradidit, neglectus iaceat; statuit, et decreuit, quod in illis ecclesiis, in quibus præbenda, aut præstimonium, seu aliud quouis nomine nuncupatum stipendium pro lectoribus sacræ theologiæ deputatum reperitur, Episcopi, Archiepiscopi, Primates, et alij locorum Ordinarij eos, qui præbendam, aut præstimonium, seu stipendium huiusmodi obtinent, ad ipsius sacræ scripturæ expositionem, et interpretationem per se ipsos, si idonei fuerint, alioquin per idoneum substitutum ab ipsis Episcopis, Archiepiscopis, Primatibus, et alijs locorum Ordinarijs eligendum, etiam per subtractionem fructuum, cogant, et compellant. De cetero uero præbenda, præstimonium, aut stipendium huiusmodi non nisi personis idoneis, et quæ per se ipsos id munus expli-



explicare possint, conferantur: et aliter facta pro-  
 uisio nulla sit, et inualida. In ecclesiis autem Me-  
 tropolitanis, uel Cathedralibus, si ciuitas insi-  
 gnis, uel populosa, ac etiam in collegiatis existen-  
 tibus in aliquo insigni opido, etiam nullius. diœ-  
 cesis, si ibi Clerus numerosus fuerit, ubi nulla  
 præbenda, aut præstimonium, seu stipendium  
 huiusmodi deputatum reperitur, præbenda quo-  
 modocunque, præterquam ex causa resignatio-  
 nis, primo uacatura, cui aliud onus incompati-  
 bile iniunctum non sit, ad eum usum ipso facto per-  
 petuo constituta, & deputata intelligatur. Et  
 quatenus in ipsis ecclesiis nulla, uel non sufficiens  
 præbenda foret, Metropolitanus, uel Episcopus  
 ipse per assignationem fructuum alicuius simpli-  
 cis beneficij, eiusdem tamen debitis supportatis  
 oneribus, uel per contributionem beneficiatorum  
 suæ ciuitatis, & diœcesis, uel alias, prout com-  
 modius fieri poterit, de Capituli consilio ita pro-  
 uideat, ut ipsa sacræ scripturæ lectio habeatur,  
 ita tamen, ut quæcumque aliæ lectiones, uel con-  
 suetudine, uel quauis alia ratione institutæ, pro-  
 pter id minime prætermittantur: Ecclesiæ ue-  
 ro, quarum annui prouentus tenues fuerint, &  
 ubi tam exigua est Cleri, & populi multitudo,  
 ut theologiæ lectio in eis commode haberi non  
 possit, saltem magistrum habeant ab Episcopo cum  
 consilio Capituli eligendum, qui clericos, aliosq.  
 scholares pauperes grammaticam gratis doceat.



S E S S I O

ut deinceps ad ipsa sacra scriptura studia, annuente Deo, transire possint. ideoq. illi magistro grammatices uel alicuius simplicis beneficij fructus, quos tamdiu percipiat, quamdiu in docendo perstiterit, assignentur; dum tamen beneficium ipsum suo debito non fraudetur obsequio: uel ex capitulari, uel episcopali mensa cōdigna aliqua merces persoluatur: uel alias Episcopus ipse aliquam rationem ineat suae ecclesiae, et diœcesi accommodam, ne pia hac, utilis, atque fructuosa prouisio quouis quæsito colore negligatur. In monasterijs quoque monachorum, ubi cōmode fieri queat, etiam lectio sacrae scripturae habeatur. qua in re si Abbates negligentes fuerint, Episcopi locorum, in hoc ut Sedis Apostolicae delegati, eos ad id opportunis remedijs compellant. In conuentibus uero aliorum Regularium, in quibus studia commodè uigere possunt, sacrae scripturae lectio similiter habeatur: quae lectio a Capitulis generalibus, uel prouincialibus assignetur dignioribus magistris. In gymnasijs etiam publicis, ubi tam honorifica, et ceterorum omnium maxime necessaria lectio haëtenus instituta non fuerit, religiosissimorum Principum, ac Rerumpublicarum pietate, et caritate ad Catholicae fidei defensionem, & incrementum, sanæq. doctrinae conseruationem, et propagationem instituatur: & ubi instituta foret, & negligeretur, restituatur. Et ne sub specie pietatis impietas disseminetur; statuit eadem sancta Synodus

nodus  
publice  
ab Episcopo  
natus, et  
ribus in

D o c  
res, qui  
de pere  
ciorum  
sis, plen  
stiam  
dicatio  
puum  
dem  
piscop  
Præla  
diti non  
Christi  
pos, &  
mento,  
idoneos  
cationis  
autem  
subiaceat  
Plebani  
curam



nodus neminem ad huiusmodi lectionis officium tã publice, quam priuatim admittendũ esse, qui prius ab Episcopo loci de uita, moribus, et scientia examinatus, et approbatus nõ fuerit; quod tamẽ de lecto-ribus in Claustris monachorum non intelligatur.

## Caput I I.

**D**OCENTES uero ipsam sacram scripturam dum publice in scholis docuerint, et scholares, qui in ipsis scholis studet, priuilegijs omnibus de perceptione fructuum, præbendarum, et beneficiorum suorum in absentia a iure communi concessis, plene gaudeant, et fruantur. Quia uero Christianæ Reipublicæ non minus necessaria est prædicatio Euangelij, quam lectio, & hoc est præcipuum Episcoporum munus; statuit, et decreuit eadem sancta Synodus, omnes Episcopos, Archiepiscopos, Primates, & omnes alios ecclesiarum Prælatos teneri per se ipsos, si legitime impediti non fuerint, ad prædicandum sanctum Iesu Christi Euangelium. Si uero contigerit Episcopos, & alios prædictos legitimo detineri impedimento, iuxta formam generalis Concilij uiros idoneos assumere teneantur ad huiusmodi prædicationis officium salubriter exequendum. si quis autem hoc adimplere contempserit, districtæ subiaceat ultioni. Archipresbyteri quoque, Plebani, & quicumque parochiales, uel alias curam animarum habentes, ecclesias quocumque modo



S E S S I O

modo obtinent , per se , uel alios idoneos , si legitime impediti fuerint , diebus saltem Dominicis , & festis sollemnibus , plebes sibi commissas , pro sua , & earum capacitate pascant salutaribus uerbis , docendo ea , quæ scire omnibus necessarium est ad salutem ; annunciandoq. eis cum breuitate , & facilitate sermonis uitia , quæ eos declinare , & uirtutes , quas sectari oporteat ; ut pœnam æternam euadere , & cælestem gloriam consequi ualeant . id uero si quis eorum præstare negligat , etiam si ab Episcopi iurisdictione quauis ratione exemptum se esse prætenderet ; etiam si ecclesiæ quouis modo exemptæ dicerentur , aut alicui monasterio , etiam extra diœcesim existenti , forsan annexæ , uel unitæ , modo re ipsa in diœcesi , sine prouida pastoralis Episcoporum sollicitudo non desit , ne illud impleatur : Paruuli petierunt panem , & non erat qui frangeret eis . Itaque ubi ab Episcopo moniti trium mensium spatium muneri suo defuerint , per censuras Ecclesiasticas , seu alias ad ipsius Episcopi arbitrium cogantur , ita ut , etiam si ei sic expedire uisum fuerit , ex beneficiorum fructibus alteri , qui id præstet , honesta aliqua merces persoluatur , donec principalis ipse respiscens officium suum impleat . Si quæ uero parochiales ecclesiæ reperiantur subiectæ monasterijs in nulla diœcesi existentibus , si Abbates , & regulares Prælati in prædictis negligentes fuerint ; a Metropolitanis , in quorum prouincijs diœce-



diœceses ipsæ sitæ sunt, tamquam, quoad hoc, Sedis Apostolicæ delegatis, compellantur. neque huius Decreti executionem consuetudo, uel exemptio, aut appellatio, aut reclamatio siue recursus impedire ualeat, quousque desuper a competentis iudice, qui summarie, & sola facti ueritate inspecta procedat, cognitum, & decisum fuerit. Regulares uero cuiuscumque ordinis, nisi a suis superioribus de uita, moribus, & scientia examinati, & approbati fuerint, ac de eorum licentia, etiam in ecclesijs suorum ordinum, prædicare non possint: cum qua licentia personaliter se coram Episcopis præsentare, & ab eis benedictionem petere teneantur, antequam prædicare incipiant. In ecclesijs uero, quæ suorum ordinum non sunt, ultra licentiam suorum superiorum, etiam Episcopi licentiam habere teneantur; sine qua in ipsis ecclesijs non suorum ordinum nullo modo prædicare possint. ipsam autem licentiam gratis Episcopi concedant. Si uero, quod absit, prædicator errores, aut scandala disseminauerit in populum, etiam si in monasterio sui, uel alterius ordinis prædicet; Episcopus ei prædicationem interdicit. Quod si hæreses prædicauerit, contra eum secundum iuris dispositionem, aut loci consuetudinem procedat; etiam si prædicator ipse generali, uel speciali priuilegio exemptum se esse prætenderet. quo casu Episcopus auctoritate Apostolica, & tamquam Sedis



S E S S I O

dis Apostolicæ delegatus procedat. Curent autem Episcopi, ne quis prædicator, uel ex falsis informationibus, uel alias calumniose uexetur, instamue de eis conquerendi occasionem habeat.

Caueant præterea Episcopi, ne aliquem uel eorum, qui cum sint nomine Regulares, extra elaustrata tamen, & obedientiam religionum suarum uiuunt; uel presbyterorum sæcularium, nisi ipsis noti sint, & moribus atque doctrina probati, etiam quorumlibet priuilegiarum prætextu, in sua ciuitate, uel diœcesi prædicare permittant, donec ab ipsis Episcopis super eare sancta Sedes Apostolica consulatur; a qua priuilegia huiusmodi nisi tacita ueritate, & expresso mendacio ab indignis extorqueri uerisimile non est. Quæstores uero eleemosynarij, qui etiam quæstuarij uulgo dicuntur, cuiuscumque condicionis existât, nullo modo nec per se, nec per aliû prædicare præsumant, et contra facientes ab Episcopis, et Ordinarijs locorum, priuilegijs quibuscumque non obstantibus, opportunis remedijs omnino arceantur.

Indictio futuræ Sessionis.

Item hæc sacrosancta Synodus statuit, & decernit, primam futuram Sessionem tenendam, & celebrandam esse die Iouis, feria quinta post festum beati Iacobi Apostoli.

Prorogata deinde fuit Sessio ad diem XIII. mensis Ian. M. D. XLVII.

S E S S I O



24

S E S S I O   S E X T A ,  
C E L E B R A T A   D I E   X I I I  
M E N S I S   I A N V A R I I ,  
M . D .   X L V I I .

D E C R E T V M   D E  
I V S T I F I C A T I O N E .

Proœmium.

**C** V M hoc tempore non sine multarum  
animarum iactura, & graui ecclesia-  
sticæ unitatis detrimento, erronea quæ-  
dam disseminata sit de iustificatione do-  
ctrina: ad laudem, & gloriam omnipotentis Dei,  
Ecclesiæ tranquillitatem, & animarum salutem,  
sacrosancta œcumenica, & generalis Tridentina  
Synodus, in Spiritu sancto legitime congregata,  
præsidentibus in ea nomine Sanctissimi in Christo  
Patris, & Domini nostri, Domini Pauli diuina  
providentia Papæ tertij, Reuerendissimis Domi-  
nis, Dominis Io. Maria de Monte, Episcopo Præ-  
nestino, & Marcello tit. S. Crucis in Hierusalem  
Presbytero, sanctæ Romanæ Ecclesiæ Cardinali-  
bus, & Apostolicis de latere Legatis; exponere  
intendit omnibus Christi fidelibus ueram sanamq.  
doctrinam ipsius iustificationis, quam Sol iustitiæ  
Christus Iesus, fidei nostræ auctor, & consumma-  
tor, docuit, Apostoli tradiderunt, & Catholica  
Ecclesia



# S E S S I O

*Ecclesia, Spiritu sancto suggerente, perpetuo retinuit; districtius inhibendo, ne deinceps audeat quisquam aliter credere, prædicare, aut docere, quam præsentì Decreto statuitur, ac declaratur.*

*De naturæ, & legis ad iustificandos homines imbecillitate. Cap. I.*

*PRIMUM declarat sancta Synodus ad iustificationis doctrinam probe, & sincere intelligendam, oportere, ut unusquisque agnoscat, & fateatur, quod cum omnes homines in prævaricatione Adæ innocentiam perdidissent; facti immundi, & ut Apostolus inquit, natura filij iræ, quemadmodum in Decreto de peccato originali exposuit, usque adeo servi erant peccati, & sub potestate Diaboli ac mortis, ut non modo gentes per vim naturæ, sed ne Iudæi quidem per ipsam etiam litteram legis Moysi, inde liberari, aut surgere possent; tametsi in eis liberum arbitrium minime extinctum esset, viribus licet attenuatum, & inclinatum.*

*De dispensatione, & mysterio aduentus Christi. Cap. II.*

*QVO factum est, ut cælestis pater, pater misericordiarum, & Deus totius consolationis, Christum Iesum filium suum, & ante legem, & legis tempore multis sanctis patribus declaratum, ac promissum, cum uenit beata illa plenitudo temporis*



ris , ad homines miserit , ut & Iudæos , qui sub lege erant , redimeret ; & gentes , quæ non sectabantur iustitiam , iustitiam apprehenderent ; atque omnes adoptionem filiorum reciperent . Hunc proposuit Deus propitiatorem per fidem in sanguine ipsius pro peccatis nostris , non solum autem pro nostris , sed etiam pro totius mundi .

Qui per Christum iustificantur. Cap. III.

VERVM , etsi ille pro omnibus mortuus est , non omnes tamen mortis eius beneficium recipiunt , sed ij dumtaxat , quibus meritum passionis eius communicatur . nam sicut reuera homines nisi ex semine Adæ propagati nascerentur , non nascerentur iniusti ; cum ea propagatione , per ipsum dum concipiuntur , propriam iniustitiam contrahant : ita nisi in Christo renascerentur , numquam iustificarentur ; cum ea renascentia per meritum passionis eius gratia , qua iusti fiunt , illis tribuatur . Pro hoc beneficio Apostolus gratias nos semper agere hortatur Patri , qui dignos nos fecit in partem sortis sanctorum in lumine , & eripuit de potestate tenebrarum , transtulitq. in regnum filij dilectionis suæ : in quo habemus redemptionem , & remissionem peccatorum .

D      Insinuatur



Insinuatur descriptio iustificationis impii,  
& modus eius in statu gratiæ.

## Cap. IIII.

QVIBVS uerbis iustificationis impij descriptio insinuatur, ut sit translatio ab eo statu, in quo homo nascitur filius primi Adæ, in statum gratiæ, & adoptionis filiorum Dei per secundum Adam, Iesum Christum, saluatorem nostrum. quæ quidem translatio post Euangelium promulgatum, sine lauacro regenerationis, aut eius uoto fieri non potest: sicut scriptum est: Nisi quis renatus fuerit ex aqua, & Spiritu sancto, non potest introire in regnum Dei.

De necessitate præparationis ad iustificationem in adultis, & unde sit. Cap. V.

DECLARAT præterea, ipsius iustificationis exordium in adultis a Dei per Christum Iesum præueniente gratia sumendum esse, hoc est, ab eius uocatione, qua nullis eorum existentibus meritis uocantur; ut, qui per peccata a Deo auersi erant, per eius excitantem atque adiutantem gratiam ad conuertendum se ad suam ipsorum iustificationem, eidem gratiæ libere assentiendo, & cooperando, disponantur: ita ut tangente Deo cor hominis per Spiritus sancti illuminationem, neque homo ipse nihil omnino agat, inspirationem illam recipiens, quippe qui illam & abijcere potest: neque tamen  
sine



*sine gratia Dei mouere se ad iustitiam coram illo libera sua uoluntate possit . unde in sacris litteris cum dicitur : Conuertimini ad me, & ego conuertar ad uos : libertatis nostræ admonemur. Cum respondemus : Conuerte nos Domine ad te, & conuertemur : Dei nos gratia præueniri confitemur .*

Modus præparationis . Cap. VI.

*DISPONUNTUR autem ad ipsam iustitiã, dum excitati diuina gratia, & adiuti, fidem ex auditu concipientes, libere mouentur in Deum, credentes uera esse, quæ diuinitus reuelata, & promissa sunt : atque illud in primis, a Deo iustificari impium per gratiam eius, per redemptionem, quæ est in Christo Iesu : & dum peccatores se esse intelligentes, a diuinæ iustitiæ timore, quo utiliter concutiuntur, ad considerandam Dei misericordiam se conuertendo, in spem eriguntur, fidentes Deum sibi propter Christum propitium fore; illumq. tamquam omnis iustitiæ fontem diligere incipiunt : ac propterea mouentur aduersus peccata per odium aliquod, & detestationem ; hoc est, per eam penitentiam, quam ante Baptismum agi oportet : denique dum proponunt suscipere Baptismum, inchoare nouam uitam, & seruare diuina mandata . De hac dispositione scriptum est : Accedentem ad Deum oportet credere quia est, & quod inquirentibus se remunerator sit . Et, Confide fili, remittuntur tibi peccata tua . Et, Timor Domini ex-*

D 2 pellit



S E S S I O

pellit peccatum. Et, Penitentiam agite, & baptizetur unusquisque uestrum, in nomine Iesu Christi in remissionem peccatorum uestrorum, & accipietis donum Spiritus sancti. Et, Eunt es ergo docete omnes gentes, baptizantes eos in nomine Patris, & Filij, & Spiritus sancti, docentes eos seruare quaecumque mandau i uobis. Denique, Præparate corda uestra Domino.

Quid sit iustificatio impij, & quæ eius causæ. Cap. VII.

HANC dispositionem seu præparationem iustificationis ipsa consequitur; quæ non est sola peccatorum remissio, sed & sanctificatio, & renouatio interioris hominis per uoluntariam susceptionem gratiæ, & donorum. unde homo ex iniusto fit iustus, & ex inimico amicus, ut sit heres secundum spem uitæ æternæ. Huius iustificationis causæ sunt, finalis quidem, gloria Dei, & Christi, ac uita æterna: efficiens uero, misericors Deus, qui gratuito abluit, & sanctificat, signans, & ungens spiritu promissionis sancto; qui est pignus hereditatis nostræ: meritoria autem, dilectissimus unigenitus suus, Dominus noster, Iesus Christus: qui cum essemus inimici, propter nimiam caritatem, qua dilexit nos, sua sanctissima passione in ligno crucis nobis iustificationem meruit, & pro nobis Deo patri satisfecit: instrumentalis item, sacramentum Baptismi: quod est sacramentum fidei,  
sine



sine qua nulli umquam contigit iustificatio: demum  
 unica formalis causa est iustitia Dei; non qua ip-  
 se iustus est, sed qua nos iustos facit; qua uidelicet  
 ab eo donati, renouamur spiritu mentis nostræ; et  
 non modo reputamur, sed uere iusti nominamur,  
 et sumus, iustitiam in nobis recipientes unusquis-  
 que suam secundum mensuram, quam Spiritus  
 sanctus partitur singulis prout uult, & secundum  
 propriam cuiusque dispositionem, & cooperatio-  
 nem. quamquam enim nemo possit esse iustus, nisi  
 cui merita passionis Domini nostri Iesu Christi com-  
 municantur: id tamen in hac impij iustificatione  
 fit, dum eiusdem sanctissimæ passionis merito per  
 Spiritum sanctum caritas Dei diffunditur in cordi-  
 bus eorum, qui iustificantur, atque ipsis inheret.  
 unde in ipsa iustificatione cum remissione peccato-  
 rum hæc omnia simul infusa accipit homo per Ie-  
 sum Christum, cui inseritur, fidem, spem, & ca-  
 ritatem. nam fides, nisi ad eam spes accedat, &  
 caritas; neque unit perfecte cum Christo, neque  
 corporis eius uiuum membrum efficit. quæ ratione  
 uerissime dicitur, Fidem sine operibus mortuam,  
 & otiosam esse. Et, In Christo Iesu neque circum-  
 cisionem aliquid ualere, neque præputium; sed fi-  
 dem, quæ per caritatem operatur. Hanc fidem an-  
 te Baptismi sacramentum ex Apostolorum tradi-  
 tione cathecumeni ab Ecclesia petunt, cum petunt  
 fidem, uitam æternam præstantem; quam sine spe,  
 & caritate fides præstare non potest. unde & sta-



S E S S I O

*tim uerbum Christi audiunt : Si uis ad uitam ingredi , serua mandata . Itaque ueram , & Christianam iustitiam accipientes , eam ceu primam stolam pro illa , quam Adam sua inobedientia sibi , & nobis perdidit , per Christum Iesum illis donatam , candidam , & immaculatam iubentur statim renati conseruare , ut eam perferant ante tribunal Domini nostri Iesu Christi , & habeant uitam æternam .*

*Quo modo intelligatur , impium per fidem , & gratis iustificari . Cap. VIII.*

*CUM uero Apostolus dicit , iustificari hominem per fidem , & gratis ; ea uerba in eo sensu intelligenda sunt , quem perpetuus Ecclesiæ Catholice consensus tenuit , & expressit ; ut scilicet per fidem ideo iustificari dicamur , quia fides est humanæ salutis initium , fundamentum , & radix omnis iustificationis : sine qua impossibile est placere Deo , & ad filiorum eius consortium peruenire : Gratis autem iustificari ideo dicamur , quia nihil eorum , quæ iustificationem præcedunt , siue fides , siue opera , ipsam iustificationis gratiam promeretur . si enim gratia est , iam non ex operibus : alioquin , ut idem Apostolus inquit , gratia iam non est gratia .*

*Contra*



## Contra inanem hæreticorum fiduciam.

## Cap. IX.

QVAMVIS autem necessarium sit credere, neque remitti, neque remissa umquam fuisse peccata, nisi gratis diuina misericordia propter Christum: nemini tamen, fiduciam, & certitudinem remissionis peccatorum suorum iactanti, & in ea sola quiescenti, peccata dimitti, uel dimissa esse dicendum est; cum apud hæreticos, & schismaticos possit esse, immo nostra tempestate sit, & magna contra Ecclesiam Catholicam contentione prædicetur uana hæc ab omni pietate remota fiducia. Sed neque illud asserendum est, oportere eos, qui uere iustificati sunt, absque ulla omnino dubitatione apud semet ipsos statuere se esse iustificatis, omnemq. a peccatis absolui, ac iustificari, nisi eum, qui certo credat se absolutum, & iustificatum esse; atque hac sola fide absolutionem, & iustificationem perfici; quasi qui hoc non credit, de Dei promissis, deq. mortis, & resurrectionis Christi efficacia dubitet. nam sicut nemo pius de Dei misericordia, de Christi merito, deq. Sacramentorum uirtute, & efficacia dubitare debet: sic quilibet, dum se ipsum, suamq. propriam infirmitatem, & indispositionem respicit, de sua gratia formidare, & timere potest; cum nullus scire ualeat certitudine fidei, cui non potest subesse falsum, se gratiam Dei esse consecutum.

D 4

D8



## De acceptæ iustificationis incremento. Cap. X.

SIC ergo iustificati, & amici Dei, ac domestici facti, eunt de uirtute in uirtutem, renouantur, ut Apostolus inquit, de die in diem: hoc est mortificando membra carnis suæ, & exhibendo ea arma iustitiæ in sanctificationem, per observationem mandatorum Dei, & Ecclesiæ, in ipsa iustitia per Christi gratiam accepta, cooperante fide bonis operibus, crescunt, atque magis iustificantur; sicut scriptum est: Qui iustus est, iustificetur adhuc. Et iterum: Ne uerearis usque ad mortem iustificari. Et rursus: Videtis quoniam ex operibus iustificatur homo, & non ex fide tantum. Hoc uero iustitiæ incrementum petit sancta Ecclesia, cum orat: Da nobis Domine fidei, spei, & caritatis augmentum.

## De obseruatione mandatorum, deq. illius necessitate, &amp; possibilitate. Cap. XI.

NEMO autem, quantumuis iustificatus, liberum se esse ab obseruatione mandatorum putare debet: nemo temeraria illa, & a patribus sub anathemate prohibita uoce uti, Dei præcepta homini iustificato ad obseruandum esse impossibilia. nam Deus impossibilia non iubet, sed iubendo monet, & facere quod possis, & petere quod non possis, & adiuvat, ut possis. Cuius mandata gra-  
uia



uia non sunt ; cuius iugum suaue est , & onus leue . qui enim sunt filij Dei , Christum diligunt : qui autem diligunt eum , ut ipsemet testatur , seruant sermones eius . quod utique cum diuino auxilio præstare possunt . licet enim in hac mortali uita quantumuis sancti , & iusti in leuia saltem , & quotidiana , quæ etiam uenialia dicuntur , peccata quandoque cadant , non propterea desinunt esse iusti . nam iustorum illa uox est & humilis , & uerax : Dimitte nobis debita nostra . quo fit , ut iusti ipsi eo magis se obligatos ad ambulandum in uia iustitiæ sentire debeant , quo liberati iam a peccato , serui autem facti Deo , sobrie , iuste , & pie uiuentes proficere possunt per Christum Iesum , per quem accessum habuerunt in gratiam istam . Deus namque sua gratia semel iustificatos non deserit , nisi ab eis prius deseratur . Itaque nemo sibi in sola fide blandiri debet , putans fide sola se heredem esse constitutum , hereditatemq. consecuturum , etiam si Christo non compatiatur , ut & conglorificetur . nam & Christus ipse , ut inquit Apostolus , cum esset filius Dei , didicit ex ijs , quæ passus est , obedientiam ; & consummatus , factus est omnibus , obtemperantibus sibi , causa salutis æternæ . Propterea Apostolus ipse monet iustificatos dicens : Nescitis , quod ij , qui in stadio currunt , omnes quidem currunt , sed unus accipit brauium : sic currite , ut comprehendatis . Ego igitur sic curro , non quasi in incertum : sic pugno ,  
non



S E S S I O

non quasi aerem uerberans, sed castigo corpus meum, & in seruitutem redigo: ne forte, cum alijs prædicauerim, ipse reprobus efficiar. Item princeps Apostolorum Petrus: Satagite, ut per bona opera certam uestram uocationem, & electionem faciatis. hæc enim facientes, non peccabitis aliquando. Vnde constat eos orthodoxæ religionis doctrinæ aduersari, qui dicunt, iustum in omni bono opere saltem uenialiter peccare, aut, quod intolerabilius est, pœnas æternas mereri: atque etiam eos, qui statuunt, in omnibus operibus iustos peccare, si in illis suam ipsorum socordiam excitando, & sese ad currendum in stadio cohortando, cum hoc, ut in primis glorificetur Deus, mercedem quoque intuentur æternam; cum scriptum sit: Inclinaui cor meum ad faciendas iustificationes tuas propter retributionem; & de Mose dicat Apostolus, quod respiciebat in remuneratione.

Prædestinationis temerariam præsumptionem cauendam esse. Cap. XII.

NEMO quoque quandiu in hac mortalitate uiuitur, de arcano diuinæ prædestinationis mysterio usque adeo præsumere debet, ut certo statuatur se omnino esse in numero prædestinatorum: quasi uerum esset, quod iustificatus aut amplius peccare non possit, aut si peccauerit, certam sibi resipiscentiam promittere debeat. nam nisi ex speciali



ciali reuelatione sciri non potest, quod Deus sibi elegerit.

De perseverantiæ munere. Cap. XIII.

SIMILITER de perseverantiæ munere, de quo scriptum est: Qui perseverauerit usque in finem, hic saluus erit: quod quidem aliunde haberi non potest, nisi ab eo, qui potens est eum, qui stat, statuere, ut perseveranter stet, et eum, qui cadit, restituere: nemo sibi certi aliquid absoluta certitudine polliceatur: tametsi in Dei auxilio firmissimam spem collocare, & reponere omnes debent. Deus enim, nisi ipsi illius gratiæ defuerint, sicut cæpit opus bonum, ita perficiet, operans uelle, & perficere. Verum tamen qui se existimant stare, uideant ne cadant, & cum timore, ac tremore salutem suam operentur in laboribus, in uigilijs, in elemosynis, in orationibus, & oblationibus, in ieiunijs, & castitate. formidare enim debent, scientes quod in spem gloriæ, & nondum in gloria renati sunt, de pugna, quæ superest cum carne, cum mundo, cum Diabolo: in qua uictores esse non possunt, nisi cum Dei gratia Apostolo obtemperent, dicenti: Debitores sumus non carni, ut secundum carnem uiuamus: si enim secundum carnem uixeritis, moriemini: si autem spiritu facta carnis mortificaueritis, uiuetis.

De



S E S S I O

De lapsis, & eorum reparatione.

Cap. XIII.

QVI uero ab accepta iustificationis gratia per peccatum exciderunt, rursus iustificari poterunt, cum, excitante Deo per penitentiae Sacramentum, merito Christi amissam gratiam recuperare procurauerint. *h*ic enim iustificationis modus est lapsi reformatio, quam secundam post naufragium deperditae gratiae tabulam sancti Patres apte nuncuparunt. Etenim pro ijs, qui post Baptismum in peccata labuntur, Christus Iesus Sacramentum instituit penitentiae, cum dixit: Accipite Spiritum sanctum: quorum remiseritis peccata, remittuntur eis: & quorum retinueritis, retenta sunt. Vnde docendum est, Christiani hominis penitentiam post lapsum multo aliam esse a baptismali; eaq. contineri non modo cessationem a peccatis, & eorum detestationem, aut cor contritum, & humiliatum, uerum etiam eorundem sacramentalem confessionem saltem in uoto, & suo tempore faciendam, & sacerdotalem absolutionem: itemq. satisfactionem per ieiunia, eleemosynas, orationes, & alia pia spiritualis uitae exercitia: non quidem pro poena aeterna, quae uel Sacramento, uel Sacramenti uoto una cum culpa remittitur, sed pro poena temporali: quae, ut sacrae litterae docent, non tota semper, ut in Baptismo fit, dimittitur illis, qui gratiae Dei, quam  
accepe-



acceperunt , ingrati Spiritum sanctum contrista-  
uerunt , & templum Dei uiolare non sunt ueri-  
ti . De qua penitentia scriptum est : Memor esto  
unde excideris : age penitentiam , & prima ope-  
ra fac . Et iterum : Quae secundum Deum tristitia  
est , penitentiam in salutem stabilem operatur .  
Et rursus : Penitentiam agite , & facite fructus  
dignos penitentiae .

Quolibet mortali peccato amitti gratiam ,  
sed non fidem . Cap. XV.

ADVERSUS etiam hominum quorundam  
callida ingenia , qui per dulces sermones , & bene-  
dictiones seducunt corda innocentium , asseren-  
dum est , non modo infidelitate , per quam & ipsa  
fides amittitur , sed etiam quocumque alio mortali  
peccato , quamuis non amittatur fides , accep-  
tam iustificationis gratiam amitti ; diuinæ legis  
doctrinam defendendo , quæ a regno Dei non so-  
lum infideles excludit , sed & fideles quoque  
fornicarios , adulteros , molles , masculorum con-  
cubitores , fures , auaros , ebriosos , maledicos ,  
rapaces , ceterosq. omnes , qui letalia commit-  
tunt peccata ; a quibus cum diuinæ gratiæ adiu-  
mento abstinere possunt , & pro quibus a Christi  
gratia separantur .

De



# S E S S I O

De fructu iustificationis, hoc est, de merito bonorum operum, deq. ipsius meriti ratione. Cap. XVI.

H A C igitur ratione iustificatis hominibus, siue acceptam gratiam perpetuo conseruauerint, siue amissam recuperauerint, proponenda sunt Apostoli uerba: Abundate in omni opere bono, scientes quod labor uester non est inanis in Domino. non enim iniustus est Deus, ut obliuiscatur operis uestri, & dilectionis, quam ostendistis in nomine ipsius. Et, Nolite amittere confidentiam uestram, quæ magnam habet remunerationem. Atque ideo bene operantibus usque in finem, & in Deo sperantibus proponenda est uita æterna, & tamquam gratia filiis Dei per Christum Iesum misericorditer promissa; & tamquam merces, ex ipsius Dei promissione bonis ipsorum operibus, & meritis fideliter reddenda. hæc est enim illa corona iustitiæ, quam post suum certamen, & cursum repositam sibi esse aiebat Apostolus a iusto iudice sibi reddendam, non solum autem sibi, sed, & omnibus, qui diligunt aduentum eius. cum enim ille ipse Christus Iesus tamquam caput in membra, & tamquam uitis in palmites, in ipsos iustificatos ingiter uirtutem influat, quæ uirtus bona eorum opera semper antecedit, & comitatur, & subsequitur; & sine qua nullo pacto Deo grata, & meritoria esse possent: nihil ipsis iustifi-



inſtitutis amplius deeſſe credendum eſt, quo mi-  
nus plene illis quidem operibus, quæ in Deo ſunt  
facta, diuinæ legi pro huius uitæ ſtatu ſatiſfecisse,  
& uitam æternam ſuo etiam tempore, ſi tamen in  
gratia deceſſerint, conſequendam, uere prome-  
ruiſſe cenſeantur: cum Chriſtus Saluator noſter  
dicat: Si quis biberit ex aqua, quam ego dabo ei,  
non ſitiet in æternum: ſed fiet in eo fons aquæ ſa-  
lientis in uitam æternam. Ita neque propria no-  
ſtra iuſtitia, tamquam ex nobis propria ſtatuitur:  
neque ignoratur, aut repudiatur iuſtitia Dei. quæ  
enim iuſtitia noſtra dicitur, quia per eam nobis in-  
herentem iuſtificamur: illa eadem Dei eſt, quia a  
Deo nobis infunditur per Chriſti meritum. Ne-  
que uero illud omittendum eſt, quod licet bonis o-  
peribus in ſacris litteris uſque adeo tribuatur, ut  
etiam qui uni ex minimis ſuis potum aquæ frigi-  
dæ dederit, promittat Chriſtus eum non eſſe ſua  
mercede cariturum: & Apoſtolus teſtetur, id  
quod in præſenti eſt momentaneum, & leue tribu-  
lationis noſtræ, ſupra modum in ſublimitate æter-  
num gloriæ pondus: operari in nobis: abſit tamen,  
ut Chriſtianus homo in ſe ipſo uel confidat, uel glo-  
rietur, & non in Domino: cuius tanta eſt erga o-  
mnes homines bonitas, ut eorum uelit eſſe meri-  
ta, quæ ſunt ipſius dona. Et quia in multis offen-  
dimus omnes, unusquiſque ſicut miſericordiam,  
& bonitatem, ita ſeueritatem, & iudicium ante  
oculos habere debet, neque ſe ipſum aliquis, etiam  
ſi nihil



# S E S S I O

*Si nihil sibi conscius fuerit, iudicare: quoniam omnis hominum uita non humano iudicio examinanda, & iudicanda est, sed Dei: qui illuminabit abscondita tenebrarum, & manifestabit consilia cordium: & tunc laus erit unicuique a Deo, qui, ut scriptum est, reddet unicuique secundum opera sua.*

*Post hanc catholicam de iustificatione doctrinam, quam nisi quisque fideliter firmiterque receperit, iustificari non poterit; placuit sanctæ Synodo hos canones subiungere: ut omnes sciant non solum quid tenere, & sequi, sed etiam quid uitare, & fugere debeant.*

## D E I U S T I F I C A T I O N E C A N O N I.

*Si quis dixerit, hominem suis operibus, quæ uel per humanæ naturæ uires, uel per legis doctrinam fiant, absque diuina per Iesum Christum gratia posse iustificari coram Deo; anathema sit.*

## C A N O N II.

*Si quis dixerit, ad hoc solum diuinam gratiã per Christum Iesum dari, ut facilius homo iuste uiuere, ac uitam æternam promereri possit; quasi per liberum arbitrium sine gratia utrumque, sed ægre tamen, & difficulter possit; anathema sit.*

CANON



## C A N O N III.

*SI quis dixerit, sine praeueniente Spiritus sancti inspiratione, atque eius adiutorio, hominem credere, sperare, diligere, aut penitere posse sicut oportet, ut ei iustificationis gratia conferatur; anathema sit.*

## C A N O N IIII.

*SI quis dixerit, liberum hominis arbitrium a Deo motum, & excitatum nihil cooperari assentiendo Deo excitanti atque uocanti, quo ad obtinendam iustificationis gratiam se disponat, ac praepararet, neque posse dissentire si uelit, sed uelut inanime quoddam nihil omnino agere, mereque passivae se habere; anathema sit.*

## C A N O N V.

*SI quis liberum hominis arbitrium post Adae peccatum amissum, & extinctum esse dixerit, aut rem esse de solo titulo, immo titulum sine re, signatum denique a satana inuectum in Ecclesiam; anathema sit.*

## C A N O N VI.

*SI quis dixerit, non esse in potestate hominis, vias suas malas facere, sed mala opera ita, ut bona, Deum operari, non permissivae solum, sed etiam proprie, & per se, adeo ut sit proprium eius opus non minus proditio Iudae, quam uocatio Pauli; anathema sit.*

E

SI



S E S S I O  
C A N O N VII.

*SI quis dixerit, opera omnia, quæ ante iustificationem fiunt, quacumque ratione facta sint, uere esse peccata, uel odium Dei mereri, aut, quanto uehementius quis nititur se disponere ad gratiam, tanto eum grauius peccare, anathema sit.*

C A N O N VIII.

*SI quis dixerit gehennæ metum, per quem ad misericordiam Dei de peccatis dolendo confugimus, uel a peccando abstinemus, peccatum esse, aut peccatores peiores facere; anathema sit.*

C A N O N IX.

*SI quis dixerit, sola fide impium iustificari, ita ut intelligat nihil aliud requiri, quod ad iustificationis gratiam consequendam cooperetur, & nulla ex parte necesse esse eum suæ uoluntatis motu præparari, atque disponi; anathema sit.*

C A N O N X.

*SI quis dixerit, homines sine Christi iustitia, per quam nobis meruit, iustificari, aut per eam ipsam formaliter iustos esse; anathema sit.*

C A N O N XI.

*SI quis dixerit, homines iustificari uel sola imputatione iustitiæ Christi, uel sola peccatorum remissione,*



missione, exclusa gratia, & caritate, quæ in cordibus eorum per Spiritum sanctum diffundatur, atque illis inhæreat, aut etiam gratiam, qua iustificamur, esse tantum fauorem Dei; anathema sit.

## C A N O N    X I I .

SI quis dixerit, fidē iustificantem nihil aliud esse, quam fiduciam diuinæ misericordiæ peccata remittentis propter Christum, uel eam fiduciam solam esse, qua iustificamur; anathema sit.

## C A N O N    X I I I .

SI quis dixerit, omni homini ad remissionem peccatorum assequendam necessarium esse, ut credat certo, & absque ulla hæsitazione propriæ infirmitatis & indispositionis, peccata sibi esse remissa; anathema sit.

## C A N O N    X I I I I .

SI quis dixerit, hominem a peccatis absolui, ac iustificari ex eo quod se absolui, ac iustificari certo credat; aut neminem uere esse iustificatum nisi qui credat se esse iustificatum; & hac sola fide absolutionem, & iustificationem perfici; anathema sit.

## C A N O N    X V .

SI quis dixerit, hominem renatum, et iustificatum teneri ex fide ad credendum, se certo esse in numero prædestinatorum; anathema sit.



S E S S I O

C A N O N   X V I .

*S I quis magnum illud usque in finem perseuerantiae donum se certo habiturum absoluta, & infallibili certitudine dixerit, nisi hoc speciali reuelatione didicerit; anathema sit .*

C A N O N   X V I I .

*S I quis iustificationis gratia non nisi praedestinitis ad uitam contingere dixerit; reliquos uero omnes, qui uocantur, uocari quidem, sed gratiam non accipere, utpote diuina potestate praedestinos ad malum; anathema sit .*

C A N O N   X V I I I .

*S I quis dixerit, Dei praecepta homini etiam iustificato, & sub gratia constituto esse ad obseruandum impossibilia; anathema sit .*

C A N O N   X I X .

*S I quis dixerit, nihil praeceptum esse in Euangelio praeter fidem, cetera esse indifferentia, neque praecepta, neque prohibita, sed libera; aut decem praecepta nihil pertinere ad Christianos; anathema sit .*

C A N O N   X X .

*S I quis hominem iustificatum, & quantumlibet perfectum dixerit non teneri ad obseruantiam  
man -*



mandatorum Dei, & Ecclesiae, sed tantum ad credendum; quasi uero Euangelium sit nuda, & absoluta promissio uitæ æternæ sine conditione observationis mandatorum; anathema sit.

## C A N O N   X X I .

SI quis dixerit, Christum Iesum a Deo hominibus datum fuisse ut redemptorem, cui fidant, non etiam ut legislatorem, cui obediant; anathema sit.

## C A N O N   X X I I .

SI quis dixerit, iustificatum uel sine speciali auxilio Dei in accepta iustitia perseuerare posse, uel cum eo non posse; anathema sit.

## C A N O N   X X I I I .

SI quis hominem semel iustificatum dixerit amplius peccare non posse, neque gratiam amittere, atque ideo eum, qui labitur, & peccat, numquã uere fuisse iustificatum, aut contra, posse in tota uita peccata omnia, etiam uenialia, uitare, nisi ex speciali Dei priuilegio, quemadmodum de beata Virgine tenet Ecclesia; anathema sit.

## C A N O N   X X I I I I .

SI quis dixerit, iustitiam acceptam non conseruari, atque etiam non augeri coram Deo per bona opera; sed opera ipsa fructus solummodo, & signa esse iustificationis adeptæ, non autem ipsius augen-

E 3 dæ



de causam; anathema sit.

## C A N O N    X X V .

*S I quis in quolibet bono opere iustum saltem uenialiter peccare dixerit, aut, quod intolerabilius est, mortaliter, atque ideo pœnas æternas mereri: tantumq. ob id non damnari, quia Deus ea opera non imputet ad damnationem; anathema sit.*

## C A N O N    X X V I .

*S I quis dixerit, iustos non debere pro bonis operibus, quæ in Deo fuerint facta, expectare, sperare æternam retributionem a Deo per eius misericordiam, & Iesu Christi meritum, si bene agendo, & diuina mandata custodiendo usque in finem perseverauerint; anathema sit.*

## C A N O N    X X V I I .

*S I quis dixerit, nullum esse mortale peccatum, nisi infidelitatis, aut nullo alio, quantumuis graui, & enormi, præterquam infidelitatis peccato, semel acceptam gratiam amitti; anathema sit.*

## C A N O N    X X V I I I .

*S I quis dixerit, amissa per peccatum gratia, simul & fidem semper amitti; aut fidem, quæ remanet, non esse ueram fidem, licet non sit uiua; aut eum, qui fidem sine caritate habet, non esse Christianum; anathema sit.*



## C A N O N    X X I X .

*Si quis dixerit, eum, qui post Baptismum lapsus est, non posse per Dei gratiam resurgere; aut posse quidem, sed sola fide amissam iustitiam recuperare sine Sacramento penitentiae, prout sancta Romana, & uniuersalis Ecclesia a Christo domino, & eius Apostolis edocta, hucusque professa est, seruauit, & docuit; anathema sit.*

## C A N O N    X X X .

*Si quis post acceptam iustificationis gratiam cuilibet peccatori penitenti ita culpam remitti, et reatum aeternae poenae deleri dixerit, ut nullus remaneat reatus poenae temporalis exoluendae uel in hoc saeculo, uel in futuro in Purgatorio, antequam ad regna caelorum aditus patere possit; anathema sit.*

## C A N O N    X X X I .

*Si quis dixerit, iustificatum peccare, dum intuitu aeternae mercedis bene operatur; anathema sit.*

## C A N O N    X X X I I .

*Si quis dixerit, hominis iustificati bona opera ita esse dona Dei, ut non sint etiam bona ipsius iustificati merita; aut ipsum iustificatum bonis operibus, quae ab eo per Dei gratiam, & Iesu Christi meritum, cuius uiuum membrum est, fiunt, non uere mereri incrementum gratiae, uitam aeternam,*

E 4 &amp;



S E S S I O

Et ipsius uitæ æternæ, sitamen in gratia decesserit, consecutionem, atque etiam gloriæ augmentum; anathema sit.

C A N O N XXXIII.

Si quis dixerit, per hanc doctrinam Catholicā de iustificatione a sancta Synodo hoc presenti Decreto expressam, aliqua ex parte gloriæ Dei, uel meritis Iesu Christi, Domini nostri, derogari, & non potius ueritatem fidei nostræ, Dei denique, ac Christi Iesu gloriam illustrari; anathema sit.

Decretum de Reformatione. Cap. I.

EADDEM sacrosancta Synodus, eisdem Præsidentibus, & Apostolicæ Sedis Legatis, ad restituendam collapsam admodum Ecclesiasticam disciplinam, deprauatosq. in Clero, & populo Christiano mores emendandos se accingere uolens, ab ijs, qui maioribus ecclesiis præsunt, initium censuit esse sumendum. integritas enim præsidentium salus est subditorum. Confidens itaque per Domini, ac Dei nostri misericordiam, prouidamq. ipsius Dei in terris Vicarij solertiam omnino futurū, ut ad ecclesiarum regimen, onus quippe angelicis humeris formidandum, qui maxime digni fuerint, quorumq. prior uita, ac omnis ætas, a puerilibus exordijs usque ad perfectiores annos per disciplinæ stipendia ecclesiasticæ laudabiliter acta, testimonium præbeat; secundum uenerabiles beatorum Patrum



*Patrum sanctiones assumantur: omnes patriarchalibus, primatialibus, metropolitanis, & cathedralibus ecclesiis quibuscunque quouis nomine, ac titulo praefectos monet, ac monitos esse uult, ut attendentes sibi, & uniuerso gregi, in quo Spiritus sanctus posuit eos regere Ecclesiam Dei, quam acquisiuit sanguine suo, uigilent, sicut Apostolus praecipit, in omnibus laborent, & ministerium suum impleant: implere autem illud se nequaquam posse sciant, si greges sibi commissos mercenariorum more deferant; atque ouium suarum, quarum sanguis de eorum est manibus a supremo iudice requirendus, custodiam minime incumbant: cum certissimum sit non admitti pastoris excusationem, si licet oves comedit, & pastor nescit. Ac nihilominus quia nonnulli, quod uehementer dolendum est, hoc tempore reperiuntur, qui propriae etiam salutis immemores, terrenaq. caelestibus, ac diuinis humana praefidentes, in diuersis curijs uagantur, aut in negotiorum temporalium sollicitudine, ouili derelicto, atque ouium sibi commissarum cura neglecta, se detinent occupatos: placuit sacrosanctae Synodo antiquos canones, qui temporum, atque hominum iniuria pene in dissuetudinem abiierunt, aduersus non residentes promulgatos innovare; quemadmodum uirtute praesentis Decreti innouat: ac ulterius pro firmiori eorundem residentia, & reformandis in Ecclesia moribus, in hunc, qui sequitur, modum statuere, atque sancire.*

*Si quis*



S E S S I O

Si quis a patriarchali, primatiali, metropolitana, seu cathedralli ecclesia sibi quocumque titulo, causa, nomine, seu iure commissa, quacumque ille dignitate, gradu, & præeminentia præfulgeat, legitimo impedimento, & seu iustis, et rationalibus causis cessantibus, sex mensibus continuis extra suam diæcesim morando absuerit: quartæ partis fructuum unius anni, fabricæ ecclesiæ, & pauperibus loci per superiorem ecclesiasticum applicandorum, pœnam ipso iure incurrat. Quod si per alios sex menses in huiusmodi absentia perseuerauerit; aliâ quartâ partem fructuum similiter applicandâ eo ipso amittat. Crescente uero cõtumacia, ut seueriori sacrorum canonum censuræ subijciatur, Metropolitanus Suffraganeos Episcopos absentes, Metropolitanum uero absentem Suffraganeus Episcopus antiquior residens, sub pœna interdicti ingressus ecclesiæ eo ipso incurrenda, infra tres menses per litteras, seu nuncium Romano Pontifici denunciare teneatur: qui in ipsos absentes, prout cuiusque maior, aut minor contumacia exegerit, suæ supremæ Sedis auctoritate animaduertere, & ecclesiis ipsis de Pastoribus utilioribus providere poterit, sicut in Domino nouerit salubriter expedire.

Caput II.

EPISCOPIS inferiores, quævis beneficia ecclesiastica personalem residentiam de iure, siue consuetudine exigentia, in titulum, siue commendam



dam obtinentes , ab eorum Ordinarijs , quemadmodum eis pro bono ecclesiarum regimine , & diuini cultus augmento , locorum , & personarum qualitate pensata , expediens uidebitur , opportunitis iuris remedijs residere cogantur : nulliq. priuilegia , seu indulta perpetua de non residendo , aut de fructibus in absentia percipiendis , suffragentur . Indulgentijs uero , & dispensationibus temporalibus , ex ueris , et rationalibus causis tantum concessis , & coram Ordinario legitime probandis , in suo robore permansuris , quibus casibus nihilominus officium sit Episcoporum , tamquam in hac parte a Sede Apostolica delegatorum , prouidere , ut per deputationem idoneorum Vicariorum , & congrue portionis fructuum assignationem , cura animarum nullatenus negligatur ; nemini , quoad hoc , priuilegio , seu exemptione quacumque suffragante .

## Caput III.

ECCLESIA RVM Prælati ad corrigendum subditorum excessus prudenter , ac diligenter intendant . Et nemo secularis clericus cuiusuis personalis , uel regularis , extra monasterium degens , etiam sui ordinis priuilegij prætextu , tutus censeatur , quominus , si deliquerit , ab Ordinario loci , tamquam super hoc a Sede Apostolica delegato , secundum canonicas sanctiones uisitari , puniri , & corrigi ualeat .

Caput



SESSIO

Caput IIII.

**C**APITVL A cathedralium, & aliarum maiorum ecclesiarum, illorumq. personæ, nullis exemptionibus, consuetudinibus, sententijs, iuramentis, cōcordijs, quæ tantum suos obligent auctores, non etiam successores, tueri se possint, quominus a suis Episcopis, & alijs maioribus Prælati per se ipsos solos, uel illis, quibus sibi uidebitur, adiunctis, iuxta canonicas sanctiones, toties, quoties opus fuerit, uisitari, corrigi, & emendari, etiam auctoritate Apostolica, possint, & ualeant.

Caput V.

**N**VLLI Episcopo liceat cuiusuis priuilegij prætextu pontificalia in alterius diœcesi exercere, nisi de Ordinarij loci expressa licentia, & in personas eidem Ordinario subiectas tantum. si secus factum fuerit, Episcopus ab exercitio pontificalium, & sic ordinati ab executione ordinum sint ipso iure suspensi.

Indictio futuræ Sessiois.

Placet ne uobis proximam futuram Sessionem celebrari die Iouis, feria quinta post primam Dominicam subsequentis Quadragesimæ, quæ erit dies tertia mensis Martii? Responderunt, Placet.

SESSIO

SES

CE

D E



sententia  
mentis  
cipit,  
propter  
Tridentinam  
congrega-  
tionem  
Sed  
extirpan-  
Sacramen-  
tis olim  
tum etiam  
es Eccle-  
pore offi-  
Apostoli-



39  
SESSIO SEPTIMA,

CELEBRATA DIE III

MENSIS MARTII,

M. D. XLVII.

DECRETVM DE  
SACRAMENTIS.

Proœmium.



D CONSVMMATIONEM salutaris  
de iustificatione doctrine, quæ in præ-  
cedenti proxima Sessione uno omnium  
Patrum consensu promulgata fuit; con-  
sentaneum uisum est de sanctissimis Ecclesiæ Sacra-  
mentis agere, per quæ omnis uera iustitia uel in-  
cipit, uel cœpta augetur, uel amissa reparatur:  
propterea sacrosancta œcumenica, & generalis  
Tridentina Synodus, in Spiritu sancto legitime  
congregata, præsidentibus in ea eisdem Aposto-  
licæ Sedis Legatis, ad errores eliminandos, &  
extirpandas hæreses, quæ circa sanctissima ipsa  
Sacramenta hac nostra tempestate tum de damna-  
tis olim a Patribus nostris hæresibus suscitatae,  
tum etiam de nouo adinuentæ sunt, quæ Catholi-  
cæ Ecclesiæ puritati, & animarum saluti magno-  
pere officiunt; sanctarum scripturarum doctrinæ,  
Apostolicis traditionibus, atque aliorum Conci-  
liorum,



# S E S S I O

Liorum, & Patrum consensui inhærendo, hos præsentés canones statuendos, & decernendos censuit: reliquos, qui supersunt ad cæpti operis perfectionem, deinceps, diuino Spiritu adiuuante, editura.

## De sacramentis in genere.

### C A N O N I.

SI quis dixerit, Sacramenta nouæ legis non fuisse omnia a Iesu Christo, Domino nostro, instituta; aut esse plura, uel pauciora, quam septem, uidelicet, Baptismum, Confirmationem, Eucharistiam, Pœnitenttiam, Extremam unctiõnem, Ordinem, & Matrimonium; aut etiam aliquod horum septem non esse uere, & proprie Sacramentum; anathema sit.

### C A N O N II.

SI quis dixerit, ea ipsa nouæ legis Sacramenta a Sacramentis antiquæ legis non differre, nisi quia cærimoniæ sunt aliæ, & alij ritus externi; anathema sit.

### C A N O N III.

SI quis dixerit, hæc septem Sacramenta ita esse inter se paria, ut nulla ratione aliud sit alio dignius; anathema sit.

C A-



## C A N O N   I I I I .

*SI quis dixerit, Sacramenta nouæ legis non esse ad salutem necessaria, sed superflua; & sine eis, aut eorum uoto per solam fidem homines a Deo gratiam iustificationis adipisci: licet omnia singulis necessaria non sint; anathema sit.*

## C A N O N   V .

*SI quis dixerit, hæc Sacramenta propter solam fidem nutriendam instituta fuisse; anathema sit.*

## C A N O N   V I .

*SI quis dixerit, Sacramenta nouæ legis non continere gratiam, quam significant; aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ, uel iustitiæ, & notæ quædam Christianæ professionis, quibus apud homines discernuntur fideles ab infidelibus; anathema sit.*

## C A N O N   V I I .

*SI quis dixerit, non dari gratiam per huiusmodi Sacramenta semper, & omnibus, quantum est ex parte Dei, etiam si rite ea suscipiant, sed aliquando, & aliquibus; anathema sit.*

## C A N O N   V I I I .

*SI quis dixerit, per ipsa nouæ legis Sacramenta ex opere operato non conferri gratiam, sed so-*  
*lam*



SESSIO

*lam fidem diuinæ promissionis ad gratiam consequendam sufficere; anathema sit.*

CANON IX.

*SI quis dixerit, in tribus Sacramentis, Baptismo scilicet, Confirmatione, & Ordine, non imprimi characterem in anima, hoc est signum quoddam spiritale, & indelebile, unde ea iterari non possunt; anathema sit.*

CANON X.

*SI quis dixerit, Christianos omnes in uerbo, & omnibus Sacramentis administrandis habere potestatem; anathema sit*

CANON XI.

*SI quis dixerit, in ministris, dum Sacramenta conficiunt, & conferunt, non requiri intentionem saltem faciendi, quod facit Ecclesia; anathema sit.*

CANON XII.

*SI quis dixerit, ministrum in peccato mortali existentem, modo omnia essentialia, quæ ad Sacramentum conficiendum, aut conferendum pertinent, seruauerit, non conficere, aut conferre Sacramentum; anathema sit.*

CA-



## C A N O N   X I I I .

*S I quis dixerit , receptos , & approbatos  
Ecclesiæ Catholicæ ritus in sollemni Sacramento-  
rum administratione adhiberi consuetos , aut con-  
temni , aut sine peccato a ministris pro libito omit-  
ti ; aut in novos alios per quemcumque ecclesia-  
rum Pastorem mutari posse ; anathema sit .*

## D E   B A P T I S M O .

## C A N O N   I .

*S I quis dixerit , Baptismum Ioannis habuisse  
eandem uim cū Baptismo Christi ; anathema sit .*

## C A N O N   I I .

*S I quis dixerit , aquam ueram , & natura-  
lem non esse de necessitate Baptisimi , atque ideo uer-  
ba illa Domini nostri Iesu Christi ; Nisi quis renat-  
us fuerit ex aqua , & Spiritu sancto ; ad meta-  
phoram aliquam detorserit ; anathema sit .*

## C A N O N   I I I .

*S I quis dixerit , in Ecclesia Romana , quæ  
omnium ecclesiarum mater est , & magistra , non  
esse ueram de Baptisimi Sacramento doctrinam ;  
anathema sit .*



S E S S I O

C A N O N   I I I I .

*S I quis dixerit, Baptismum, qui etiam datur ab hæreticis in nomine Patris, & Filij, & Spiritus sancti, cum intentione faciendi quod facit Ecclesia, non esse uerum Baptismum; anathema sit.*

C A N O N   V .

*S I quis dixerit, Baptismum liberum esse, hoc est non necessarium ad salutem; anathema sit.*

C A N O N   V I .

*S I quis dixerit, baptizatum non posse, etiam si uelit, gratiam amittere, quantumcumque peccet, nisi nolit credere; anathema sit.*

C A N O N   V I I .

*S I quis dixerit, baptizatos per Baptismum ipsum solius tantum fidei debitores fieri, non autem uniuersæ legis Christi seruandæ; anathema sit.*

C A N O N   V I I I .

*S I quis dixerit, baptizatos liberos esse ab omnibus sanctæ Ecclesiæ præceptis, quæ uel scripta, uel tradita sunt; ita ut ea obseruare non teneantur, nisi se sua sponte illis submittere uoluerint; anathema sit.*

C A-



## C A N O N   I X .

*S I quis dixerit , ita reuocandos esse homines ad Baptismi suscepti memoriam , ut uota omnia , quæ post Baptismum fiunt , ut promissionis , in Baptismo ipso iam factæ , irrita esse intelligant ; quasi per ea & fidei , quam professi sunt , detrahatur , & ipsi Baptismo ; anathema sit .*

## C A N O N   X .

*S I quis dixerit , peccata omnia , quæ post Baptismum fiunt , sola recordatione , & fide suscepti Baptismi uel dimitti , uel uenialia fieri ; anathema sit .*

## C A N O N   X I .

*S I quis dixerit , uerum , & rite collatum Baptismum iterandum esse illi , qui apud infideles fidem Christi negauerit , cum ad pœnitentiam conuertitur ; anathema sit .*

## C A N O N   X I I .

*S I quis dixerit , neminem esse baptizandum , nisi ea ætate , qua Christus baptizatus est , uel in ipso mortis articulo ; anathema sit .*

## C A N O N   X I I I .

*S I quis dixerit paruulos , eo quod actum credendi non habent , suscepto Baptismo inter fideles*



S E S S I O

computandos non esse; ac propterea cum ad annos discretionis peruenerint, esse rebaptizandos; aut præstare omitti eorum Baptisma, quam eos non actu proprio credentes baptizari in sola fide Ecclesiæ; anathema sit.

C A N O N   X I I I I .

SI quis dixerit, huiusmodi paruulos baptizatos, cum adoleuerint, interrogandos esse an ratum habere uelint, quod patrini eorum nomine, dum baptizarentur, polliciti sunt; & ubi se nolle respondere, suo esse arbitrio relinquendos; nec alia interim pœna ad Christianam uitam cogendos, nisi ut ab Eucharistiæ, aliorumq. Sacramentorum perceptione arceatur, donec resipiscant; anathema sit.

D E   C O N F I R M A T I O N E .

C A N O N   I .

SI quis dixerit, Confirmationem baptizatorum otiosam cerimoniam esse, & non potius uerum, & proprium Sacramentum; aut olim nihil aliud fuisse, quam catechesim quandam, qua adolescentiæ proximi fidei suæ rationem coram Ecclesia exponebant; anathema sit.

C A N O N   I I .

SI quis dixerit, iniurios esse Spiritui sancto  
cos,



eos , qui sacro Confirmationis chrismati uirtutem aliquam tribuunt ; anathema sit .

## C A N O N   I I I .

S I quis dixerit , sanctæ Confirmationis ordinarium ministrum non esse solum Episcopum , sed quemuis simplicem sacerdotem ; anathema sit .

## Decretum de reformatione.

E A D E M sacrosancta Synodus , eisdem Præsidentibus , & Legatis , inceptum residentie , & reformationis negotium ad Dei laudem , & Christianæ religionis incrementum prosequi intendens , ut sequitur , statuendum censuit , salua semper in omnibus Sedis Apostolicæ auctoritate .

## Caput   I .

A D cathedralium ecclesiarum regimē nullus , nisi ex legitimo matrimonio natus , & ætate matura , grauitate morum , litterarumq. scientia , iuxta constitutionem Alexandri tertij , quæ incipit , Cum in cunctis , in Concilio Lateranensi promulgatam , præditus assumatur .

## Caput   I I .

N E M O , quacumque etiam dignitate , gradu , aut præeminentia præfulgens , plures metropolitanas , seu cathedrales ecclesias , in titulum , siue commendam , aut alio quouis nomine contra



S E S S I O

sacrorum Canonum instituta, recipere, & simul  
retinere præsumat: cum ualde felix sit ille censen-  
dus, cui unam ecclesiam bene, ac fructuose, &  
cum animarum sibi commissarum salute regere con-  
tigerit. Qui autem plures ecclesias contra præsen-  
tis Decreti tenorem nunc detinent, una, quam ma-  
luerint, retenta, reliquas infra sex menses, si ad  
liberâ Sedis Apostolicæ dispositionem pertineant,  
alias infra annum dimittere teneantur: alioquin  
ecclesiæ ipsæ, ultimo obtenta dumtaxat excepta,  
eo ipso uacare censeantur.

Caput III.

**I**NFERIORA beneficia ecclesiastica, præser-  
tim curam animarum habentia, personis dignis,  
& habilibus, & quæ in loco residere, ac per se ip-  
sos curam ipsam exercere ualeant, iuxta constitu-  
tionem Alexandri tertij, in Lateranensi, quæ in-  
cipit; Quia nonnulli; Et aliam Gregorij decimi, in  
generali Lugdunensi Concilio, quæ incipit, Li-  
cet canon, editam, conferantur. aliter autem fa-  
cta collatio, siue prouisio, omnino irritetur: &  
ordinarius collator pœnas constitutionis Concilij  
generalis, quæ incipit, Graue nimis, se nouerit  
incursum.

Caput IIII.

**Q**UICVMQVE de cetero plura curata, aut  
alias incompatibilia beneficia ecclesiastica, si-  
ne



ue per uiam uiuionis ad uitam, seu commendæ perpetuæ, aut alio quocumque nomine, & titulo contra formam sacrorum Canonum, & præsertim constitutionis Innocentij tertij, quæ incipit, De multa, recipere, ac simul retinere præsumperit; beneficijs ipsis, iuxta ipsius constitutionis dispositionem, ipso iure, etiam præsentis Canonis uigore, priuatus existat.

## Caput V.

**O**RDINARIJ locorum quoscumque plura curata, aut alias incompatibilia beneficia ecclesiastica obtinentes, dispensationes suas exhibere districte compellant; & alias procedant iuxta constitutionem Gregorij decimi, in generali Lugdunenſi Concilio editam, quæ incipit, Ordinarij: quam eadem sancta Synodus innouandam cenſet, & innouat, addens inſuper, quod ipſi Ordinarij etiam per idoneorum Vicariorum deputationem, & congruæ portionis fructuum assignationem omnino provideant, ut animarum cura nullatenus negligatur, & beneficia ipſa debitis obſequijs minime defraudentur: Appellationibus, priuilegijs, & exemptionibus quibuscumque, etiam cum iudicum ſpecialium deputatione, & illorum inhibitionibus in præmiſſis nemini ſuffragantibus.



S E S S I O

Caput VI.

**V** N I O N E S perpetuæ, a quadraginta annis citra factæ, examinari ab Ordinarijs, tamquam a Sede Apostolica delegatis, possint: & quæ per subreptionem, uel obreptionem obtentæ fuerint, irritæ declarentur. Illæ uero, quæ a dicto tempore citra concessæ, nondum in toto, uel in parte sortitæ sunt effectum, & quæ deinceps ad cuiusuis instantiam fient, nisi eas ex legitimis, aut alias rationabilibus causis coram loci Ordinario, uocatis quorum interest, uerificandis, factas fuisse constiterit, per subreptionem obtentæ præsumantur: ac propterea, nisi aliter a Sede Apostolica declaratum fuerit, uiribus omnino careant.

Caput VII.

**B** E N E F I C I A ecclesiastica curata, quæ cathedralibus, collegiatis, seu alijs ecclesijs, uel monasterijs, beneficijs, seu collegijs, aut pijs locis quibuscumque perpetuo unita, & annexa reperiuntur, ab Ordinarijs locorum annis singulis uisitentur: qui solícite providere procurent, ut per idoneos Vicarios etiam perpetuos, nisi ipsis Ordinarijs pro bono ecclesiarum regimine aliter expedire uidebitur, ab eis cum tertie partis fructuum, aut maiori, uel minori, arbitrio ipsorum Ordinarium, portione etiam super certa re assignanda, ibidem deputandos, animarum cura laudabiliter exerceatur:



ceatur: Appellationibus, priuilegijs, exemptionibus, etiam cum iudicium deputatione, & illorum inhibitionibus quibuscumque in præmissis minime suffragantibus.

### Caput VIII.

**L**OCORVM Ordinarij ecclesias quascumque, quomolibet exemptas, auctoritate Apostolica singulis annis uisitare teneantur, & opportunitis iuris remedijs prouidere, ut, quæ reparatione indigent, reparentur: & cura animarum, si qua illis immineat, alijsq. debitis obsequijs minime defraudentur: Appellationibus, priuilegijs, consuetudinibus etiam ab immemorabili tempore præscriptis, iudicium deputationibus, & illorum inhibitionibus penitus exclusis.

### Caput IX.

**A**D maiores ecclesias promoti munus consecrationis infra tempus, a iure statutum, suscipiant: & prorogationes ultra sex menses concessæ nulli suffragentur.

### Caput X.

**N**ON liceat Capitulis ecclesiarum, Sede uacante, infra annum a die uacationis, ordinandi licentiam, aut litteras dimissorias, seu reuerendas, ut aliqui uocant, tam ex iuris communis dispositione, quam etiam cuiusuis priuilegij, aut consuetudi-



S E S S I O

suetudinis uigore, alicui, qui beneficij ecclesiastici recepti, siue recipiendi occasione arctatus non fuerit, concedere. si secus fiat, Capitulum contrahens ecclesiastico subiaceat interdicto: & sic ordinati, si in minoribus ordinibus constituti fuerint, nullo priuilegio clericali, praesertim in criminalibus, gaudeant; in maioribus uero, ab executione ordinum, ad beneplacitum futuri Praelati, sint ipso iure suspensi.

Caput XI.

**F**ACULTATES de promouendo a quocumque, non suffragentur nisi habentibus legitimam causam, ob quam a proprijs Episcopis ordinari non possint, in litteris exprimendam; & tunc non ordinentur, nisi ab Episcopo in sua diocesi residente, aut pro eo pontificalia exercente, & diligenti praeuio examine.

Caput XII.

**F**ACULTATES de non promouendo, praeterquam in casibus a iure expressis, concessae, ad annum tantum suffragentur.

Caput XIII.

**P**RAESENTATI, seu electi, uel nominati quibusuis ecclesiasticis personis, etiam Sedis Apostolicae Nuncijs, ad quauis ecclesiastica beneficia non instituantur, nec confirmentur, neque admittan-



mittantur , etiam prætextu cuiusvis priuilegij , seu consuetudinis , etiam ab immemorabili tempore præscriptæ , nisi fuerint prius a locorum Ordinarijs examinati , & idonei reperti . Et nullus appellationis remedio se tueri possit , quo minus examen subire teneatur . Præsentatis tamen , electis , seu nominatis ab Vniuersitatibus , seu collegijs generalium Studiorum exceptis .

## Caput XIII.

**I**N exemptorū causis constitutio Innocētij IIII , quæ incipit , Volentes , in generali Concilio Lugdunensi edita , seruetur , quam eadem sacrosancta Synodus innouandam censuit , & innouat ; addendo insuper , quod in ciuilibus causis mercedum , & miserabilium personarum , clerici seculares , aut regulares extra monasterium degentes , quomodolibet exempti , etiam si certum iudicem , a Sede Apostolica deputatum , in partibus habeant . in alijs uero , si ipsum iudicem non habuerint , coram locorum Ordinarijs , tamquam in hoc ab ipsa Sede delegatis , conueniri , & iure medio ad soluendum debitum cogi , & compelli possint : priuilegijs , exemptionibus , conseruatorum deputationibus , & eorum inhibitionibus aduersus præmissa nequaquam ualituris .

Caput



S E S S I O

Caput XV.

**C**VRENT Ordinarij, ut hospitalia quaecumque a suis administratoribus, quocumque illi nomine censeantur, etiam quomodolibet exemptis, fideliter, & diligenter gubernentur, constitutionis Concilij Viennensis, quæ incipit, Quia contingit, forma servata. quam quidem constitutionem eadem sancta Synodus innouandam duxit, & innouat, cum derogationibus in ea contentis.

Indictio futuræ Sessiois.

Item hæc sacrosancta Synodus statuit, & decrevit proximam futuram Sessionem tenendam, & celebrandam esse die Iouis, feria quinta post sequentem Dominicam in Albis, quæ erit uigesima prima mensis Aprilis, præsentis anni, M. D. XLVII.

BVLLA



47

BVLLA FACVLTATIS  
TRANSFERENDI  
CONCILII.

**P**AVLVS Episcopus, seruus seruorum  
Dei, uenerabili fratri, Ioanni Mariae,  
Episcopo Praenestino, et dilectis filijs,  
Marcello tit. S. Crucis in Hierusalem,  
Presbytero, ac Reginaldo S. Mariae in Cosmedin  
Diacono, Cardinalibus, nostris, & Apostolicæ  
Sedis Legatis de latere, salutem, & Apostoli-  
cam benedictionem. REGIMINI uniuersalis  
Ecclesie, meritis licet imparibus, disponente Do-  
mino, præsidentes, nostri officij partes esse puta-  
mus, ut, si quid grauius causa Reip. Christianæ  
constituendum sit, id non modo tempore opportu-  
no, uerum etiam loco commodo, & idoneo perficiatur. cum itaque nos nuper, postquam suspensionem celebrationis sacri æcumenici, & uniuersalis Concilij, alias per nos in ciuitate Tridentina ex causis tunc expressis, de uenerabilium fratrum nostrorum, S. R. E. Cardinalium consilio & assensu indicti, ex certis alijs etiam tunc expressis causis, usque ad aliud opportunius, et commodius tempus per nos declarandum, de simili consilio, & assensu factu, audita pace inter carissimos in Christo filios nostros, Carolum Rom. Imperatorem semper Augustum, & Franciscum Francorum



Francorum Regem Christianissimum, conciliata,  
pari consilio, & assensu sustuleramus & amoue-  
ramus: nequeuntes ipsi, tunc legitime impediti,  
ad dictam ciuitatem personaliter accedere, & ei-  
dem Concilio interesse, uos, nostros, & Aposto-  
licæ Sedis Legatos de latere, in eodem Concilio de  
simili consilio constituerimus & deputauerimus,  
uosq. ad eandem ciuitatem tamquam pacis ange-  
los destinauerimus, prout in diuersis nostris de-  
super confectis litteris plenius continetur: Nos,  
ne tam sanctum celebrationis Concilij huiusmodi  
opus ex incommoditate loci, aut alias quouis mo-  
do impediatur, aut plus debito differatur, op-  
portune prouidere uolentes, Motu proprio, &  
ex certa scientia, ac de Apostolicæ potestatis ple-  
ni iudine, pariq. consilio & assensu, uobis insi-  
mul, aut duobus ex uobis, reliquo legitimo im-  
pedimento detento, seu inde forte absente, quan-  
documque uobis uidebitur, Concilium prædictum  
de eadem ciuitate Tridentina ad quamcumque a-  
liam commodiorem, & opportuniorem, seu tu-  
torem ciuitatem, de qua uobis etiam uidebitur,  
transferendi, & mutandi: ac illud in ciuitate Tri-  
dentina supprimendi, et dissoluendi: necnon Præ-  
latis, & alijs personis Concilij huiusmodi, ne in  
eo ad ulteriora in dicta ciuitate Tridentina pro-  
cedant, etiam sub censuris, & pœnis ecclesia-  
sticis inhibendi, ac idem Concilium in alia ciuita-  
te huiusmodi, ad quam illud transferri, & muta-  
ri



ri contigerit, continuandi, tenendi, & celebrandi, & ad illud Prælatos, & alias personas Concilij Tridentini huiusmodi etiam sub periurij, & alijs in litteris indiſtionis Concilij huiusmodi expressis pœnis, euocandi, eidemq. sic translato & mutato Concilio, nomine & auctoritate prædictis, præsidendi, ac in eo procedendi, ceteraq. in præmissis, & circa ea necessaria & opportuna, alias iusta priorum uobis directarum litterarum continentiam & tenorem, faciendi, statuen- di, ordinandi, & exequendi, plenam & liberam Apostolica auctoritate tenore præsentium concedimus potestatem, & facultatem; ratum & gratum habituri, quidquid per nos in præmissis factum, statutum, ordinatum, executumue fuerit, idq. facturi, auctore Domino, inuiolabiliter obseruari: Non obstantibus constitutionibus, & ordinationibus Apostolicis, ceterisq. contrarijs quibuscumque. Nulli ergo omnino hominum liceat hanc paginam nostræ concessionis infringere, uel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri & Pauli, Apostolorum eius, se nouerit incursum. Datum Romæ apud S. Petrum, anno incarnationis Dominicæ M. D. XLIIII. VIII. Kal. Mart. Pontificatus nostri anno XI.


Fab. Episcopus Spol. B. Motta.

SESSIO



SESSIO OCTAVA,  
CELEBRATA DIE XI  
MENSIS MARTII,  
M. D. XLVII.

Decretum de translatione Concilij.



**P**LACET ne uobis decernere, et declarare de huiusmodi morbo ex præmissis, & alijs allegatis ita manifeste, & notorie constare, ut Prælati in hac ciuitate sine uitæ discrimine commorari, & in ea iccirco inuiti minime retineri possint, et debeant. itemq. attento recessu multorum Prælatorum post proxime præteritam Sessionem, & attentis protestationibus aliorum quamplurium Prælatorum in congregationibus generalibus factis, hinc omnino timore ipsius morbi abire uolētium, qui iuste detineri non possunt, & ex quorum discessu Concilium uel dissolueretur, uel ex paucitate Prælatorum bonus eius progressus impediretur; & attento etiam imminente periculo uitæ, & alijs causis per aliquos ex Patribus in ipsis Congregationibus allegatis, ut pote notorie ueris, & legitimis; placet ne uobis similiter decernere, & declarare pro conseruatione, & prosecutione ipsius Concilij, securitate uitæ ipsorum Prælatorum, Concilium ipsum ad ciuitatem Bononiæ,



noniæ, ueluti ad locum magis paratum, salubrè,  
 idoneum, pro tempore transferendum esse, & ex  
 nunc transferri, & ibidem Sessionem iam indictâ,  
 statuta die, uigesima prima Aprilis, celebran-  
 dam esse, & celebrari; & successiue ad ulteriora  
 procedendum, donec Sanctissimo Domino nostro,  
 & sacro Concilio expedire uidebitur, ut ad hunc,  
 seu alium locum, communicato etiam consilio cû  
 Inuietissimo Cesare, Christianissimo Rege, & a-  
 lijs Regibus, ac Principibus Christianis, ipsum  
 Concilium reduci possit, & debeat.

Responderunt, Placet.

G S E S S I O



SESSIO NONA,  
BONONIAE CELEBRATA  
DIE XXI MENSIS APRILIS,  
M. D. XLVII.

Decretum prorogationis Sesssionis .

**H**AEC sacrosancta œcumenica , & generalis Synodus , quæ dudum in ciuitate Tridenti congregata erat , nunc Bononiæ in Spiritu sancto legitime congregata , præsentibus in ea nomine Sanctissimi in Christo Patris , & Domini nostri , Domini Pauli diuina prouidentia Papæ tertij , eisdem Reuerendissimis Dominis , D. Io. Maria , Episcopo Prænestino de Monte , & Marcello , tit. S. Crucis in Hierusalem , Presbytero , S. Romanæ Ecclesiæ Cardinalibus , & Apostolicis de latere Legatis , considerans quod die undecima mensis Martij , præsentis anni , in generali publica Sessione , in eadem ciuitate Tridenti , & in loco consueto celebrata , omnibusq. agendis de more peractis , ex causis tunc instantibus , urgentibus , & legitimis , interueniente etiam auctoritate sanctæ Sedis Apostolicæ , eisdem Reuerendissimis præsentibus etiam specialiter concessa , decreuit , & ordinauit , Concilium ex eo loco in hanc ciuitatem transferendum esse , sicuti transtulit ; itemq. Sessionem pro præsentis die uigesima prima Aprilis , illic




lic indiētā , ut de Sacramentorum , & reformationis materijs , de quibus tractandum proposuerat , Canones sancirentur , & promulgarentur , in hac ipsa ciuitate Bononiæ celebrari debere : cōsideransque , nonnullos ex Patribus , qui in hoc Concilio interesse consueuerunt , his superioribus , maioris hebdomadæ , etiam sollemnitatis paschalis , diebus , in proprijs ecclesijs occupatos , aliquos etiam , alijs impedimentis detentos , huc nondum accessisse , quos tamen breui affuturos sperandum est ; ac propterea factum esse , ut non ea , quam sancta Synodus desiderabat , Prælatorum frequentia , potuerint materie ipse Sacramentorum , & reformationis examinari , & discuti : ut omnia maturo consilio , cum dignitate , & grauitate debita fiant : bonum , opportunum , & expediens censuit , censetq. Sessionem prædictam , quæ hoc ipso die , ut præfertur , celebranda erat , ad diem Iouis , infra octauam Pentecostes proxime futuram , quo ad ipsas materias expediendas , differendam , & prorogandam esse , quemmadmodum differt , ac prorogat . quam diem & rei gerendæ maxime opportunam , & Patribus præsertim absentibus percommodam , iudicauit , et iudicat . Hoc tamen adiecto : quod terminum ipsum ipsa sancta Synodus , pro eius arbitrio , & uoluntate , sicuti rebus Concilij putauerit expedire , etiam in priuata Congregatione restringere , & imminuere possit , & ualeat .



SESSIO DECIMA,  
BONONIAE CELEBRATA  
DIE II MENSIS IUNII,  
M. D. XLVII.

Decretum prorogationis Sessiois.

 VAMVIS hæc sacrosancta œcumenica, & generalis Synodus, Sessionem, quæ die uigesimaprima mensis Aprilis proxime præteriti, super Sacramentorum, & reformationis materijs, in hac inclyta ciuitate Bononiæ ex Decreto in Vrbe Tridentina, in publica Sessione, die undecima mensis Martij promulgato, celebranda erat, propter aliquas causas, ac præsertim propter absentiam nonnullorum Patrum, quos breui affuturos sperabat, ad hunc præsentem diem differendam, & prorogandam esse decreuerit: uolens tamen cum ijs, qui non uenerunt, etiam adhuc benigne agere, eadem sacrosancta Synodus, in Spiritu sancto legitime congregata, præsentibus in ea eisdem sanctæ Romanæ Ecclesiæ Cardinalibus, & Apostolicæ Sedis Legatis, statuit, & decernit Sessionem ipsam, quam hac die secunda mensis Iunii præsentis anni millesimi quingentesimi quadragesimi septimi celebrare decreuerat, ad diem Iouis post festum Natiuitatis beatæ Mariæ Virginis, quæ



quæ erit decima quinta mensis Septēbris proxime futuri, quoad prædictas, et alias materias expediendas, differendam, & prorogandam esse, quemadmodum differt, & prorogat: ita tamen, quod prosecutio discussionis, & examinationis, tam eorum, quæ ad dogmata, quam ad reformationem pertinent; interim non omittatur, & terminum ipsum ipsa sancta Synodus, pro eius libito, & uoluntate, etiam in priuata Congregatione, abbreviare, & prorogare libere possit, & ualeat.

Die XIII Sept. M. D. XLVII, in Congregatione generali, Bononiæ, prorogata fuit Sessio, quæ futura erat die sequenti, ad beneplacitum sacri Concilii.



BVLLA RESVMPTIONIS  
CONCILII TRIDENTINI,

SVB IVLIO III, PONT. MAX.



VLIVS EPISCOPVS, seruus ser-  
uorum Dei, ad futuram rei memo-  
riam.

CVM AD tollenda religionis nostræ  
dissidia, quæ in Germania longo tempore non sine  
totius Christiani orbis perturbatione, & scanda-  
lo uiguerunt; bonum, opportunum, & expediens  
esse uideatur, sicuti etiam carissimus in Christo fi-  
lius noster, Carolus Romanorum Imperator, sem-  
per Augustus, nobis per suas litteras & nun-  
cios significari fecit, ut sacrum œcumenicum ge-  
nerale Conciliū per fel. rec. Paulum Papam III,  
prædecessorem nostrum, indictum, & per nos tunc  
Cardinalatus honore fungentes, atque ipsius præ-  
decessoris nomine, una cum duobus alijs Sanctæ  
Romanæ Ecclesiæ Cardinalibus ipsi Concilio præsi-  
dentes, inceptum, ordinatum, & continuatum,  
in quo plures publicæ & sollemnes habitæ fue-  
runt Sessiones, pluraq. tam in causa fidei, quam  
reformationis promulgata decreta, multa q. etiam  
ad utramque causam pertinentia examinata, &  
discussa, ad ciuitatem Tridentinam reducatur:  
Nos, ad quos, & summos pro tempore Pontifi-  
ces spectat generalia Concilia indicere & dirige-  
re,



re, ut Ecclesiæ pacem, & Christianæ fidei atque  
 orthodoxæ religionis incrementum, ad omnipo-  
 tentis Dei laudem & gloriam procuremus, &  
 quantum in nobis est, tranquillitati ipsius Germa-  
 niæ, quæ sane provincia retroactis temporibus in  
 uera religione, ac sacrorum Conciliorum, & san-  
 ctorum Patrum doctrina excolenda, exhibendaq.  
 maximis Pontificibus, Christi Redemptoris no-  
 stri in terra Vicarijs, debita obedientia, & reue-  
 rentia, nulli Christianorum provinciæ fuit um-  
 quam secunda, paterne consulamus, sperantes per  
 ipsius Dei gratiam & benignitatem futurum, ut  
 Reges omnes, ac Principes Christiani, iustis, pijsq.  
 nostris in hac re uotis annuant, faueant, atque assi-  
 stant: uenerabiles fratres Patriarchas, Archie-  
 piscopos, Episcopos, & dilectos filios Abbates,  
 omnesq. alios & singulos, qui de iure, uel consue-  
 tudine, uel priuilegio, Concilijs generalibus inte-  
 resse debent, quosq. idem prædecessor noster in suis  
 indictionis et alijs quibuscûque desuper confectis  
 & publicatis litteris, Concilio interesse uoluit,  
 per uiscera misericordiæ Domini nostri Iesu Chri-  
 sti, hortamur, requirimus, & monemus, ut pro-  
 ximis futuris Kal. Maij, quem diem ad ipsum Con-  
 cilium in eo, in quo nunc reperitur, statu resimen-  
 dum & prosequendum, præuia matura delibera-  
 tione, & ex certa nostra scientia, & de Apostoli-  
 cæ auctoritatis plenitudine, ac uenerabilium fra-



trum nostrorum eiusdem Sanctæ Romanæ Ecclesiæ  
Cardinalium consilio & assensu, statuimus, decer-  
nimus, & declaramus, in ipsa ciuitate Tridenti,  
legitimo cessante impedimento, conuenire, & se  
congregare, ac ipsius Concilij continuationi & pro-  
secutioni, omni mora postposita, incumbere ue-  
lint. Nos enim operam sedulo daturi sumus, ut  
eodem tempore, in eadem ciuitate nostri omnino  
adsint Legati, per quos, si per ætatem nostram,  
ualetudinemque, et Sedis Apostolicæ necessitates,  
personaliter adesse nequierimus, Spiritu sancto  
duce, ipsi Concilio præsidebimus: quacumque ip-  
sius Concilij translatione & suspensione, ceterisq.  
contrarijs non obstantibus quibuscumque, ac præ-  
sertim illis, quæ idem prædecessor noster in suis lit-  
teris prædictis, quas cum omnibus & singulis in  
eis contentis clausulis & decretis, in suo robore  
permanere uolumus, atque decernimus, & qua-  
tenus opus sit, innouamus, uoluit non obflare: ir-  
ritum nihilominus decernentes, & inane, si secus  
super his a quoquam, quacumque auctoritate, scienter,  
uel ignoranter, contigerit attentari. Nulli ergo  
omnino hominum liceat hanc paginam, nostrorum,  
hortationis, requisitionis, monitionis, statuti,  
declarationis, innouationis, uoluntatis, & de-  
cretorum infringere, uel ei ausu temerario contra-  
ire. Si quis autem hoc attentare præsumpserit, in-  
dignationem omnipotentis Dei, ac Beatorum Pe-  
tri,



tri, & Pauli, Apostolorum eius, se nouerit in-  
 cursurum. Datum Romæ, apud sanctum Petrum,  
 anno incarnationis Dominicæ M. D. L. XVIII  
 Kal. Dec. Pontificatus nostri anno primo.

M. Card. Crescen.

Rom. Amasæus.

SACRO



SACROSANCTI  
OECUMENICI,  
ET GENERALIS  
CONCILII TRIDENTINI,

SESSIO XI,  
QVAE EST PRIMA SVB  
IVLIO III, PONT. MAX.  
CELEBRATA KAL. MAII,  
M. D. LI.

Decretum de resumendo Concilio.

**P**LACET ne uobis ad laudem, & glo-  
riam sanctæ, et indiuiduæ Trinitatis,  
Patris, & Filij, & Spiritus sancti,  
ad incrementum & exaltationem fi-  
dei, & religionis Christianæ, sacrum œcumeni-  
cum, & generale Concilium Tridentinum, iux-  
ta formam, & tenorem litterarum Sanctissimi Do-  
mini nostri, resumere debere, & procedendum esse  
ad ulteriora? Responderunt, Placet.

Indictio futuræ Sessionis.

Placet ne uobis proximam futuram Sessionem  
habendam, & celebrandam esse in futuris Ka-  
lendis Septembris? Responderunt, Placet.

SESSIO



54

S E S S I O   X I I ,  
Q V A E   E S T   S E C V N D A  
S V B   I V L I O   I I I ,   P O N T .   M A X .  
C E L E B R A T A   D I E   P R I M A   S E P T .  
M .   D .   L   I .

Decretum prorogationis Sefsionis .



ACROSANCTA æcumenica, & generalis Tridentina Synodus, in Spiritu sancto legitime congregata, presidentibus in ea eisdem sanctæ Sedis Apostolicæ Legato, & Nuncijs, quæ in proxime præterita Sessione sequentem hanc hodie habendam, & ad ulteriora procedendum esse decreuerat, cum ob inclytæ Germanicæ nationis, cuius præcipue causa agitur, absentiam, ac non magnam ceterorum Patrum frequentiam procedere hætenus distulerit, de uenerabilium in Christo fratrum, & filiorum suorum, Maguntini, & Treuirensis Archiepiscoporum, ac sacri Romani Imperij Principum Electorum, & complurium ipsius, aliarumq. prouinciarum Episcoporum, sub hanc ipsam diem aduentu in Domino exultans, & dignas ipsi omnipotenti Deo agens gratias, firmamq. spem concipiens quamplurimos alios, tam ipsius Germanicæ, quam aliarum nationum Prælatos, & sui officij debito,

&



SESSIO

& hoc exemplo commotos, propediem esse uenturos, futuram Sessionem ad quadragessimam diem, quæ erit undecima mensis Octobris, proxime sequentis, indicit, & Concilium ipsum in statu, in quo reperitur, proseguendo. Cum in præteritis Sessionibus de septem Sacramētis nouæ legis in genere, & in specie de Baptismate, & Confirmatione definitum fuerit, statuit, & decernit de sanctissimæ Eucharistiæ Sacramento, necnon, quod ad reformationem attinet, de reliquis, quæ ad faciliorem et commodiorem Prælatorum residentiâ pertinent, agi & tractari debere; ac monet, & hortatur omnes Patres, ut interim Domini nostri Iesu Christi exemplo, quantum tamen humana fragilitas patietur, ieiunijs, & orationibus uacent, ut tandem placatus, qui in sæcula sit benedictus, Deus corda hominum ad ueræ suæ fidei agnitionem, & sanctæ matris Ecclesiæ unitatem, ac recte uiuendi normam reducere dignetur.

SESSIO



55

# SESSIO XIII,


QVAE EST TERTIA:

SVB IVLIO III, PONT. MAX.

CELEBRATA DIE XI OCT.

M. D. LI.

Decretum de sanctissimo Eucharistiæ  
Sacramento.



ACROSANCTA œcumenica, & generalis Tridentina Synodus, in Spiritu sancto legitime congregata, præfidentibus in ea eisdem sanctæ Sedis Apostolicæ Legato, & Nuncijs, etsi in eum finem, non absque peculiari scilicet ductu, gubernatione conuenerit, ut ueram, & antiquam, de fide, & Sacramentis, doctrinam exponeret; & ut hæresibus omnibus, et alijs grauissimis incommodis, quibus Dei Ecclesia misere nunc exagitur, & in multas & uarias partes scinditur, remedium afferret; hoc præsertim iam inde a principio in uotis habuit, ut stirpitus conuelleret zizaniam execrabilium errorum, & schismatum, quam inimicus homo his nostris calamitosis temporibus, in doctrina fidei, usu, & cultu sacrosanctæ Eucharistiæ superseminauit. quam alioqui Saluator noster, in Ecclesia sua, tamquam symbolum reliquit eius unitatis, & caritatis: qua  
Christia-



S E S S I O

Christianos omnes inter se coniunctos, & copulatos esse uoluit. Itaque eadem sacrosancta Synodus sanam, & sinceram illam de uenerabili hoc, & diuino Eucharistiæ Sacramento doctrinam tradens, quam semper Catholica Ecclesia, ab ipso Iesu Christo, Domino nostro, & eius Apostolis erudita, atque a Spiritu sancto, illi omnem ueritatem in dies suggerente, edocta, retinuit; & ad finem usque sæculi conseruabit; omnibus Christi fidelibus interdicit, ne post hac de sanctissima Eucharistia aliter credere, docere, aut prædicare audeant, quam ut est, hoc præsentis Decreto explicatum, atque definitum.

De reali præsentia Domini nostri Iesu Christi, in sanctissimo Eucharistiæ Sacramento. Cap. I.

**P**RINCIPIO docet sancta Synodus, et aperte, ac simpliciter profitetur, in almo sanctæ Eucharistiæ Sacramento, post panis, & uini consecrationem, Dominum nostrum Iesum Christum, uerum Deum, atque hominem, uere, realiter, ac substantialiter, sub specie illarum rerum sensibilibus contineri. nec enim hæc inter se pugnant, ut ipse Saluator noster semper ad dexteram Patris in cælis assideat, iuxta modum existendi naturalem; & ut multis nihilominus alijs in locis, sacramentaliter præsens, sua substantia nobis adsit, ea existendi ratione, quam, etsi uerbis exprimere



mere uix possumus, possibilem tamen esse Deo, cogitatione per fidem illustrata, assequi possumus, & constantissime credere debemus. ita enim maiores nostri omnes, quotquot in uera Christi Ecclesia fuerunt, qui de sanctissimo hoc Sacramento differuerunt, apertissime professi sunt, hoc tam admirabile Sacramentum in ultima cæna Redemptorem nostrum instituisse; cum post panis, uiniq. benedictionem, se suum ipsius corpus illis præbere, ac suum sanguinem, disertis, ac perspicuis uerbis testatus est. quæ uerba a sanctis Euangelistis commemorata, & a diuo Paulo postea repetita, cum propriam illam, & apertissimam significationem præ se ferant, secundum quam a Patribus intellecta sunt, indignissimum sane flagitium est, ea a quibusdam contentiosis, & prauis hominibus ad fictitios, & imaginarios tropos, quibus ueritas carnis, & sanguinis Christi negatur, contra uniuersum Ecclesiæ sensum detorqueri: quæ tamquam columna, & firmamentum ueritatis, hæc, ab impijs hominibus excogitata commenta, uelut Satânica detestata est, grato semper, & memore animo præstantissimum hoc Christi beneficium agnoscens.

De ratione institutionis sanctissimi huius  
Sacramenti. Cap. II.

ERGO Saluator noster, discessurus ex hoc mundo ad Patrem, Sacramentum hoc instituit,  
in



# S E S S I O

in quo diuitias diuini sui erga homines amoris uelut effudit, memoriā faciens mirabilium suorum; et in illius sumptione colere nos sui memoriā precepit, suamq. annunciare mortem, donec ipse ad indicandum mundum ueniat. Sumi autem uoluit Sacramentum hoc, tamquam spiritalem animarum cibum, quo alantur, & confortentur uiuentes uita illius, qui dixit: Qui manducat me, & ipse uiuet propter me: & tamquam antidotum, quo liberemur a culpis quotidianis, & a peccatis mortalibus præseruemur. Pignus præterea id esse uoluit futuræ nostræ gloriæ, & perpetuæ felicitatis, adeoq. symbolum unius illius corporis, cuius ipse caput existit, cuiq. nos, tamquam membra arētissima, fidei, spei, & caritatis connexione astrictos esse uoluit, ut id ipsum omnes dicemus, Nec essent in uobis schismata.

De excellentia sanctissimæ Eucharistiæ super reliqua Sacramenta. Cap. III.

COMMUNE hoc quidem est sanctissimæ Eucharistiæ cum ceteris Sacramentis, Symbolum esse rei sacræ, & inuisibilis gratiæ formam uisibilem; uerum illud in ea excellens, & singulare reperitur, quod reliqua Sacramenta tunc primum sanctificandi uim habent, cum quis illis utitur: at in Eucharistia ipse sanctitatis auctor ante usum est. nondum enim Eucharistiam de manu Domini. Apostoli susceperant, cum uere tamen ipse affirmaret corpus



corpus suum esse, quod præbebat. & semper hæc fides in Ecclesia Dei fuit, statim post consecrationem, uerum Domini nostri corpus, uerumq. eius sanguinem sub panis, & uini specie una cum ipsius anima et diuinitate existere; sed corpus quidem sub specie panis, & sanguinem sub uini specie, ex ui uerborum, ipsum autem corpus sub specie uini, & sanguinem sub specie panis, animamq. sub utraque, ui naturalis illius connexionis, & concomitantie, qua partes Christi Domini, qui iam ex mortuis resurrexit, non amplius moriturus, inter se copulantur. Diuinitatem porro propter admirabilem illam eius cum corpore, & anima hypostaticam unionem. Qua propter uerissimum est tantundem sub alterutra specie, atque sub utraque contineri. totus enim, & integer Christus sub panis specie, & sub quavis ipsius speciei parte; totus item sub uini specie, & sub eius partibus existit.

## De transubstantiatione. Cap. IIII.

QVONIAM autem Christus, Redemptor noster, corpus suum id, quod sub specie panis offerebat, uere esse dixit, ideo persuasum semper in Ecclesia Dei fuit, idq. nunc denuo sancta hæc Synodus declarat, per consecrationem panis & uini, conuersionem fieri totius substantiæ panis in substantiam corporis Christi, Domini nostri, & totius substantiæ uini in substantiam sanguinis

H nis



SESSIO

nis eius . quæ conuersio conuenienter, & proprie  
a sancta Catholica Ecclesia Transubstantiatio est  
appellata.

De cultu, & ueneratione huic sanctissimo  
Sacramento exhibenda. Cap. V.

NVLIVS itaque dubitandi locus relinqui-  
tur, quin omnes Christi fideles pro more in Catho-  
lica Ecclesia semper recepto latriæ cultum, qui ue-  
ro Deo debetur, huic sanctissimo Sacramento in  
ueneratione adhibeant . neque enim ideo minus  
est adorandum, quod fuerit a Christo Domino, ut  
sumatur, institutum . nam illum eundem Deum  
præsentem adesse credimus, quem Pater æternus  
introducens in orbem terrarum, dicit: Et ado-  
rent eum omnes Angeli Dei: quem Magi proci-  
dentes adorauerunt; quem denique in Galilea ab  
Apostolis adoratum fuisse Scriptura testatur.  
Declarat præterea sancta Synodus, pie & religio-  
se admodum in Dei Ecclesiâ inductum fuisse hunc  
morem, ut singulis annis peculiari quodam, &  
seſſo die præcelsum hoc, & uenerabile Sacramen-  
tum singulari ueneratione, ac ſollemnitate cele-  
braretur; utq. in proceſſionibus reuerenter, &  
honorifice illud per uias, & loca publica circum-  
ferretur. æquiſſimum eſt enim ſacros aliquos ſta-  
tutos eſſe dies, cum Chriſtiani omnes ſingulari,  
ac rara quadam ſignificatione gratos, & memo-  
res teſtentur animos erga commune Dominum,



& Redemptorem pro tam ineffabili, & plane diuino beneficio, quo mortis eius uictoria, et triumphus repræsentatur. atque sic quidem oportuit uetricem ueritatem de mendacio, & hæresi triumphum agere, ut eius aduersarij in conspectu tanti splendoris, & in tanta uniuersæ Ecclesiæ letitia positi, uel debilitati, & fracti tabescant, uel pudore affecti, & confusi aliquando resipiscant.

De asseruando sacræ Eucharistiæ Sacramento, & ad infirmos deferendo. Cap. VI.

CONSVETUDO asseruandi in sacrario sanctam Eucharistiam, adeo antiqua est, ut etiam sæculum Nicæni Concilij agnouerit. Porro deferre ipsam sacram Eucharistiam ad infirmos, et hunc usum diligenter in ecclesiis conseruari, præterquâ quod cum summa æquitate, & ratione coniunctum est, tum multis in Concilijs præceptum inuenitur, & uetustissimo Catholicæ Ecclesiæ more est obseruatum. Quare sancta hæc Synodus retinendum omnino salutarem hunc, & necessarium morem statuit.

De præparatione, quæ adhibenda est, ut digne quis sacram Eucharistiam percipiat.

Cap. VII.

SI non decet ad sacras ullas functiones quempiam accedere, nisi sancte; certe, quo magis sanctitas, & diuinitas celestis huius Sacramenti

H 2

uiro



# S E S S I O

uiro Christiano comperta est, eo diligentius caue-  
re ille debet, ne absque magna reuerentia, & san-  
ctitate ad id percipiendum accedat, praesertim  
cum illa plena formidinis uerba apud Aposto-  
lum legamus: Qui manducat, & bibit indi-  
gne, iudicium sibi manducat, & bibit, non diju-  
dicans corpus Domini. Quare communicare uo-  
lenti reuocandum est in memoriam eius praecipit:  
Probet se ipsum homo. Ecclesiastica autem con-  
suetudo declarat, eam probationem necessariam  
esse, ut nullus sibi conscius mortalis peccati, quan-  
tumuis sibi contritus uideatur, absque praemissa  
sacramentali confessione ad sacram Eucharistiam  
accedere debeat. quod a Christianis omnibus;  
etiam ab ijs sacerdotibus, quibus ex officio in-  
cubuerit celebrare, hac sancta Synodus perpe-  
tuo seruandam esse decreuit, modo non desit illis  
copia confessoris. quod si, necessitate urgente, sa-  
cerdos absque praenota confessione celebrauerit;  
quamprimum confiteatur.

De usu admirabilis huius Sacramenti.

Caput VIII.

QVOD AD usum autem recte, & sapienter Pa-  
tres nostri tres rationes hoc sanctum Sacramen-  
tum accipiendi distinxerunt. quosdam enim do-  
cuerunt sacramentaliter dumtaxat id sumere, ut  
peccatores: alios tantum spiritualiter, illos nimi-  
rum, qui uoto propositum illum panem caelestem  
edentes,



edentes, fide uiua, quæ per dilectionem operatur, fructum eius, & utilitatem sentiunt: tertios porro sacramentaliter simul & spiritaliter. hi autem sunt, qui ita se prius probant, & instruunt, ut uestem nuptialem induti ad diuinam hanc mensam accedant. In sacramentali autem sumptione semper in Ecclesia Dei mos fuit, ut laici a sacerdotibus communionem acciperent; sacerdotes autem celebrantes se ipsos communicarent: qui mos tamquam ex traditione Apostolica descendens, iure, ac merito retineri debet. Demum autem paterno affectu admonet sancta Synodus, hortatur, rogat, & obsecrat per uiscera misericordie Dei nostri, ut omnes & singuli, qui Christiano nomine censentur, in hoc unitatis signo, in hoc uinculo caritatis, in hoc concordie symbolo iam tandem aliquando conueniant, & concordent, memoresque tantæ maiestatis, & tam eximij amoris Iesu Christi, Domini nostri, qui dilectam animam suam in nostræ salutis pretium, & carnem suam nobis dedit ad manducandum; hæc sacra mysteria corporis, & sanguinis eius ea fidei constantia, & firmitate, ea animi deuotione, ea pietate, & cultu credant, & uenerentur, ut panem illum substantialem frequenter suscipere possint, & is uere eis sit animæ uita, & perpetua sanitas mentis; cuius uigore confortati, ex huius miserie peregrinationis itinere, ad cælestem patriam peruenire ualeant, eundem panem Angelorum, quem

H 3 mdo



S E S S I O

modo sub sacris uelaminibus edunt, absque ullo uelamine manducaturi.

Quoniam autem non est satis ueritatem dicere, nisi detegantur, & refellantur errores, placuit sanctæ Synodo hos canones subiungere, ut omnes, iam agnita catholica doctrina, intelligant quoque, quæ ab illis hæreses caueri, uitarique debeant.

DE SACROSANCTO

Eucharistiæ Sacramento.

C A N O N I.

SI quis negauerit, in sanctissimæ Eucharistiæ Sacramento contineri uere realiter, & substantialiter corpus, & sanguinem una cum anima, & diuinitate Domini nostri Iesu Christi, ac proinde totum Christum; sed dixerit tantummodo esse in eo, ut in signo, uel figura, aut uirtute; anathema sit.

C A N O N I I.

SI quis dixerit, in sacrosancto Eucharistiæ Sacramento remanere substantiam panis, et uini, una cum corpore, & sanguine Domini nostri Iesu Christi; negaueritque mirabilem illam, & singularem conuersionem totius substantiæ panis in corpus, & totius substantiæ uini in sanguinem, manentibus dumtaxat speciebus panis, & uini: quæ quidem conuersionem Catholica Ecclesia aptissime Transubstantiationem appellat; anathema sit.

SI



## CANON III.

SI quis negauerit, in uenerabili Sacramento Eucharistiæ sub unaquaque specie, & sub singulis cuiusque speciei partibus, separatione facta, totum Christum contineri; anathema sit.

## CANON IIII.

SI quis dixerit, peracta consecratione, in admirabili Eucharistiæ Sacramento, nõ esse corpus, & sanguinem Domini nostri Iesu Christi, sed tantum in usu dum, sumitur, non autem ante, uel post; & in hostijs, seu particulis consecratis, quæ post communionem reseruantur, uel supersunt, non remanere uerum corpus Domini; anathema sit.

## CANON V.

SI quis dixerit, uel præcipuum fructum sanctissimæ Eucharistiæ esse remissionem peccatorum, uel ex ea non alios effectus prouenire; anathema sit.

## CANON VI.

SI quis dixerit, in sancto Eucharistiæ Sacramento Christum unigenitum Dei filium non esse cultulatriæ, etiam externo, adorandum; atque ideo nec festiua peculiari celebritate uenerandum; neque in processionibus secundum laudabilem, &

H 4 uniuers-



S E S S I O

uniuersalem Ecclesie sancte ritum, & consuetudinem, sollempniter circumgestandum, uel non publice, ut adoretur, populo proponendum, & eius adoratores esse idolatras; anathema sit.

C A N O N VII.

SI quis dixerit, non licere sacram Eucharistiam in sacrario reſeruari, sed statim post consecrationem astantibus necessario distribuendam, aut non licere, ut illa ad infirmos honorifice deferatur; anathema sit.

C A N O N VIII.

SI quis dixerit, Christum in Eucharistia exhibitum, spiritaliter tantum manducari, & non etiam sacramentaliter, ac realiter; anathema sit.

C A N O N IX.

SI quis negauerit omnes, & singulos Christi fideles utriusque sexus, cum ad annos discretionis peruenerint, teneri singulis annis, saltem in Paschate, ad communicandum, iuxta preceptum sancte matris Ecclesie; anathema sit.

C A N O N X.

SI quis dixerit, non licere sacerdoti celebranti se ipsum communicare; anathema sit.

CA-



## C A N O N   X I .

SI quis dixerit , solam fidem esse sufficien-  
tem præparationem ad sumendum sanctissimæ  
Eucharistiæ Sacramentum ; anathema sit . Et ne  
tantum Sacramentum indigne , atque ideo in mor-  
tem , & condemnationem sumatur ; Statuit , at-  
que declarat ipsa sancta Synodus , illis , quos con-  
scientia peccati mortalis grauat , quantumcum-  
que etiam se contritos existiment , habita copia  
Confessoris , necessario præmittendam esse Confes-  
sionem sacramentalem . Si quis autem cōtrarium  
docere , prædicare , uel pertinaciter asserere , seu  
etiam publice disputando defendere præsumpse-  
rit , eo ipso excommunicatus existat .

## Decretum de reformatione .   Cap. I.

E ADEM sancta Tridentina Synodus , præsi-  
dentibus in ea eisdem sanctæ Sedis Apostoli-  
cæ Legato , & Nuncijs , intendens nonnulla sta-  
tuere , quæ ad iurisdictionem pertinent Episcopo-  
rum , ut , iuxta proximæ Sessionis decretum , illi  
in commissis sibi Ecclesijs eo libentius resideant ,  
quo facilius , & commodius sibi subiectos rege-  
re , & in uitæ , ac morum honestate continere po-  
tuerint ; illud primum eos admonendos censet ; ut  
se Pastores , non percussores , esse meminerint , at-  
que ita præesse sibi subditis oportere , ut non in eis  
dominentur , sed illos , tamquam filios , & fra-  
tres ,



tres, diligant; elaborentque, ut hortando, & monendo ab illicitis deterreant; ne, ubi deliquerint, debitis eos pœnis coercere cogantur. Quos tamen, si quid per humanam fragilitatem peccare contigerit, illa Apostoli est ab eis seruanda præceptio: ut illos arguant, obsecrent, increpent in omni bonitate, & patientia: cum sæpe plus erga corrigendos agat beneuolentia, quam austeritas; plus exhortatio, quam comminatio; plus caritas, quam potestas. Sin autem ob delicti grauitatem uirga opus fuerit; tunc cum mansuetudine rigor, cum misericordia iudicium, cum lenitate seueritas adhibenda est: ut sine asperitate disciplina populis salutaris, ac necessaria conseruetur, &, qui correcti fuerint, emendentur; aut, si resipiscere noluerint, ceteri, salubri in eos animaduersionis exemplo, a uitijs deterreantur: cum sit diligentis, & pii simul Pastoris officium, morbis ouium lenia primum adhibere fomenta: post, ubi morbi grauitas ita postulet, ad ueriora, & grauiora remedia descendere: sin autem nec ea quidem proficiant illis submouendis, ceteras saltem oues a contagionis periculo liberare. Cum igitur rei criminum plerumque ad euitandas pœnas, & Episcoporum subterfugienda iudicia, querelas, & grauamina simulent, & appellationis diffugio iudicis processum impedian; ne remedio, ad innocentie præsidium instituto, ad iniquitatis defensionem abutantur; atque ut huiusmodi



modi eorum calliditati, & tergiuersationi occurratur, ita statuit, & decreuit: In causis uisitationis, & correctionis, siue habilitatis, & inhabilitatis, necnon criminalibus, ab Episcopo, seu illius in spiritualibus Vicario generali, ante definitiuam sententiam, ab interlocutoria, uel alio quocumque grauamine, non appelletur: nec Episcopus, seu Vicarius appellationi huiusmodi, tamquam friuolæ, deferre teneatur: sed ea, ac quacumque inhibitione, ab appellationis iudicio emanata, necnon omni stylo, & consuetudine, etiam immemorabili, contraria non obstante, ad ulteriora ualeat procedere: nisi grauamen huiusmodi per definitiuam sententiam reparari, uel ab ipsa definitiua appellari non possit: quibus casibus sacrorum, & antiquorum canonum statuta illibata persistant.

## Caput II.

**A**SENTENTIA Episcopi, uel ipsius in spiritualibus Vicarij generalis, in criminalibus appellationis causa, ubi appellationis locus fuerit, si Apostolica auctoritate in partibus eam committi contigerit, Metropolitano, seu illius etiam Vicario in spiritualibus generali; aut si ille aliqua de causa suspectus foret, uel ultra duas legales dietas distet, seu ab ipso appellatum fuerit, uni ex uicinioribus Episcopis, seu illorū Vicarijs, non autem inferioribus iudicibus committatur.

Caput



S E S S I O

Caput III.

**R**EVs, ab Episcopo, aut eius Vicario in spiritualibus generali, in criminali causa, appellans, coram iudice ad quem appellavit, acta primæ instantiæ omnino producat; & iudex, nisi illis visis, ad eius absolutionem minime procedat. Is autem, a quo appellatum fuerit, intra xxx. dies, acta ipsa postulanti gratis exhibeat: alioqui absque illis causa appellationis huiusmodi, prout iustitia suaserit, terminetur.

Caput IIII.

**C**VM vero tam gravia nonnumquam sint delicta, ab ecclesiasticis commissa personis, ut ob eorum atrocitatem e sacris ordinibus deponenda, & curiæ sint tradenda seculari: in quo secundum sacros canones certus Episcoporum numerus requiritur; quos si omnes adhibere difficile esset, debita iuris executio differretur: si quando autem interuenire possent, eorum residentia intermitteretur: propterea statuit, & decrevit: Episcopo per se, seu illius Vicarium in spiritualibus generalem, contra clericum, in sacris etiam presbyteratus ordinibus constitutum, etiam ad illius condemnationem, necnon verbalem depositionem; & per se ipsum etiam, ad actuale, atque sollemnem degradationem ab ipsis ordinibus, & gradibus ecclesiasticis, in casibus, in quibus aliorum



aliorum Episcoporum presentia, in numero a canonibus definito requiritur, etiam absque illis procedere liceat: adhibitis tamen, & in hoc sibi assistentibus, totidem Abbatibus, usum mitræ & baculi, ex privilegio Apostolico habentibus, si in ciuitate, aut diœcesi reperiri, & commode interesse possint; alioquin alijs personis, in ecclesiastica dignitate constitutis, quæ etate graues, ac iuris scientia commendabiles existant.

## Caput V.

ET quoniam post fictas causas, quæ tamen satis probabiles uidentur, interdum accidit, ut nonnulli eiusmodi gratias extorqueant, per quas pœnæ illis Episcoporum iusta seueritate inflictæ, aut remittuntur omnino, aut minuuntur; cum non ferendum sit, ut mendacium, quod tantopere Deo displicet, non modo ipsum impunitum sit, uerum etiam alterius delicti ueniam impetret mentienti: idcirco, ut sequitur, statuit, & decreuit: Episcopus apud Ecclesiam suam residens, de surreptione, & obreptione gratiæ, quæ super absolutione alicuius publici criminis, uel delicti, de quo ipse inquirere cœperat; aut remissione pœnæ, ad quam criminofus per eum condemnatus fuerit, falsis precibus impetratur, per se ipsum, tamquam Sedis Apostolicæ delegatus, etiam summarie cognoscat; ipsamq. gratiam, postquam per falsi narrationem, aut ueri taciturnitatem obtentam



tentam esse, legitime constiterit, non admittat.

## Caput VI.

**Q**VONIAM uero subditi Episcopo, tametsi iure correpti fuerint, magnopere tamen eum odisse, & tamquam iniuria affecti sint, falsa illi crimina obijcere solent; ut quoquo pacto possint, ei molestiam exhibeant; cuius uexationis timor plerumque illum ad inquirenda, & puniendae eorum delicta segniorem reddit: idcirco, ne in magno suo, & Ecclesiae incommodo gregem sibi creditum relinquere, ac non sine Episcopalis dignitatis diminutione uagari cogantur, ita statuit, & decreuit: Episcopus, nisi ob causam, ex qua deponendus, siue priuandus ueniret, etiam si ex officio, aut per inquisitionem, seu denunciationem, uel accusationem, siue alio quouis modo procedatur, ut personaliter compareat, nequaquam citetur, uel moneatur. Testes in causa criminali ad informationem, uel indicia, seu alias in causa principali contra Episcopum, nisi contestes, & bonae conuersationis, existimationis, & famae fuerint, non recipiantur; & si odio, temeritate, aut cupiditate aliquid deposuerint, grauib; poenis multentur. Cause Episcoporum, cum pro criminis obiecti qualitate comparere debeant; coram Pontifice Max. referantur, ac per ipsum terminentur.

D E C R E -



DECRETVM PROROGATIONIS,  
definitionis quattuor articulorum de  
Sacramento Eucharistiæ, & Sal-  
ui conductus, Protestanti-  
bus dandi.

E ADEM sancta Synodus errores omnes, qui sic  
per hoc sanctissimo Sacramento repullularunt,  
tamquam uespres ex agro Dominico euellere, ac  
omnium fidelium saluti prospicere cupiens, quo-  
tidianis precibus Deo omnipotenti pie oblati, in-  
ter alios, ad hoc Sacramentum pertinentes, arti-  
culos, diligentissima ueritatis Catholicæ inquisi-  
tione tractatos, plurimis, accuratissimisq. pro-  
rerum grauitate disputationibus habitis, cogni-  
tis quoque præstantissimorum Theologorum sen-  
tentijs, hos etiam tractabat. An necessarium sit  
ad salutem, & diuino iure præceptum, ut singuli  
Christi fideles sub utraque specie ipsum uenerabile  
Sacramentum accipiant. Et: Num minus sumat,  
qui sub altera, quam qui sub utraque communi-  
cat. Et: An errauerit sancta mater Ecclesia lai-  
cos, & non celebrantes Sacerdotes, sub panis spe-  
cie duntaxat communicando. Et: An paruuli  
etiam communicandi sint. Sed quoniam ex nobi-  
lissima Germaniæ prouincia ij, qui se Protestantes  
nominant, super his ipsis articulis, antequam de-  
finiantur, audiri a sancta Synodo cupiunt, & e-  
am ob causam fidem publicam ab illa postularunt,  
ut



S E S S I O

ut ipsis tuto huc uenire, & in hac urbe commorari, ac libere coram Synodo dicere, atque proponere quæ senserint, & postea, cum libuerit, recedere liceat: sancta ipsa Synodus, licet magno desiderio eorum aduentum multos antea menses expectarit, tamen ut pia mater, quæ ingemiscit, & parturit, summopere id desiderans, ac laborans, ut in ijs, qui Christiano nomine censentur, nulla sint schismata, sed quemadmodum eundem omnes Deum, & Redemptorem agnoscunt, ita idem dicant, idem credant, idem sapiant: confidens Dei misericordia, & sperans fore, ut illi in sanctissimam & salutarem unius fidei, spei, caritatisq. concordiam redigantur, libenter eis in hac re morem gerens, securitatem & fidem, ut petierunt, publicam, quam saluumconductum uocant, quod ad se pertinet, eius, qui infra scriptus erit, tenoris, dedit, atque concessit: & eorum causa definitionem illorum articulorum ad secundam Sessionem distulit; quam, ut illi commode ei interesse possent, in diem festum conuersionis D. Pauli, quæ erit uigesima quinta die mensis Ianuarij, anni sequentis, indixit. Illudq. præterea statuit, ut in eadem Sessione de sacrificio Missæ agatur, propter magnam utriusque rei connexionem; interea Sessione proxima de Penitentia, & Extremæ unctionis Sacramentis, tractandum. illam autem die festo D. Catharinæ uirginis, & martyris, qui erit uigesima quinta Nouembris, habendam



bendam esse decreuit, simulq. in utraque materia reformationis prosequatur.

## SALVVS CONDVCTVS

Protestantibus datus.

**S**ACROSANCTA generalis Tridentina Synodus, in Spiritu sancto legitime congregata, presidentibus in ea eisdem sanctæ Sedis Apostolicæ, Legato & Nuncijs, omnibus, & singulis, siue Ecclesiasticis, siue secularibus personis universæ Germaniæ, cuiuscumque gradus status, conditionis, & qualitatis sint, quæ ad æcumenicum hoc, & generale Concilium accedere uoluerint, ut de ijs rebus, quæ in ipsa Synodo tractari debent, omni libertate conferre, proponere et tractare, ac ad ipsum æcumenicum Concilium libere, & tuto uenire, & in eo manere, & commorari, ac articulos, quot illis uidebitur, tam scripto, quam uerbo, offerre, proponere, & cum Patribus, siue ijs, qui ab ipsa sancta Synodo deleti fuerint, conferre, & absque ullis conuicijs, & contumelijs disputare, necnon, quando illis placuerit, recedere possint, & ualeant, publicam fidem, & plenam securitatem, quam saluumconductum appellant, cum omnibus, & singulis clausulis, & decretis necessarijs, & opportunis, etiam si specialiter, & non per uerba generalia

I neralia



S E S S I O

neralia exprimi deberent, quæ pro expressis haberi uoluit, quantum ad ipsam sanctam Synodum spectat, concedit. Placuit præterea sanctæ Synodo, ut, si pro maiori libertate, ac securitate eorum, certos tam pro commissis, quam pro committendis per eos delictis, iudices eis deputari cupiant, illos sibi beneuolos nominent, etiam si delicta ipsa, quantumcumque enormia, ac hæresim sapientia, fuerint.

S E S S I O

[Faint, mostly illegible text in the lower half of the page, likely bleed-through from the reverse side.]

Doc  
ce  
to  
Sa  
cess  
ta  
fir  
blia  
nora  
tis,  
uersi  
illust  
Christi  
ponti



66

S E S S I O   X I I I I ,  
Q V A E   E S T   Q V A R T A  
S V B   I V L I O   I I I ,   P O N T .   M A X .  
C E L E B R A T A   D I E   X X V   N O V .  
M .   D .   L I .

Doctrina de sanctissimis Pœnitentiæ , & ex-  
tremæ Vnctionis Sacramentis .

**S**ACROSANCTA œcumenica, et ge-  
neralis Tridentina Synodus, in Spiri-  
tu sancto legitime congregata, præsi-  
dentibus in ea eisdem sanctæ Apostoli-  
cæ Sedis Legato, & Nuncijs, quamvis in Decre-  
to de Iustificatiōe multus fuerit de Pœnitentiæ  
Sacramento, propter locorum cognationem, ne-  
cessaria quadam ratione sermo interpositus: tan-  
ta nihilominus circa illud nostra hac ætate diuer-  
sorum errorum est multitudo, ut non parum pu-  
blicæ utilitatis retulerit, de eo exactiorem, & ple-  
norem definitionem tradidisse; in qua demonstra-  
tis, & conuulsis, Spiritus sancti præsidio, uni-  
uersis erroribus, Catholica ueritas perspicua, &  
illustris fieret; quam nunc sancta hæc Synodus  
Christianis omnibus perpetuo seruandam pro-  
ponit.

I   2   De



S E S S I O

De necessitate, & institutione Sacramenti  
Pœnitentiæ. Caput I.

SI ea in regeneratis omnibus gratitudo erga Deum esset, ut iustitiam, in Baptismo, ipsius beneficio, & gratia, susceptam, constanter tuerentur, non fuisset opus, aliud ab ipso Baptismo Sacramentum ad peccatorum remissionem esse institutum. Quoniam autem Deus, diues in misericordia, cognouit figmentum nostrum, illis etiam uitæ remedium contulit, qui sese postea in peccati seruitutem, & Dæmonis potestatem tradidissent, Sacramentum uidelicet Pœnitentiæ, quo lapsis post Baptismum, beneficium mortis Christi applicatur. Fuit quidem Pœnitentia uniuersis hominibus, qui se mortali aliquo peccato inquinassent, quouis tempore ad gratiam, & iustitiam assequendam necessaria, illis etiam, qui Baptismi Sacramento ablui petiuissent, ut, peruersitate abiecta, et eliminata, tantam Dei offensionem cū peccati odio, et pio animi dolore detestarentur: unde propheta ait: Conuertimini, & agite pœnitentiam ab omnibus iniquitatibus uestris: et non erit uobis in ruinam iniquitas. Dominus etiam dixit: Nisi pœnitentiam egeritis, omnes similiter peribitis. Et princeps Apostolorum Petrus peccatoribus Baptismo initiandis, pœnitentiam commendans, dicebat: Pœnitentiam agite, & baptizetur unusquisque uestrum. Porro nec ante aduen-



aduentum Christi Pœnitentia erat Sacramentum, nec est post aduentum illius cuiquam ante Baptismum. Dominus autem Sacramentum tunc præcipue instituit, cum a mortuis excitatus, insufflauit in discipulos suos, dicens: Accipite Spiritum sanctum: quorum remiseritis peccata, remittuntur eis: & quorum retinueritis, retenta sunt. Quo tam insigni facto, & uerbis tam perspicuis, potestatem remittendi, & retinendi peccata, ad reconciliandos fideles, post Baptismum lapsos, Apostolis, & eorum legitimis successoribus fuisse communicatam, uniuersorum Patrum consensus semper intellexit. Et Nouatianos, remittendi potestatem olim pertinaciter negantes, magna ratione Ecclesia Catholica tamquam hæreticos explosit, atque condemnauit. Quare uerissimum hūc illorum uerborum Domini sensum sancta hæc Synodus probans, & recipiens, damnat eorum commenticias interpretationes, qui uerba illa ad potestatem prædicandi uerbum Dei, & Christi Euangelium annunciandi, contra huiusmodi Sacramenti institutionem falso detorquent.

De differentia Sacramenti Pœnitentiæ,  
& Baptismi. Cap. II.

CETERVM hoc sacramentum multis rationibus a Baptismo differre dignoscitur. nam præterquam quod materia, & forma, quibus Sacramenti essentia perficitur, longissime diffidet: con-

I 3 stat



stat certe Baptismi ministrum iudicem esse non oportere: cum Ecclesia in neminem iudicium exerceat, qui non prius in ipsam per Baptismi ianuam fuerit ingressus. Quid enim mihi, inquit Apostolus, deus, qui foris sunt, iudicare? Secus est de domesticis, quos Christus Dominus lauacro Baptismi sui corporis membra semel effecit; nam hos, si se postea crimine aliquo contaminauerint, non iam repetito Baptismo ablui, cum id in Ecclesia Catholica nulla ratione liceat, sed ante hoc tribunal, tamquam reos, sisti uoluit: ut per sacerdotum sententiam non semel, sed quoties ab admis- sis peccatis ad ipsum penitentes confugerint, pos- sent liberari. Alius est præterea Baptismi, & alius Pœnitentiæ fructus; per Baptismum enim Christum induentes, noua prorsus in illo efficimur creatura, plenam & integram peccatorum om- nium remissionem consequentes: ad quam ta- men nouitatem, & integritatem, per Sacramen- tum Pœnitentiæ, sine nostris magnis fletibus, & laboribus, diuina id exigente iustitia, perue- nire nequaquam possumus, ut merito Pœnitentia laboriosus quidam Baptismus a sanctis Patribus dictus fuerit. Est autem hoc Sacramentum Pœ- nitentiæ lapsis post Baptismum ad salutem necessa- rium; ut nondum regeneratis ipse Baptismus.

De



## De partibus, &amp; fructu huius Sacramenti. Caput III.

DOCET præterea sancta Synodus, Sacramenti Pœnitentiæ formam, in qua præcipue ipsius uis sita est, in illis ministri uerbis positam esse: Ego te absoluo etc. quibus quidem de Ecclesiæ sanctæ more preces quædã laudabiliter adiunguntur: ad ipsius tamen formæ essentiam nequaquam spectant, neque ad ipsius Sacramenti administrationem sunt necessariae. Sunt autem quæsi materia huius Sacramenti ipsius pœnitentis actus, nempe contritio, confessio, & satisfactio. Qui quatenus in pœnitente ad integritatem Sacramenti, ad plenamque, & perfectam peccatorum remissionem ex Dei institutione requiruntur, hac ratione, partes Pœnitentiæ dicuntur. Sane uero res, & effectus huius Sacramenti, quantum ad eius uim, & efficaciam pertinet, reconciliatio est cum Deo, quam interdum in uiris pijs, & cum deuotione hoc Sacramentum percipientibus, conscientiæ pax, ac serenitas cum uehementi spiritus consolatione consequi solet. Hæc de partibus, & effectu huius Sacramenti, sancta Synodus tradens, simul eorum sententias damnat, qui Pœnitentiæ partes, incussos conscientiæ terrores, & fidem esse contendunt.



## De Contritione. Cap. I III.

CONTRITIO, quæ primum locum inter di-  
 ctos penitentis actus habet, animi dolor, ac de-  
 testatio est de peccato commisso, cum proposito  
 non peccandi de cetero. Fuit autem quouis tem-  
 pore ad impetrandam ueniam peccatorum hic cō-  
 tritionis motus necessarius; & in homine post Ba-  
 ptismum lapso, ita demum præparat ad remissio-  
 nem peccatorum; si cum fiducia diuinæ misericor-  
 diæ, & uoto præstandi reliqua, coniunctus sit,  
 quæ ad rite suscipiendum hoc Sacramentum re-  
 quiruntur. Declarat igitur sancta Synodus hanc  
 Contritionem, non solum cessationem a peccato,  
 & uitæ nouæ propositum, & inchoationem, sed  
 ueteris etiam odium continere, iuxta illud: Proij-  
 cite a uobis omnes iniquitates nostras, in quibus  
 præuicati estis; & facite uobis cor nouum, &  
 spiritum nouum. Et certe, qui illos sanctorum cla-  
 mores considerauerit: Tibi soli peccaui, & ma-  
 lum coram te feci: Laboravi in gemitu meo, la-  
 uabo per singulas noctes lectum meum: Recogita-  
 bo tibi omnes annos meos, in amaritudine animæ  
 meæ: & alios huiusmodi generis: facile iutelli-  
 get, eos ex uehementi quodam antea actæ uitæ o-  
 dio, & ingenti peccatorum detestatione manas-  
 se. Docet præterea, etsi Contritionem hanc ali-  
 quando caritate perfectam esse contingat, homi-  
 nemq. Deo reconciliare, priusquam hoc Sacra-  
 mentum



mentum actu suscipiatur; ipsam nihilominus reconciliationem ipsi contritioni sine Sacramenti uoto, quod in illa includitur, non esse adscribendam. Illam uero Contritionem imperfectam, quæ Attritio dicitur, quoniam uel ex turpitudinis peccati consideratione, uel ex gehennæ, & pœnarum metu communiter concipitur, si uoluntatem peccandi excludat, cum spe ueniæ; declarat, non solum non facere hominem hypocritam, uerum etiam donum Dei esse, & Spiritus sancti impulsus, non adhuc quidem inhabitantis, sed tantum mouentis, quo pœnitens adiutus uiam sibi ad iustitiam parat. Et quamuis sine Sacramento Pœnitentiæ per se ad iustificacionem perducere peccatorem nequeat; tamen eum ad Dei gratiam in Sacramento Pœnitentiæ impetrandam disponit. hoc enim timore utiliter concussi Niniuitæ, ad Ionæ prædicationem, plenam terroribus, pœnitentiam egerunt, & misericordiam a Domino impetrarunt. Quamobrem falso quidam calumniantur Catholicos scriptores, quasi tradiderint Sacramentum Pœnitentiæ, absque bono motu suscipientium, gratiam conferre: quod numquam Ecclesia Dei docuit, nec sensit. sed & falso docent, Contritionem esse extortam, & coactam, non liberam, & uoluntariam.

## De Confessione. Cap. V.

Ex institutione Sacramenti Pœnitentiæ iam explicata,



explicata, uniuerſa Eccleſia ſemper intellexit, inſtitutam etiam eſſe a Domino integram peccatorum Confeſſionem, & omnibus poſt Baptiſmum lapſis iure diuino neceſſariam exiſtere: quia Dominus noſter Ieſus Chriſtus, e terris aſcenſurus ad cælos, ſacerdotes ſui ipſius Vicarios reliquit, tamquam præſides, & iudices, ad quos omnia mortalia crimina deferantur, in quæ Chriſti fideles ceciderint, quo pro poteſtate clauium remiſſionis, aut retentionis peccatorum ſententiam pronuncient. conſtat enim, ſacerdotes iudicium hoc, incognita cauſa, exercere non potuiſſe, neque æquitatem quidem illos in pœnis iniungendis ſeruare potuiſſe, ſi in genere dumtaxat, & non potius in ſpecie, ac ſigillatim ſua ipſi peccata declaraffent. Ex his colligitur oportere a pœnitentibus omnia peccata mortalia, quorum poſt diligentem ſui diſcuſſionem conſcientiam habent, in confeſſione recenſeri, etiam ſi occultiſſima illa ſint, & tantum aduerſus duo ultima Decalogi præcepta commiſſa, quæ nonnumquam animum grauius ſauciant, & periculoſiora ſunt ijs, quæ in manifeſto admittuntur. nam uenialia, quibus a gratia Dei non excludimur, & in quæ frequentius labimur, quamquam recte, & utiliter, citraq. omnem præſumptionem in Confeſſione dicantur, quod piorum hominum uſus demonſtrat, taceri tamen citra culpam, multisq. alijs remedijs expiari poſſunt. Verum, cum uniuerſa mortalia peccata, etiam



etiam cogitationis, homines iræ filios, & Dei inimicos reddant; necessum est omnium etiam veniam, cum aperta, & uerecunda confessione, a Deo quærere. Itaque dum omnia, quæ memoriæ occurrunt, peccata Christi fideles confiteri student; proculdubio omnia diuinæ misericordiæ agnoscenda exponunt. qui uero secus faciunt, & scienter aliqua retinent, nihil diuinæ bonitati per sacerdotem remittendum proponunt. si enim erubescat agrotus uulnus medico detegere, quod ignorat, medicina non curat. Colligitur præterea, etiam eas circumstantias in Confessione explicandas esse, quæ speciem peccati mutant: quod sine illis peccata ipsa, neque a penitentibus integre exponantur, nec iudicibus innotescant; & fieri nequeat, ut de grauitate criminum recte censere possint, & pœnam, quam oportet, pro illis, penitentibus imponere. unde alienum a ratione est, docere circumstantias has ab hominibus otiosis excogitatas fuisse; aut unam tantum circumstantiam confitendam esse, nempe peccasse in fratrem. Sed & impium est, Confessionem, quæ hac ratione fieri præcipitur, impossibilem dicere, aut carnisficinam illam conscientiarum appellare. constat enim nihil aliud in Ecclesia a penitentibus exigere, quam ut, postquam quisque diligentius se excuserit, & conscientie suæ sinus omnes, & latebras explorauerit, ea peccata confiteatur, quibus se Dominum, & Deum suum mortaliter offendisse

se



se meminerit: reliqua autem peccata, quæ diligenter cogitanti non occurrunt, in uniuersum, eadem Confessione inclusa esse intelliguntur: pro quibus fideliter cum Propheta dicimus: *Ab occultis meis munda me Domine.* Ipsa uero huiusmodi Confessionis difficultas, ac peccata detegendi uerecundia, grauis quidem uideri posset, nisi tot, tantisq. commodis, & consolationibus leuaretur, quæ omnibus, digne ad hoc Sacramentum accedentibus, per absolutionem certissime conferuntur. Ceterum, quo ad modum confitendi secreto apud solum sacerdotem, etsi Christus non uenerit, quin aliquis in uindictam suorum scelerum, & sui humiliationem, cum ob aliorum exemplum, tum ob Ecclesiæ offensæ ædificationem, delicta sua publice confiteri possit: non est tamen hoc diuino præcepto mandatum, nec satis consulte humana aliqua lege præciperetur, ut delicta, præsertim secreta, publica essent confessione aperienda. unde cum a sanctissimis, & antiquissimis Patribus magno, unanimiq. consensu, secreta Confessio sacramentalis, qua ab initio Ecclesia sancta usa est, & modo etiam utitur, fuerit semper commendata; manifeste refellitur inanis eorum calumnia, qui eam a diuino mandato alienam, & inuentum humanum esse, atque a Patribus, in Concilio Lateranensi congregatis, initium habuisse, docere non uerentur. neque enim per Lateranense Concilium Ecclesia statuit,

ut



ut Christi fideles confiterentur : quod iure diuino  
necessarium, & institutum esse intellexerat : sed  
ut praeceptum Confessionis, saltem semel in anno,  
ab omnibus, & singulis, cum ad annos discretio-  
nis peruenissent, impleretur. unde iam in uniuersa  
Ecclesia, cum ingenti animarum fidelium fru-  
ctu, obseruatur mos ille salutaris confitendi, sa-  
cro illo, & maxime acceptabili tempore Quadra-  
gesimae; quem morem haec sancta Synodus maxi-  
me probat, & amplectitur, tamquam pie, &  
merito retinendum.

De ministro huius Sacramenti, & Ab-  
solutione. Cap. VI.

CIRCA ministrum autem huius Sacramen-  
ti, declarat sancta Synodus, falsas esse, & a  
ueritate Euangelij penitus alienas, doctrinas  
omnes, quae ad alios quosuis homines, prae-  
ter Episcopos, & sacerdotes, Clauium mini-  
sterium perniciosè extendunt; putantes uerba  
illa Domini: Quaecumque alligaueritis super  
terram, erunt alligata & in caelo; & quae-  
cumque solueritis super terram, erunt solu-  
ta & in caelo: & quorum remisseritis peccata,  
remittuntur eis; & quorum retinueritis, reten-  
ta sunt: ad omnes Christi fideles indifferenter, &  
promiscue, contra institutionem huius Sacramen-  
ti, ita fuisse dicta, ut quiuis potestatem habeat  
remittendi peccata, publica quidem per correptio-  
nem,



nem, si correptus acquieuerit; secreta uero per spontaneam Confessionem, cuicumque factam. Docet quoque etiam sacerdotes, qui peccato mortali tenentur, per uirtutem Spiritus sancti, in ordinatione collatam, tamquam Christi ministros, functionem remittendi peccata exercere, eosq. prae se sentire, qui in malis sacerdotibus hanc potestatem non esse contendunt. Quamuis autem Absolutio sacerdotis alieni beneficii sit dispensatio; tamen non est solum nudum ministerium, uel annunciandi Euangelium, uel declarandi remissa esse peccata; sed ad instar actus iudicialis, quo ab ipso, uelut à iudice, sententia pronunciatur. atque ideo non debet penitens adeo sibi de sua ipsius fide blādiri, ut, etiam si nulla illi adsit contritio, aut sacerdoti animus serio agendi, & uere absoluendi, desit; putet tamen se, propter suam solam fidem, uere, & coram Deo, esse absolutum. nec enim fides sine Penitentia remissionem ullam peccatorum praestaret: nec is esset, nisi salutis suae negligentissimus, qui sacerdotem iocose absoluentem cognosceret; et non aliū serio agentem, sedulo requireret.

De Casuum reservatione. Cap. VII.

QVONIAM igitur natura, & ratio iudicii illud exposcit, ut sententia in subditos dumtaxat feratur; persuasum semper in Ecclesia Dei fuit, & uerissimum esse Synodus haec confirmat, nullius momenti absolutionem eam esse debere, quam sacer-



sacerdos in eum profert, in quem ordinariam, aut subdelegatam non habet iurisdictionem. Magnopere uero ad Christiani populi disciplinam pertinere, sanctissimis Patribus nostris uisum est, ut atrociora quædam, & grauiora crimina non a quibusuis, sed a summis dumtaxat sacerdotibus absoluerentur. unde merito Pontifices Max. pro suprema potestate, sibi in Ecclesia uniuersa tradita, causas aliquas criminum grauiores suo potuerunt peculiari iudicio reseruare. Neque dubitandum est, quando omnia, quæ a Deo sunt, ordinata sunt, quin hoc idem Episcopis omnibus in sua cuique diœcesi, in ædificationem tamen, non in destructionem, liceat, pro illis in subditos tradita, supra reliquos inferiores sacerdotes, auctoritate, præsertim quo ad illa, quibus excommunicationis censura annexa est. Hanc autem delictorum reseruationem, consonum est diuinæ auctoritati, non tantum in externa politia, sed etiam coram Deo uim habere. uerumtamen pie admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reseruatio in articulo mortis, atque ideo omnes sacerdotes quoslibet pœnitentes a quibusuis peccatis, & censuris absolvere possint: extra quem articulum sacerdotes cum nihil possint in casibus reseruatis, id unum pœnitentibus persuadere nitantur, ut ad superiores, & legitimos iudices pro beneficio Absolutionis accedant.

De



S E S S I O

De Satisfactionis necessitate, & fructu.

Cap. VIII.

DEMUM, quo ad Satisfactionem, quæ ex omnibus penitentiae partibus, quemadmodum a Patribus nostris Christiano populo fuit perpetuo tempore commendata; ita una maxime nostra etate, summo pietatis prætextu, impugnetur ab ijs, qui speciem pietatis habent, uirtutem autem eius abnegarunt: sancta Synodus declarat, falsum omnino esse, & a uerbo Dei alienum, culpam a Domino numquam remitti, quin uniuersa etiam pœna condonetur. perspicua enim, & illustra in sacris litteris exempla reperiuntur, quibus, præter diuinam traditionem, hic error quam manifestissime reuincitur. Sane & diuinæ iustitiæ ratio exigere uidetur, ut aliter ab eo in gratiam recipiantur, qui ante Baptismum per ignorantiam deliquerint, aliter uero, qui, semel a peccati, & Dæmonis seruitute liberati, & accepto Spiritus sancti dono, scienter templum Dei uiolare, & Spiritum sanctum contristare non formidauerint. Et diuinam clementiam decet, ne ita nobis absque ulla Satisfactione peccata dimittantur, ut, occasione accepta, peccata leuiores putantes, uelut iniurijs, et contumeliosis Spiritui sancto, in grauiora labamur, thesaurizantes nobis iram in die iræ. proculdubio enim magnopere a peccato reuocant, & quasi freno quodam coercent hæ satisfactoriæ



atisfactoriæ pœnæ, cautioresque, & uigilantiôres  
in futurum pœnitentes efficiunt, medentur quoque  
peccatorum reliquijs, & uitiosos habitus, male  
uiuendo comparatos, contrarijs uirtutum actio-  
nibus tollunt. Neque uero securior ulla uia in Ec-  
clesia Dei umquam existimata fuit ad amouendam  
imminentem a Domino pœnam, quam ut hæc Pœ-  
nitentiæ opera homines cum uero animi dolore fre-  
quentent. Accedit ad hæc, quod dum satisfacien-  
do patimur pro peccatis; Christo Iesu, qui pro pec-  
catis nostris satisfecit, ex quo omnis nostra suffi-  
cientia est, conformes efficimur, certissimam quo-  
que inde arrham habentes, quod si compatimur,  
& conglorificabimur. Neque uero ita nostra est  
satisfactio hæc, quam pro peccatis nostris exol-  
uimus, ut non sit per Christum Iesum. nam qui  
ex nobis, tamquam ex nobis, nihil possumus; eo  
cooperante, qui nos confortat, omnia possumus.  
ita non habet homo unde gloriatur: sed omnis glo-  
riatio nostra in Christo est: in quo uiuimus, in quo  
meremur, in quo satisfacimus: facientes fructus  
dignos pœnitentiæ, qui ex illo uim habent; ab illo  
offeruntur Patri; & per illum acceptantur a Pa-  
tre. Debent ergo sacerdotes Domini, quantum spi-  
ritus, & prudentia suggererit, pro qualitate cri-  
minum, & pœnitentium facultate salutare, &  
conuenientes satisfactiones iniungere: ne, si forte  
peccatis conniueant, & indulgentius cum pœni-  
tentibus agant, leuissima quædam opera pro gra-  
uissimis

K

uissimis



# S E S S I O

uissimis delictis iniungendo, alienorum peccatorum participes efficiantur. Habeant autem præ oculis, ut Satisfactio, quam imponunt, non sit tantum ad nouæ uitæ custodiam, & infirmitatis medicamentum; sed etiam ad præteritorum peccatorum uindictam, & castigationem. nam clauēs sacerdotum non ad soluendum dumtaxat, sed et ad ligandum concessas, etiam antiqui Patres & credunt, & docent. nec propterea existimarunt, Sacramentum Pænitiæ esse forum iræ, uel pœnarum, sicut nemo umquam Catholicus sensit, ex huiusmodi nostris satisfactionibus uim meriti, & satisfactionis Domini nostri Iesu Christi uel obscurari, uel aliqua ex parte imminui: quod dum Nouatores intelligere uolunt, ita optimam Pœnitentiam nouam uitam esse docent, ut omnem satisfactionis uim, & usum tollant.

## De operibus Satisfactionis. Cap. IX.

DOCET præterea, tantam esse diuinæ magnificentiae largitatem, ut non solum pœnis sponte a nobis pro uindicando peccato susceptis, aut sacerdotis arbitrio pro mensura delicti impositis, sed etiam, quod maximum amoris argumentum est, temporalibus flagellis a Deo inflictis, & a nobis patienter toleratis, apud Deum patrem, per Christum Iesum, satisfacere uuleamus.

Lo Arina



Doctrina de Sacramento extre-  
mæ Vnctionis.

VISVM est autem sanctæ Synodo, præceden-  
ti doctrinæ de Pænitentia adiungere ea, quæ se-  
quuntur de Sacramento extremæ Vnctionis: quod  
non modo Pænitentia, sed etiam totius Christia-  
næ uitæ, quæ perpetua pænitentia esse debet, con-  
summativum existimatum est a Patribus. Pri-  
mum itaque, circa illius institutionem, declarat,  
& docet, quod clementissimus Redemptor noster,  
qui servis suis quovis tempore voluit de salutari-  
bus remedijs aduersus omnia omnium hostium te-  
la esse prospectum, quemadmodum auxilia maxi-  
ma in Sacramentis alijs præparavit, quibus Chri-  
stiani conseruare se integros, dum uiuerent, ab  
omni grauiore spiritus incommodo possint; ita ex-  
tremæ Vnctionis Sacramento finem uitæ, tam-  
quam firmissimo quodam præsidio, munivit. nam  
etsi aduersarius noster occasiones per omnem ui-  
tam quærat, & captet, ut deuorare animas no-  
stras quoquo modo possit; nullum tamen tempus  
est, quo uehementius ille omnes suæ uersutiæ ner-  
uos intendat ad perdendos nos penitus, & si fi-  
ducia etiam, si possit, diuinæ misericordiæ detur-  
bandos, quam cum impendere nobis exitum uitæ  
perspicit.



S E S S I O

De institutione Sacramenti extremæ  
Vnctionis. Caput I.

INSTITUTA est autem sacra hæc Vnctio infirmorum, tamquam uere, & proprie Sacramentum noui Testamenti, a Christo, Domino nostro, apud Marcum quidem insinuatum, per Iacobum autem Apostolum, ac Domini fratrem, fidelibus commendatum, ac promulgatum. Infirmatur, inquit, quis in uobis, inducat presbyteros Ecclesiæ, & orent supra eum, ungentes eum oleo, in nomine Domini: & oratio fidei saluabit infirmum, & alleuiabit eum Dominus: & si in peccatis sit, dimittentur ei. Quibus uerbis, ut ex Apostolica traditione, per manus accepta, Ecclesia didicit, docet materiam, formam, proprium ministrum, & effectum huius salutaris Sacramenti. intellexit enim Ecclesia, materiam esse oleum, ab Episcopo benedictum. nam Vnctio aptissime Spiritus sancti gratiam, qua inuisibiliter anima ægrotantis inungitur, repræsentat; formam deinde esse illa uerba, Per istam unctionem, etc.

De effectu huius Sacramenti. Cap. II.

RES porro, & effectus huius Sacramenti illis uerbis explicatur: Et oratio fidei saluabit infirmum: & alleuiabit eum Dominus: & si in peccatis sit, dimittentur ei. res etenim gratia est Spiritus sancti: cuius Vnctio delicta, si quæ sint  
adhuc



adhuc expianda, ac peccati reliquias abstergit; et ægroti animam alleviat, et confirmat, magnam in eo diuinæ misericordiæ fiduciam excitando: qua infirmus subleuatus, & morbi incommoda, ac labores leuius fert; & tentationibus Dæmonis, calcaneo insidiantis, facilius resistit; & sanitatem corporis interdum, ubi salutis animæ expedierit, consequitur.

De ministro huius Sacramenti, & tempore, quo dari debeat. Cap. III.

IAM uero, quod attinet ad præscriptionem eorum, qui & suscipere, & ministrare hoc Sacramentum debent, haud obscure fuit illud etiam in uerbis prædictis traditum. nam & ostenditur illic, proprios huius Sacramenti ministros esse, Ecclesiæ presbyteros. quo nomine, eo loco, non ætate seniores, aut primores in populo intelligendi ueniunt, sed aut Episcopi, aut sacerdotes, ab ipsis rite ordinati, per impositionem manuum presbyteri. Declaratur etiam, esse hanc Vnctionem infirmis adhibendam, illis uero præsertim, qui tam periculose decumbunt, ut in exitu uitæ constituti uideantur: unde & Sacramentum exeuntium nuncupatur. Quod si infirmi post susceptam hanc Vnctionem conualuerint; iterum huius Sacramenti subsidio iuuari poterunt; cum in aliud simile uitæ discrimen inciderint. Quare nulla ratione audiendi sunt, qui contra tam apertam, & diluci-



dam Apostoli Iacobi sententiam docent, hanc Vnctionem, uel signum esse humanum, uel ritum a patribus acceptum, nec mandatum Dei, nec promissionem gratiae habentem: & qui illam iam cessasse asserunt, quasi ad gratiam curationum dumtaxat in primitiua Ecclesia referenda esset: et qui dicunt ritum, & usum, quem sancta Romana Ecclesia in huius Sacramenti administratione obseruat, Iacobi Apostoli sententiae repugnare, atque in alium commutandum esse: et denique, qui hanc extremam Vnctionem a fidelibus sine peccato contemni posse affirmant. haec enim omnia manifestissime pugnant cum perspicuis tanti Apostoli uerbis. Nec profecto Ecclesia Romana, aliarum omnium mater, & magistra, aliud in hac administranda Vnctione, quantum ad ea, quae huius Sacramenti substantiam perficiunt, obseruat, quam quod beatus Iacobus perscripsit. Nec uero tanti Sacramenti contemptus absque ingenti scelere, & ipsius Spiritus sancti iniuria esse posset.

Haec sunt, quae de Penitentiae, & extremae Vnctionis Sacramentis haec sancta oecumenica Synodus profitetur, & docet; atque omnibus Christi fidelibus credenda, & tenenda proponit. Sequentes autem Canones inuiolabiliter seruandos esse tradit, & asserentes contrarium perpetuo damnat, & anathematizat.

De



76  
DE SANCTISSIMO

Pœnitentiæ Sacramento.

CANON I.

SI quis dixerit, in Catholica Ecclesia Pœnitentiam non esse uere, & proprie Sacramentum, pro fidelibus, quoties post Baptismum in peccata labuntur, ipsi Deo reconciliandis, a Christo, Domino nostro, institutum; anathema sit.

CANON II.

SI quis Sacramenta confundens, ipsum Baptismum, Pœnitentiæ Sacramentum esse dixerit, quasi hæc duo Sacramenta distincta non sint, atque ideo Pœnitentiam non recte secundam post naufragium tabulam appellari; anathema sit.

CANON III.

SI quis dixerit, uerba illa Domini Saluatoris: Accipite Spiritum sanctum: quorum remisistis peccata remittuntur eis: & quorum retinueritis, retenta sunt: non esse intelligenda, de potestate remittendi, & retinendi peccata in Sacramento Pœnitentiæ, sicut Ecclesia Catholica ab initio semper intellexit; detorserit autem, contra institutionem huius Sacramenti, ad auctoritatem prædicandi Euangelium; anathema sit.

K 4 CA-



S E S S I O

C A N O N   I I I I .

*SI quis negauerit, ad integram, et perfectam peccatorum remissionem requiri tres actus in pœnitente, quasi materiam Sacramenti Pœnitentiæ uidelicet, Contritionem, Confessionem, & Satisfactionem, quæ tres Pœnitentiæ partes dicuntur; aut dixerit, duas tantum esse Pœnitentiæ partes, terrores scilicet incussos conscientia, agnito peccato; & fidem conceptam ex Euangelio, uel absolutione, qua credit quis sibi per Christum remissa peccata; anathema sit.*

C A N O N   V .

*SI quis dixerit, eam Contritionem, quæ paratur per discussionem, collectionem, & detestationem peccatorum, qua quis recogitat annos suos in amaritudine animæ suæ, ponderando peccatorum suorum grauitatem, multitudinem, sceditatem, amissionem æternæ beatitudinis, & æternæ damnationis incursum, cum proposito melioris uitæ, non esse uerum, & utilem dolorem, nec præparare ad gratiam; sed facere hominem hypocritam, & magis peccatorem; demum illam, esse dolorem coactum, & non liberum ac uoluntarium; anathema sit.*

C A N O N   V I .

*SI quis negauerit, Confessionem sacramentalem*



lem uel institutam, uel ad salutem necessariam esse iure diuino; aut dixerit, modum secrete confitendi soli sacerdoti, quem Ecclesia Catholica ab initio semper obseruauit, & obseruat, alienum esse ab institutione, & mandato Christi, & inuentum esse humanum; anathema sit.

## C A N O N   V I I .

SI quis dixerit, in Sacramento Pœnitentiæ ad remissionem peccatorum necessarium non esse iure diuino, confiteri omnia, & singula peccata mortalia, quorum memoria cum debita, & diligenti præmeditatione habeatur, etiam occulta, & quæ sunt contra duo ultima Decalogi præcepta, & circumstantias, quæ peccati speciem mutant; sed eam Confessionem tantum esse utilem ad erudiendum, & consolandum pœnitentem, & olim obseruatam fuisse tantum ad satisfactionem canonicam imponendâ; aut dixerit, eos, qui omnia peccata cœnfiteri student, nihil relinquere uelle diuinæ misericordiæ ignoscendum; aut demum, non licere confiteri peccata uenialia; anathema sit.

## C A N O N   V I I I .

SI quis dixerit, Confessionem omnium peccatorum, qualem Ecclesia seruat, esse impossibilem, & traditionem humanam, a pijs abolendam; aut ad eam non teneri omnes, & singulos, utriusque sexus, Christi fideles, iuxta magni Concilij Lateranensis



S E S S I O

ranensis constitutionem, semel in anno, & ob id  
suadendum esse Christi fidelibus, ut non confitean-  
tur tempore Quadragesimæ; anathema sit.

C A N O N I X.

SI quis dixerit, Absolutionem sacramenta-  
lem sacerdotis non esse actum iudicalem, sed nu-  
dum ministerium pronunciandi, & declarandi re-  
missa esse peccata confitenti; modo tantum cre-  
dat, se esse absolutum; aut sacerdos non serio, sed  
ioco absoluat; aut dixerit, non requiri Confessio-  
nem penitentis, ut sacerdos eum absolvere possit;  
anathema sit.

C A N O N X.

SI quis dixerit, sacerdotes, qui in peccato  
mortali sunt, potestatem ligandi, & soluendi  
non habere; aut non solos sacerdotes esse ministros  
absolutionis, sed omnibus, & singulis Christi  
fidelibus esse dictum: Quæcumque ligaueritis su-  
per terram, erunt ligata & in calo; & quæcum-  
que solueritis super terram, erunt soluta & in ca-  
lo: & quorum remisseritis peccata, remittuntur  
eis; & quorum retinueritis, retenta sunt: quo-  
rum uerborum uirtute quilibet absolvere possit  
peccata, publica quidem per correptionem dum-  
taxat, si correptus acquieverit; secreta uero per  
spontaneam confessionem: anathema sit.

C A-



## C A N O N X I.

SI quis dixerit, Episcopos non habere ius reseruandi sibi casus, nisi quo ad externam politiam, atque ideo casuum reseruatiorem non prohibere, quo minus sacerdos a reseruatis uere absoluat; anathema sit.

## C A N O N X I I.

SI quis dixerit, totam pœnam simul cum culpa remitti semper a Deo, satisfactionemq. pœnitentium non esse aliam, quam fidem, qua apprehendunt Christum pro eis satisfacisse; anathema sit.

## C A N O N X I I I.

SI quis dixerit, pro peccatis, quo ad pœnam temporalem, minime Deo per Christi materia satisfieri pœnis, ab eo inflictis, & patienter toleratis, uel a sacerdote iniunctis, sed neque sponte susceptis, ut ieiunijs, orationibus, eleemosynis, uel alijs etiam pietatis operibus, atque ideo optimam pœnitentiam, esse tantum nouam uitam; anathema sit.

## C A N O N X I I I I.

SI quis dixerit, satisfactiones, quibus pœnitentes per Christum Iesum peccata redimunt, non esse cultus Dei, sed traditiones hominum doctrinam



SESSIO  
nam de gratia, & uerum Dei cultum, atque ipsum beneficium mortis Christi obscurantes; anathema sit.

#### CANON XV.

SI quis dixerit, Clauēs Ecclesiæ esse datas tantum ad soluendum, non etiam ad ligandum; & propterea sacerdotes, dum imponunt pœnas confitentibus, agere contra finem Clauium, & contra institutionem Christi; & fictionem esse, quod, uirtute Clauium sublata, pœna æterna, & pœna temporalis plerumque exoluenda remaneat; anathema sit.

### DE SACRAMENTO

extremæ Vnctionis.

#### CANON I.

SI quis dixerit, extremam Vnctionem non esse uere, & proprie Sacramentum, a Christo Domino nostro institutum, & a beato Iacobo Apostolo promulgatum, sed ritum tantum acceptum a Patribus, aut figmentum humanum; anathema sit.

#### CANON II.

SI quis dixerit, sacram infirmorum Vnctionem non conferre gratiam, nec remittere peccata,



ta, nec alleuiare infirmos; sed iam cessasse, quasi olim tantum fuerit gratia curationum; anathema sit.

## C A N O N    I I I.

SI quis dixerit, extremæ Vnctionis ritum, & usum, quem obseruat sancta Romana Ecclesia, repugnare sententiæ beati Iacobi Apostoli, ideoq. eum mutandum, posseq. a Christianis absque peccato contemni; anathema sit.

## C A N O N    I I I I.

SI quis dixerit, presbyteros Ecclesiæ, quos beatus Iacobus adducendos esse ad infirmum inuigendum hortatur, non esse sacerdotes, ab Episcopo ordinatos, sed ætate seniores in quauis communitate; ob idq. proprium extremæ Vnctionis ministrum non esse solum sacerdotem; anathema sit.

## Decretum de reformatione.

## Caput    I.

beneficentia

CVM proprie Episcoporum munus sit, subditorum omnium uitia redarguere; hoc illis præcipue cauendum erit, ne clerici, præsertim ad animarum curam constituti, criminosi sint, neue inhonestam uitam, ipsis conuenientibus, ducant. nam, si eos prauis, & corruptis moribus esse permittant; quo pacto laicos de ipsorum uitis



tū redarguent; qui uno ab eis sermone conuinci  
 possent, quod clericos ipsis patiantur esse deterio-  
 res? qua etiam libertate laicos corripere pote-  
 runt sacerdotes; cum tacite sibi ipsi respondeant,  
 eadem se admisisse, quæ corripiunt? Monebunt  
 propterea Episcopi suos clericos, in quocumque  
 ordine fuerint, ut conuersatione, sermone, &  
 scientia, commissio sibi Dei populo præeant; me-  
 mores eius, quod scriptum est: Sancti estote, quia  
 & ego sanctus sum. Et iuxta Apostoli uocem:  
 Nemini dent ullam offensionem, ut non uitupere-  
 tur ministerium eorum; sed in omnibus exhibeāt  
 se, sicut ministros Dei; ne illud prophetæ dictum  
 impleatur in eis: Sacerdotes Dei contaminant  
 sancta, & reprobant legem. Vt autem ipsi Epi-  
 scopi id liberius exequi, ac quoquam prætextu  
 desuper impediri nequeant; eadem sacrosancta  
 æcumenica, & generalis Tridentina Synodus,  
 præsidentibus in ea eisdem Apostolicæ Sedis Le-  
 gato, & Nuncijs, hos, qui sequuntur, Canones  
 statuendos, & decernendos duxit. Cum hone-  
 stius, ac tutius sit subiecto, debitam Præpositis  
 obedientiam impendendo, in inferiori ministerio  
 deferuere, quam cum Præpositorum scandalo gra-  
 duum altiorum appetere dignitatem; ei, cui a-  
 scensus ad sacros ordines a suo Prælato, ex qua-  
 cumque causa, etiam ob occultum crimen quomo-  
 dolibet etiam extraiudicialiter fuerit interdi-  
 ctus; aut qui a suis ordinibus, seu gradibus, uel  
 dignitati-



dignitatibus Ecclesiasticis fuerit suspensus; nulla contra ipsius Prælati uoluntatem concessa licentia de se promoueri faciendo; aut ad priores ordines, gradus, & dignitates, siue honores restitutio suffragetur.

## Caput II.

ET, quoniam nonnulli Episcopi Ecclesiarum, quæ in partibus infidelium consistunt, clero carentes, & populo Christiano, cum fere uagabundi sint, & permanentem sedem non habeant, non quæ Iesu Christi, sed alienas oues inscio proprio Pastore quærentes, dum per hanc sanctam Synodum se pontificalia officia in alterius diœcesi, nisi de loci Ordinarij expressa licentia, & in personas eidem Ordinario subiectas tantum, exercere prohibitos uident, in legis fraudem, & contemptum, quasi Episcopalem cathedram in loco nullius diœcesis sua temeritate eligunt, & quoscumque ad se uenientes, etiam si suorum Episcoporum, seu Prælatorum litteras commendaticias non habeant, clericali charactere insignire, & ad sacros etiam presbyteratus ordines promouere præsumunt: quo plerumque fit, ut minus idonei, & rudes, ac ignari, & qui a suo Episcopo tamquam inhabiles, et indigni reiecti fuerunt, ordinati nec diuina officia peragere, nec Ecclesiastica Sacramenta recte ualeant ministrare: Nemo Episcoporum, qui Titulares uocantur, etiam  
si in



S E S S I O

si in loco nullius diœcesis, etiam exempto, aut aliquo monasterio cuiusvis ordinis resederint, aut moram traxerint, uigore cuiusvis priuilegij sibi de promouendo quoscumque ad se uenientes pro tempore concessi, alterius subditum, etiam prætextu familiaritatis continuæ commensalitatissuæ, absque sui proprii Prælati expresso consensu, aut litteris dimissorijs ad aliquos sacros, aut minores ordines, uel primam tonsuram promouere, seu ordinare ualeat: contra faciens ab exercitio pontificalium per annum; taliter uero promotus ab executione ordinum sic susceptorum, donec suo Prælato uisum fuerit, ipso iure sint suspensi.

Caput III.

**E**PISCOPVS quoscumque suos clericos, præsertim in sacris constitutos, absque suo præcedenti examine, & commendaticijs litteris, quacumque auctoritate promotos, licet tãquam habiles ab eo, a quo ordinati sunt, probatos, quos tamen ad diuina officia celebranda, seu Ecclesiastica Sacramenta ministranda minus idoneos, & capaces repererit; a susceptorum ordinum exercitio ad tempus, de quo ei uidebitur, suspendere, & illis, ne in altari, aut aliquo ordine ministrent, interdicere possit.

Ca-



## Caput IIII.

**O**MNES ecclesiarum Prelati, qui ad corrigendum subditorum excessus diligenter intendere debent, & a quibus nullus clericus per huius sanctæ Synodi statuta, cuiusvis privilegij prætextu, tutus censetur, quo minus iuxta canonicas sanctiones uisitari, puniri, & corrigi possit; si in ecclesiis suis resederint, quoscumque sæculares clericos, qualitercumque exemptos qui alias suæ iurisdictioni subessent, de eorum excessibus, criminibus, & delictis, quoties, & quando opus fuerit, etiam extra uisitationem, tamquam ad hoc Apostolicæ Sedis delegati, corrigendi, & castigandi facultatem habeant: quibuscumque exemptionibus, declarationibus, consuetudinibus, sententijs, iuramentis, concordijs, quæ tantum suos obligent auctores, ipsis clericis, ac eorum consanguineis, capellanis, familiaribus, procuratoribus, & alijs quibuslibet, ipsorum exemptorum contemplatione, & intuitu minime suffragantibus.

## Caput V.

**I**NSUPER, cum nonnulli, qui sub prætextu quod super bonis, & rebus, ac iuribus suis diuersæ eis iniuriæ, ac molestiæ inferantur, certos iudices per litteras Conseruatorias deputari obtinent, qui illos a molestijs, & iniurijs huiusmodi

L tueantur,



tueantur, ac defendant, & in possessionem, seu quasi, bonorum, rerum, ac iurium suorum, manteneant, & conseruent; nec super illis eos molestari permittant; eiusmodi litteras in plerisque contra concedentis mentem in reprobum sensum detorqueant: iccirco nemini omnino cuiuscumque dignitatis, & condicionis sit, etiam si Capitulum fuerit, Conseruatoriæ litteræ, cum quibuscumque clausulis, aut decretis, quorumcumque iudicum deputatione, quocumque etiam alio prætextu, aut colore concessæ, suffragentur ad hoc, ut coram suo Episcopo, siue alio Superiore Ordinario, in criminalibus, & mixtis causis accusari, & conueniri, ac contra eum inquiri, & procedi non possit: aut quo minus, si qua iura ei ex cessione competierint, super illis libere ualeat apud iudicem ordinarium conueniri. In ciuilibus etiam causis, si ipse actor extiterit, aliquem ei apud suos Conseruatores iudices in iudicium trahere minime liceat. Quod si in his causis, in quibus ipse reus fuerit, contigerit, ut electus ab eo conseruator, ab actore suspectus esse dicatur: aut si qua inter ipsos iudices, Conseruatorem, et Ordinarium controuersia super competentiam iurisdictionis orta fuerit; nequaquam in causa procedatur, donec per arbitros in forma iuris electos, super suspicione, aut iurisdictionis competentia fuerit iudicatum. Familiaribus uero eius, qui huiusmodi litteris Conseruatorijs tueri se solent, nihil il-

læ



la profint, præterquam duobus duntaxat, si tamen illi proprijs eius sumptibus uixerit. Nemo etiam similitum litterarum beneficio ultra quinquennium gaudere possit. Non liceat quoque Conservatoribus iudicibus ullum habere tribunal erectum. In causis uero mercedum, aut miserabilium personarum huius sanctæ Synodi super hoc decretum in suo robore permaneat. Vniuersitates autem generales, ac collegia doctorum, seu scholarium, & regularia loca, nec non hospitalia, ætæ hospitalitatem seruantia, ac uniuersitatum, collegiorum, locorum, & hospitalium huiusmodi personæ in præsentî Canone minime comprehensæ, sed exemptæ omnino sint, & esse intelligatur.

## Caput VII.

**Q**UIA uero, etsi habitus non facit monachum, oportet tamen clericos uestes proprio congruentes ordini semper deferre, ut per decentiam habitus extrinseci morum honestatem intrinsecam ostendant; tanta autem hodie aliquorum inoleuit temeritas, religionisq. contemptus, ut propriam dignitatem, & honorem clericalem parui pendentes, uestes etiam deferant publice laicales, pedes in diuersis ponentes, unum in diuinis, alterum in carnalibus; propterea omnes Ecclesiasticæ personæ, quantumcumque exemptæ, quæ aut in sacris fuerint, aut dignitates, personatus, officia, aut beneficia qualiacumque Ecclesiastica obtinuerint,

L 2



S E S S I O

tinuerint, si, postquam ab Episcopo suo, etiam per edictum publicum moniti fuerint, honestum habitum clericalem, illorum ordini, & dignitati congruentem, & iuxta ipsius Episcopi ordinationem, & mandatum non detulerint, per suspensionem ab ordinibus, ac officio, & beneficio, ac fructibus, redditibus, & prouentibus ipsorum beneficiorum, necnon, si, semel correpti, de nouo in hoc deliquerint, etiam per priuationem officiorum, et beneficiorum huiusmodi coercere possint, & debeant, constitutionem Clementis Quinti, in Concilio Viennensi editam, quæ incipit: Quoniam inuocando, & ampliando.

Caput VII.

Cum etiam qui per industriam occiderit proximum suum, & per insidias, ab altari aueli debeat, quia sua uoluntate homicidium perpetraverit, etiam si crimen id, nec ordine iudiciario probatum, nec alia ratione publicum, sed occultum fuerit, nullo tempore ad sacros ordines promoueri possit, nec illi aliqua Ecclesiastica beneficia, etiam si curam non habeant animarum, conferre liceat, sed omni ordine, ac beneficio, & officio Ecclesiastico perpetuo careat: si uero homicidium non ex proposito, sed casu, uel uim ui repellendo, ut quis se a morte defenderet, fuisse commissum narretur; quam ob causam etiam, ad sacrorum ordinum, & altaris ministerium, & beneficia



cia quæcumque, ac dignitates, iure quodam modo dispensatio debeatur, committatur loci Ordinario, aut ex causa Metropolitano, seu uiciniori Episcopo; qui non nisi causa cognita, & probatis processibus, ac narratis, nec aliter, dispensare possit.

## Caput VIII.

**P**RAETEREA, quia nonnulli, quorum etiam aliqui ueri sunt Pastores, ac proprias oues habent, alienis etiam ouibus præesse quærunt, & ita alienis subditis quandoque intendunt, ut suorum curam negligant; quicumque, etiam Episcopali præditus dignitate, qui alienos subditos puniendi priuilegium habuerit, contra clericos sibi non subditos, præsertim in sacris constitutos, quorumcumque etiam atrocium criminum reos, nisi cum proprii ipsorum clericorum Episcopi, si apud ecclesiam resederit, aut personæ ab ipso Episcopo deputandæ interuentu, nequaquam procedere debeat: alias processus, et inde secuta quæcumque uiribus omnino careant.

## Caput IX.

**E**T, quia iure optimo distinctæ fuerunt diæceses, & parochiæ, ac unicuique gregi proprii attributi Pastores, & inferiorum ecclesiarum Rectores, qui, suarum quisque ouium, curam habeant, ut ordo ecclesiasticus non confunda-

L 3 tur,



S E S S I O

tur, aut una & eadem ecclesia duarum quodam modo diœcesum fiat, non sine graui eorum incommodo, qui illi subditi fuerint: beneficia unius diœcesis, etiam si Parochiales ecclesie, Vicariæ perpetuæ, aut simplicia beneficia, seu præstimonialia, aut præstimonialia portiones fuerint, etiam ratione augendi cultum diuinum, aut numerum beneficiatorum, aut alia quacumque de causa, alterius diœcesis beneficio, aut monasterio, seu collegio, uel loco etiam pio perpetuo non uniantur: decretum huius sanctæ Synodi super huiusmodi unionibus in hoc declarando.

Caput X.

**R**EGULARIA beneficia in titulum Regularibus professis prouideri consueta, cum per obitum, aut resignationem, uel alias illa in titulum obtinentis uacare contigerit, religiosi tantum illius ordinis, uel ijs, qui habitum omnino suscipere, & professionem emittere teneantur, & non alijs, ne uestem lino, lanaq. contextam induant, conferantur.

Caput XI.

**Q**UIA uero Regulares, de uno ad alium ordinem translati, facile a suo Superiore licentiam standi extra monasterium obtinere solent, ex quo uagandi, et apostatandi occasio tribuitur; nemo cuiuscumque ordinis Prælati, uel Superior

nigore



uigore cuiuscumque facultatis aliquem ad habitum, & professionem admittere possit; nisi, ut in ordine ipso, ad quem transfertur, sub sui Superioris obedientia in clauſtro perpetuo maneat; ac taliter translatus, etiam si canonicorum Regularium fuerit, ad beneficia ſæcularia, etiam curata, omnino incapax exiſtat.

## Caput XII.

NEMO, etiam cuiusuis dignitatis eccleſiaſtica, uel ſæcularis, quacumque ratione, niſi eccleſiam, beneficium, aut capellam de nouo fundauerit, & conſtruxerit; ſeu iam erectam, quæ tamen ſine ſufficienti dote fuerit, de ſuis proprijs, & patrimonialibus bonis competenter dotauerit; ius patronatus impetrare, aut obtinere poſſit, aut debeat. In caſu autem fundatiſonis, aut dotatiſonis, huiusmodi inſtitutio Epifcopo, & non alteri inferiori reſeruetur.

## Caput XIII.

NON liceat præterea patrono cuiusuis priuilegij prætextu aliquem ad beneficia ſui iuris patronatus, niſi Epifcopo loci ordinario, ad quem prouiſio, ſeu inſtitutio ipſius beneficij, ceſſante priuilegio, iure pertineret, quoquo modo præſentare: alias præſentatio, ac inſtitutio, forſan ſecutæ, nullæ ſint, & eſſe intelligantur.

L 4 Indiſtinctio



SESSIO

Indictio futuræ Sessiois.

*Declarat præterea sancta Synodus, in futura  
Sessione, quam ad xxv. diem Ian. subsequentis  
anni M. D. LII. habendam esse iam decre-  
uit; una cum sacrificio Missæ agendum, & tra-  
ctandum esse de Sacramento Ordinis, & prose-  
quendam materiam de reformatione.*


SESSIO



85

S E S S I O X V,  
Q V A E E S T Q V I N T A  
S V B I V L I O I I I , P O N T . M A X .  
C E L E B R A T A D I E X X V I A N .  
M . D . L I I .

Decretum prorogationis Sessionis.

 V M ex eo, quod proximis Sessionibus decretum fuit, sancta hæc, et uniuersalis Synodus per hos dies accuratissime, diligentissimeq. tractauerit ea, quæ ad sanctissimum Missæ sacrificium, & ad Sacramentum Ordinis spectant, ut hodierna Sessione, quemadmodum Spiritus sanctus suggessisset, decreta de his rebus, & quattuor præterea articulos ad sanctissimum Eucharistiæ Sacramentum pertinentes, in hanc tandem Sessionem dilatos publicaret; atque interim affuturos esse putauerit ad hoc sacro sanctum Concilium eos, qui Protestantes se uocant: quorum causa eorum publicationem articulorum distulerat; &, ut libere, ac sine cunctatione ulla huc uenirent, fidem eis publicam, siue saluum conductum concesserat: tamen, cum illi nondum uenerint; & eorum nomine supplicatum huic sanctæ Synodo fuerit, ut publicatio, quæ hodierno die facienda fuerat, in sequentem Sessionem differatur; certa spe allata affuturos



S E S S I O

affuturos eos esse omnino multo ante illam Sessionem, saluo conductu amplioris formæ interim accepto; eadem sancta Synodus, in Spiritu sancto legitime congregata, iisdem Legato, & Nuncijs præsentibus, nihil magis optans, quam ex præstantissima natione Germanica omnes de religione dissensiones, & schismata tollere, ac eius quieti, paci, otioq. consulere; parata ipsos, si uenerint, & humaniter excipere, & benigne audire; confidensq. eos, non fidei Catholicæ pertinaciter oppugnandæ, sed ueritatis cognoscendæ studio esse uenturos, et, ut Euangelicæ ueritatis studiosos decet, sanctæ matris Ecclesiæ decretis, ac disciplinæ ad extremum esse acquieturos; sequentem Sessionem ad edenda, & publicanda ea, quæ supra commemorata sunt, in diem festum sancti Iosephi, qui erit die xix. mensis Martij, distulit, ut satis illi temporis, & spatij habeant, non solum ad ueniendum, uerum etiam ad ea, quæ uoluerint, antequam is dies ueniat, proponenda. Quibus ut omnem cunctandi diutius causam adimat; fidem publicam, siue saluum conductum eius, qui recitabitur, tenoris, & sententiæ, libenter dat, & concedit. Interea uero de Matrimonij Sacramento agendum, & de eo, præter superiorum decretorum publicationem, definiendum esse, eadem Sessione statuit, & decernit, & prosequendam esse materiam reformationis.

SALVVS



SALVVS CONDVCTVS  
Protestantibus datus.

SACROSANCTA œcumenica, & generalis  
Tridentina Synodus, in Spiritu sancto legiti-  
me congregata, præsentibus in ea eisdem Sedis  
Apostolicæ, Legato, & Nuncijs, in hærendo  
saluo conductui, in penultima Sessione dato, &  
illum, iuxta tenorem infrascriptum, ampliando,  
Vniuersis fidem facit, quod omnibus, & singu-  
lis sacerdotibus, Electoribus, Principibus, Du-  
cibus, Marchionibus, Comitibus, Baronibus,  
Nobilibus, militaribus, popularibus, & alijs  
quibuscumque uiris, cuiuscumque status, & con-  
dicionis, aut qualitatis existant, Germaniæ  
prouinciæ, & nationis, ciuitatibus, ac alijs lo-  
cis eiusdem & omnibus alijs Ecclesiasticis, et se-  
cularibus, præsertim Augustanæ confessionis per-  
sonis, qui, aut quæ una cum ipsis ad hoc genera-  
le Tridentinum Concilium uenient, aut mitten-  
tur, ac profecturi sunt, aut hucusque uenerūt, quo-  
cumque nomine censeantur, aut ualeant nuncupa-  
ri, tenore præsentium publicam fidem, et plenissi-  
mam, uerissimamq. securitatem, quam saluum con-  
ductum appellant, libere ad hanc Tridentinam ci-  
uitatem ueniendi, ibidemq. manendi, standi, mo-  
randi, proponendi, loquendi, una cum ipsa Syno-  
do, de quibuscumque negotijs tractandi, exami-  
nandi, discutiendi; & omnia, quæcumque ipsis li-  
buerit,



buerit, ac articulos quoslibet tam scripto, quam uerbo libere offerendi, propalandi, eosq. scripturis sacris, et beatorum Patrum uerbis, sententijs, et rationibus declarandi, astruendi, et persuadendi, et, si opus fuerit, etiam ad obiecta Concilij generalis respondendi, refellendi, & cum ijs, qui a Concilio delecti fuerint, disputandi christiane, aut caritatiue absque omni impedimento conferendi, opprobrijs, conuicijs, ac contumelijs penitus semotis; & signanter quod causæ controuersię, secundum sacram Scripturam, & Apostolorum traditiones, probata Concilia, Catholica Ecclesię consensum, et sanctorum Patrum auctoritates in prædicto Concilio Tridentino tractentur; illo etiam addito, ut religionis prætextu aut delictorum, circa eam commissorum, aut committendorum minime puniantur, impartitur, ac omnino concedit; sic etiam, ut propter illorum præsentiam, neque in itinere, aut quocumque locorum eundo, manendo, aut redeundo, nec in ipsa ciuitate Tridentina a diuinis officijs quouis modo cessetur. Et ut, his peractis, uel non peractis, quandocumque ipsis libuerit; aut maiorum suorum mandato, & assensu ad propria reuerti optabunt; aut aliquis eorum optabit; mox absque ulla renitentia, & occasione, aut mora, saluis rebus eorum, & suorum pariter honore, & personis, uice uersa, possint iuxta beneplacitum libere, & secure redire; de scientia tamen ab eadem Synodo deputandorum;

ut



ut tunc opportune eorum securitati, absque dolo, & fraude provideatur. Vult etiam sancta Synodus in hac publica fide, saluoq. conductu, omnes quascuque clausulas includi, ac contineri, ac pro inclusis haberi, quæ pro plena efficaci, & sufficienti securitate, in eundo, stando, & redeundo, necessariae, & opportuna fuerint. Illud etiam, ad maiorem securitatem, & pacis, ac conciliationis bonum, exprimens, quod, si quispiam, aut illorum aliqui, siue in itinere, Tridentum ueniendo, siue ibidem morando, aut redeundo, aliquod enorme, quod absit, egerint, aut commiserint, quo posset huius fidei publicæ, & asssecurationis beneficium, eis concessum, annullari, aut cassari; uult, & concedit eadem sancta Synodus, ut in huiusmodi facinore deprehensi, ab ipsis dumtaxat, et non ab alijs condigna animaduersione cum emenda sufficienti, per partem ipsius Synodi merito approbanda, & laudanda, mox puniantur; illorum asssecurationis forma, condicionibus, & modis omnino manentibus illibatis. Pariformiter etiam uult, ut si quisquam, uel aliqui ex ipsa Synodo, siue in itinere, aut manendo, aut redeundo aliquod enorme, quod absit, egerint, aut commiserint, quo posset huius fidei publicæ & asssecurationis beneficium uiolari, aut quoquo modo tolli; in huiusmodi facinore deprehensi, ab ipsa Synodo dumtaxat, & non ab alijs condigna animaduersione, & emenda sufficienti, per partem dominorum Germanorum



norum Augustanæ confessionis, tunc hic præsen-  
 tium, merito laudanda, & approbanda, mox pu-  
 niantur; præsentis assécurationis forma, condicio-  
 nibus, & modis omnino manentibus illibatis.  
 Vult præterea ipsa Synodus, quod liceat ipsis Am-  
 basciatoribus, omnibus & singulis toties, quo-  
 tiescumque opportunum fuerit, seu necessarium,  
 ad auram capiendam exire de ciuitate Tridétina,  
 & reuerti ad eandem, necnon nuncium, uel nuncios  
 suos ad quæcumque loca, pro suis necessarijs nego-  
 tijs ordinandis libere mittere, seu destinare, ac ip-  
 sos missos, seu destinatos, seu missum, & destina-  
 tum suscipere toties, quoties eis uidebitur expedi-  
 re. Ita quod aliqui, uel aliquis per deputandos  
 Concilij socientur, qui eorum securitati provideât,  
 uel provideat. Qui quidem saluus conductus, &  
 securitates stare ac durare debent, & a tempore,  
 & per tempus, quo ipsius Synodi, & suorum tui-  
 tionis curam ipsos suscipi contigerit, & usque ad  
 Tridentum perducere, ac toto tempore mansionis co-  
 rum ibidem, & rursum post sufficientem audien-  
 tiam habitam, spatio uiginti dierum præmisso, cum  
 ipsi petierint; aut Concilium, habita huiusmodi  
 audientia, ipsis recessum indixerit, a Tridento us-  
 que in quem quisque elegerit sibi locum tutum,  
 Deo fauente, restituet, dolo, & fraude prorsus  
 exclusis. Quæ quidem omnia pro uniuersis, &  
 singulis Christi fidelibus, pro omnibus Principi-  
 bus, tam Ecclesiasticis, quam secularibus qui-  
 buscumque,



buscumque, atque omnibus alijs Ecclesiasticis, ac  
secularibus personis, cuiuscumque status, & con-  
dicionis existant, aut quocumque nomine cense-  
antur, inuiolabiliter obseruanda esse promittit,  
& bona fide spondet.

Insuper omni fraude, et dolo exclusis, uera, &  
bona fide promittit, ipsam Synodum nullam uel  
manifeste, uel occulte occasionem quesituram;  
aut aliqua auctoritate, potentia, iure, uel statuto,  
priuilegio, legum, uel Canonum, aut quorum-  
cumque Conciliorum, praesertim Constantiensis,  
et Senensis, quacunque forma uerborum expressa,  
in aliquod huius fidei publica, & plenissima, asse-  
curationis, ac publica, & libera audientia ipsis  
per ipsam Synodum concessa, praerudicium quouis  
modo usuram, aut quemquam uti permissuram: qui-  
bus in hac parte pro hac uice derogat. Quod si san-  
cta Synodus, aut aliquis ex ea, uel suis, cuiuscum-  
que condicionis, uel status, aut praereminentiae exi-  
stens, praescriptae assecurationis et salui conductus  
formam & modum in quocumque puncto uel clau-  
sula uiolauerit, quod tamen dignetur auertere O-  
mnipotens, et sufficiens emenda non fuerit mox sub-  
secuta, ipsorum arbitrio merito approbata, et lau-  
danda, habeant ipsam Synodum, et habere poterunt,  
incidisse in omnes poenas, quas iure diuino et hu-  
mano, aut consuetudine, huiusmodi saluorum condu-  
ctu uiolatores incurrere possunt, absque omni ex-  
cusatione, aut quauis in hac parte contradictione.

SESSIO



SESSIO XVI,  
QVAE EST SEXTA,  
ET VLTIMA SVB IVLIO III,  
PONT. MAX.

CELEBRATA DIE XXVIII APR.  
M. D. LII.

Decretum suspensionis Concilij.

**S**ACROSANCTA æcumenica, & generalis Tridentina Synodus, in Spiritu sancto legitime congregata, præfidentibus in ea Reuerendissimis Dominis, Sebastiano, Archiepiscopo Sipontino, & Aloysio, Episcopo Veronensi, Apostolicis Nuncijs, tam eorum proprio, quam Reuerendissimi, & Illustrissimi Domini Marcelli, tit. S. Marcelli sanctæ Romanæ Ecclesiæ Cardinalis, Crescentij Legati, ob aduersam eius grauissimam ualetudinem absentis, nomine, non dubitat, Christianis omnibus patere, hoc Concilium æcumenicum Tridentum primo a Paulo fel. rec. conuocatum, & collectum fuisse; deinde a Sanctissimo Domino nostro, Iulio III, esflagitante Carolo Quinto, Augustissimo Imperatore, ea præcipue causa fuisse restitutum, ut religionem in multis orbis partibus, & præsertim in Germania, in diuersas opiniones miserabi-



miserabiliter distractam, in statum pristinum reuocaret, abusus, & mores Christianorum corruptissimos emendaret; cumq. ad hoc agendum quamplurimi Patres, nulla laborum suorum, periculorumq. habita ratione, e diuersis regionibus alacriter confluxissent, resq. strenue magno fidelium concursu, feliciterq. procederet, ac spes esset non leuis, illos Germanos, qui eas nouitates excitabant, in Conciliū uenturos, sic animatos, ut ueris Ecclesiarum rationibus unanimiter acquiescerent; lux denique quædam rebus affulsisse uideretur, caputq. tollere inciperet profligata antea, & afflicta Respublica Christiana: ij repente tumultus, ea bella hostis generis humani uersutia exarserunt, ut Concilium uelut hæere, ac suum cursum interrompere satis incommode cogeretur: spesq. omnis ulterioris progressus hoc in tempore tolleretur, tantumq. aberat, ut sancta Synodus Christianorum malis, & incommodis mederetur, ut multorum mentes, præter sui animi sententiam, irritaret potius, quam placaret. Cum igitur ipsa sancta Synodus, omnia, & præcipue Germaniam armis ardere, & discordijs, uideret, omnes fere Episcopos Germanos, præsertim Principes Electores, suis consultum ecclesijs e Concilio abiisse; decreuit tantæ necessitati non reluctari, & ad meliora tempora reticere, ut Patres, quod eis nunc agere non licet, suis ouibus prospectum ad suas ecclesias regredi ualerent, ne diutius utrobique inutili otio

M ceterantur.



S E S S I O


cōterantur. Atque ita, quoniam sic temporū cōdicio tulit, huius œcumenici Concilij Tridentini progressum per biennium sustēdendum fore decernit, prout præsenti Decreto suspendit; ea tamē lege, ut, si citius pacata res sit, ac tranquillitas pristina reuertatur, quod sperat Dei Optimi Maximi beneficio non longo fors spatium futurum, ipsius Concilij progressus eodemmet tempore suam uim, firmitatem, uigoremq. habere censeatur. Sin autem, quod Deus auertat, peractō biennio prædicta legitima impedimenta non fuerint submota, quamprimum cessauerint, talis suspensio eo ipso sublata esse intelligatur, ac suus uigor, & robur Concilio sit restitutum, & esse intelligatur, sine alia noua Concilij conuocatione, accedente ad hoc Decretum consensu, & auctoritate Sanctitatis suæ, & sanctæ Sedis Apostolicæ.

Interea tamen eadem sancta Synodus exhortatur omnes Principes Christianos, & omnes Prælatos ut obseruent, & respectiue quatenus ad eos spectat, obseruare faciant in suis regnis, dominijs, & ecclesijs omnia, & singula, quæ per hoc sacrum œcumenicum Concilium fuerunt hætenus statuta, & decreta.

BVLLA



BVLLA CELEBRATIONIS  
CONCILII TRIDENTINI,  
SVB PIO IIII, PONT. MAX.



IVS EPISCOPVS, seruus seruo-  
rum Dei, ad perpetuam rei me-  
moriā.

AD Ecclesiæ regimen, licet tan-  
to oneri impares, sola Dei dignatione uocati, sta-  
tim circumferentes mentis oculos per omnes Rei-  
publicæ Christianæ partes, cernentesq. non sine  
magno horrore, quam longe, lateq. pestis hære-  
sum, & schismatis peruasisset, & quanta Chri-  
stiani populi mores correctione indigerent; in  
eam curam, & cogitationem, pro suscepti mune-  
ris officio, incumbere cœpimus, quemadmodum  
ipsas hæreses extirpare, tantumq., & tam per-  
niciosum schisma tollere, moresq. adeo corruptos,  
& deprauatos emendare possemus. Cum autem  
intelligeremus, ad hæc sananda mala aptissimum  
esse remedium, quod sancta hæc Sedes adhibere  
consueuisset, æcumenici generalisq. Concilij; eius  
congregandi, &, Deo iuuante, celebrandi consi-  
lium cepimus. Indiētum illud quidem antea fuit  
a fel. rec. Paulo III, & eius successore Iulio,  
prædecessoribus nostris, sed uarijs de causis sæpius  
impeditum, & interpellatum perfici non potuit.  
siquidem Paulus, cum id primo in urbem Mar-  
tuam, deinde Vicentiam indixisset; quasdam ob

M 2 causas,



causas, in litteris eius expressas, id primo suspendit, postea Tridentum transtulit. deinde cum quibusdam de causis ibi quoque eius celebrandi tempus dilatum fuisset; tandem, suspensione sublata, in eadem ciuitate Tridentina inchoatum fuit, uerum Sessionibus aliquot habitis, & nonnullis decretis factis, ipsum se postea Concilium, aliquibus de causis, accedente etiam Sedis Apostolicæ auctoritate, Bononiam transtulit. Iulius autem, qui ei successit, in eandem ciuitatem Tridentinam id renocauit: quo quidem tempore facta alia quædam decreta sunt. Sed cum noui in propinquis Germaniæ locis tumultus excitati fuissent, & bellum in Italia, & Gallia grauissimum exarsisset; rursus Concilium suspensum, & dilatum fuit, adnitente nimirum humani generis hoste, aliasque ex alijs difficultates, & impedimenta obijciente, ut tantum Ecclesiæ commodum, quod prorsus auferre non poterat, saltem quamdiutissime retardaret. Quantopere uero interea auctæ fuerint, & multiplicatæ, ac propagatæ hæreses; quantopere schisma creuerit; sine maximo animi dolore nec meminisse possumus, nec referre. Sed tandem pius, & misericors Dominus, qui numquam ita irascitur, ut misericordiæ obliuiscatur; Regibus, & Principibus Christianis pacem, & unitatem donare dignatus est. Qua nos occasione oblata maximam in spem uenimus, ipsius misericordiæ fidei, fore, ut his tantis quoque Ecclesiæ malis



lis eadem Concilij uia finis imponatur. Nos itaque, ad schisma, hæresesq. tollendas, ad corrigendos, & reformandos mores, ad pacem inter Christianos Principes conseruandam, celebrationem eius non esse duximus diutius differendam. Habita igitur cum uenerabilibus fratribus nostris, Sanctæ Romanæ Ecclesiæ Cardinalibus, deliberatione matura, factis etiam consilij nostri certioribus carissimis in Christo filiis nostris, Ferdinando Romanorum Imperatore electo, & alijs Regibus, atque Principibus, quos quidem, sicut de eorum summa pietate, & sapientia nobis pollicebamur, paratissimos ad ipsius Concilij celebrationem adiuuandam inuenimus; ad Dei omnipotentis laudem, honorem, & gloriam, atque uniuersalis Ecclesiæ utilitatem de eorundem fratrum nostrorum consilio, & assensu sacrum œcumenicum, & generale Concilium ex auctoritate eiusdem Dei, & beatorum, Petri, & Pauli, Apostolorum, qua nos quoque in terris fungimur, freti, & subnixi, in ciuitate Tridentina, ad sacratissimum diem Resurrectionis Dominicæ proxime futurum indicimus, & ibi celebrandum, sublata suspensione quacumque, statuimus, atque decernimus. Quocirca uenerabiles fratres nostros, omnibus ex locis, Patriarchas, Archiepiscopos, Episcopos, & dilectos filios Abbates, ceterosque, quibus in Concilio generali sedere, & sententiam dicere, iure communi, uel ex priuilegio,



uel ex antiqua consuetudine licet , uehementer in  
Domino hortamur , & monemus , atque etiam di  
strictè præcipiendo mandamus , in uirtute sanctæ  
obedientiæ , in ui quoque iuramenti , quod præsti  
terunt , & sub pœnis , quas in eos , qui ad Conci  
lia generalia conuenire neglexerint , sacris sciunt  
esse Canonibus constitutas , ut ad Concilium ibi ce  
lebrandum conueniant intra eam diem ; nisi forte  
impedimento fuerint legitimo præpediti : quod ta  
men impedimentum per legitimos procuratores  
Synodo probare debebunt . Monemus præterea  
omnes , & singulos , quorum interest , interessēue  
poterit , ut in Concilio adesse ne negligant . caris  
simos uero in Christo filios nostros , Romanorum  
Imperatorem electum , ceterosq. Reges , & Prin  
cipes , quos optandum sane esset Concilio interesse  
posse , hortamur , & rogamus , ut , si ipsi interes  
se Concilio non potuerint , at Oratores suos pru  
dentes , graues , & pios uiros utique mittant ,  
qui ipsorum nomine illi intersint , curentq. dili  
genter pro sua pietate , ut ex eorum regnis , atque  
dominijs Prælati sine recusatione , ac mora , tam  
necessario tempore , Deo , & Ecclesiæ officium  
suum præstent ; eosdem etiam curaturos esse mini  
me dubitantes , ut per ipsorum regna , & domi  
nia , tutum , ac liberum iter Prælati , eorumq.  
familiaribus , comitibus , & alijs omnibus ad Con  
cilium euntibus , & ab illo redeuntibus pateat ;  
benigneque , ac comiter omnibus in locis recipian  
tur ,



tur, atque tractentur, sicut, quod ad nos attinet, ipsi quoque curabimus; qui nihil omnino prætermittere decreuimus, quod ad tam pium, & salutare opus perficiendum, a nobis, in hoc loco constitutis, præstari possit; nihil, ut Deus scit, quærentes aliud; nil propositum habentes in hoc Concilio celebrando, nisi honorem ipsius Dei, dispersarum ouium reductionem, ac salutem, & perpetuam Christianæ Reipublicæ tranquillitatem, ac quietem. Ut uero hæ litteræ, & quæ in eis continentur, ad omnium, quorum oportet, notitiam perueniant; nec quisquam ea excusatione uti possit, quod illa ignorauerit, præsertim cum non ad omnes, quos de his litteris certiores fieri oporteret, tutus forsitan pateat aditus, uolumus, & mandamus, ut in Basilica Vaticana Principis Apostolorum, & in ecclesia Lateranensi tunc, cum in eis populus, ut Missarum sollemnibus intersit, congregari solet; palam clara uoce a curiæ nostræ cursoribus, seu notarijs aliquibus publicis recitentur; et postquam recitata fuerint, ad ualuas earum ecclesiarum, itemq. Cancellariæ Apostolicæ, & in loco solito campi Floræ affigantur, ibique, quo legi, & omnibus innotescere possint, aliquandiu relinquantur. cum autem inde amoueantur, earum exempla in iisdem locis affixæ remaneant. Nos enim per recitationem hanc, publicationem, & affixionem omnes, & singulos, qui his litteris comprehenduntur, post duos men-



ses a die publicationis, & affixionis earum, uo-  
lumus perinde astrictos, & obligatos esse, ac si  
ipsismet illæ coram editæ, & lectæ fuissent. Tran-  
sumptis quoque earum, quæ manu publici ali-  
cuius notarij scripta, subscriptaue, & sigillo, ac  
subscriptione alicuius personæ, in dignitate Ec-  
clesiastica constitutæ, munita fuerint, ut sine du-  
bitatione ulla fides habeatur, mandamus, atque  
decernimus. Nulli ergo omnino hominum liceat,  
hanc paginam nostræ indictionis, statuti, decreti,  
præcepti, admonitionis, & adhortationis infrin-  
gere; uel ei ausu temerario contra ire. Si quis au-  
tem hoc attentare præsumpserit; indignationem  
omnipotentis Dei, ac Beatorum, Petri, & Pau-  
li, Apostolorum eius, se nouerit incursum.  
Dat. Romæ, apud S. Petrum, anno incarnationis  
Dominicæ, M. D. LX. III Kal. Dec. Pon-  
tificatus nostri anno primo.

Antonius Florebellus.

Barengus.

SACRO-



## SACROSANCTI

OECUMENICI, ET GE-

NERALIS CONCILII

TRIDENTINI,

SESSIO XVII,

QVAE EST PRIMA SVB

PIO IIII. PONTIFICE

MAXIMO,

CELEBRATA DIE XVIII

IAN. M. D. LXII.

Decretum de celebrando Concilio.



LACET ne uobis, ad laudem, et gloriam sanctæ, ac indiuiduæ Trinitatis, Patris, & Filij, & Spiritus sancti, ad incrementum & exaltationem fidei, & religionis Christianæ, sacrum œcumenicum, & generale Concilium Tridentinum, in Spiritu sancto legitime congregatum, ab hodierno die, qui est XVIII mensis Ian. anni a Natiuitate Domini M. D. LXII, Cathedræ Romanæ beati Petri, Apostolorum Principis, consecrato, sublata quacumque suspensione, iuxta formam, & tenorem litterarum sanctissimi Domini nostri Pij

IIII,



SESSIO

IIII, Pont. Max. celebrari, & in eo ea, debito  
seruato ordine, tractari, quæ, proponentibus Le-  
gatis ac Præsidentibus, ad horum temporum le-  
uandas calamitates, sedandas de religione contro-  
uersias, coercendas linguas dolosas, deprauatorie  
morum abusus corrigendos, Ecclesiæ ueram at-  
que Christianam pacem conciliandam apta & ido-  
nea ipsi sanctæ Synodo uidebuntur?  
Responderunt, Placet.

Indictio futuræ Sessionis.

Placet ne uobis, proximam futuram Sessionem  
habendam, & celebrandam esse feria quinta,  
post secundam Dominicam Quadragesimæ, quæ  
erit die XXVI mensis Februarij?  
Responderunt, Placet.

SESSIO



94

SESSIO XVIII,  
QVAE EST SECVNDA  
SVB PIO IIII, PONT. MAX.

CELEBRATA DIE XXVI FEB.

M. D. L X I I.

Decretum de librorum delectu, & omnibus  
ad Concilium fide publica inuitandis.

**S**ACROSANCTA œcumenica, &  
generalis Tridentina Synodus, in Spi-  
ritu sancto legitime congregata, præ-  
sidentibus in ea eisdem Apostolicæ Se-  
dis Legatis, non humanis quidem uiribus confisa,  
sed Domini nostri Iesu Christi, qui os, & sapien-  
tiam Ecclesiæ suæ daturum se promisit, ope & au-  
xilio freta, illud præcipue cogitat, ut Catholicæ fi-  
dei doctrinam, multorum inter se dissidentium o-  
pinionibus, pluribus locis inquinatam & obscu-  
ratam, in suam puritatem, et splendorem aliquan-  
do restituat; & mores, qui a ueteri instituto de-  
flexerunt, ad meliorem uitæ rationem reuocet;  
corq. patrum ad filios, & cor filiorum ad patres  
conuertat. Cum itaque omnium primum animad-  
uerterit, hoc tempore suspectorum, ac pernicioso-  
rum



rum librorum, quibus doctrina impura continetur, & longe lateq. diffunditur, numerum nimis excreuisse, quod quidē in causa fuit, ut multæ censuræ in uarijs prouincijs, & præsertim in alma urbe Roma, pio quodam zelo editæ fuerint, neque tamen huic tam magno, ac pernicioso morbo salutarem ullam profuisse medicinam; censuit, ut delēti ad hanc disquisitionem Patres de censuris, librisq. quid factū opus esset, diligenter considerarent; atque etiam ad eandem sanctam Synodum suo tempore referrent, quo facilius ipsa possit uarias et peregrinas doctrinas, tamquam zizania, a Christianæ ueritatis tritico separare; deq. his commodius deliberare, & statuere, quæ ad scrupulum ex complurium animis eximendum & tollendas multarum querelarum causas, magis opportuna uidebuntur. Hac autem omnia ad notitiam quorumcumque deducta esse uult, prout etiā præsentī Decreto deducit; ut si quis ad se pertinere aliquo modo putauerit, quæ uel de hoc librorū, & censurarum negotio, uel de alijs, quæ in hoc generali Concilio tractanda prædixit; non dubitet a sancta Synodo se benigne auditum iri.

Quoniam uero eadem sancta Synodus ex corde optat, Deumq. enixe rogat, quæ ad pacem sunt Ecclesiæ, ut uniuersi communem matrem interris agnoscantes, quæ, quos peperit, obliuisci non potest, unanimes, uno ore, glorificemus Deum, & Patrem Domini nostri Iesu Christi; per uiscera misericor-



*misericiordiæ eiusdem Dei, & Domini nostri, omnes, qui nobiscum communionem non habent, ad concordiam & reconciliationem, & ut ad hanc sanctam Synodum ueniant, inuitat, atque hortatur; utq. caritatem, quod est uinculum perfectio-  
nis, amplectantur, pacemq. Christi, exultantem in cordibus suis præseferat, inquam uocati sunt, in uno corpore: Hanc ergo non humanam, sed Spi-  
ritus sancti uocem audientes, ne obdurent corda sua, sed in suo sensu non ambulantes, neque sibi  
placentes, ad tam piam, & salutarem matris suæ admonitionem excitentur, & conuertantur. om-  
nibus enim caritatis officijs sancta Synodus eos ut inuitat, ita completetur.*

*Insuper eadem sancta Synodus decreuit, fidem publicam in Congregatione generali concedi posse, & eandem uim habituram, eiusdemq. roboris & momenti futuram, ac si in publica Sessione data, & decreta fuisset.*

*Indictione futuræ Sessionis.*

*Eadem sacrosancta Synodus Tridentina, in Spi-  
ritu sancto legitime congregata, præsidentibus in ea eisdem Apostolica Sedis Legatis, statuit, &  
decernit, proximam futuram Sessionem habendam & celebrandam esse feria quinta, post sacra-  
tissimum festum Ascensionis Domini, quæ erit  
XIIII mensis Maij.*

*SALVVS*



SALVVS CONDVCTVS  
CONCESSVS GERMANICAE  
NATIONI,

In Cōgregatione generali die IIII Martij,  
M. D. LXII.

SACROSANCTA æcumenica, & generalis  
Tridentina Synodus, in Spiritu sancto legiti-  
me congregata, præsentibus in ea eisdem Apo-  
stolicæ Sedis Legatis, uniuersis fidem facit, quod  
omnibus, & singulis sacerdotibus, Electoribus,  
Principibus, Ducibus, Marchionibus, Comiti-  
bus, Baronibus, Nobilibus, militaribus, popula-  
ribus, & alijs quibuscumque uiris, cuiuscumque  
status, & condicionis, aut qualitatis existant,  
Germanicæ Prouinciæ, & nationis, ciuitatibus,  
& alijs locis eiusdem, & omnibus alijs Ecclesia-  
sticis & secularibus, præsertim Augustanæ con-  
fessionis personis, qui, aut quæ una cum ipsis ad  
hoc generale Tridentinum Concilium uenient, aut  
mittentur, ac profecturi sunt, aut hucusque ue-  
nerunt, quocumque nomine censeantur, aut ua-  
leant nuncupari, tenore præsentium publicam fi-  
dem, & plenissimam, uerissimamq. securitatem,  
quam saluum conductum appellant, libere ad hanc  
ciuitatem Tridentinam ueniendi, ibidemq. manen-  
di, standi, morandi, proponendi, loquendi, una  
cum ipsa Synodo de quibuscumque negotijs tractan-  
di, examinandi, discutiendi; & omnia, quæcum-  
que



que ipsis libuerit, ac articulos quoslibet tam scripto, quam uerbo libere offerendi, propalandi, eosque Scripturis sacris, et beatorum Patrum uerbis, sententijs, et rationibus declarandi, astruendi, et persuadendi, et, si opus fuerit, etiam ad obiecta Concilij generalis respondendi, et cum ijs, qui a Concilio delecti fuerint, disputandi, aut caritative absque omni impedimento conferendi, opprobrijs, conuicijs, ac contumelijs penitus semotis; et signanter, quod cause controuerse, secundum sacram Scripturam, et Apostolorum traditiones, probata Concilia, Catholice Ecclesie consensum, et sanctorum Patrum auctoritates in predicto Concilio Tridentino tractentur; illo etiam addito, ut religionis pretextu aut delictorum, circa eam commissorum, aut committendorum minime puniantur, impertitur, ac omnino concedit; sic etiam, ut propter illorum presentiam neque in itinere, aut quocumque locorum eundo, manendo, aut redeundo, nec in ipsa ciuitate Tridentina a diuinis officijs quouis modo cessetur. Et ut, his peractis, uel non peractis, quandoque ipsis libuerit, aut maiorum suorum mandato, & assensu ad propria reuerti optabunt; aut aliquis eorum optabit, mox absque ulla renitentia, & occasione, aut mora, saluis rebus eorum, & suorum pariter honore, & personis, uice uersa, possint iuxta beneplacitum libere, & secure redire; de scientia tamen ab eadem Synodo deputandorum; ut tunc opportune eorum securitati,



tati, absque dolo, & fraude provideatur. Vult etiam sancta Synodus, in hac publica fide, saluoq. conductu omnes quascumque clausulas includi, ac contineri, ac pro inclusis haberi, quæ pro plena efficaci, & sufficienti securitate, in cundo, stando, & redeundo, necessariae, & opportuna fuerint. Illud etiam, ad maiorem securitatem, & pacis, ac conciliationis bonum, exprimens, quod, si quispiam, aut illorum aliqui, siue in itinere, Tridentum ueniendo, siue ibidem morando, aut redeundo, aliquod enorme, quod absit, egerint, aut commiserint, quo posset huius fidei publicæ, & asssecurationis beneficium, eis concessum, annullari, aut cassari; uult, & concedit ut in huiusmodi facinore deprehensi, ab ipsis dumtaxat, & non ab alijs condigna animaduersione cum emenda sufficienti, per partem ipsius Synodi merito approbanda, & laudanda, mox puniantur; illorum asssecurationis forma, condicionibus, & modis omnino manentibus illibatis. Pariformiter etiam uult, ut, si quisquam, uel aliqui ex ipsa Synodo, siue in itinere, aut manendo, aut redeundo, aliquod enorme, quod absit, egerint, aut commiserint, quo posset huius fidei publicæ & asssecurationis beneficium uiolari, aut quoquo modo tolli; in huiusmodi facinore deprehensi, ab ipsa Synodo dumtaxat, & non ab alijs condigna animaduersione, & emenda sufficienti, per partem dominorum Germanorum Augustianæ confessionis, tunc



tunc hic præsentium, merito laudanda, & approbanda, mox puniantur; præsentis asssecurationis forma, condicionibus, & modis omnino manentibus illibatis. Vult præterea ipsa Synodus, quod liceat ipsis Ambasciatoribus omnibus & singulis toties, quotiescumque opportunum fuerit, seu necessarium, ad auram capiendam exire de ciuitate Tridentina, & reuerti ad eandem, necnon nuncium, uel nuncios suos ad quæcumque loca pro suis necessarijs negotijs ordinandis libere mittere, seu destinare, ac ipsos missos, seu destinatos, seu missum, & destinatum suscipere toties, quoties eis uidebitur expedire, ita quod aliqui, uel aliquis per deputandos Concilij socientur, qui eorum securitati prouideant, uel prouideat. Qui quidem saluus conductus, & securitates stare ac durare debent, & a tempore, & per tempus, quo ipsius Synodi, & suorum tuitionis curam ipsos suscipi contigerit, & usque ad Tridentum perducere, ac toto tempore mansionis eorum ibidem, et rursum post sufficientem audientiam habitam, spatio uiginti dierum præmissis, cum ipsi petierint; aut Concilium, habitam huiusmodi audientiam, ipsis recessum indixerit, a Tridento usque in quem quisque elegerit, sibi locum tutum, Deo fauente, restituet, dolo, & fraude prorsus exclusis. Quæ quidem omnia pro uniuersis, & singulis Christi fidelibus, pro omnibus Principibus, tam Ecclesiasticis, quam

N      secu-



S E S S I O

secularibus quibuscumque, atque omnibus alijs Ecclesiasticis, ac secularibus personis, cuiuscumque status, & condicionis existant, aut quocumque nomine censeantur, inuiolabiliter obseruanda esse promittit, & bona fide spondet.

Insuper omni fraude, & dolo exclusis, uera, & bona fide promittit, ipsam Synodum nullam uel manifeste, uel occulte occasionem quaesituram; aut aliqua auctoritate, potentia, iure, uel statuto, priuilegio, legum, uel Canonum, aut quorumcumque Conciliorum, praesertim Constantiensis, & Senensis, quacumque forma uerborum expressa, in aliquod huius fidei publicae, & plenissimae asssecurationis, ac publicae, & liberae audientiae, ipsis per ipsam Synodum concessae, praeiudicium quouis modo usuram, aut quemquam uti permisuram: quibus in hac parte pro hac uice derogat. Quod si sancta Synodus, aut aliquis ex ea, uel suis, cuiuscumque condicionis, uel status, aut praeminentiae existens, praescriptae asssecurationis & salui conductus formam & modum in quocumque puncto uel clausula uiolauerit, quod tamen auertere dignetur Omnipotens, & sufficiens emenda non fuerit mox subsecuta, ipsorum arbitrio merito approbanda, & laudanda, habeant ipsam Synodum, & habere poterunt, incidisse in omnes pœnas, quas iure diuino & humano, aut consuetudine, huiusmodi saluorum conductuum uiolatores incurrere possunt, absque omni excusatione,



tione, aut quavis in hac parte contradictione.


Extensio ad alias nationes.

E ADEM sacrosancta Synodus, in Spiritu sancto legitime congregata, presidentibus in ea eisdem Apostolicae Sedis de latere Legatis, omnibus, & singulis alijs, qui nobiscum in ijs, quae sunt fidei, communionem non habent, ex quibuscumque regnis, nationibus, provincijs, ciuitatibus, ac locis, in quibus publice, & impune praedicatur, uel docetur, siue creditur contrarium eius, quod sancta Romana sentit Ecclesia, dat fidem publicam, siue saluum conductum sub eadem forma, & eisdem uerbis, quibus datur Germanis.



SESSIO XIX,  
QVAE EST TERTIA  
SVB PIO IIII, PONT. MAX.  
CELEBRATA DIE XIII MAII.  
M. D. LXII.

Decretum prorogationis Sefsionis.



ACROSANCTA œcumenica, & generalis Tridentina Synodus, in Spiritu sancto legitime congregata, præsidentibus in ea eisdem Apostolicæ Sedis Legatis, Decreta ea, quæ hodie in præ-senti Sessione statuenda, ac sancienda erant, iustis nonnullis, ac honestis causis, in feriam quintam, post proximam sollemnitatem corporis Christi, quæ erit pridie nonas Iunij, proroganda esse censuit, ac prorogat; dictaq. die Sessionem habendam esse, ac celebrandam, omnibus indicit. Interea rogandus est Deus, & Pater Domini nostri, Iesu Christi, auctor pacis, ut sanctificet corda omnium; quo adiuuante, sancta Synodus & nunc, & semper meditari, atque peragere valeat, quæ ad eius laudem, & gloriam pertineant.

SESSIO



99

S E S S I O X X,  
QVAE EST QVARTA  
SVB PIO IIII, PONT. MAX.  
CELEBRATA DIE IIII IVN.  
M. D. L X I I.

Decretum prorogationis Sessiois.



ACROSANCTA æcumenica, & generalis Tridentina Synodus, in Spiritu sancto legitime congregata, presidentibus in ea eisdem Apostolicæ Sedis Legatis, propter varias difficultates, ex diuersis causis exortas, atque etiam, ut congruentius, maioriq. cum deliberatione omnia procedant, nempe ut Dogmata cum ijs, quæ ad reformationem spectant, simul tractentur, & sanciantur; ea, quæ statuenda uidebuntur, tam de reformatione, quam de Dogmatibus, in proxima Sessione, quam omnibus indicit in diem sextam decimam subsequenti mensis Iulij, definienda esse decreuit: Hoc tamen adiecto, quod dictum terminum ipsa sancta Synodus pro eius arbitrio, & uoluntate, sicuti rebus Concilij putauerit expedire, etiam in generali Congregatione, restringere, & prorogare libere possit, & ualeat.

N 3      S E S S I O



SESSIO XXI,  
QVAE EST QUINTA  
SVB PIO IIII, PONT. MAX.  
CELEBRATA DIE XVI IVL.  
M. D. LXI I.

Doctrina de Communionem sub utraque specie, & paruulorum.

**S**ACROSANCTA œcumenica, & generalis Tridentina Synodus, in Spiritu sancto legitime congregata, præsentibus in ea eisdem Apostolicæ Sedis Legatis, cum de tremendo, & sanctissimo Eucharistiæ Sacramento uaria diuersis in locis errorum monstra nequissimi Dæmonis artibus circumferantur, ob quæ in nonnullis prouincijs multi a Catholicæ Ecclesiæ fide, atque obedientia uideantur discessisse, censuit ea, quæ ad Communionem sub utraque specie, et paruulorum pertinent, hoc loco exponenda esse. Quapropter cunctis Christi fidelibus interdicit, ne posthac de ijs aliter uel credere, uel docere, uel prædicare audeant, quam est his decretis explicatum, atque definitum.


Laicos,



Laicos, & Clericos non conficientes, non  
astringi iure diuino ad Communionem  
sub utraque specie. Caput I.

ITAQUE sancta ipsa Synodus, a Spiritu san-  
cto, qui spiritus est sapientiæ, & intellectus, spi-  
ritus consilij, & pietatis, edocta atque ipsius Ec-  
clesiæ iudicium, & consuetudinem secuta, decla-  
rat, ac docet, nullo diuino præcepto laicos, &  
clericos non conficientes, obligari ad Eucharistiæ  
Sacramentum sub utraque specie sumendum; ne-  
que ullo pacto, salua fide, dubitari posse, quin il-  
lis alterius speciei communio ad salutem sufficiat.  
nā, etsi Christus Dominus in ultima cæna uenera-  
bile hoc Sacramentum in panis, & uini speciebus  
instituit, & Apostolis tradidit; non tamen illa  
institutio, & traditio eo tendunt, ut omnes Chri-  
sti fideles, statuto Domini ad utramque speciem  
accipiendam astringantur. sed neque ex sermone  
illo, apud Ioannem sexto, recte colligitur, utrius-  
que speciei communionem a Domino præceptam  
esse; utcumque iuxta uarias sanctorum Patrum,  
& doctorum interpretationes intelligatur. nam-  
que qui dixit: Nisi manducaueritis carnem filij  
hominis, & biberitis eius sanguinem, non habe-  
bitis uitam in uobis: dixit quoque: Si quis man-  
ducauerit ex hoc pane, uiuet in æternum. Et qui  
dixit: Qui manducat meam carnem, & bibit  
meum sanguinem, habet uitam æternam: dixit

N 4 etiam:





S E S S I O

89

etiam : Panis , quem ego dabo , caro mea est pro mundi uita . Et denique qui dixit : Qui manducat meam carnem , & bibit meum sanguinem , in me manet , & ego in illo : dixit nihilominus : Qui manducat hunc panem , uiuet in æternum .

Ecclesiæ potestas circa dispensationem Sacramenti Eucharistiæ . Cap. II.

PRAETEREA declarat , hanc potestatem perpetuo in Ecclesia fuisse , ut in Sacramentorum dispensatione , salua illorum substantia , ea statueret , uel mutaret , quæ suscipientium utilitati , seu ipsorum Sacramentorum uenerationi , pro rerum , temporum , & locorum uarietate , magis expedire iudicaret . id autem Apostolus non obscure uisus est innuisse , cum ait : Sic nos existimet homo , ut ministros Christi , & dispensatores mysteriorum Dei . atque ipsum quidem hac potestate usum esse satis constat , cum in multis alijs , tum in hoc ipso Sacramento , cum , ordinatis nonnullis circa eius usum , Cetera , inquit , cum uenero , disponam . Quare agnoscens sancta mater Ecclesia hanc suam in administratione Sacramentorum auctoritatem , licet ab initio Christianæ religionis non infrequens utriusq. speciei usus fuisset : tamè progressu tēporis , latissime iā mutata illa consuetudine , grauius , & iustis causis adducta , hanc consuetudinem sub altera specie communicandi approbavit , & pro lege habendam decreuit : quam reproba-

re ,



re, aut sine ipsius Ecclesiæ auctoritate pro libito  
mutare non licet.

Totum & integrum Christum, ac uerum Sa-  
cramentum, sub qualibet specie sumi.

Cap. III.

INSUPER declarat, quamuis Redemptor  
noster, ut antea dictum est, in suprema illa cæna  
hoc Sacramentum in duabus speciebus instituerit,  
& Apostolis tradiderit; tamen fatendum esse,  
etiam sub altera tantum specie totum, atque inte-  
grum Christum, uerumq. Sacramentum sumi; ac  
propterea, quod ad fructum attinet, nulla gratia,  
necessaria ad salutem, eos defraudari, qui unam  
speciem solam accipiunt.

Paruulos non obligari ad communionem  
sacramentalem. Cap. IIII.

DENIQUE eadem sancta Synodus docet,  
paruulos, usu rationis carentes, nulla obligari ne-  
cessitate ad sacramentalem Eucharistiæ commu-  
nionem. siquidem per Baptismi lauacrum rege-  
nerati, & Christo incorporati, adeptam iam fi-  
liorum Dei gratiam in illa ætate amittere non pos-  
sunt. neque ideo tamen damnanda est antiquitas,  
si eum morem in quibusdam locis aliquando serua-  
uit. ut enim sanctissimi illi Patres sui facti proba-  
bilem causam pro illius temporis ratione habue-  
runt; ita certe eos nulla salutis necessitate id fecis-  
se,



SESSIO

*se, sine controuersia credendum est.*

DE COMMUNIONE

*sub utraque specie, & paruulorum.*

CANON I.

*SI quis dixerit, ex Dei præcepto, uel necessitate salutis omnes, & singulos Christi fideles utramque speciem sanctissimi Eucharistiæ Sacramenti sumere debere; anathema sit.*

CANON II.

*SI quis dixerit, sanctam Ecclesiam Catholicam non iustis causis, & rationibus adductam fuisse, ut laicos, atque etiam clericos non confidentes sub panis tantummodo specie communicaret; aut in eo errasse; anathema sit.*

CANON III.

*SI quis negauerit, totum, & integrum Christum, omnium gratiarum fontem, & auctorem, sub una panis specie sumi, quia, ut quidam falso asserunt, non secundum ipsius Christi constitutionem sub utraque specie sumatur; anathema sit.*

CANON IIII.

*SI quis dixerit, paruulis antequam ad annos discretionis peruenerint, necessariam esse Eucharistiæ Communionem; anathema sit.*

*Duos*



Duos uero articulos, alias propositos, eos nondum tamē excussos, uidelicet: *An rationes, quibus sancta Catholica Ecclesia adducta fuit, ut communicaret laicos, atque etiam non celebrantes sacerdotes sub una tantum panis specie, ita sint retinendæ; ut nulla ratione Calicis usus cuiquam sit permittendus: &*

*An, si honestis, & Christianæ caritati consentaneis rationibus concedendus alicui uel nationi, uel regno Calicis usus uideatur, sub aliquibus condicionibus concedendus sit; & quænam sint illæ: Eadem sancta Synodus, in aliud tempus, oblata sibi, quamprimum occasione, examinandos, atque definiendos reseruat.*

## D E C R E T U M de reformatione.

### Caput I.

**E**ADEM sacrosancta œcumenica, & generalis Tridentina Synodus, in Spiritu sancto legitime congregata, præsidentibus in ea eisdem Apostolicæ Sedis Legatis, ad Dei omnipotentis laudem, & sanctæ Ecclesiæ ornamentum, ea, quæ sequuntur, de reformationis negotio in præsentī statuenda esse censuit. Quoniam ab Ecclesiastico ordine omnis auaritiæ suspicio abesse debet; nihil pro collatione quorumcumque ordinum, etiam clericalis tonsuræ, nec pro litteris dimissorijs,



rijs, aut testimonialibus, nec pro sigillo, nec alia  
quacumque de causa, etiam sponte oblatum, Epi-  
scopi, & alij Ordinum collatores, aut eorum mi-  
nistri quouis prætectu accipiant. Notarij uero in  
his tantum locis, in quibus non uiget laudabilis  
consuetudo nihil accipiendi, pro singulis litteris  
dimissorijs, aut testimonialibus, decimam tan-  
tū unius aurei partem accipere possint, dummo-  
do eis nullum salarium sit constitutum pro officio  
exercendo: nec Episcopo ex notarij commodis ali-  
quod emolumentum ex eisdem Ordinum collatio-  
nibus directe, uel indirecte prouenire possit. tunc  
enim gratis operam suam eos præstare omnino te-  
neri decernit: contrarias taxas, ac statuta, &  
consuetudines, etiam immemorabiles, quorum-  
cumque locorum, quæ potius abusus, & corru-  
ptelæ, simoniacæ prauitati fauentes, nuncupari  
possunt, penitus cassando, & interdicendo: &  
qui secus fecerint tam dantes, quam accipientes,  
ultra diuinam ultionem, pœnas a iure inflictas ip-  
so facto incurrant.

Caput II.

**C**VM non deceat eos, qui diuino ministerio;  
ascripti sunt, cum Ordinis dedecore mendi-  
care, aut sordidum aliquem quæstum exercere;  
compertumq. sit, complures plerisque in locis sa-  
cros Ordines nullo fere delectu admitti, qui uarijs  
artibus, ac fallacijs consingunt, se beneficium Ec-  
clesiasti-



clesiasticum, aut etiam idoneas facultates obtinere: statuit sancta Synodus, ne quis deinceps clericus secularis, quamuis alias sit idoneus moribus, scientia, & etate, ad sacros ordines promouetur, nisi prius legitime constet, eum beneficium Ecclesiasticum, quod sibi ad uictum honeste sufficiat, pacifice possidere. Id uero beneficium resignare non possit, nisi facta mentione, quod ad illius beneficii titulum sit promotus. neque ea resignatio admittatur, nisi constito, quod aliunde uiuere commodè possit: et aliter facta resignatio nulla sit. Patrimonium uero, uel pensionem obtinentes, ordinari posthac non possint, nisi illi, quos Episcopus iudicauerit assumendos pro necessitate, uel commoditate Ecclesiarum suarum; eo quoque prius perspecto, patrimonium illud, uel pensionem uere ab eis obtineri, taliaque esse, quæ eis ad uitam sustentandam satis sint: atque illa deinceps sine licentia Episcopi alienari, aut extinguui, uel remitti nullatenus possint; donec beneficium Ecclesiasticum sufficiens sint adepti; uel aliunde habeant, unde uiuere possint: antiquorum Canonum pœnas super his innouando.

## Caput III.

**C**VM beneficia ad diuinum cultum, atque Ecclesiastica munia obeunda sint constituta; ne qua in parte minuatur diuinus cultus, sed ei debitum omnibus in rebus obsequium præstetur; statuit



# S E S S I O

Statuit sancta Synodus, in ecclesiis, tam cathedralibus, quam collegiatis, in quibus nullæ sunt distributiones quotidianæ, uel ita tenues, ut uerisimiliter negligantur, tertiam partem fructuum, & quorumcunque proventuum, & obuentuum, tam dignitatum, quam canonicatum, personatum, portionum, & officiorum separari debere; & in distributiones quotidianas conuerti, quæ inter dignitates obtinentes, & ceteros diuisionis interessentes, proportionabiliter iuxta diuisionem ab Episcopo, etiam tamquam Apostolicæ Sedis delegato, in ipsa prima fructuum deductione facienda, diuidantur: saluis tamen consuetudinibus earum ecclesiarum, in quibus non residentes, seu non seruientes, nihil, uel minus tertia parte percipiunt: non obstantibus exemptionibus, ac alijs consuetudinibus, etiam immemorabilibus, & appellationibus quibuscumque. Crescenteq. non seruientium contumacia, liceat contra eos procedere, iuxta iuris, ac sacrorum Canonum dispositionem.

## Caput IIII.

**E**PISCOPI, etiam tamquam Apostolicæ Sedis delegati, in omnibus ecclesiis parochialibus, uel baptismalibus, in quibus populus ita numerosus sit, ut unus Rector non possit sufficere Ecclesiasticis Sacramentis ministrandis, & cultui diuino peragendo; cogant Rectores, uel alios, ad



ad quos pertinet, sibi tot sacerdotes ad hoc munus adiungere, quot sufficiant ad Sacramenta exhibenda, & cultum diuinum celebrandum. In ijs uero, in quibus ob locorum distantiam, siue difficultatem parochiani sine magno incommodo ad percipienda sacramenta, & diuina officia audienda accedere non possunt; nouas parochias, etiam inuitis Rectoribus, iuxta formam constitutionis Alexandri III, quæ incipit, Ad audientiam, constituere possint. Illis autem sacerdotibus, qui de nouo erunt ecclesijs nouiter erectis præficiendi, competens assignetur portio arbitrio Episcopi ex fructibus, ad ecclesiam matricem quomodocumque pertinentibus: & si necesse fuerit, compellere possit populum, ea subministrare, quæ sufficiant ad uitam dictorum sacerdotum sustentandam: quacumque reservatione generali, uel speciali, uel affectione, super dictis ecclesijs, non obstantibus. Neque huiusmodi ordinationes, & erectiones possint tolli, nec impediri, ex quibuscumque prouisionibus, etiam uigore resignationis, aut quibusuis alijs derogationibus, uel suspensionibus.

## Caput V.

**V**t etiam ecclesiarum status, ubi sacra Deo officia ministrantur, ex dignitate conseruetur; possint Episcopi, etiam tamquam Apostolicæ Sedis delegati, iuxta formam iuris, sine tam  
men



men præiudicio obtinentium, facere uniones perpetuas quarumcumque ecclesiarum parochialium, & baptismalium, & aliorum beneficiorum curatorum, uel non curatorum cum curatis propter earum paupertatem, & in ceteris casibus a iure permissis, etiam si dictæ ecclesiæ, uel beneficia essent generaliter, uel specialiter reseruata, aut qualitercumque affecta. Quæ uniones etiam non possint reuocari, nec quoquo modo infringi uigore cuiuscumque prouisionis, etiam ex causa resignationis, aut derogationis, aut suspensionis.

Caput VI.

**Q**UIA illitterati, & imperiti parochialium ecclesiarum Rectores sacris minus apti sunt officijs, & alij propter eorum uitæ turpitudinem potius destruunt, quam ædificant; Episcopi, etiã tamquam Apostolicæ Sedis delegati, eisdem illiteratis, & imperitis, si alias honestæ uitæ sint, coadiutores, aut Vicarios pro tempore deputare; partemq. fructuum eisdem pro sufficienti uictu assignare, uel aliter providere possint, quacumque appellatione, & exemptione remota. Eos uero, qui turpiter, & scandalose uiuunt, postquam præmoniti fuerint, coerceant, ac castigent; & si adhuc incorrigibiles in sua nequitia perseuerent, eos beneficijs, iuxta sacrorum Canonum constitutiones, exemptione, & appellatione quacumque remota, priuandi facultatem habeant.

Caput



## Caput VII.

**C**UM illud quoque ualde curandum sit, ne ea, quæ sacris ministerijs dedicata sunt, temporum iniuria obsolescant, & ex hominum memoria excidant; Episcopi, etiam tamquam Apostolicæ Sedis delegati, transferre possint beneficia simplicia, etiam iuris patronatus, ex ecclesiis, quæ uetustate, uel alias collapsæ sint, & ob eorum inopiam nequeant instaurari, uocatis ijs, quorum interest, in matrices, aut alias ecclesias locorum eorundem, seu uicinorum, arbitrio suo; atque in eisdem ecclesiis erigant altaria, uel capellas sub eisdem inuocationibus; uel in iam erecta altaria, uel capellas transferant cum omnibus emolumentis, & oneribus, prioribus ecclesiis impositis. Parochiales uero ecclesias, etiam si iuris patronatus sint, ita collapsas refici, & instaurari procurent ex fructibus, & prouentibus quibuscumque, ad easdem ecclesias quomodocumque pertinentibus. qui si non fuerint sufficientes, omnes patronos, & alios, qui fructus aliquos ex dictis ecclesiis prouenientes percipiunt; aut in illorum defectum, parochianos omnibus remedijs opportunis, ad prædicta cogant, quacumque appellatione, exemptione, & contradictione remota. Quod si nimia egestate omnes laborent, ad matrices, seu uiciniores ecclesias transferantur, cum facultate, tam dictas parochiales, quam a-

O      lias,



S E S S I O

lias ecclesias dirutas, in profanos usus, non sordidos, erecta tamen ibi Cruce, conuertendi.

Caput VIII.

**Q**VAECVMQVE in diœcesi ad Dei cultum spectant, ab Ordinario diligenter curari, atque ijs, ubi oportet, prouideri, æquum est. propterea commendata monasteria, etiam Abbatiæ, Prioratus, & Præposituræ nuncupatæ, in quibus non uiget Regularis obseruantia; necnon beneficia tam curata, quam non curata, secularia, & Regularia, qualitercumque commendata, etiam exempta, ab Episcopis, etiam tamquam Apostolicæ Sedis delegatis, annis singulis uisitentur; curentq. ijdem Episcopi congruentibus remedijs, etiam per sequestrationem fructuum, ut, quæ renovatione indigent, aut restauratione, reficiantur; & cura animarum, si qua illis uel eorum annexis immineat, aliaq. debita obsequia recte exerceantur; appellationibus quibuscumque, privilegijs, consuetudinibus, etiam immemorabili tempore præscriptis, conseruatorijs, iudicum deputationibus, & eorum inhibitionibus non obstantibus. et, si in eis uigeret obseruantia Regularis, prouideant Episcopi paternis admonitionibus, ut eorum Regularium Superiores iuxta eorum Regularia instituta debitam uiuendi rationem obseruent, & obseruari faciant, & sibi subditos in officio contineant ac moderentur. Quod si ad-



si admoniti, intra sex menses eos non uisitauerint, uel correxerint; tunc iidem Episcopi, etiam ut de legati Sedis Apostolicæ, eos uisitare possint, & corrigere, prout ipsi Superiores possent, iuxta eorum instituta; quibuscumque appellationibus, priuilegijs, & exemptionibus penitus remotis, & non obstantibus.

## Caput IX.

CUM multa a diuersis antea Concilijs, tam Lateranensi ac Lugdunensi, quam Viennensi, aduersus prauos eleemosynarum Quæstorum abusus remedia tunc adhibita, posterioribus temporibus reddita fuerint inutilia; potiusq. eorum malitia ita quotidie magno fidelium omnium scandalo, & querela excrescere deprehendatur, ut de eorum emendatione nulla spes amplius relicta uideatur: Statuit, ut posthac in quibuscumque Christianæ religionis locis eorum nomen, atque usus penitus aboleatur; nec ad officium huiusmodi exercendum ullatenus admittantur; non obstantibus priuilegijs, ecclesijs, monasterijs, hospitalibus, pijs locis, et quibuscumque cuiuscumque gradus, status, & dignitatis personis, concessis, aut consuetudinibus etiam immemorabilibus. Indulgentias uero, aut alias spirituales gratias, quibus non ideo Christi fideles decet priuari, deinceps per Ordinarios locorum, adhibitis duobus de Capitulo, debitis temporibus populo publicandas esse decer-

O 2 nit.



S E S S I O

nit . quibus etiam eleemosynas , atque oblata sibi caritatis subsidia , nulla prorsus mercede accepta , fideliter colligendi facultas datur : ut tandem , cælestes hos Ecclesiæ thesauros non ad quæstum , sed ad pietatem exerceri , omnes uere intelligant .

Indictio futuræ Sessionis.

SACROSANCTA œcumenica , & generalis Tridentina Synodus , in Spiritu sancto legitime congregata , præsidentibus in ea eisdem Apostolicæ Sedis Legatis , statuit & decreuit , proximam futuram Sessionem habendam , & celebrandam esse feria quinta post octauam festi Natiuitatis beatæ Mariæ uirginis , quæ erit xvi mensis Septembris , proximi futuri : Hoc tamen adiecto , quod dictum terminum , ac unicuique Sessioni in posterum præfigendum , ipsa sancta Synodus pro eius arbitrio , & uoluntate , sicuti rebus Concilij putauerit expedire , etiam in generali Congregatione , restringere , & prorogare libere possit , & ualeat .

SESSIO



## S E S S I O   X X I I ,


Q V A E   E S T   S E X T A   S V B

P I O   I I I I   P O N T .   M A X .   C E L E B R A -

T A   D I E   X V I I   S E P T .

M . D .   L X I I .

## Doctrina de sacrificio Missæ .



SACROSANCTA œcumenica, & generalis Tridentina Synodus, in Spiritu sancto legitime congregata, presidentibus in ea eisdem Apostolicæ Sedis Legatis, ut uetus absoluta, atque omni ex parte perfecta de magno Eucharistiæ mysterio in sancta Catholica Ecclesia fides, atque doctrina retineatur; & in sua puritate, propulsatis erroribus, atque hæresibus, conservetur; de ea, quatenus uerum, & singulare sacrificium est, Spiritus sancti illustratione edocta, hæc, quæ sequuntur, docet, declarat, & fidelibus populis prædicanda decernit.

## Caput            I.

Q V O N I A M sub priori testamento, teste Apostolo Paulo, propter Leuitici sacerdotij imbecillitatem consummatio non erat; oportuit, Deo, patre misericordiarum, ita ordinante, sacerdotem

O   3   alium



alium secundum ordinem Melchisedech surgere,  
 Dominum nostrum Iesum Christum, qui posset o-  
 mnes, quotquot sanctificandi essent, consummare,  
 & ad perfectum adducere. Is igitur Deus, &  
 Dominus noster etsi semel se ipsum in ara crucis,  
 morte intercedente, Deo Patri oblaturus erat, ut  
 eternam illic redemptionem operaretur: quia ta-  
 men per mortem sacerdotium eius extinguendum  
 non erat; in cæna nouissima; qua nocte tradeba-  
 tur, ut dilectæ sponsæ suæ Ecclesiæ uisibile, sicut  
 hominum natura exigit, relinqueret sacrificium;  
 quo cruentum illud, semel in Cruce peragendum,  
 repræsentaretur; eiusq. memoria in finem usque  
 sæculi permaneret; atque illius salutaris uirtus  
 in remissionem eorum, quæ a nobis quotidie com-  
 mittuntur, peccatorum applicaretur; sacerdotem  
 secundum ordinem Melchisedech se in æternum  
 constitutum declarans, corpus & sanguinem su-  
 um sub speciebus & uini Deo Patri obtulit; ac  
 sub earundem rerum symbolis, Apostolis, quos  
 tunc noui testamenti sacerdotes constituēbat,  
 ut sumerent, tradidit; & eisdem, eorumq.  
 in sacerdotio successoribus, ut offerrent, præ-  
 cepit, per hæc uerba: Hoc facite in meam  
 commemorationem: uti semper Catholica Eccle-  
 sia intellexit, & docuit. nam celebrato ueteri  
 Pascha, quod in memoriam exitus de Aegy-  
 pto multitudo filiorum Israel immolabat, no-  
 uum instituit Pascha, se ipsum ab Ecclesia per sa-  
 cerdotes



cerdotes sub signis uisibilibus immolandum in  
 memoriam transitus sui ex hoc mundo ad Pa-  
 trem, quando per sui sanguinis effusionem nos  
 redemit, eripuitque de potestate tenebrarum,  
 & in regnum suum transtulit. Et hæc qui-  
 dem illa munda oblatio est, quæ nulla indigni-  
 tate, aut malitia offerentium inquinari potest:  
 quam Dominus per Malachiam nomini suo,  
 quod magnum futurum esset in gentibus, in om-  
 ni loco mundam offerendam prædixit: & quam  
 non obscure innuit Apostolus Paulus, Corin-  
 thijs scribens, cum dicit: Non posse eos, qui  
 participatione mensæ Dæmoniorum polluti sunt,  
 mensæ Domini participes fieri: per mensam al-  
 tare utrobique intelligens. Hæc denique illa  
 est, quæ per uarias sacrificiorum, naturæ, & le-  
 gis tempore, similitudines figurabatur: utpo-  
 te, quæ bona omnia, per illa significata, uelut  
 illorum omnium consummatio & perfectio com-  
 plectitur.

Caput II.

ET quoniam in diuino hoc sacrificio, quod in  
 Missa peragitur, idem ille Christus continetur, et  
 incruente immolatur, qui in ara Crucis semel se ip-  
 sum cruenta obtulit; docet sancta Synodus, sacrifi-  
 cium istud uere propitiatorium esse, per ipsumque  
 fieri, ut, si cum uero corde, et recta fide, cum me-



tu, & reuerentia, contriti, ac pœnitentes, ad Deum accedamus, misericordiam consequamur, & gratiam inueniamus in auxilio opportuno. Huius quippe oblatione placatus Dominus gratiam, & donum pœnitentiæ concedens, crimina, & peccata, etiam ingentia, dimittit. una enim eademq. est hostia, idemq. nunc offerens sacerdotum ministerio, qui se ipsum tunc in cruce obtulit, sola offerendi ratione diuersa. Cuius quidem oblationis, cruentæ, inquam, fructus per hanc incruentam uberrime percipiuntur: tantum abest, ut illi per hanc quouis modo derogetur. Quare non solum pro fidelium uiuorum peccatis, pœnis, satisfactionibus, & alijs necessitatibus, sed & pro defunctis in Christo, nondum ad plenum purgatis, rite, iuxta Apostolorum traditionem, offertur.

## Caput III.

ET quamuis in honorem, & memoriam Sanctorum nonnullas interdum Missas Ecclesia celebrare consueuerit; non tamen illis sacrificium offerri docet, sed Deo soli, qui illos coronauit; unde nec sacerdos dicere solet, Offero tibi sacrificium Petre, uel Paule; sed Deo de illorum uictorijs gratias agens, eorum patrocinia implorat, ut ipsi pro nobis intercedere dignentur in cælis, quorum memoriam facimus in terris.

Caput



## Caput IIII.

**E**T cum sancta sancte administrari conueniat, sitq. hoc omnium sanctissimum sacrificium; Ecclesia Catholica, ut digne reuerenterq. offerretur, ac perciperetur, sacrum Canonem multis ante seculis instituit, ita ab omni errore purum, ut nihil in eo contineatur, quod non maxime sanctitatem, & pietatem quandam redoleat, mentesq. offerentium in Deum erigat. is enim constat cum ex ipsis Domini uerbis, tum ex Apostolorum traditionibus, ac sanctorum quoque Pontificum pijs institutionibus.

## Caput V.

**C**VM Q. natura hominum ea sit, ut non facile queat sine adminiculis exterioribus ad rerum diuinarum meditationem sustolli; propterea pia mater Ecclesia ritus quosdam, ut scilicet quædam summissa uoce, alia uero elatiore, in Missa pronunciarentur, instituit. Cærimonias item adhibuit, ut mysticas benedictiones, lumina, thymiamata, uestes, aliaq. id genus multa, ex Apostolica disciplina & traditione, quo & maiestas tanti sacrificij commendaretur, & mentes fidelium per hæc uisibilia religionis & pietatis signa ad rerum altissimarum, quæ in hoc sacrificio latent, contemplationem excitarentur.

Caput



## Caput VI.

**O**PTARET quidem sacrosancta Synodus, ut in singulis Missis fideles adstantes non solum spirituali affectu, sed sacramentali etiam Eucharistiae perceptione communicarent, quo ad eos sanctissimi huius sacrificij fructus uberius proueneret: nec tamen si id non semper fiat, propterea Missas illas, in quibus solus sacerdos sacramentaliter communicat, ut priuatas & illicitas, damnat, sed probat, atque adeo commendat. siquidem illae quoque Missae uere communes censi debent, partim, quod in eis populus spiritualiter communicet, partim uero, quod a publico Ecclesiae ministro non pro se tantum, sed pro omnibus fidelibus, qui ad corpus Christi pertinent, celebrantur.

## Caput VII.

**M**ONET deinde sancta Synodus, praecipuum esse ab Ecclesia sacerdotibus, ut aquam uino in calice offerendo miscerent, tum quod Christum Dominum ita fecisse credatur, tum etiam quia e latere eius aqua simul cum sanguine exierit. quod Sacramentum hac mixtione recolitur: & cum aqua in Apocalypsi beati Ioannis populi dicantur; ipsius populi fidelis cum capite Christo unio representatur.

Caput



## Caput VIII.

**E**TSI Missa magnam contineat populi fidelis eruditionem; non tamen expedire uisum est Patribus, ut uulgari passim lingua celebraretur. Quamobrem retento ubique cuiusque Ecclesiæ antiquo, & a sancta Romana Ecclesia, omnium Ecclesiarum matre, & magistra probato ritu, ne oves Christi esuriant, neue paruuli panem petant, & non sit qui frangat eis; mandat sancta Synodus Pastoribus, & singulis, curam animarum gerentibus, ut frequenter inter Missarum celebrationem uel per se, uel per alios ex ijs, quæ in Missa leguntur, aliquid exponant; atque inter cetera sanctissimi huius sacrificij mysterium aliquod declarent, diebus præsertim Dominicis, & festis.

## Caput IX.

**Q**UIA uero aduersus ueterem hanc, in sacro sancto Euangelio, Apostolorum traditionibus, sanctorumq. Patrum doctrinâ fundatam fidem, hoc tempore multi disseminati sunt errores, multaq. a multis docentur, atque disputantur; sacrosancta Synodus, post multos, grauesq. his de rebus, mature habitos tractatus, unanimi Patrum omnium consensu; quæ huic purissimæ fidei, sacræq. doctrinæ aduersantur, damnare, & a sancta Ecclesia eliminare, per subiectos hos Canones, constituit.

De



## De sacrificio Missæ.

## C A N O N I.

*SI quis dixerit, in Missa non offerri Deo ue-  
rum & proprium sacrificium; aut quod offerri  
non sit aliud, quam nobis Christum ad manducan-  
dum dari; anathema sit.*

## C A N O N II.

*SI quis dixerit, illis uerbis, Hoc facite in  
meam commemorationem; Christum non instituis-  
se Apostolos sacerdotes; aut non ordinasse, ut ip-  
si, aliq. sacerdotes offerrent corpus, & sangui-  
nem suum; anathema sit.*

## C A N O N III.

*SI quis dixerit, Missæ sacrificium tantum es-  
se laudis, & gratiarum actionis, aut nudam com-  
memorationem sacrificij in Cruce peracti, non au-  
tem propitiatorium; uel soli prodesse sumentibus; ne-  
que pro uiuis, & defunctis, pro peccatis, pœ-  
nis, satisfactionibus, & alijs necessitatibus offer-  
ri debere; anathema sit.*

## C A N O N IIII.

*SI quis dixerit, blasphemiam irrogari sanctissi-  
mo Christi sacrificio, in Cruce peracto, per Missæ sa-  
crificium; aut illi per hoc derogari; anathema sit.*

C A-



## C A N O N V.

SI quis dixerit, *imposturam esse, Missas celebrare in honorem Sanctorum, et pro illorum intercessione, apud Deum obtinenda, sicut Ecclesia intendit; anathema sit.*

## C A N O N VI.

SI quis dixerit, *Canonem Missæ errores continere, ideoq. abrogandum; anathema sit.*

## C A N O N VII.

SI quis dixerit, *cerimonias, uestes, & externa signa, quibus in Missarum celebratione Ecclesia Catholica utitur, irritabula impietatis esse, magis quam officia pietatis; anathema sit.*

## C A N O N VIII.

SI quis dixerit, *Missas, in quibus solus sacerdos sacramentaliter communicat illicitas esse, ideoq. abrogandas; anathema sit.*

## C A N O N IX.

SI quis dixerit, *Ecclesiæ Romanæ ritum, quo summissa uoce pars Canonis, & uerba consecrationis proferuntur, damnandū esse; aut lingua tantum uulgari Missam celebrari debere; aut aquam non miscendam esse uino in calice offerendo, eo quod sit contra Christi institutionem; anathema sit.*

DECRE-



III      S E S S I O      IV  
DECRETVM DE OBSERVAN  
dis, & euitandis in celebratione Missæ.

**Q**UANTA cura adhibenda sit, ut sacrosan-  
ctum Missæ sacrificium omni religionis cul-  
tu, ac ueneratione celebretur; quibus facile existi-  
mare poterit, qui cogitarit, maledictum in sacris  
litteris eum uocari, qui facit opus Dei negligenter.  
Quod si necessario fatemur, nullum aliud opus  
adeo sanctum, ac diuinum a Christi fidelibus tra-  
ctari posse, quam hoc ipsum tremendum myste-  
rium, quo uiuifica illa hostia, qua Deo Patri re-  
conciliati sumus, in altari per sacerdotes quotidie  
immolatur; satis etiam apparet omnem operam,  
& diligentiam in eo ponendam esse, ut quanta ma-  
xima fieri potest interiori cordis munditia, & pu-  
ritate, atque exteriori deuotionis, ac pietatis spe-  
cie peragatur. Cum igitur multa iam siue tempo-  
rum uitio, siue hominum incuria, & improbita-  
te irrepsisse uideantur, quæ a tanti sacrificij digni-  
tate aliena sunt, ut ei debitus honor & cultus ad  
Dei gloriam, & fidelis populi ædificationem re-  
stituatur; decernit sancta Synodus, ut Ordinarij  
locorum Episcopi ea omnia prohibere, atque e me-  
dio tollere sedulo curent, ac teneantur; quæ uel  
auaritia, idolorum seruitus, uel irreuerentia,  
quæ ab impietate uix seiuncta esse potest; uel su-  
perstitio, ueræ pietatis falsa imitatrix, induxit.  
Atque, ut multa paucis comprehendantur; in  
primis,



primis, quod ad auaritiam pertinet, cuiusvis generis mercedum condiciones, pacta, & quicquid pro Missis nouis celebrandis datur; necnon importunas, atque illiberales eleemosynarum exactiões, potius quam postulationes, aliaque huiusmodi, quæ a simoniaca labe, uel certe a turpi quaestione non longe absunt, omnino prohibeant. Deinde, ut irreuerentia uitetur; singuli in suis diœcesibus interdican, ne cui uago, & ignoto sacerdoti Missas celebrare liceat. Neminem præterea, qui publice, & notorie criminosus sit; aut sancto altari ministrare, aut sacris interesse permittant; neue patiantur priuatis in domibus, atque omnino extra ecclesiam, & ad diuinum tantum cultum dedicata oratoria, ab eisdem Ordinarijs designanda, & uisitanda, sanctum hoc sacrificium a secularibus, aut regularibus quibuscumque peragi: ac nisi prius qui intersint, decenter composito corporis habitu, declarauerint se mente etiam, ac deuoto cordis affectu, non solum corpore, adesse. Ab ecclesiis uero musicas eas, ubi siue organo, siue cantu lasciuum, aut impurum aliquid miscetur, item seculares omnes actiones, uana, atque adeo profana colloquia, deambulationes, strepitus, clamores arceant; ut domus Dei, uere domus orationis esse uideatur, ac dici possit. Postremo, ne superstitioni locus aliquis detur; edito, & pœnis propositis caueant, ne sacerdotes alijs, quam debitis horis, celebrent, neue ritus alios,



alios, aut alias cærimonias & preces in Missarum celebratione adhibeant, præter eas, quæ ab Ecclesia probatæ, ac frequenti, & laudabili usu receptæ fuerint. Quarundam uero Missarum, & candelarum certum numerum, qui magis a supersticioso cultu, quam a uera religione, inuentus est, omnino ab Ecclesia remoueant: doceant q. populum, quis sit, & a quo potissimum proueniat sanctissimi huius sacrificij, tam pretiosus, ac cælestis fructus. Moneant etiam eundem populum, ut frequenter ad suas parochias, saltem diebus Dominicis, & maioribus festis accedant. Hæc igitur omnia, quæ summatim enumerata sunt, omnibus locorum Ordinarijs ita proponuntur, ut nō solum ea ipsa, sed quæcumque alia huc pertinere uisæ fuerint; ipsi pro data sibi a sacrosancta Synodo potestate, ac etiam, ut delegati Sedis Apostolicæ, prohibeant, mandent, corrigant, statuunt; atque ad ea inuiolate seruanda, censuris Ecclesiasticis, alijsq. pænis, quæ illorum arbitrio constituitur, fidelem populum compellant: non obstantibus priuilegijs, exemptionibus, appellationibus, ac consuetudinibus quibuscumque.

DEC E-



D E C R E T V M  
de reformatione.

## Caput I.

E ADEM sacrosancta Synodus, ut reformatio-  
nis negotium prosequatur; hac, in praesenti  
Sessione, statuenda censuit. Nihil est, quod  
alios magis ad pietatem, & Dei cultum assidue  
instruat, quam eorum uita, & exemplum, qui  
se diuino ministerio dedicarunt. cum enim a re-  
bus saeculi in altiore sublati locum conspician-  
tur, in eos, tamquam in speculum, reliqui ocu-  
los coniiciunt, ex ijsq. sumunt quod imitentur.  
Quapropter sic decet omnino clericos, in sortem  
Domini uocatos, uitam, moresq. suos omnes com-  
ponere, ut abitu, gestu, incessu, sermone, alijsq.  
omnibus rebus nil, nisi graue, moderatum, ac  
religione plenum, praeseferant; lenia etiam de-  
licta, quae in ipsis maxima essent, effugiant; ut  
eorum actiones cunctis afferant uenerationem.  
Cum igitur, quo maiore in Ecclesia Dei & utili-  
tate, & ornamento haec sunt, ita etiam diligen-  
tius sint obseruanda; statuit sancta Synodus, ut  
quae alias a summis Pontificibus, & a sacris Con-  
cilijs de clericorum uita, honestate, cultu, do-  
ctrinaq. retinenda, ac simul de luxu, commessa-  
tionibus, choreis, aleis, lusibus, ac quibuscum-  
que criminibus, necnon secularibus negotijs fu-

P giendis



giendis copiose, ac salubriter sancita fuerunt, eadem in posterum iisdem pœnis, uel maioribus, arbitrio Ordinarij imponendis, obseruentur; nec appellatio executionem hanc, quæ ad morum correctionem pertinet, suspendat. Si qua uero ex his in desuetudinem abiisse compererint; ea quamprimum in usum reuocari, & ab omnibus accurate custodiri studeant: non obstantibus consuetudinibus quibuscumque; ne subditorum neglectæ emendationis ipsi condignas, Deo uindice, pœnas persoluant.

## Caput II.

Q V I C V M Q V E posthac ad ecclesias cathedrales erit assumendus, is non solum natalibus, ætate, moribus, & uita, ac alijs, quæ a sacris Canonibus requiruntur, plene sit præditus, uerum etiam in sacro Ordine antea, saltem sex mensium spatio, constitutus. quarum rerum instructio, si eius notitia nulla aut recens in Curia fuerit, a Sedis Apostolicæ Legatis, seu Nuncijs prouinciarum, aut eius Ordinario, eoq. deficiente, a uicinioribus Ordinarijs sumatur. Scientia uero præter hæc eiusmodi polleat, ut muneris sibi iniungendi necessitati possit satisfacere. ideoq. antea in uniuersitate studiorum magister, siue doctor, aut licentiatus in sacra Theologia, uel iure Canonico merito sit promotus, aut publico alicuius Academiæ testimonio idoneus ad alios docendos



dos ostendatur. Quod si Regularis fuerit, a Superioribus sue religionis similem fidem habeat. Prædicti autem omnes, unde instructio, seu testificatio erit sumenda, hæc fideliter & gratis referre teneantur: alioquin eorum conscientias grauiter oneratas esse scient; ac Deum, & Superiores suos habebunt ultores.

## Caput III.

**E**PISCOPI, etiam tamquam delegati Apostolici, ex fructibus, et prouentibus quibuscumque omnium dignitatum, personatum, et officiorum, in ecclesiis cathedralibus, uel collegiatis existentium, tertiam partem in distributiones, eorum arbitrio assignandas, diuidere possint; ut scilicet, qui eas obtinent, si personaliter competens ibi seruitium iuxta formam, ab eisdem Episcopis præscribendam, quolibet die statuto non impleuerint; illius diei distributionem amittant, nec eius quoquo modo dominium acquirant, sed fabricæ ecclesiæ, quatenus indigeat, aut alteri pio loco, arbitrio Ordinarij applicetur. Crescente uero contumacia, contra eos iuxta sacrorum Canonum constitutiones procedant. Quod si alicui ex prædictis dignitatibus in ecclesiis cathedralibus, uel collegiatis, de iure, seu consuetudine, iurisdictio, administratio, uel officium non competat, sed extra ciuitatem in diœcesi cura animarum immineat, cui is, qui dignitatem obtinet, incumbere uolue-



S E S S I O

rit ; tunc pro tempore, quo in curata ecclesia resederit, ac ministraverit, tamquam præsens sit, ac diuinis intersit, in ecclesiis cathedralibus, ac collegiatis habeatur. Hæc in ijs tantum ecclesiis constituta intelligantur, in quibus nulla est consuetudo, uel statutum, ut dictæ dignitates non seruientes aliquid amittant, quod ad tertiam partem dictorum fructuum, & prouentuum ascendat : non obstantibus consuetudinibus, etiam immemorabilibus, & constitutionibus, etiam iuramento, & quauis auctoritate firmatis.

Caput IIII.

**Q**UICVMQVE in cathedrali, uel collegiata, seculari, uel Regulari ecclesia diuinis mancipatus officijs, in Subdiaconatus Ordine saltē constitutus non sit ; uocem in huiusmodi ecclesiis in Capitulo non habeat, etiam si hoc sibi ab alijs libere fuerit concessum. Ii uero, qui dignitates, personatus, officia, præbendas, portiones, ac qualibet alia beneficia in dictis ecclesiis obtinent, aut in posterum obtinebunt, quibus onera uaria sunt annexa, uidelicet, ut. alij Missas, alij Euangelium, alij Epistolas dicant, seu cantent ; quocumque ij priuilegio, exemptione, prærogatiua, generis nobilitate sint insigniti, teneantur, iusto impedimento cessante, infra annum Ordines suscipere requisitos : alioquin pœnas incurrant, iuxta constitutionem Concilij Viennensis quæ incipit : *Vt ij, qui : quam*  
præ-



præsenti decreto innouat. cogantq. Episcopi eos diebus statutis dictos Ordines per se ipsos exercere, ac cetera omnia officia, quæ debent in cultu diuino præstare, sub eisdem, & alijs, etiam grauioribus pœnis, arbitrio eorum imponendis. Nec alijs in posterum fiat prouisio; nisi ijs, qui iam ætatem, & ceteras habilitates integre habere dignoscantur: aliter irrita sit prouisio.

## Caput V.

**D**ISPENSATIONES quacumque auctoritate concedendæ, si extra Romanam Curiam committendæ erunt, committantur Ordinarijs illorum, qui eas impetrauerint. eæ uero, quæ gratiose concedentur, suum non sortiantur effectum, nisi prius ab eisdem, tamquam delegatis Apostolicis, summarie tantum, & extraiudicialiter cognoscantur, expressas preces subreptionis uel obreptionis uitio non subiacere.

## Caput VI.

**I**N commutationibus ultimarum uoluntatum, quæ non nisi ex iusta, & necessaria causa fieri debent, Episcopi, tamquam delegati Sedis Apostolicæ, summarie, & extraiudicialiter cognoscant, nihil in precibus, tacita ueritate, uel suggesta falsitate fuisse narratum, priusquam commutationes prædictæ executioni demandentur.



S E S S I O

Caput VII.

**L**EGATI, & Nuncij Apostolici, Patriarchæ, Primates, et Metropolitani in appellationibus ad eos interpositis, in quibusvis causis, tam in admittendis appellationibus, quam in concedendis inhibitionibus post appellationem, servare teneantur formam & tenorem sacrarum constitutionum, & præsertim Innocentij IIII, quæ incipit: Romana: quacumque consuetudine, etiam immemorabili, aut stylo, uel priuilegio, in contrarium non obstantibus: aliter inhibitiones, & Processus, & inde secuta quæcumque sint ipso iure nulla.

Caput VIII.

**E**PISCOPI, etiam tamquam Sedis Apostolicæ delegati, in casibus a iure concessis, omnium piarum dispositionum tam in ultima voluntate, quam inter uiuos, sint executores; habeant ius uisitandi hospitalia, collegia quæcumque, ac confraternitates laicorum, etiam quas scholas, siue quocumque alio nomine uocant; non tamen quæ sub regum immediata protectione sunt, sine eorum licentia: eleemosynas Montis pietatis, siue caritatis, & pia loca omnia, quomodocumque nuncupentur, etiam si prædictorum locorum cura ad laicos pertineat, atque eadem pia loca exemptionis priuilegio sint munita; ac omnia, quæ ad  
Dei



Dei cultum, aut animarum salutem, seu pauperes sustentandos instituta sunt, ipsi ex officio suo iuxta sacrorum Canonum statuta cognoscant, & exequantur: non obstantibus, quacumque consuetudine, etiam immemorabili, priuilegio, aut statuto.

## Caput IX.

ADMINISTRATORES, tam Ecclesiastici, quam laici, fabricæ cuiusvis ecclesiæ, etiam cathedralis, hospitalis, confraternitatis, elemosynæ Montis pietatis, & quorumcumque piorum locorum singulis annis teneantur reddere rationem administrationis Ordinario: consuetudinibus, & priuilegijs quibuscunque in contrarium sublati: nisi secus forte in institutione, & ordinatione talis ecclesiæ, seu fabricæ expresse cautum esset. Quod si ex consuetudine, aut priuilegio, aut ex constitutione aliqua loci, alijs ad id deputatis ratio reddenda esset; tunc cum ijs adhibeatur etiam Ordinarius: & aliter factæ liberationes dictis administratoribus minime suffragentur.

## Caput X.

CVM ex notariorum imperitia plurima damna, et multarum occasio litium oriatur; possit Episcopus quoscunque notarios, etiam si Apostolica, Imperiali, aut Regia auctoritate creati fuerint, etiam tamquam delegatus Sedis Apo-

P 4 stolicæ,



stolica, examinatione adhibita, eorum sufficientiam scrutari; illisq. non idoneis repertis, aut quandocumque in officio delinquentibus, officij eius in negotijs, litibus, & causis Ecclesiasticis, ac spiritualibus exercendi usum perpetuo, aut ad tempus prohibere. Neque eorum appellatio interdictionem Ordinarij suspendat.

## Caput XI.

**S**I quem clericorum, aut laicorum, quacumque is dignitate, etiam Imperiali, aut Regali præfulgeat, in tantum malorum omnium radix, cupiditas occupauerit, ut alicuius ecclesiæ, seu cuiusvis sæcularis, uel regularis beneficij, Montium pietatis, aliorumq. piorum locorum iurisdictiones, bona, census, ac iura, etiam feudalia, & emphyteotica, fructus, emolumenta, seu quascumque obuentiones, quæ in ministrorum, & pauperum necessitates conuerti debent; per se, uel per alios ui, uel timore incusso, seu etiam per suppositas personas clericorum, aut laicorum, seu quacumque arte, aut quocumque quæsito colore in proprios usus conuertere, illosq. usurpare præsumpserit, seu impedire, ne ab ijs, ad quos iure pertinent, percipiantur: is anathemati tamdiu subiaceat, quamdiu iurisdictiones, bona, res, iura, fructus, & redditus, quos occupauerit, uel qui ad eum quomodocumque, etiam ex donatione suppositæ personæ, peruenierint; ecclesiæ, eiusq.



eiusq. administratori, siue beneficiato integre restituerit; ac deinde a Romano Pontifice absolutionem obtinuerit. Quod si eiusdem ecclesie patronus fuerit; etiam iure patronatus ultra predictas penas eo ipso priuatus existat. Clericus uero, qui nefandæ fraudis, & usurpationis huiusmodi fabricator, seu consentiens fuerit, eisdem Penis subiaceat; necnon quibuscumque beneficijs priuatus sit, & ad quæcumque alia beneficia inhabilis efficiatur; et a suorum Ordinum executione, etiam post integram satisfactionem, & absolutionem, sui Ordinarij arbitrio suspendatur.

## DECRETVM SVPER petitione concessionis Calicis.

**I**NSUPER, cum eadem sancta Synodus superiori Sessione duos articulos, alias propositos, & tum nondum discussos, uidelicet: An rationes, quibus sancta Catholica Ecclesia adducta fuit, ut communicaret laicos, atque etiam non celebrantes sacerdotes, sub una panis specie, ita sint retinendæ, ut nulla ratione Calicis usus cuiquam sit permittendus: &, An, si honestis, & Christianæ caritati consentaneis rationibus concedendus alicui uel nationi, uel regno Calicis usus uideatur; sub aliquibus condicionibus concedendus sit, & quænam illæ sint; in aliud tempus, oblata sibi occasione, examinandos, atque defini-



definiendos reseruauerit : nunc eorum , pro quibus petitur , saluti optime consultum uolens , decreuit , integrum negotium ad sanctissimum Dominum nostrum esse referendum , prout presenti decreto refert : qui pro sua singulari prudentia id efficiat , quod utile Reip. Christianæ , & salutare petentibus usum Calicis , fore iudicauerit .

Indictio futuræ Sessiois .

Insuper eadem sacrosancta Tridentina Synodus diem futuræ Sessionis ad feriam quintam , post octauam festiuitatis omnium sanctorum , quæ erit dies XII mensis Nou. indicit ; & in ea decernetur de Sacramento Ordinis , et de Sacramento Matrimonij . etc.


Prorogata fuit Sessio usque ad diem xv. Iul.

M. D. L X I I I .



SESSIO XXIII,  
 QVAE EST SEPTIMA  
 SVB PIO IIII, PONT. MAX.  
 CELEBRATA DIE XV IVL.  
 M. D. LXIII.

Doctrina de Sacramento Ordinis. Cap. I.



ACRIFICIVM, & sacerdotium  
 ita Dei ordinatione coniuncta sunt,  
 ut utrumque in omni lege extiterit.  
 Cum igitur in nouo Testamento san-  
 ctum Eucharistiæ sacrificium uisibile ex Domini  
 institutione Catholica Ecclesia acceperit; fateri  
 etiam oportet, in ea nouum esse uisibile, & ex-  
 ternum sacerdotium, in quod uetus translatum  
 est. Hoc autem ab eodem Domino Salvatore nostro  
 institutum esse, atque Apostolis, eorumq. succes-  
 soribus in sacerdotio, potestatem traditam conse-  
 crandi, offerendi, & ministrandi corpus, & san-  
 guinem eius, necnon & peccata dimittendi, &  
 retinendi, sacrae litteræ ostendunt, & Catholi-  
 cæ Ecclesiæ traditio semper docuit.

Caput II.

CVM autem diuina res sit tam sancti sacerdo-  
 tij ministerium, consentaneum fuit, quo di-  
 gnus, & maiori cum ueneratione exerceri pos-  
 set,



# S E S S I O

set, ut in Ecclesiæ ordinatissima dispositione plures, & diuersi essent ministrorum Ordines, qui Sacerdotio ex officio deseruirent; & ita distributi, ut, qui iam clericali tonsura insigniti essent, per minores ad maiores ascenderent. nam non solum de sacerdotibus, sed & de Diaconis sacræ literæ apertam mentionem faciunt; & quæ maxime in illorum ordinatione attendenda sunt, grauissimis uerbis docent; & ab ipso ecclesiæ initio sequentium Ordinum nomina, atque uniuscuiusque eorum propria ministeria, Subdiaconi scilicet, Acolyti, Exorcistæ, Lectoris, & Ostiarij in usu fuisse cognoscuntur; quamuis non pari gradu. nam Subdiaconatus ad maiores ordines a Patribus, & sacris Concilijs refertur, in quibus & de alijs inferioribus frequentissime legimus.

## Caput III.

CUM Scripturæ testimonio, Apostolica traditione, & Patrum unanimi consensu perspicuum sit, per sacram ordinationem, quæ uerbis, & signis exterioribus perficitur, gratiam conferri; dubitare nemo debet, Ordinem esse uere, et proprie unum ex septem sanctæ Ecclesiæ Sacramentis. inquit enim Apostolus: Admoneo te, ut resuscites gratiam Dei, quæ est in te per impositionem manuum mearum. non enim dedit nobis Deus spiritum timoris, sed uirtutis, & dilectionis, & sobrietatis.

## Caput



## Caput IIII.

**Q**VONIAM uero in Sacramento Ordinis, sicut & in Baptismo, & Confirmatione, character imprimitur, qui nec deleri, nec auferri potest; merito sancta Synodus damnat eorum sententiam, qui asserunt noui Testamenti sacerdotes temporariam tantummodo potestatem habere; ac semel rite ordinatos, iterum laicos effici posse, si uerbi Dei ministerium non exerceant. Quod si quis omnes christianos promiscue noui Testamenti sacerdotes esse, aut omnes pari inter se potestate spirituali præditos affirmet, nihil aliud facere uidetur, quam Ecclesiasticam hierarchiam, quæ est ut castrorum acies ordinata, confundere; perinde ac si contra beati Pauli doctrinam omnes Apostoli, omnes Prophetæ, omnes Euangelistæ, omnes Pastores, omnes sint Doctores. Proinde sacrosancta Synodus declarat, præter ceteros Ecclesiasticos gradus, Episcopos, qui in Apostolorum locum successerunt, ad hunc hierarchicum Ordinem præcipue pertinere; & positos, sicut idem Apostolus ait, a Spiritu sancto, regere Ecclesiam Dei; eosq. presbyteris superiores esse; ac Sacramentum Confirmationis conferre; ministros Ecclesiæ ordinare; atque alia pleraque peragere ipsos posse: quarum functionum potestatem reliqui inferioris Ordinis nullam habent. Docet insuper sacrosancta Synodus, in ordinatione Episcoporum,



rum, sacerdotum, & ceterorum Ordinum nec populi, nec cuiusvis secularis potestatis, & magistratus consensum, siue uocationem, siue auctoritatem ita requiri, ut sine ea irrita sit ordinatio: quin potius decernit, eos, qui tantummodo a populo, aut seculari potestate, ac magistratu uocati, & instituti, ad hæc ministeria exercenda ascendant; & qui ea propria temeritate sibi sumunt; omnes non Ecclesiæ ministros, sed fures, & latrones, per ostium non ingressos, habendos esse. Hæc sunt, quæ generatim sacræ Synodo uisum est Christi fideles de Sacramento Ordinis docere. His autem contraria, certis, & proprijs Canonibus in hunc, qui sequitur, modum damnare constituit, ut omnes, adiuuante Christo, fidei regula utentes, in tot errorum tenebris Catholicam ueritatem facilius agnoscere, & tenere possint.

## De Sacramento Ordinis.

## C A N O N I.

SI quis dixerit, non esse in nouo Testamento sacerdotium uisibile, & externum; uel non esse potestatem aliquam consecrandi, & offerendi uerum corpus, & sanguinem Domini, & peccata remittendi, & retinendi; sed officium tantum, & nudum ministerium prædicandi Euangelium; uel eos, qui non prædicant, prorsus non esse sacerdotes; anathema sit.

C A -



## C A N O N   I I .

SI quis dixerit , præter sacerdotium non esse  
i. Ecclesia Catholica alios Ordines, & maiores ,  
& minores, per quos, uelut per gradus quosdam,  
in sacerdotium tendatur ; anathema sit .

## C A N O N   I I I .

SI quis dixerit , Ordinem , siue sacram ordi-  
nationem non esse uere & proprie Sacramentum,  
a Christo Domino institutum ; uel esse figmentum  
quoddam humanum , excogitatum a uiris rerum  
Ecclesiasticarum imperitis ; aut esse tantum ri-  
tum quendam eligendi ministros uerbi Dei , &  
Sacramentorum ; anathema sit .

## C A N O N   I I I I .

SI quis dixerit , per sacram ordinationem  
non dari Spiritum sanctum ; ac proinde , frustra  
Episcopos dicere: Accipe Spiritum sanctum: aut  
per eam non imprimi characterem ; uel eum , qui  
sacerdos semel fuit , laicum rursus fieri posse ;  
anathema sit .

## C A N O N   V .

SI quis dixerit , sacram Vnctionem , qua Ec-  
clesia in sancta ordinatione utitur, non tantum nõ  
requiri, sed contemnendam et perniciosam esse; simi-  
liter , et alias Ordinis caerimonias ; anathema sit .

C A -



CANON VI.

*SI quis dixerit, in Ecclesia non esse hierarchiam diuina ordinatione institutam, quæ constat ex Episcopis, presbyteris, & ministris; anathema sit.*

CANON VII.

*SI quis dixerit, Episcopos non esse presbyteris superiores, uel non habere potestatem confirmandi, & ordinandi; uel eam, quam habent, illis esse cum presbyteris communem; uel Ordines ab ipsis collatos sine populi, uel potestatis secularis consensu, aut uocatione irritos esse; aut eos, qui nec ab Ecclesiastica & Canonica potestate rite ordinati, nec missi sunt, sed aliunde ueniunt, legitimos esse uerbi & Sacramentorum ministros; anathema sit.*

CANON VIII.

*SI quis dixerit, Episcopos, qui auctoritate Romani Pontificis assumuntur, non esse legitimos, ac ueros Episcopos, sed figmentum humanum; anathema sit.*



D E C R E T V M  
de reformatione.

## Caput I.

E ADEM sacrosancta Tridentina Synodus reformationis materiam prosequens, hæc, quæ sequuntur, in præsentia decernenda esse statuit, & decernit. Cum præcepto diuino mandatum sit omnibus, quibus animarum cura commissa est, oues suas agnoscere; pro his sacrificium offerre; uerbiq. diuini prædicatione, Sacramentorum administratione, ac bonorum omnium operum exemplo pascere; pauperum, aliarumq. miserabilium personarum curam paternam gerere; & in cetera munia pastoralia incumbere; quæ omnia nequaquam ab his præstari, & impleri possunt, qui gregi suo non inuigilant, neque assisunt, sed mercenariorum more deferunt: sacrosancta Synodus eos admonet, & hortatur, ut diuinorum præceptorum memores, factiq. forma gregis, in iudicio, & ueritate pascant, & regant. Ne uero ea, quæ de residentia sancte, & utiliter iam ante sub fel. rec. Paulo III. sancita fuerunt, in sensus a sacrosanctæ Synodi mente alienos trahantur, ac si uigore illius decreti quinque mensibus continuis abesse liceat; illis in hærendo, declarat sacrosancta Synodus, omnes Patriarchalibus, Primatialibus, Metropolitanis, ac cathedralibus

Q bus



bus ecclesiis quibuscumque, quocumque nomine,  
 & titulo præfectos, etiam si sanctæ Romanæ Ec-  
 clesiæ Cardinales sint, obligari ad personalem in  
 sua ecclesia uel diœcesi residentiam, ubi iniun-  
 cto sibi officio defungi teneantur; neque abesse pos-  
 se, nisi ex causis, & modis infrascriptis. Nam  
 cum Christiana caritas, urgens necessitas, debita  
 obedientia, ac euident Ecclesiæ, uel Reip. utili-  
 tas aliquos nonnumquam abesse postulent, et exi-  
 gant; decernit eadem sancta Synodus, has legiti-  
 mæ absentiae causas a beatissimo Romano Ponti-  
 fice, aut a Metropolitano, uel, eo absente, Suf-  
 fraganeo Episcopo antiquiori residente, qui idem  
 Metropolitani absentiam probare debebit, in-  
 scriptis esse approbandas; nisi cum absentia inci-  
 derit propter aliquod munus, & Reip. officium,  
 Episcopatibus adiunctum: cuius quoniam causæ  
 sunt notoriæ, & interdum repentinæ, ne eas qui-  
 dem significari Metropolitano necesse erit: ad  
 eundem tamen cum Concilio prouinciali spectabit  
 iudicare de licentijs a se, uel a Suffraganeo datis;  
 & uidere, ne quis eo iure abutatur; & ut pœnis  
 canonicis errantes puniantur. Interea memine-  
 rint discessuri, ita ouibus suis prouidendum, ut,  
 quantum fieri poterit, ex ipsorum absentia nul-  
 lum damnum accipiant. Quoniam autem qui ali-  
 quantisper tantum absunt, ex ueterum Canonum  
 sententia non uidentur abesse, quia statim reuer-  
 suri sunt; sacrosancta Synodus uult, illud absen-  
 tiæ



tie spatium singulis annis siue continuum, siue interruptum, extra prædictas causas, nullo pacto debere duos, aut ad summum tres menses excedere; & haberi rationem, ut id aqua ex causa fiat, & absque ullo gregis detrimento: quod an ita sit, abscedentium conscientia relinquit, quam sperat religiosam, & timoratam fore, cum Deo corda pateant; cuius opus non fraudulentè agere, suo periculo tenentur. Eosdem interim admonet, & in Domino hortatur, ne per illius temporis spatium, Dominici aduentus, Quadragesimæ, Natiuitatis, Resurrectionis Domini, Pentecostes item, & Corporis Christi diebus, quibus refici maxime, et in Domino gaudere Pastoris præsentia oues debeant, ipsi ab ecclesia sua cathedrali ullo pacto absint, nisi Episcopalia munia in sua diœcesi eos alio uocent.

Si quis autem, quod utinam numquam eueniat, contra huius decreti dispositionem absuerit; statuit sacrosancta Synodus, præter alias pœnas aduersus non residentes, sub Paulo III impositas & innouatas, ac mortalis peccati reatum, quem incurrit; eum, pro rata temporis absentia fructus suos non facere, nec tuta conscientia, alia etiam declaratione non secuta, illos sibi detinere posse; sed teneri aut, ipso cessante, per Superiorem Ecclesiasticum illos fabricæ ecclesiæ; aut pauperibus loci erogare: prohibita quacumque conuentione, uel compositione, quæ pro fructibus ma-



le perceptis appellatur; ex qua etiam prædicti fructus in totum, aut pro parte, ei remitterentur: non obstantibus quibuscumque privilegijs cuicumque Collegio, aut fabricæ concessis. Eadem omnino, etiam quo ad culpam et amissionem fructuum, & pœnas de curatis inferioribus, & alijs quibuscumque, qui beneficium aliquod ecclesiasticum, curam animarum habens, obtinent, sacrosancta Synodus declarat, & decernit: ita tamen, ut quâdocumque eos, causa prius per Episcopum cognita, & probata, abesse contigerit; Vicarium idoneum, ab ipso Ordinario approbandum, cum debita mercedis assignatione relinquant. Discedendi autem licetiam in scriptis gratisq. concedendam ultra bimestre tempus, nisi ex graui causa, non obtineant. Quod si per edictum citati etiam non personaliter, contumaces fuerint; liberum esse uult Ordinarijs, per censuras Ecclesiasticas, & sequestrationem, et subtractionem fructuum, aliaq. iuris remedia, etiam usque ad priuationem, compellere; nec executionem hanc, quolibet privilegio, licentia, familiaritate, exemptione, etiam ratione cuiuscumque beneficij, pactione, statuto, etiam iuramento, uel quacumque auctoritate confirmato, consuetudine etiam immemorabili, quæ potius corruptela censenda est, siue appellatione, aut inhibitione, etiam in Romana Curia, uel uigore Eugenianæ constitutionis suspendi posse. Postremo, tam decretum illud sub Paulo III, quam hoc  
ipsum



ipsum in Concilijs provincialibus, & Episcopali-  
bus publicari, sancta Synodus præcipit. cupit  
enim, quæ adeo ex Pastorum munere, anima-  
rumq. salute sunt, frequenter omnium auribus,  
mentibusq. infigi, ut in posterum, Deo iuuante,  
nulla temporum iniuria, aut omnium obliuione,  
aut desuetudine aboleantur.

## Caput II.

ECCLESIIIS cathedralibus, seu superiori-  
bus, quocumque nomine, ac titulo præfecti,  
etiam si Sanctæ Romanæ Ecclesiæ Cardinales sint,  
si munus consecrationis inter tres menses non su-  
sciperint, ad fructuum perceptorum restitutione-  
nem teneantur. Si intra totidem menses postea id  
facere neglexerint; ecclesiis ipso iure sint priuati.  
Consecratio uero, si extra Curiam Romanam fiat,  
in ecclesia, ad quam promoti fuerint, aut in pro-  
uincia, si commode fieri poterit, celebretur.

## Caput III.

EPISCOPI per semet ipsos Ordines conse-  
crant. quod si ægitudine fuerint impediti, sub-  
ditos suos non aliter, quam iam probatos, &  
examinatos, ad alium Episcopum ordinandos  
dimittant.



Caput IIII.

**P** RIMA Tonsura non initientur, qui Sacramentum Confirmationis non susceperint; et si dei rudimenta edocti non fuerint; quiq. legere, & scribere nesciant; & de quibus probabilis coniectura non sit, eos non secularis iudicii fugiendi fraude, sed ut Deo fidelem cultum præsent, hoc uitæ genus elegisse.

Caput V.

**A** D minores Ordines promouendi bonum a Parocho, & a magistro scholæ, in qua educantur, testimonium habeant. Hi uero, qui ad singulos maiores erunt assumendi, per mensem ante ordinationem Episcopum adeant, qui Parocho, aut alteri, cui magis expedire uidebitur, committat, ut nominibus, ac desiderio eorum, qui uolent promoueri, publice in ecclesia propositis, de ipsorum ordinandorum natalibus, ætate, moribus, & uita a fide dignis diligenter inquirat; & litteras testimoniales, ipsam inquisitionem factam continentes, ad ipsum Episcopum quamprimum transmittat.

Caput VI.

**N** VLLVS prima Tonsura initiatus, aut etiam in minoribus Ordinibus constitutus, ante decimum quartum annum beneficium possit obtinere.



tinere. Is etiam fori priuilegio non gaudeat, nisi beneficium Ecclesiasticum habeat; aut clericalem habitum, & Tonsuram deferens, alicui ecclesie ex mandato Episcopi inseruiat; uel in seminario clericorum, aut in aliqua schola, uel Vniuersitate, de licentia Episcopi, quasi in uia ad maiores Ordines suscipiendos uersetur. In clericis uero coniugatis seruetur constitutio Bonifacij IX. quæ incipit, Clerici, qui cum unicis: modo hi clerici, alicuius ecclesie seruitio, uel ministerio ab Episcopo deputati, eidem ecclesie seruiant, uel ministrent; & clericali habitu, & Tonsura utantur: nemini, quo ad hoc, priuilegio, uel consuetudine, etiam immemorabili, suffragante.

## Caput VII.

SANCTA Synodus, antiquorum Canonum uel scriptis inherendo, decernit, ut quando Episcopus ordinationem facere disposuerit, omnes, qui ad sacrum ministerium accedere uoluerint, feria quarta ante ipsam ordinationem, uel quando Episcopo uidebitur, ad ciuitatem euocentur. Episcopus autem sacerdotibus, & alijs prudentibus uiris, peritis diuinæ legis, ac in Ecclesiasticis sanctionibus exercitatis, sibi ascitis, ordinandorum genus, personam, ætatem, institutionem, mores, doctrinam, & fidem diligenter inuestiget, & examinet.

Q 4 Capu'



SESSIO

Caput VIII.

**O**RINATIONES sacrorum Ordinum, statutis a iure temporibus, ac in cathedrali ecclesia uocatis presentibus ad id ecclesiæ Canonici, publice celebrentur. Si autem in alio diœcesis loco, presente clero loci, dignior, quantum fieri poterit, ecclesia semper adeatur. Vnusquisque autem a proprio Episcopo ordinetur. Quod si quis ab alio promoueri petat, nullatenus id ei, etiam cuiusvis generalis, aut specialis rescripti, uel priuilegij prætextu, etiam statutis temporibus permittatur; nisi eius probitas, ac mores Ordinarij sui testimonio commendentur. Si secus fiat; ordinans a collatione ordinum per annum; & ordinatus a susceptorum ordinum executione, quam diu proprio Ordinario uidebitur expedire, sit suspensus.

Caput IX.

**E**PISCOPVS familiarem suum non subditum ordinare non possit, nisi per triennium secum fuerit commoratus; & beneficium, quacumque fraude cessante, statim re ipsa illi conferat: consuetudine quacumque, etiam immemorabili, in contrarium non obstante.

Caput



## Caput X.

**A**BBATIBVS, ac alijs quibuscumque, quantumvis exemptis, non liceat in posterum, intra fines alicuius diœcesis consistentibus, etiam si nullius diœcesis, uel exempta esse dicantur, cuiquam, qui Regularis subditus sibi non sit, Tonsuram, uel minores Ordines conferre: nec ipsi Abbates, & alij exempti, aut Collegia, uel Capitula quæcumque, etiam ecclesiarum cathedralium, litteras dimissorias aliquibus clericis sæcularibus, ut ab alijs ordinentur, concedant. Sed horum omnium ordinatio, seruatis omnibus, quæ in huius sacrosanctæ Synodi decretis continetur, ad Episcopos, intra quorum diœcesis fines existant, pertineat: non obstantibus quibuscumque privilegijs, præscriptionibus, aut consuetudinibus etiam immemorabilibus. Pœnam quoque impositam ijs, qui contra huius sanctæ Synodi sub Paulo III. decretum a Capitulo Episcopali, Sede uacante, litteras dimissorias impetrant; ad illos, qui easdem litteras non a Capitulo, sed ab alijs quibuscumque, in iurisdictione Episcopi loco Capituli, Sede uacante, succedentibus, obtinerent, mandat extendi. Concedentes autem dimissorias contra formam decreti ab officio, & beneficio per annum sint ipso iure suspensi.

Caput



## Caput XI.

**M**INORES Ordines ijs, qui saltem latinam linguam intelligant, per temporum interstitia, nisi aliud Episcopo expedire magis videretur, conferantur; ut eo accuratius, quantum sit ut huius disciplinæ pondus, possint edoceri; ac in unoquoque munere, iuxta præscriptum Episcopi, se exerceant; idq. in ea, cui adscripti erunt, ecclesia; nisi forte ex causa studiorum absint; atque ita de gradu in gradum ascendant; ut in eis tum ætate vitæ meritum, & doctrina maior accrescat. Quod & bonorum morum exemplum & aspiduum in ecclesia ministerium, atque maior erga presbyteros, & superiores Ordines reuerentia, & crebrior, quam antea, corporis Christi Communio maxime comprobabunt. Cumq. hinc ad altiores gradus, & sacratissima mysteria sit ingressus; nemo ijs initietur, quem non scientiæ spes maioribus Ordinibus dignum ostendat. Hi vero non nisi post annum a susceptione postremi gradus minorum Ordinum ad sacros ordines promoucantur: nisi necessitas, aut Ecclesiæ utilitas, iudicio Episcopi, aliud exposcat.

## Caput XII.

**N**VILLVS in posterum ad Subdiaconatus Ordinem ante uigesimum secundum, ad Diaconatus ante uigesimum tertium, ad presbyteratus



tus ante uigesimum quintum ætatis suæ annum promoueatur. Sciant tamen Episcopi non singulos, in ea ætate constitutos, debere ad hos Ordines assumi; sed dignos dumtaxat, & quorū probata uita senectus sit. Regulares quoque nec in minori ætate, nec sine diligenti Episcopi examine ordinentur: priuilegijs quibuscumque, quo ad hoc, penitus exclusis.

## Caput XIII.

**S**UBDIACONI, & Diaconi ordinentur, habentes bonum testimonium, & in minoribus Ordinibus iam probati, ac litteris, & ijs, quæ ad Ordinem exercendum pertinent, instructi. Qui sperant, Deo auctore, se continere posse, ecclesijs, quibus ascribentur, inseruiant; sciantq. maxime decere, si saltem diebus Dominicis, & sollempnibus, cum altari ministrauerint, sacram Communionem perceperint. Promoti ad sacrum Subdiaconatus Ordinem, si per annum saltem in eo non sint uersati, ad altiorem gradum, nisi aliud Episcopo uideatur, ascendere non permittantur. Duo sacri Ordines non eodem die, etiam Regularibus, conferantur: priuilegijs, ac indulgijs quibusuis concessis non obstantibus quibuscumque.

## Caput XIII.

**Q**VI pie & fideliter in ministerijs ante actis se gesserint, & ad presbyteratus Ordinem assumuntur,



assumuntur, bonum habeant testimonium. & hi sint, qui non modo in Diaconatu, ad minus annum integrum, nisi ob ecclesie utilitatem, ac necessitatem aliud Episcopo uideretur, ministraverint; sed etiam ad populum docendum ea, quae scire omnibus necessarium est ad salutem; ac ministrandi Sacramenta, diligenti examine praecedente, comprobentur: atque ita pietate, ac castis moribus conspicui, ut praeclarum bonorum operum exemplum, & uita monita ab eis possint expectari. Curet Episcopus, ut ii saltem diebus Dominicis, & festis sollempnibus, si autem curam haberint animarum, tam frequenter, ut suo muneri satisfaciant, Missas celebrent. Cum promotis per saltum, si non ministraverint, Episcopus ex legitima causa possit dispensare.

Caput XV.

**Q**UAMVIS presbyteri in sua ordinatione a peccatis absoluendi potestatem accipiant; decernit tamen sancta Synodus, nullum, etiam Regularem, posse confessiones saecularium, etiam sacerdotum, audire; nec ad id idoneum reputari; nisi aut parochiale beneficium; aut ab Episcopis per examen, si illis uidebitur esse necessarium, aut alias idoneus iudicetur: & approbationem, quae gratis detur, obtineat: privilegijs, consuetudine quacumque, etiam immemorabili, non obstantibus.

Caput



## Caput XVI.

**C**UM nullus debeat ordinari, qui iudicio sui Episcopi non sit utilis, aut necessarius suis ecclesiis, sancta Synodus, uestigijs sexti Canonis Concilij Chalcedonensis inhaerendo, statuit, ut nullus in posterum ordinetur, qui illi ecclesiae, aut pio loco, pro cuius necessitate, aut utilitate assumitur, non ascribatur, ubi suis fungatur muneribus; nec incertis uagetur sedibus. Quod si locum inconsulto Episcopo deseruerit; ei sacrorum exercitium interdicitur. Nullus praeterea clericus peregrinus sine commendaticijs sui Ordinarij litteris ab ullo Episcopo ad diuina celebranda, & Sacramenta administranda admittatur.

## Caput XVII.

**V**T sanctorum Ordinum a Diaconatu ad Ostiariatum functiones ab Apostolorum temporibus in Ecclesia laudabiliter receptae, et pluribus in locis aliquandiu intermissae, in usum iuxta sacros Canones reuocentur; nec ab haereticis tamquam otiosae traducantur; illius pristini moris restituendi desiderio flagrans sancta Synodus decernit, ut in posterum huiusmodi ministeria non nisi per constitutos in dictis Ordinibus exerceantur; omnesque, & singulos Praelatos ecclesiarum in Domino hortatur, & illis praecipit, ut, quantum fieri commode poterit, in ecclesiis cathedralibus, collegiatis,



legiatis, & parochialibus suæ diœcesis, si populus frequens, & ecclesiæ prouentus id ferre queant, huiusmodi functiones curent restituendas, & ex aliqua parte reddituum aliquorum simplicium beneficiorum, uel fabricæ ecclesiæ, si prouentus suppetant; aut utrisque illorum, eas functiones exercentibus stipendia assignent: quibus, si negligentes fuerint, Ordinarij iudicio, aut ex parte mulctari, aut in totum priuari possint. Quod si ministerijs quattuor minorum Ordinum exercendis clerici cælibes præsto non erunt, suffici possint etiam coniugati, uitæ probatæ, dummodo non bigami, ad ea munia obeunda idonei, & qui Tonsuram, & habitum clericalem in ecclesia gestent.

## Caput XVIII.

**C**UM adolescentium ætas, nisi recte instituat, pronasit ad mundi uoluptates sequendas; & nisi a teneris annis ad pietatē et religionem informetur, antequam uitiorum habitus totos homines possideat, numquam perfecte, ac sine maximo, ac singulari propemodum Dei omnipotentis auxilio in disciplina ecclesiastica perseueret: sancta Synodus statuit, ut singulæ cathedrales, Metropolitane, atque his maiores ecclesiæ, pro modo facultatum, & diœcesis amplitudine certum puerorum ipsius ciuitatis, & diœcesis, uel eius prouinciæ, si ibi non reperiantur, numerum in collegio ad hoc prope ipsas ecclesias, uel alio in loco conuenienti,



conuenienti, ab Episcopo eligendo, alere, ac religiose educare, & ecclesiasticis disciplinis instituereteneantur. In hoc uero collegio recipiantur, qui ad minimum duodecim annos, & ex legitimo matrimonio nati sint; ac legere, & scribere competenter nouerint; & quorum indoles, & uoluntas spem afferat, eos ecclesiasticis ministerijs perpetuo inseruituros. Pauperum autem filios precipue eligi uult; nec tamen ditiorum excludit: modo suo sumptu alantur, & Studium præ se ferant Deo & ecclesiæ inseruiendi. Hos pueros Episcopus in tot classes, quot ei uidebitur, diuisos iuxta eorum numerum, ætatem, ac in disciplina ecclesiastica progressum, partim cum ei opportunum uidebitur, ecclesiarum ministerio addicet; partim in collegio erudiendos retinebit; aliosq. in locum educatorum sufficiet: ita ut hoc collegium Dei ministrorum perpetuum seminarium sit. Ut uero in eadem disciplina Ecclesiastica commodius instituantur; Tonsura statim, atque habitu clericali semper utentur: grammatices, cantus, computi Ecclesiastici, aliarumq. bonarum artium disciplinam discent: sacram Scripturam, libros Ecclesiasticos, homilias Sanctorum, atque Sacramentorum tradendorum, maxime quæ ad confessiones audiendas uidebuntur opportuna, & rituum, ac ceremoniarum formas ediscent. Curet Episcopus, ut singulis diebus Missæ sacrificio intersint; ac saltem singulis mensibus consiteantur peccata; &  
iuxta



S E S S I O

*iuxta confessoris iudicium sumant corpus Domini nostri Iesu Christi; cathedrali, & alijs loci ecclesijs diebus festis inserviant. Quæ omnia, atque alia ad hanc rem opportuna, & necessaria Episcopi singuli cum consilio duorum Canonorum seniorum, & grauiorum, quos ipsi elegerint, prout Spiritus sanctus suggesserit, constituent; eaq. ut semper obseruentur, sepius uisitando operam dabunt. Discolos, & incorrigibiles, ac malorum morum seminatores acriter punient, eos etiam, si opus fuerit, expellendo: omniaq. impedimenta auferentes, quæcumque ad conseruandum, & augendum, tam pium, & sanctum institutum pertinere uidebuntur, diligenter curabunt. Et quia ad collegij fabricam instituendam, & ad mercedem præceptoribus et ministris soluendam, & ad alendam iuuentutem, & ad alios sumptus, certi redditus erunt necessarij; ultra ea, quæ ad instituendos uel alendos pueros sunt in aliquibus ecclesijs, & locis destinata, quæ eo ipso huic seminario sub eadem Episcopi cura applicata censeantur: idem Episcopus cum consilio duorum de Capitulo, quorum alter ab Episcopo, alter ab ipso Capitulo eligatur; itemq. duorum de clero ciuitatis, quorum quidem alterius electio similiter ad Episcopum, alterius uero ad clerum pertineat: ex fructibus integris mensæ Episcopalis, & Capituli, & quarumcumque dignitatum, personatum, officiorum, præbendarum, portionum,*



num Abbatiarum, & Prioratuum, cuiuscumque Ordinis, etiam Regularis, aut qualitatis, uel conditionis fuerint, & hospitalium, quæ dantur in titulum, uel administrationem, iuxta constitutionem Concilij Viennensis, quæ incipit, Quia contingit: & beneficiorum quorumcumque, etiam Regularium, etiam si iuris patronatus cuiuscumque fuerint, etiam si exempta, etiam si nullius diœcesis, uel alijs ecclesijs, monasterijs, & hospitalibus, & alijs quibuscumque locis pijs, etiam exemptis, annexa, & ex fabricis ecclesiarum, & aliorum locorum, etiam ex quibuscumque alijs ecclesiasticis redditibus, seu prouentibus, etiam aliorum collegiorum: in quibus tamen seminaria discentium, uel docentium ad commune Ecclesiæ bonum promouendum actu non habentur: hæc enim exempta esse uoluit: præterquàm ratione reddituum, qui superflui essent ultra conuenientem ipsorum seminariorum sustentationem: seu corporum, uel confraternitatum, quæ in nonnullis locis scholæ appellantur, & omnium monasteriorum, non tamen mendicantium, etiam ex decimis quacumque ratione ad laicos, ex quibus subsidia Ecclesiastica solui solent, & milites cuiuscumque militiæ, aut ordinis, pertinentibus, fratribus sancti Ioannis Hierosolymitani dumtaxat exceptis, partem aliquam, uel portionem detrahent: & eam portionem sic detrahent, necnon beneficia aliquot simplicia cuius-

R cum-



S E S S I O

cumque qualitatibus, & dignitatis fuerint, uel etiam præstimoniam, uel præstimoniales portiones, etiam ante uacationem nuncupatæ, sine cultus diuini, & illa obtinentium præiudicio, huic collegio applicabunt, & incorporabunt. quod locum habeat, etiam si beneficia sint reseruatæ, uel affecta; nec per resignationem ipsorum beneficiorum, uniones & applicationes suspendi, uel ullo modo impediri possint, sed omnino quacumque uacatione, etiam si in curia, effectum suum sortiantur, quacumque constitutione non obstante. Ad hanc autem portionem soluendam, beneficiorum, dignitatum, personatum, & omnium, & singulorum supra commemoratorum possessores, non modo pro se, sed pro pensionibus, quas alijs forsan ex dictis fructibus soluerent, retinendo tamen prorata, quidquid pro dictis pensionibus, illis erit soluendum, ab Episcopo loci per censuras Ecclesiasticas, ac alia iuris remedia compellantur; etiam uocato ad hoc, si uidebitur, auxilio brachij sæcularis: quibusuis, quo ad omnia & singula supradi-cta, priuilegijs, exemptionibus, etiam si specialem derogationem requirerent, consuetudine, etiam immemorabili, & quauis appellatione, & allegatione, quæ executionem impediatur, non obstantibus. Succedente uero casu, quo per uniones effectum suum sortientes, uel aliter seminarium ipsum in totum, uel in partem dotatum reperitur; tunc portio ex singulis beneficijs, ut supra, detra-



detrahta, & incorporata ab Episcopo, prout res ipsa exegerit, in totum, uel pro parte remittatur. Quod si cathedralium, & aliarum maiorum ecclesiarum Prælati in hac seminarij erectione, eiusq. conseruatione negligentes fuerint, ac suam portionem soluere detrectauerint; Episcopum Archiepiscopus, Archiepiscopum, & Superiores Synodus prouincialis acriter corripere, eosq. ad omnia supradicta cogere debeat; & ut quamprimum hoc sanctum, & pium opus, ubicumque fieri poterit, promoueatur, studiose curabit. Rationes autem reddituum huius seminarij Episcopus annis singulis accipiat, præsentibus duobus a Capitulo, & totidem a Clero ciuitatis deputatis.

Deinde, ut cum minori impensa huiusmodi scholis instituendis prouideatur; statuit sancta Synodus, ut Episcopi, Archiepiscopi, Primates, & alij locorum Ordinarij, scholasterias obtinentes, & alios, quibus est lectionis, uel doctrinæ munus annexum, ad docendum in ipsis scholis instituendos, per se ipsos, si idonei fuerint, alioquin per idoneos substitutos, ab eisdem scholasticis eligendos, & ab Ordinarijs approbandos, etiam per subtractionem fructuum, cogant, & compellant. Quod si iudicio Episcopi digni non fuerint; alium, qui dignus sit, nominent, omni appellatione remota. quod si neglexerint, Episcopus ipse deputet. Docebunt autem prædicti, quæ uidebuntur Episcopo expedire. De cetero uero officia, uel dignitates



tates illæ, quæ scholasteriæ dicuntur, non nisi do-  
ctoribus, uel magistris, aut licentiatís in sacra  
pagina, aut in iure Canonico, & alias personis  
idoneis, & qui per se ipsos id munus explere pos-  
sint, conferantur: & aliter facta prouisio nulla sit,  
et inualida: non obstantibus quibuscumque priuilegijs,  
& consuetudinibus, etiam immemorabilibus.

Si uero in aliqua prouincia ecclesiæ tanta pau-  
pertate laborent, ut collegium in aliquibus erigi  
non possit; Synodus prouincialis, uel Metropoli-  
tana cum duobus antiquioribus Suffraganeis in  
ecclesia Metropolitana, uel alia prouinciæ eccle-  
sia commodiori unum aut plura collegia, prout op-  
portunum indicabit, ex fructibus duarum, aut  
plurium ecclesiarum, in quibus singulis collegium  
commode institui non potest, erigenda curabit,  
ubi pueri illarum ecclesiarum educantur.

In ecclesijs autem, amplas dioceses habenti-  
bus, possit Episcopus unum, uel plura in diocesi,  
prout sibi opportunum uidebitur, habere semina-  
ria: quæ tamen ab illo uno, quod in ciuitate ere-  
ctum, & constitutum fuerit, in omnibus de-  
pendeant.

Postremo si uel pro unionibus, seu pro portio-  
num taxatione, uel assignatione, & incorpora-  
tione, aut qualibet alia ratione difficultatem ali-  
quam oriri contigerit, ob quam huius seminarij  
institutio, uel conseruatio impediretur, aut per-  
turbaretur: Episcopus cum supra deputatis, uel  
Synodus



Synodus provincialis pro regionis more, pro ecclesiarum & beneficiorum qualitate, etiam supra scripta, si opus fuerit, moderando aut augendo, omnia & singula, quæ ad felicem huius seminarij, profectum necessaria, & opportuna uidebuntur decernere, ac providere ualeat.

Indictio futuræ Sessiois.

Insuper eadem sacrosancta Tridentina Synodus proximam futuram Sessionem in diem decimam sextam mensis Septembris indicit: in qua agatur de Sacramento matrimonij, & de alijs, si qua erunt ad doctrinam fidei pertinentia, quæ expediti possint: item de prouisionibus Episcopatum, dignitatum, aliorumq. beneficiorum Ecclesiasticorum, ac de diuersis reformationis articulis.

Prorogata fuit Sessio ad diem XI Nou. M. D. LXIII.


R 3

SESSIO



SESSIO XXIIII,  
QVAE EST OCTAVA  
SVB PIO IIII, PONT. MAX.  
CELEBRATA DIE XI NOV.  
M. D. LXIII.

Doctrina de Sacramento Matrimonij.



**M**ATRIMONII perpetuum, indissolubilemque nexum primus humani generis parens diuini spiritus instinctu pronunciauit, cum dixit: Hoc nunc os ex ossibus meis, & caro de carne mea. quam obrem relinquet homo patrem suum, & matrem, & adhaerebit uxori suae, & erunt duo in carne una. Hoc autem uinculo duos tantummodo copulari, & coniungi Christus Dominus apertius docuit, cum postrema illa uerba, tamquam a Deo prolata, referens dixit: Itaque iam non sunt duo, sed una caro: statimque eiusdem nexus firmitatem, ab Adamo tanto ante pronunciatam, his uerbis confirmauit: Quod ergo Deus coniunxit, homo non separet.

Gratiam uero, quae naturalem illum amorem perficeret, & indissolubilem unitatem confirmaret, coniugesque sanctificaret, ipse Christus, uenerabilium Sacramentorum institutor, atque perfectior, sua nobis passione promeruit. quod Paulus



lus Apostolus innuit dicens: Viri diligite uxores  
uestras, sicut Christus dilexit Ecclesiam, & se ip-  
sum tradidit pro ea: Mox subiungens: Sacramen-  
tum hoc magnum est: ego autem dico in Christo,  
& in Ecclesia.

Cum igitur matrimonium in lege Euangelica  
ueteribus connubijs per Christum gratiam præ-  
stet; merito inter nouæ legis Sacramenta annume-  
randum, sancti Patres nostri, Concilia, & uni-  
uersalis Ecclesiæ traditio semper docuerunt: ad-  
uersus quam impij homines huius sæculi insanien-  
tes, non solum perperam de hoc uenerabili Sacra-  
mento senserunt, sed de more suo prætextu Euan-  
gelij libertatem carnis introducentes, multa ab  
Ecclesiæ Catholicæ sensu, & ab Apostolorum tem-  
poribus probata consuetudine aliena, scripto, &  
uerbo asseruerunt, non sine magna Christi fide-  
lium iactura: quorum temeritati sancta, & uni-  
uersalis Synodus cupiens occurrere, insigniores  
prædictorum Schismaticorum hæreses, & erro-  
res, ne plures ad se trahat perniciosa eorum con-  
tagio, exterminandos duxit, hos in ipsos hæreticos,  
eorumq. errores decernens anathematismos.

### De Sacramento Matrimonii.

#### CANON I.

Si quis dixerit, Matrimonium non esse uere,  
& proprie unum ex septem legis Euangelicæ Sa-  
cramentis a Christo Domino institutum, sed ab

R 4 hominibus



SESSIO

*hominibus in Ecclesiam inuectum, neque gratiam conferre; anathema sit.*

CANON II.

*Si quis dixerit, licere Christianis plures simul habere uxores, & hoc nulla lege diuina esse prohibitum; anathema sit.*

CANON III.

*Si quis dixerit, eos tantum consanguinitatis, & affinitatis gradus, qui Leuitico exprimuntur, posse impedire matrimonium contrahendum, & dirimere contractum; nec posse Ecclesiam in nonnullis illorum dispensare, aut constituere, ut plures impédiant, & dirimant; anathema sit.*

CANON IIII.

*Si quis dixerit, Ecclesiam non potuisse constituere impedimenta, matrimonium dirimentia, uel in ijs constituendis errasse; anathema sit.*

CANON V.

*Si quis dixerit, propter heresim, aut molestam cohabitationem, aut affectatam absentiam a coniuge, dissolui posse matrimonij uinculum; anathema sit.*

CA-



## C A N O N VI.

Si quis dixerit, matrimonium ratum, non consummatum, per sollemnem religionis professionem alterius coniugum non dirimi; anathema sit.

## C A N O N VII.

Si quis dixerit, Ecclesiam errare, cum docuit, & docet, iuxta Euangelicam, & Apostolicam doctrinam, propter adulterium alterius coniugum matrimonij uinculum non posse dissolui; & utrumque, uel etiam innocentem, qui causam adulterio non dedit, non posse, altero coniuge uiuente, aliud matrimonium contrahere; mœchariq. eum, qui, dimissa adultera, aliam duxerit, & eam, quæ, dimisso adultcro, alij nupsierit; anathema sit.

## C A N O N VIII.

Si quis dixerit, Ecclesiam errare, cum ob multas causas separationem inter coniuges, quod ad thorum, seu quo ad cohabitationem, ad certum, incertumue tempus fieri posse decernit; anathema sit.

## C A N O N IX.

Si quis dixerit, clericos in sacris Ordinibus constitutos, uel Regulares, castitatem sollemniter



ter professos, posse matrimonium contrahere, contractumq. ualidum esse, non obstante lege Ecclesiastica, uel uoto; & oppositum nil aliud esse, quam damnare matrimonium; posseq. omnes contrahere matrimonium, qui non sentiunt se castitatis, etiam si eam uouerint, habere donum; anathema sit; cum Deus id recte petentibus non deneget, nec patiatur nos supra id, quod possumus, tentari.

## C A N O N X.

SI quis dixerit, statum conjugalem anteponendum esse statui uirginitatis, uel cælibatus, & non esse melius, ac beatius manere in uirginitate, aut cælibatu, quam iungi matrimonio; anathema sit.

## C A N O N XI.

SI quis dixerit, prohibitionem sollemnitatis nuptiarum certis anni temporibus superstitionem esse tyrannicam, ab ethnicorum superstitione profectam; aut benedictiones, & alias, caerimonias, quibus Ecclesia in illis utitur, damnauerit; anathema sit.

## C A N O N XII.

SI quis dixerit, causas matrimoniales non spectare ad iudices Ecclesiasticos; anathema sit.

D E C R E



D E C R E T V M  
de reformatione Matrimonij.

## Caput I.

**T**AMETSI dubitandum non est, clandestina matrimonia, libero contrahentium consensu facta, rata, & uera esse matrimonia, quamdiu Ecclesia ea irrita non fecit; & proinde iure damnandi sint illi, ut eos sancta Synodus anathemate damnat, qui ea uera, ac rata esse negant; quiq. falso affirmant, matrimonia, a filiis familias sine consensu parentum contracta, irrita esse, & parentes ea rata, uel irrita facere posse: nihilominus sancta Dei Ecclesia ex iustissimis causis illa semper detestata est, atque prohibuit. uerum cum sancta Synodus animaduertat, prohibitiones illas propter hominum inobedientiam iam non prodesse; & graua peccata perpendat, quæ ex eisdem clandestinis coniugijs ortum habent, præsertim uero eorum, qui in statu damnationis permanent, dum priore uxore, cum qua clam contraxerant, relictæ, cum alia palam contrahunt, & cum ea in perpetuo adulterio uiuunt: cui malo cum ab Ecclesia, quæ de occultis non iudicat, succurri non possit, nisi efficacius aliquod remedium adhibeatur: iccirco sacri Lateranensis Concilij, sub Innocentio III celebrati, uestigijs inherendo præcipit, ut in posterum, antequam matrimoniū contraha-



contrahatur, ter a proprio contrahentium Parocho tribus continuis diebus festiuis in ecclesia inter Missarum sollemnia publice denunciatur, inter quos matrimonium sit contrahendum: quibus denunciationibus factis, si nullum legitimum opponatur impedimentum, ad celebrationem matrimonij in facie Ecclesiae procedatur; ubi Parochus, uiro & muliere interrogatis, & eorum mutuo consensu intellecto, uel dicat, Ego uos in matrimonium coniungo in nomine Patris, & Filij, & Spiritus sancti: uel alijs utatur uerbis iuxta receptum uniuscuiusque prouinciae ritum. Quod si aliquando probabilis fuerit suspicio, matrimonium malitiose impediri posse, si tot praecesserint denunciationes; tunc uel una tantum denuntiatio fiat; uel saltem Parocho, & duobus, uel tribus testibus praesentibus matrimonium celebretur. Deinde ante illius consummationem denunciationes in ecclesia fiant; ut, si aliqua subsint impedimenta, facilius detegantur: nisi Ordinarius ipse expedire iudicauerit, ut praedictae denunciationes remittantur: quod illius prudentiae, & iudicio sancta Synodus relinquit. Qui aliter, quam praesente Parocho, uel alio sacerdote, de ipsius Parochi, seu Ordinarij licentia, & duobus, uel tribus testibus matrimonium contrahere attemptabunt; eos sancta Synodus ad sic contrahendum omnino inhabiles reddit; & huiusmodi contractus irritos, & nullos esse decernit, prout eos praesenti decreto



decreto irritos facit, & annullat. Insuper Parochum, uel alium sacerdotem, qui cum minore testium numero, & testes, qui sine Parocho, uel sacerdote huiusmodi contractui interfuerint, nec non ipsos contrahentes grauiter arbitrio Ordinarii puniri præcipit. Præterea eadem sancta Synodus hortatur, ut coniuges ante benedictionem sacerdotalem, in templo suscipiendam, in eadem domo non cohabitent; statuitq. benedictionem a proprio Parocho fieri; neque a quoquam, nisi ab ipso Parocho, uel ab Ordinario licentiam ad prædictam benedictionem faciendam alij sacerdoti concedi posse: quacumque consuetudine, etiam immemorabili, quæ potius corruptela dicenda est, uel priuilegio, non obstantibus. Quod si quis Parochus, uel alius sacerdos, siue Regularis, siue secularis sit, etiam si id sibi ex priuilegio, uel immemorabili consuetudine licere contendat, alterius Parochiæ sponfos sine illorum Parochiæ licentia matrimonio coniungere, aut benedicere ausus fuerit, ipso iure tamdiu suspensos maneat, quamdiu ab Ordinario eius Parochi, qui matrimonio interesse debebat, seu a quo benedictio suscipienda erat, absoluitur. Habeat Parochus librum, in quo coniugum, & testium nomina, diemq. & locum contracti matrimonij describat, quem diligenter apud se custodiat. Postremo sancta Synodus coniuges hortatur, ut, antequam contrahant, uel saltem triduo ante matrimonij consummationem sua peccata



## S E S S I O

peccata diligenter confiteantur, & ad sanctissimum Eucharistiæ sacramentum pie accedant. Si quæ prouinciæ alijs, ultra prædictas, laudabilibus consuetudinibus, & cærimonijs hac in re utuntur, eas omnino retineri sancta Synodus uehementer optat. Ne uero hæc tam salubria præcepta quemquam lateant, Ordinarijs omnibus præcipit, ut, quamprimum poterint, curent hoc decretum populo publicari, ac explicari in singulis suarum diœcesum Parochialibus ecclesijs, idq. in primo anno quam sæpiissime fiat; deinde uero quoties expedire uiderint. Decernit insuper, ut huiusmodi decretum in unaquaque Parochia suum robur post triginta dies habere incipiat, a die primæ publicationis, in eadem Parochia factæ, numerandos.

### Caput II.

**D**OCET experientia, propter multitudinem prohibitionum, multoties in casibus prohibitis ignoranter contrahi matrimonia: in quibus uel non sine magno peccato perseueratur; uel ea non sine magno scandalo dirimuntur. Volens itaque sancta Synodus huic incommodo prouidere, & a cognationis spiritualis impedimento incipiens, statuit, ut unus tantum siue uir, siue mulier, iuxta sacrorum Canonum instituta, uel ad summum unus, & una baptizatum de Baptismo suscipiant; inter quos, ac baptizatum ipsum, & illius



illius patrem, & matrem, necnon inter baptizantē, et baptizatum, baptizatiq. patrem, ac matrem tantū spiritualis cognatio contrahatur. Parochus, antequam ad Baptismum conferendū accedat, diligenter ab ijs, ad quos spectabit, sciscitetur, quē, uel quos elegerint, ut baptizatū de sacro fonte suscipiant; et eum, uel eos tantum ad illum suscipiendum admittat; & in libro eorum nomina describat; doceatq. eos quam cognationem contraxerint; ne ignorantia ulla excusari ualeant. Quod si alij, ultra designatos, baptizatum tetigerint; cognationem spiritualem nullo pacto contrahant: constitutionibus, in contrarium facientibus, non obstantibus. si Parochi culpa, uel negligentia secus factum fuerit; arbitrio Ordinarij puniatur. *no.* Ea quoque cognatio, quæ ex Confirmatione contrahitur, confirmantem, et confirmatum, illiusq. patrem, & matrem, ac tenentem non egrediatur: omnibus inter alias personas huius spiritualis cognationis impedimentis omnino sublati.

## Caput III.

**I**USTITIAE publicæ honestatis impedimentum, ubi sponsalia quacumque ratione ualida non erunt, sancta Synodus prorsus tollit; ubi autem ualida fuerint, primum gradum non excedant: quoniam in ulterioribus gradibus iam non potest huiusmodi prohibitio absque dispendio obseruari.

Ca-



Caput IIII.

**P**RÆTEREA sancta Synodus eisdem, et alijs  
 grauissimis de causis adducta, impedimentum,  
 quod propter affinitatem ex fornicatione contra-  
 ctum, inducitur, & matrimonium postea factum  
 dirimit; ad eos tantum, qui in primo, & secundo  
 gradu coniunguntur, restringit. In ulterioribus  
 uero gradibus statuit, huiusmodi affinitatem ma-  
 trimonium postea contractum non dirimere.

Caput V.

**S**I quis intra gradus prohibitos scienter matri-  
 monium contrahere præsumpserit; separetur,  
 & spe dispensationis consequendæ careat; idq. in  
 eo multo magis locum habeat, qui non tantum ma-  
 trimonium contrahere, sed etiam consummare au-  
 sus fuerit. Quod si ignoranter id fecerit, siquidem  
 sollemnitates requisitas in contrahendo matrimo-  
 nio neglexerit; eisdem subiiciatur pœnis. non e-  
 nim dignus est, qui Ecclesiæ benignitatem facile  
 experiatur, cuius salubria præcepta temere con-  
 tempsit. Si uero, sollemnitatibus adhibitis, impe-  
 dimentum aliquod postea subesse cognoscatur, cu-  
 ius ille probabilem ignorantiam habuit; tunc fa-  
 cilis cum eo, & gratis dispensari poterit. In con-  
 trahendis matrimonijs uel nulla omnino detur di-  
 spensatio, uel raro: idq. ex causa, & gratis con-  
 cedatur. In secundo gradu numquam dispensetur,  
 nisi



nisi inter magnos Principes, & ob publicam causam.

Caput VI.

**D**ECERNIT sancta Synodus, inter raptorem, & raptam, quamdiu ipsa in potestate raptoris manserit, nullum posse consistere matrimoniū. Quod si rapta a raptoře separata, et in loco tuto, & libero constituta, illum in uirum habere consenserit; eam raptor in uxorem habeat; et nihilo minus raptor ipse, ac omnes illi consilium, auxilium, et fauorem praeberentes, sint ipso iure excommunicati, ac perpetuo infames, omniumq. dignitatum incapaces; &, si clerici fuerint, de proprio gradu decendant. Teneatur praeterea raptor mulierem raptam, siue eam in uxorem duxerit, siue non duxerit, decenter arbitrio iudicis dotare.

Caput VII.

**M**ULTI sunt, qui uagantur, & incertas habent sedes, &, ut improbi sunt ingenij, prima uxore relicta, aliam & plerumque plures, illa uiuente, diuersis in locis ducunt. cui morbo cupiens sancta Synodus occurrere, omnes, ad quos spectat, paterne monet, ne hoc genus hominum uagantium ad matrimonium facile recipiant: magistratus etiam seculares hortatur, ut eos seuerè coerceant: Parochis autem praecipit, ne illorum matrimonij interfint, nisi prius diligētem inquisitio

S nam



nem fecerint, &, re ad Ordinarium delata, ab eo licentiam id faciendi obtinuerint.

## Caput VIII.

**G**R A V E peccatum est, homines solutos concubinas habere; grauiſſimum uero, & in huius magni Sacramenti ſingularem contemptum admiſſum, uxoratos quoque in hoc damnationis ſtatu uiuere, ac audere eas quandoque domi, etiam cum uxoribus alere, & retinere. quare, ut huic tanto malo ſancta Synodus opportunis remedijs provideat, ſtatuit huiusmodi concubinos, tam ſolutos, quam uxoratos, cuiuſcumque ſtatus, dignitatis, et conditionis exiſtant, ſi poſtquam ab Ordinario, etiam ex officio ter admoniti ea de re fuerint, concubinas non ciecerint, ſeq. ab earum conſuetudine non ſciunxerint, excommunicatione feriendos eſſe; a qua non abſoluantur, donec re ipſa admonitioni factæ paruerint. Quod ſi in concubinato per annum, cenſuris neglectis, permaſerint; contra eos ab Ordinario ſeuere pro qualitate criminis procedatur. Mulieres, ſiue coniugatæ, ſiue ſolutæ, quæ cum adulteris, ſeu concubinarijs publice uiuunt, ſi ter admonitæ nõ paruerint; ab Ordinarijs locorum, nullo etiam requirẽte, ex officio grauiter pro modo culpæ puniantur; et extra opidum, uel diœceſim, ſi id eiſdẽ Ordinarijs uidebitur, inuocato, ſi opus fuerit, brachio ſeculari, eiſciantur: alijs pœnis, contra adulteros, & concubinos



*binarios inflictis, in suo robore permanentibus.*

Caput IX.

**I**TA plerumque temporalium Dominorum, ac Magistratum mentis oculos terreni affectus, atque cupiditates excæcant, ut viros, et mulieres, sub eorum iurisdictione degentes, maxime diuites, uel spem magnæ hereditatis habentes, minis, & pœnis adigant cum ijs matrimonium inuitos contrahere, quos ipsi Domini, uel Magistratus illis præscripserint. Quare cum maxime nefarium sit, matrimonij libertatem uiolare, & ab eis iniurias nasci, a quibus iura expectantur; præcipit sancta Synodus omnibus, cuiuscumque gradus, dignitatis, & condicionis existant, sub anathematis pœna, quam ipso facto incurrant, ne quouis modo directe, uel indirecte subditos suos, uel quoscumque alios cogant, quo minus libere matrimonia contrahant.

Caput X.

**A**D aduentu Domini nostri Iesu Christi usque in diem Epiphaniæ, & a feria quarta Cinerum usque in octauam Paschatis inclusiue, antiquas sollemnium nuptiarum prohibitiones diligenter ab omnibus obseruari sancta Synodus præcipit: in alijs uero temporibus nuptias sollemniter celebrari permittit: quas Episcopi, ut ea, qua decet, modestiæ, & honestate fiant, curabunt. sancta enim

S 2 res



res est matrimonium, & sancte tractandum.

Decretum de reformatione.

*In modo*

Caput

*1.*

**E**ADEM sacrosancta Synodus, reformationis materiam prosequens, hæc in præsentì Sessione statuenda decreuit. Si in quibuslibet Ecclesiæ gradibus prouidenter, scienterq. curandum est, ut in Domini domo nihil sit inordinatum, nihilq. præposterum; multo magis elaborandum est, ut in electione eius, qui supra omnes gradus constituitur, non erretur, nam totius familiæ Domini status, & ordo nutabit, si, quod requiritur in corpore, non inueniatur in capite. unde etsi alias sancta Synodus de promouendis ad cathedrales, & superiores ecclesias nonnulla utiliter decreuit: hoc tamen munus huiusmodi esse censet, ut si pro rei magnitudine expendatur, numquam satis cautum de eo uideri possit. Itaque statuit, ut, cum primum ecclesia uacauerit, supplicationes, ac preces publice, priuatimq. habeantur; atque a Capitulo per ciuitatem, & diocesim indicantur; quibus clerus, populusq. bonum a Deo Pastorem ualeat impetrare. Omnes uero, & singulos, qui ad promotionem præficiendorum, quodcumque ius, quacumque ratione, a Sede Apostolica habent, aut alioquin operam suam præstant, nihil in ijs pro præsentì temporum ratione innouando, hortatur,

&



Et monet, ut in primis meminerint, nihil se ad  
 Dei gloriam, & populorum salutem utilius pos-  
 se facere, quam si bonos Pastores, & ecclesiæ  
 gubernandæ idoneos promoueri studeant; eosq.  
 alienis peccatis communicantes mortaliter pec-  
 care, nisi, quos digniores, & ecclesiæ magis u-  
 tiles ipsi iudicauerint, non quidem precibus, uel  
 humano affectu, aut ambientium suggestionibus,  
 sed, eorum exigentibus meritis, præfici diligen-  
 ter curauerint; & quos ex legitimo matrimonio  
 natos, & uita, ætate, doctrina, atque alijs o-  
 mnibus qualitatibus præditos sciant, quæ iux-  
 ta sacros Canones, & Tridentinæ huius Synodi  
 decreta requiruntur. Quoniam uero in sumendo  
 de prædictis omnibus qualitatibus graui, ido-  
 neoq. bonorum, & doctorum uirorum testimo-  
 nio, non uniformis ratio ubique ex nationum, po-  
 pulorum, ac morum uarietate potest adhiberi;  
 mandat sancta Synodus, ut in prouinciali Syno-  
 do, per Metropolitanum habenda, præscribatur  
 quibusque locis, & prouincijs propria exami-  
 nis, seu inquisitionis, aut instructionis, fa-  
 ciendæ forma, Sanctissimi Romani Pontificis ar-  
 bitrio approbanda, quæ magis eisdem locis uti-  
 lis, atque opportuna esse uidebitur: ita tamen,  
 ut cum deinde hoc examen, seu inquisitio de per-  
 sona promouenda perfecta fuerit; ea in instrumen-  
 tum publicum redacta, cum toto testimonio, ac  
 professione fidei ab eo facta, quamprimum ad San-



S E S S I O

etissimum Romanum Pontificem omnino transmittatur: ut ipse summus Pontifex, plenatotius negotij, ac personarum notitia habita, pro gregis Dominici commodo de illis, si idonei per examen, seu per inquisitionem factam reperti fuerint, ecclesiis possit utilius providere. Omnes uero inquisitiones, informationes, testimonia, ac probationes, quæcumque de promouendi qualitatibus, & ecclesiæ statu a quibuscumque, etiam in Romana Curia, habitæ, per Cardinalem, qui relationem facturum erit in Consistorio, et alios tres Cardinales diligenter examinentur; ac relatio ipsa Cardinalis relatoris et trium Cardinalium subscriptione roboretur: in qua ipsi singuli quattuor Cardinales affirmant, se, adhibita accurata diligentia, inuenisse promouendos qualitatibus a iure, & ab hac sancta Synodo requisitis, præditos; ac certo existimare sub periculo salutis æternæ idoneos esse, qui ecclesiis præficiantur: ita ut relatione in uno Consistorio facta, quo maturius interea de ipsa inquisitione cognosci possit, in aliud Consistorium iudicium differatur; nisi aliud Beatissimo Pontifici uidebitur expedire. Ea uero omnia, & singula, quæ de Episcoporum præficiendorum uita, ætate, doctrina, & ceteris qualitatibus alias in eadem Synodo constituta sunt, decernit eadem, etiam in creatione sanctæ Romanæ Ecclesiæ Cardinalium, etiam si Diaconi sint, exigenda; quos Sanctissimus Romanus Pontifex  
ex



ex omnibus Christianitatis nationibus, quantum commode fieri poterit, prout idoneos repperit, assumet. Postremo, eadem sancta Synodus, tot grauissimis Ecclesiæ incommodis commota, non potest non commemorare, nihil magis Ecclesiæ Dei esse necessarium, quam ut Beatissimus Romanus Pontifex, quam sollicitudinem uniuersæ Ecclesiæ ex muneris sui officio debet, eam hic potissimum impendat, ut lectissimos tantum sibi Cardinales asciscat; & bonos maxime, atque idoneos Pastores singulis ecclesiis præficiat; idq. eo magis, quod ouium Christi sanguinem, quæ ex malo negligentium, & sui officij immemorum Pastorum regimine peribunt, Dominus noster Iesus Christus de manibus eius sit requisiturus.

## Caput II.

PROVINCIALIA Concilia, sicubi ommissa sunt, pro moderandis moribus, corrigendis excessibus, controuersis componendis, alijsq. ex sacris Canonibus permissis renouentur. Quare Metropolitani per se ipsos, seu, illis legitime impeditis, Coepiscopus antiquior intra annum ad minus a fine præsentis Concilij, & deinde quolibet saltem trienio post octauam Paschæ Resurrectionis Domini nostri Iesu Christi, seu alio commodiori tempore pro more prouinciæ non prætermittat Synodum in prouincia sua cogere: qui Episcopi omnes, & alij, qui de iure, uel consuetudine



S E S S I O

interesse debent, exceptis ijs, quibus cum imminenti periculo transfretandum esset, conuenire omnino teneantur. Nec Episcopi comprouinciales prae-textu cuiuslibet consuetudinis ad Metropolitani ecclesiam in posterum accedere inuiti compellantur. Itidem Episcopi, qui nulli Archiepiscopi subiiciuntur, aliquem uicinum Metropolitanum semel eligant; in cuius Synodo prouinciali cum alijs interesse debeant; & quæ ibi ordinata fuerint, obseruent, ac obseruari faciant. In reliquis omnibus eorum exemptio, & priuilegia salua, atque integra maneant. Synodi quoque diæcesanæ quotannis celebrentur: ad quas exempti etiam omnes, qui alias, cessante exemptione, interesse deberent, nec Capitulis generalibus subduntur, accedere teneantur, ratione tamen Parochialium, aut aliarum secularium ecclesiarum, etiam annexarum, debeant ij, qui illarum curam gerunt, quicunque illi sint, Synodo interesse. Quod si in his tam Metropolitanis, quam Episcopi, & alij superscripti negligentes fuerint; pœnas, sacris Canonibus sancitas, incurrant.

Caput III.

PATRIARCHAE, Primate, Metropolitanis, & Episcopi propriam diæcesim per se ipsos, aut, si legitime impediti fuerint, per suum generalem Vicarium, aut Visitatorem, si quotannis totam propter eius latitudinem uisitare nō poterunt,



terunt, saltem maiorem eius partem, ita tamen, ut tota biennio per se, uel *Visitatores* suos compleatur, uisitare non prætermittant. A *Metropolitanis* uero, etiam post plene uisitatam propriam diœcesim, non uisitentur cathedrales ecclesiæ, neque diœceses suorum comprouincialium, nisi causa cognita, & probata in Concilio prouinciali.

*Archidiaconi* autem, *Decani*, & alij inferiores in ijs ecclesiis, ubi hætenus uisitationem exercere legitime consueuerunt, debeant quidem, assumpto notario, de consensu *Episcopi* deinceps per se ipsos tantum ibidem uisitare. *Visitatores* etiam, a *Capitulo* deputandi, ubi *Capitulum* ius uisitandi habet, prius ab *Episcopo* approbentur: sed non ideo *Episcopus*, uel, eo impedito, eius *Visitor* easdem ecclesias seorsum ab his uisitare prohibeatur: cui ipsi *Archidiaconi*, uel alij inferiores, uisitationis factæ infra mensem rationem reddere, & depositiones testium, ac integra acta ei exhibere teneantur: non obstantibus quacumque consuetudine, etiam immemorabili, atque exemptionibus, & priuilegijs quibuscumque. *Visitationum* autem omnium istarum præcipuus sit scopus, sanam, orthodoxamq. doctrinam, expulsis hæresibus, inducere; bonos mores tueri, prauos corrigere; populum cohortationibus, & admonitionibus ad religionem, pacem, innocentiamq. accendere; cetera, prout locus, tempus, & occasio feret, ex uisitantium prudentia ad fidelium fructum constituere.



tuere. Quæ ut facilius, feliciusq. succedant; mo-  
nentur prædicti omnes, & singuli, ad quos uisi-  
tatio spectat, ut paterna caritate, Christianoq.  
Zelo omnes amplectantur; ideoq. modesto conten-  
ti equitatu, famulatuq. studeant quamcelerrime,  
debita tamen cum diligentia, uisitationem ipsam  
absoluere. Interimq. caueant, ne inutilibus sum-  
ptibus cuiquam graues, onerosue sint; neue ipsi,  
aut quisquam suorum quidquā procurationis cau-  
sa pro uisitatione, etiam testamentorum ad pios  
usus, præter id, quod ex relictis pijs iure debe-  
tur, aut alio quouis nomine, nec pecuniam, nec  
munus, quodcumque sit, etiam qualitercumque  
offeratur, accipiant: non obstante quacumque  
consuetudine, etiam immemorabili: exceptis ta-  
men uictualibus, quæ sibi, ac suis frugaliter, mo-  
derateq. pro temporis tantum necessitate, & non  
ultra erunt ministranda. Sit tamen in optione eo-  
rum, qui uisitantur, si malint soluere, id quod e-  
rat ab ipsis antea solui, certa pecunia taxata, con-  
suetum; an uero prædicta uictualia subministra-  
re: saluo item iure conuentionum antiquarum cū  
monasterijs, alijsue pijs locis, aut ecclesijs non  
Parochialibus inito, quod illæsum permaneat.  
In ijs uero locis, seu prouincijs, ubi consuetudo  
est, ut nec uictualia, nec pecunia, nec quidquam  
aliud a Visitatoribus accipiat, sed omnia gra-  
tis fiant; ibi id obseruetur. Quod si quisquam,  
quod absit, aliquid amplius in supradictis omni-  
bus



bus casibus accipere præsumpserit; is præter duplici restitutionem, intra mensem faciendam, alijs etiam pœnis iuxta Constitutionem Concilij generalis Lugdunensis, quæ incipit, Exigit; nec non & alijs pœnis in Synodo prouinciali arbitrio Synodi, absque ulla spe ueniæ multetur. Patroni uero in ijs, quæ ad Sacramentorum administrationem spectant, nullatenus se præsumant ingerere; neque uisitationi ornamentorum ecclesiæ, aut bonorum stabilium, seu fabricarum prouentibus immisceant; nisi quatenus id eis ex institutione, ac fundatione competat; sed Episcopi ipsi hæc faciant, & fabricarum redditus in usus ecclesiæ necessarios, & utiles, prout sibi expedire magis uisum fuerit, expendi curent.

## Caput IIII.

**P**RAEDICATIONIS munus, quod Episcoporum præcipuum est, cupiens sancta Synodus, quo frequentius possit ad fidelium salutem exerceri, Canones alias super hoc editos, sub fel. rec. Paulo III, aptius præsentium temporum usui accommodando, mandat, ut in ecclesia sua ipsi per se, aut, si legitime impediti fuerint, per eos, quos ad prædicationis munus assument, in alijs autem ecclesijs per Parochos, siue, ijs impeditis, per alios ab Episcopo impensis eorum, qui eas præstare uel tenentur, uel solent, deputandos in ciuitate, aut in quacumque parte diæcesis, censebunt  
expe-

*Quod parochi  
tenent  
dicant*



expedire, saltem omnibus Dominicis, & sollem-  
nibus diebus festis: tempore autem Ieiuniorum,  
Quadragesimæ, & Aduentus Domini quotidie;  
uel saltem tribus in hebdomada diebus, si ita opor-  
tere duxerint, sacras Scripturas, diuinamq. le-  
gem annuncient; & alias, quotiescumque id op-  
portune fieri posse iudicauerint. Moneatq. Episco-  
pus populum diligenter, teneri unumquemque Pa-  
rochiæ suæ interesse, ubi commode id fieri potest,  
ad audiendum uerbum Dei. Nullus autem sæcu-  
laris, siue Regularis, etiam in ecclesiis suorum  
Ordinum, contradicente Episcopo, prædicare præ-  
sumat. Iidem etiam saltem Dominicis, & alijs  
festiuis diebus pueros in singulis Parochijs fidei  
rudimenta, & obedientiam erga Deum, & pa-  
rentes diligenter ab ijs, ad quos spectabit, doceri  
curabunt; & si opus sit, etiam per censuras Ec-  
clesiasticas compellent: non obstantibus priuile-  
gijs, & consuetudinibus. In reliquis ea, quæ de  
prædicationis munere sub eodem Paulo III de-  
creta fuerunt, suum robur obtineant.

## Caput V.

**C**AUSAE criminales grauiiores contra Epi-  
scopos, etiam hæresis, quod absit, quæ de-  
positione, aut priuatione dignæ sunt, ab ipso tan-  
tum summo Romano Pontifice cognoscantur, &  
terminentur. Quod si eiusmodi sit causa, quæ ne-  
cessario extra Romanam Curiam sit committen-  
da;



da; nemini prorsus ea committatur, nisi Metro-  
 politanis, aut Episcopis, a Beatissimo Papa eli-  
 gendis. Hæc uero commissio & specialis sit, &  
 manu ipsius Sanctissimi Pontificis signata; nec  
 umquam plus his tribuat, quam ut solam facti  
 instructionem sumant, processumq. conficiant,  
 quem statim ad Romanum Pontificem transmit-  
 tant: reseruata eidem Sanctissimo sententia defi-  
 nitiva. Cetera alias sub fel. rec. Iulio III super  
 his decreta, necnon & constitutio sub Innocentio  
 III, in Concilio Generali, quæ incipit, Quali-  
 ter & quando; quam sancta Synodus in præsentì  
 innouat, ab omnibus obseruetur. Minores uero  
 criminales causæ Episcoporum in Concilio tan-  
 tum prouinciali cognoscantur, & terminentur,  
 uel a deputandis per Concilium prouinciale.

## Caput VI.

**L**ICEAT Episcopis in irregularitatibus om-  
 nibus, & suspensionibus, ex delicto occulto  
 prouenientibus, excepta ea, quæ oritur ex homi-  
 cidio uoluntario, & exceptis alijs deductis ad fo-  
 rum contentiosum, discessare; & in quibuscum-  
 que casibus occultis, etiam Sedi Apostolicæ re-  
 seruatis, delinquentes quoscumque sibi subditos,  
 in diœcesi sua per se ipsos, aut Vicarium, ad id spe-  
 cialiter deputandum, in foro conscientie gratis  
 absoluerè, imposita penitentia salutari. Idem et  
 in hæresis crimine in eodem foro conscientie eis  
 tantum,



S E S S I O

*tantum, non eorum Vicarijs, sit permissum.*

Caput VII.

**V**T fidelis populus ad suscipienda Sacramenta maiori cum reuerentia, atque animi deuotione accedat; præcipit sancta Synodus Episcopis omnibus, ut non solum, cum hæc per se ipsos erunt populo administranda, prius illorum uim, & usum pro suscipientium captu explicent, sed etiã idem a singulis Parochis pie, prudenterq. etiam lingua uernacula, si opus sit, & commode fieri poterit, seruari studeant, iuxta formam a sancta Synodo in catechesi singulis Sacramentis præscribendam; quam Episcopi in uulgarem linguam fideliter uerti, atque a Parochis omnibus populo exponi curabunt: necnon ut inter Missarum sollemnia, aut diuinorum celebrationem sacra eloquia, & salutis monita eadem uernacula lingua singulis diebus festis, uel sollemnibus explanent; eademq. in omnium cordibus, postpositis inutilibus questionibus, inserere, atque eos in lege Domini erudire studeant.

Caput VIII.

**A**POSTOLVS monet, publice peccantes palam esse corripiendos. Quando igitur ab aliquo publice, & in multorum conspectu crimen commissum fuerit, unde alios scandalo offensos, commotosq. fuisse, non sit dubitandum; huic condignam



dignā pro modo culpæ pænitentiam publice iniungi oportet ; ut quos exemplo suo ad malos mores prouocauit , suæ emendationis testimonio ad rectam reuocet uitam . Episcopus tamen publicæ hoc pænitiæ genus in aliud secretum poterit commutare , quando ita magis iudicauerit expedire . In omnibus etiam cathedralibus ecclesiis , ubi id commode fieri poterit , Pænitentiarius aliquis cum unione præbendæ , proxime uacaturæ , ab Episcopo instituaturs , qui magister sit , uel doctor , aut licentiatus in Theologia , uel iure Canonico , et annorū quadraginta , seu alias qui aptior pro loci qualitate reperiatur ; qui dñ confessiones in ecclesia audiet , interim præsens in choro censeatur .

## Caput IX.

**Q**UAE alias sub fel. rec. Paulo III, & nuper sub Beatissimo Domino nostro, Pio III, in hoc eodem Concilio de adhibenda ab Ordinarijs diligentia in beneficiorum , etiam exemptorum , uisitatione constituta sunt ; eadem etiam in ijs ecclesiis secularibus obseruentur , quæ in nullius diœcesi esse dicuntur ; ut ab Episcopo , cuius cathedralis ecclesia est proximior , si id possit , alioquin ab eo , qui semel in Concilio prouinciali a Prælato loci illius electus fuerit , tamquam sedis Apostolicæ delegato , uisitentur : non obstantibus priuilegijs , & consuetudinibus quibuscumque , etiam immemorabilibus .

Caput



## Caput X.

**E**PISCOPI, ut aptius, quem regunt, populum possint in officio, atque obedientia continere, in omnibus ijs, quæ ad uisitationem, ac morum correctionem subditorum suorum spectat, ius & potestatem habeant, etiam tamquam Apostolica Sedis delegati, ea ordinandi, moderandi, puniendi, & exequendi, iuxta Canonum sanctiones, quæ illis ex prudentia sua pro subditorum emendatione, ac diœcesis suæ utilitate necessaria uidebuntur. Nec in his, ubi de uisitatione, aut morum correctione agitur, exemptio, aut ulla inhibitio, appellatio, seu querela, etiam ad Sedem Apostolicam interposita, executione eorum, quæ ab his mandata, decreta, aut iudicata fuerint, quoquo modo impediat, aut suspendat.

## Caput XI.

**Q**VONIAM priuilegia, & exemptiones, quæ uarijs titulis plerisque conceduntur, hodie perturbationem in Episcoporum iurisdictione excitare, & exemptis occasionem laxioris uitæ præbere dignoscuntur; decernit sancta Synodus, ut, si quando iustis, grauib, & fere necessarijs suadentibus causis, aliquos honorarijs titulis Protonotariatus, Acolythatus, Comitatus Palatini, Capellani Regij, aut alijs huiusmodi in Romana Curia, uel extra, insignibus decorandos esse placuerit;



placuerit; necnon alios, cuicumque monasterio oblatos, uel quomodocumque addictos, aut sub nomine seruientium militijs, seu monasterijs, hospitalibus, collegijs, aut quocumque alio titulo assumi; nihil ex ijs priuilegijs detractum esse Ordinarijs intelligatur; quo minus ij, quibus ea iam concessa sunt, uel in posterum concedi contigerit, ipsis Ordinarijs, tamquam Apostolicæ Sedis delegatis, plene in omnibus, & quo ad Capellanos Regios, iuxta Constitutionem Innocentij III, quæ incipit, Cum capellæ, subiecti existant: exceptis tamen ijs, qui prædictis locis, aut militijs actu seruiunt, & intra eorum septa, ac domos resident, subq. eorum obedientia uiuunt; siue ijs, qui legitime, et secundum regulam earundem militiarum professionem fecerint, de qua Ordinario constare debeat: nõ obstantibus priuilegijs quibuscumque, etiam religionis sancti Ioannis Hierosolymitani, & aliarum militiarum. Quæ uero priuilegia residentibus in Curia Romana uigore Eugenianæ Constitutionis, aut familiaritatis Cardinalium competere solent; ea in ijs, qui beneficia Ecclesiastica obtinent, ratione prædictorum beneficiorum minime intelligantur; sed Ordinarij iurisdictioni subiecti permaneant: non obstantibus quibuscumque inhibitionibus.

T Caput



CUM dignitates, in ecclesiis præsertim cathedralibus, ad conseruandam augendamq. Ecclesiasticam disciplinam fuerint institutæ; ut qui eas obtinerent, pietate præcellerent, alijsq. exemplo essent, atque Episcopos opera, & officio iuuarent; merito qui ad eas uocantur, tales esse debent, qui suo muneri respondere possint. Nemo igitur deinceps ad dignitates quascumque, quibus animarum cura subest, promoueatur, nisi qui saltem xxv suæ ætatis annum attigerit & in clericali Ordine uersatus, doctrina ad suum munus exequendum necessaria, ac morum integritate commendetur; iuxta Constitutionem Alexandri Tertij, in Concilio Lateranensi promulgatâ, quæ incipit, Cum in cunctis. Archidiaconi etiam, qui oculi dicuntur Episcopi, sint in omnibus ecclesiis, ubi fieri poterit, magistri in Theologia, seu doctores, aut licentiati in iure Canonico. Ad ceteras autem dignitates, uel personatus, quibus animarum cura nulla subest, clerici alioquin idonei, & xxii annis non minores, asciscantur. Prouisi etiam de beneficijs quibuscumque, curam animarum habentibus, teneantur a die adeptæ possessionis, ad minus intra duos menses, in manibus ipsius Episcopi, uel, eo impedito, coram generali eius Vicario, seu Officiali, orthodoxæ suæ fidei publicam facere professionem, & in Romanæ



*na Ecclesiæ obedientia se permansuros spondeant, ac iurent. Prouisi autem de Canonicatibus, & dignitatibus, in ecclesiis cathedralibus non solum coram Episcopo, seu eius Officiali, sed etiam in Capitulo idem facere teneantur: alioquin prædicti omnes prouisi, ut supra, fructus non faciant suos; nec illis possessio suffragetur. Neminem etiam deinceps ad dignitatem, Canonicatum, aut portionem recipiant, nisi qui eo Ordine sacro aut sit initiatus, quem illa dignitas, præbenda, aut portio requirit; aut in tali ætate, ut infra tempus a iure, & ab hac sancta Synodo statutum, initiari ualeat. In omnibus uero ecclesiis cathedralibus omnes canonicatus, ac portiones habeant annexum Ordinem Presbyterij, Diaconatus, uel Subdiaconatus. Episcopus autem cum consilio Capituli designet, ac distribuât, prout uiderit expedire, quibus quisque Ordo ex sacris annexus in posterum esse debeat: ita tamen, ut dimidia saltem pars Presbyteri sint; ceteri uero Diaconi, aut Subdiaconi: ubi uero consuetudo laudabilior habet, ut plures, uel omnes sint Presbyteri, omnino obseruetur. Hortatur etiam sancta Synodus, ut in prouincijs, ubi id commode fieri potest, dignitates omnes, & saltem dimidia pars Canonicatum, in cathedralibus ecclesiis, & collegiatis insignibus conferantur tantum magistris, uel doctoribus, aut etiam licentiatis in Theologia, uel iure Canonico. Præterea obtinentibus in eis-*



S E S S I O

dem cathedralibus, aut collegiatis dignitates,  
 Canonicatus, præbendas, aut portiones, non li-  
 ceat uigore cuiuslibet statuti, aut consuetudinis,  
 ultra tres menses, ab eisdem ecclesiis quolibet an-  
 no abesse: saluis nihilominus earum ecclesiarum  
 constitutionibus, quæ longius seruitij tempus re-  
 quirunt: alioquin primo anno priuetur unusquis-  
 que dimidia parte fructuum, quos ratione etiam  
 præbendæ, ac residentiæ fecit suos. quod si iterum  
 eadem fuerit usus negligentia, priuetur omnibus  
 fructibus, quos eodem anno lucratus fuerit. cre-  
 scente uero contumacia, contra eos, iuxta sacro-  
 rum Canonum constitutiones, procedatur. Distri-  
 butiones uero, qui statis horis interfuerint, reci-  
 piant: reliqui, quauis collusione, aut remissione  
 exclusa, his careant, iuxta Bonifacij VII de-  
 cretum, quod incipit, Consuetudinem: quod san-  
 cta Synodus in usum reuocat, non obstantibus qui-  
 buscumque statutis, & consuetudinibus. O-  
 mnes uero diuina per se, & non per substitutos,  
 compellantur obire officia; & Episcopo celebra-  
 ti, aut alia pontificalia exercenti, adstiteri, &  
 inservire; atque in choro, ad psallendum insitu-  
 to, hymnis, & canticis Dei nomen reuerenter,  
 distincte, deuoteq. laudare. Veslit u insuper de-  
 centi tam in ecclesia, quam extra, assidue utan-  
 tur; ab illicitisq. uenationibus, aucupijs, cho-  
 reis, tabernis, lusibusq. abstineant; atque eamo-  
 rum integritate polleant, ut merito Ecclesiæ Se-  
 natus



natus dici possit. Cetera, quæ ad debitum in diuinis officijs regimen spectant; deq. congrua in his canendi, seu modulandi ratione, de certa lege in choro conueniendi, & permanendi, simulq. de omnibus ecclesiæ ministris, quæ necessaria erunt, & si qua huiusmodi; Synodus prouincialis, pro cuiusque prouinciæ utilitate, & moribus, certam cuique formulam præscribet. Interea uero Episcopus non minus, quam cum duobus Canonis, quorum unus ab Episcopo, alter a Capitulo eligatur, in ijs, quæ expedire uidebuntur, poterit prouidere.

## Caput XIII.

**Q**VONIAM pleræque cathedrales ecclesiæ tam tenuis redditus sunt, & angustæ, ut Episcopali dignitati nullo modo respondeant, neque ecclesiarum necessitati sufficiunt; examinet Concilium prouinciale, uocatis ijs, quorum interest, & diligenter expendat, quas propter angustias, tenuitatemq. uicinis unire, uel nouis prouentibus augere expediat; confecta q. de præmissis instrumenta ad summum Romanum Pontificem mittat; quibus instructus summus Pontifex ex prudentia sua, prout expedire iudicauerit, aut tennes inuicem uniat, aut aliqua accessione ex fructibus augeat. Interim uero, donec prædicta effectum sortiantur, huiusmodi Episcopis, qui fructuum subuentione pro diocesis suæ

T 3 tenuitate



tenuitate indigent; poterit de beneficijs aliquibus, dum tamen curata non sint, nec dignitates, seu Canonicatus, & præbendæ, nec monasteria, in quibus uiget Regularis obseruantia, uel quæ Capitulis generalibus, & certis Visitatoribus subduntur, a summo Pontifice prouideri. In Parochialibus etiam ecclesijs, quarum fructus æque adeo exigui sunt, ut debitæ nequeant oneribus satisfacere; curabit Episcopus, si per beneficiorum unionem, non tamen Regularium, id fieri non possit, ut primitiarum, uel decimarum assignatione, aut per Parochianorum symbola, ac collectas, aut qua commodiori ei uidebitur ratione, tantum redigatur, quod pro Rectoris, ac Parochiæ necessitate decenter sufficiat. In unionibus uero quibuslibet seu ex supradictis, seu alijs causis faciendis, ecclesiæ Parochiales monasterijs quibuscumque, aut Abbatijs, seu dignitatibus, siue præbendis ecclesiæ cathedralis, uel collegiatæ, siue alijs beneficijs simplicibus, aut hospitalibus, militijsue non uniantur: & quæ unitæ sunt, reuideantur ab Ordinarijs, iuxta alias decretum in eadem Synodo, sub sel. rec. Paulo III. quod etiam in unitis ab eo tempore citra æque obseruetur: non obstantibus in ijs, quibuscumque uerborum formis, quæ hic pro sufficienter expressis habeantur. Ad hæc in posterum, omnes hæc cathedrales ecclesiæ, quarum redditus summam ducatorum mille, & Parochiales, quæ summam



*nam ducatorum centum secundum uerum annuū  
ualorem non excedunt, nullis pensionibus, aut  
reseruacionibus fructuum grauentur. In ijs quo-  
que ciuitatibus, ac locis, ubi Parochiales eccle-  
siæ certos non habent fines, nec earum Rectores  
propriū populū, quem regant, sed promif-  
cūe petentibus Sacramenta administrant; man-  
dat sancta Synodus Episcopis pro tutiori anima-  
rum eis commissarum salute, ut distincto populo  
in certas, propriasq. Parochias, unicuique suū  
perpetuū, peculiaremq. Parochū assignent,  
qui eas cognoscere ualeat; & a quo solo licite Sa-  
cramenta suscipiant; aut alio utiliori modo, pro-  
ut loci qualitas exegerit, provideant. Idemq.  
in ijs ciuitatibus, ac locis, ubi nullæ sint Paro-  
chiales, quamprimum fieri curent: non obstanti-  
bus quibuscumque priuilegijs, & consuetudini-  
bus, etiam immemorabilibus.*

## Caput XIII.

**I**N pluribus ecclesijs, tam cathedralibus, quam  
collegiatis, & parochialibus, ex earum con-  
stitutionibus, aut ex praua consuetudine obserua-  
ri intelligitur, ut in electione, præsentatione, no-  
minatione, institutione, confirmatione, collatio-  
ne, uel alia prouisione, siue admissione ad posses-  
sionem alicuius cathedralis ecclesiæ, uel benefi-  
cij, Canonicatum, aut præbendarum, uel par-  
tem prouentuum, seu ad distributiones, quotidiana-

T 4 nas



nas certæ condiciones, seu deductiones, ex fructibus, solutiones, promissiones, compensationesue illicitæ, aut etiam, quæ in aliquibus ecclesiis dicuntur Turnorum lucra, interponantur: hæc cum sancta Synodus detestetur, mandat Episcopis, ut quæcumque huiusmodi in usus pios non conuertuntur, atque ingressus eos, qui simonicae labis, aut sordidæ auaritiæ suspicionem habent, fieri non permittant; ipsiq. diligenter de eorum constitutionibus, siue consuetudinibus super prædictis cognoscant; & illis tantum, quas ut laudabiles probauerint, exceptis, reliquas, ut prauas, ac scandalosas reijciant, & aboleant. Eos uero, qui aduersus hæc, in præsentî decreto comprehensa, quauis ratione commiserint, pœnis, contra simoniacos editis, sacris Canonibus, & uarijs summorum Pontificum Constitutionibus, quas omnes innouat, teneri decernit: non obstantibus quibuscumque statutis, constitutionibus, & consuetudinibus, etiam immemorabilibus, etiam Apostolica auctoritate confirmatis: de quarum subreptione, obreptione, & intentionis, defectu, Episcopus, tamquam Apostolicæ Sedis delegatus, cognoscere possit.

## Caput XV.

**I**N ecclesiis cathedralibus, & collegiatis insignibus, ubi frequentes, adeoq. tennes sunt præbende simul cum distributionibus quotidianis,  
ut



ut sustinendo decenti Canoniorum gradui pro lo-  
ci, et personarum qualitate nō sufficiant; liceat E-  
piscopis cum consensu Capituli, uel aliquot sim-  
plicia beneficia, non tamen Regularia, ijs unire;  
uel, si hac ratione prouideri non possit, aliquibus  
ex ijs suppressis, cum patronorum consensu, si de  
iure patronatus laicorum sint, quarum fructus,  
& prouentus reliquarum præbendarum distri-  
butionibus quotidianis applicentur, eas ad pau-  
ciorem numerum reducere; ita tamen, ut tot su-  
persint, quæ diuino cultui celebrando, ac digni-  
tati ecclesiæ commode ualeant respondere: non ob-  
stantibus quibuscumque constitutionibus, & pri-  
uilegijs, aut quacumque reservatione generali,  
uel speciali, aut affectione: neque prædictæ unio-  
nes, aut suppressiones tolli; seu impediri possint  
ex quibuscumque prouisionibus, etiam uigore re-  
signationis, aut quibusuis alijs derogationibus,  
uel suspensionibus.

## Caput XVI.

CAPITVLVM, Sede uacante, ubi fructuum  
percipiendorum ei munus incumbit, Oeco-  
norum unum, uel plures fideles, ac diligentes de-  
cernat, qui rerum Ecclesiasticarum, & prouen-  
tuum curam gerant; quorum rationem ei, ad quæ  
pertinebit, sint reddituri. Item Officialem, seu  
Vicarium infra octo dies post mortem Episcopi  
constituere, uel existentem confirmare omnino te-  
neatur;



neatur; qui saltem in iure Canonico sit doctor, uel  
 licentiatuſ, uel alias, quantum fieri poterit, ido-  
 neus: ſi ſecus factum fuerit, ad Metropolitanum  
 deputatio huiusmodi deuoluatur. &, ſi eccleſia  
 ipſa Metropolitana fuerit, aut exempta, Capi-  
 tulumque, ut præfertur, negligens fuerit; tunc  
 antiquior Episcopuſ ex Suffraganeis in Metro-  
 politana, & propinquior Episcopuſ in exempta  
 Oeconomum, et Vicarium idoneos poſſit conſtitue-  
 re. Episcopuſ uero ad eandem eccleſiam uacan-  
 tem promotuſ ex iſis, quæ ad eum ſpectant, ab eiſ-  
 dem Oeconomo, Vicario, & alijs quibuſcumque  
 Officialibuſ, & adminiſtratoribuſ, qui, Sede  
 uacante, fuerunt a Capitulo, uel ab alijs in eiſ  
 locum conſtituti, etiam ſi fuerint ex eodem Capi-  
 tulo, rationem exigant officiſ, iuriſdictio-  
 niſ, adminiſtrationiſ, aut cuiuſcumque eorum mu-  
 neris; poſſitq. eos punire, qui in eorum officiſ,  
 ſeu adminiſtratione deliquerint: etiam ſi prædi-  
 cti Officialiſ, reddituſ rationibuſ, a Capitulo,  
 uel a deputatiſ ab eodem, abſolutionem, aut libe-  
 rationem obtinuerint. Eidem quoque Episcopſ te-  
 neatur Capitulum de ſcripturiſ ad eccleſiam per-  
 tinentibuſ, ſi quæ ad Capitulum peruenerunt,  
 rationem reddere.

## Caput XVII.

CUM Eccleſiaſticuſ ordo peruertatur, quan-  
 do unus pluriuſ officiſ occupat clericoruſ;  
 ſancte

*Quod impoſitum vnu ſoluſ bene  
 Fieri conſuevit*



sancte sacris Canonibus cautum fuit, neminem oportere in duabus ecclesiis conscribi. uerum quoniam multi improba cupiditatis affectu se ipsos, non Deum, decipientes, ea, quae bene constituta sunt, uarijs artibus eludere, & plura simul beneficia obtinere non erubescunt: sancta Synodus debitam regendis ecclesiis disciplinam restituere cupiens, praesenti decreto, quod in quibuscumque personis, quocumque titulo, etiamsi Cardinalatus honore fulgeant, mandat obseruari; statuit, ut in posterum unum tantum beneficium Ecclesiasticum singulis conferatur. quod quidem si ad uitam eius, cui confertur, honeste sustentandam non sufficiat; liceat nihilominus aliud simplex sufficiens, dummodo utrumque personalem residentiam non requirat, eidem conferri. Haecq. non modo ad cathedrales ecclesias, sed etiam ad alia omnia beneficia, tam saecularia, quam Regularia quaecumque, etiam commendata, pertineant, cuiuscumque tituli, ac qualitatibus existant. Illi uero, qui in praesenti plures Parochiales ecclesias, aut unam cathedralem, & aliam Parochialem obtinent; cogantur omnino, quibuscumque dispensationibus, ac unionibus ad uitam non obstantibus, una tantum Parochiali, uel sola cathedrati retenta, alias Parochiales infra spatium sex mensium dimittere: alioquin tam Parochiales, quam beneficia omnia, quae obtinent, ipso iure uacare censeantur; ac tamquam uacantia libere alijs idoneis

confe-



conferantur; nec ipsi antea illa obtinentes, tuta conscientia, fructus post dictum tempus retineat. Optat autem sancta Synodus, ut resignantium necessitatibus commoda aliqua ratione, prout summo Pontifici uidebitur, provideatur.

## Caput XVIII.

**E**X P E D I T maxime animarum saluti, a dignis, atque idoneis Parochis gubernari. id ut diligentius, ac rectius perficiatur, statuit sancta Synodus, ut, cum Parochialis ecclesiae uacatio, etiam si cura ecclesiae uel Episcopo incumbere dicatur, & per unum, uel plures administretur, etiam in ecclesiis patrimonialibus, seu receptiuis nuncupatis, in quibus consuevit Episcopus uni, uel pluribus curam animarum dare, quos omnes ad infra scriptum examen teneri mandat, per obitum, uel resignationem, etiam in Curia, seu aliter quomodocumque contigerit, etiam si ipsa Parochialis ecclesia reseruata, uel affecta fuerit generaliter, uel specialiter, etiam uigore indulti, seu priuilegij in fauorem sanctae Romanae ecclesiae Cardinalium, seu Abbatum, uel Capitulorum: debeat Episcopus statim, habita notitia uacationis ecclesiae, si opus fuerit, idoneum in ea Vicarium, cum congrua, eius arbitrio, fructuum portionis assignatione, constituere; qui onera ipsius ecclesiae sustineat, donec ei de Rectore provideatur. Porro Episcopus, & qui ius patronatus habet, intra decem dies,



dies, uel aliud tempus, ab Episcopo præscribendum, idoneos aliquot clericos ad regendam ecclesiam coram deputandis examinadoribus nominet. Liberum sit tamen etiam alijs, qui aliquos ad id aptos nouerint, eorum nomina deferre, ut possit postea de cuiuslibet ætate, moribus, & sufficientia fieri diligens inquisitio. Et si Episcopo, aut Synodo prouinciali pro regionis more uidebitur magis expedire, per edictum etiam publicum uocetur, qui uolent examinari. Transacto constituto tempore omnes, qui descripti fuerint, examinentur ab Episcopo, siue, eo impedito, ab eius Vicario generali, atque ab alijs examinadoribus non paucioribus, quam tribus; quorum uotis, si pares, aut singulares fuerint, accedere possit Episcopus, uel Vicarius, quibus magis uidebitur. Examinadores autem singulis annis in diæcesana Synodo ab Episcopo, uel eius Vicario ad minus sex proponantur; qui Synodo satisfaciant, & ab ea probentur. Aduenienteq. uacatione cuiuslibet ecclesiæ, tres ex illis eligat Episcopus, qui cum eo examen perficiant; indeq. succedente alia uacatione, aut eosdem, aut alios tres, quos maluerit, ex prædictis illis sex eligat. Sint uero hi examinadores, magistri, seu doctores, aut licentiati in Theologia, aut iure Canonico, uel alij clerici, seu Regulares, etiam ex ordine mendicantium, aut etiam sæculares, qui ad id uidebuntur magis idonei, iurentq. omnes ad sancta Dei Euangelia se, qua-



quacumque humana affectione postposita, fideliter munus executuros. caueantq. ne quidquam prorsus occasione huius examinis nec ante, nec post accipiant: alioqui simonie uitium tam ipsi, quam alij dantes incurrant; a qua absolui nequeant, nisi dimissis beneficijs, quæ quomodocumque etiam antea obtinebant; & ad alia in posterum inhabiles reddantur. Et de his omnibus non solum coram Deo, sed etiam in Synodo prouinciali, si opus erit, rationem reddere teneantur; a qua, si quid contra officium eos fecisse compertum fuerit, grauiter eius arbitrio puniri possint. Peracto deinde examine renuncientur, quotcumque ab his idonei iudicati fuerint etate, moribus, doctrina, prudentia, & alijs rebus ad uacantem ecclesiam gubernandam opportunis. ex hisq. Episcopus eum eligat, quem ceteris magis idoneum iudicaue rit; atque illi, & non alteri collatio ecclesiæ ab eo fiat, ad quem spectabit eam conferre. Si uero iurispatronatus Ecclesiastici erit; ac institutio ad Episcopum, & non alium pertineat; is, quem patronus digniorem inter probatos ab examinatori bus iudicabit, Episcopo præsentare teneatur, ut ab eo instituatur. Cum uero institutio ab alio, quam ab Episcopo, erit facienda; tunc Episcopus solus ex dignis eligat digniorem, quem patronus ei præsentet, ad quem institutio spectat. Quod si iurispatronatus laicorum fuerit; debeat qui a patrono præsentatus erit, ab eisdem deputatis, ut  
supra,



supra, examinari, & non, nisi idoneus repertus fuerit, admitti. In omnibusq. supradictis casibus non cuiquam alteri, quam uni ex prædictis examinatis, & ab examinatore approbato, iusta supradictam regulam, de ecclesia provideatur; nec prædictorum examinatorum relationem, quo minus executionem habeat, ulla deuolutio, aut appellatio, etiam ad Sedem Apostolicam, siue eiusdem Sedis Legatos, aut Vicelegatos, aut Nuncios, seu Episcopos, aut Metropolitanos, Primates, uel Patriarchas interposita, impediatur, aut suspendatur: alioquin Vicarius, quem ecclesiæ uacanti antea Episcopus arbitrio suo ad tempus deputauit, uel forsitan postea deputabit; ab eius ecclesiæ custodia, & administratione non amoueatur, donec aut eisdem, aut alteri, qui probatus, & electus fuerit, ut supra, sit prouisum: alias prouisiones omnes, seu institutiones, præter supradictam formam factæ, subreptitiæ esse censeantur: non obstantibus huic decreto exemptionibus, indultis, priuilegijs, præuentionibus, affectionibus, nouis prouisionibus, indultis concessis quibuscumque Vniuersitatibus, etiam ad certam summam, & alijs impedimentis quibuscumque. Si tamen adeo exigui redditus dictæ Parochialis fuerint, ut totius huius examinationis operam non ferant; aut nemo sit, qui se examini quærat subijcere; aut ob apertas factiones, seu dissidia, quæ in aliquibus locis reperiuntur, facile grauiore rixæ, ac tumultus



tumultus possint excitari; poterit Ordinarius, si pro sua conscientia cum deputatorum consilio ita expedire arbitrabitur, hac forma omissa, priuatim aliud examen, ceteris tamen, ut supra, seruatis, adhibere. Licebit etiam Synodo provinciali, si qua in supradictis circa examinationis formam addenda, remittendaue esse censuerit, providere.

Caput XIX.

**D**ECERNIT sancta Synodus, Mandata de providendo, & gratias, quæ Expectatiuæ dicuntur, nemini amplius, etiam collegijs, Vniuersitatibus, senatibus, & alijs singularibus personis, etiam sub nomine indulti, aut ad certam summam, uel alio quouis colore concedi; nec hætenus concessis cuiquam uti licere. Sed nec reservationes mentales, nec aliæ quæcumque gratiæ ad uacatura, nec indulta ad alienas ecclesias, uel monasteria alicui, etiam ex sanctæ Romanæ Ecclesiæ Cardinalibus, concedantur; & hætenus concessa, abrogata esse censeantur.

Caput XX.

**C**AUSAE omnes, ad forum ecclesiasticum quomodolibet pertinentes, etiam si beneficiales sint, in prima instantia coram Ordinarijs locorum dumtaxat cognoscantur, atque omnino, saltem infra biennium a die motæ litis terminentur: alioquin post id spatium liberum sit partibus, uel alte-  
ri



ri illarum iudices superiores, alias tamen competentes adire; qui causam in eo statu, quo fuerit, assumant; & quamprimum terminari curent; nec antea alijs committantur, nec auocentur: neque appellationes ab eisdem interpositæ, per superiores quoscumque recipiantur; eorumue commissio, aut inhibitiō fiat nisi a definitiua, uel a definitiua uim habente; & cuius grauamen per appellationem a definitiua reparari nequeat. Ab his excipiantur causæ, quæ iuxta canonicas sanctiones apud Sedem Apostolicam sunt tractandæ; uel quas ex urgenti, rationabiliq. causa indicauerit summus Romanus Pontifex per speciale rescriptum Signaturæ Sæcristiæ suæ, manu propria subscribendum, committere, aut auocare. Ad hæc, causæ matrimoniales, & criminales non decani, Archidiaconi, aut aliorum inferiorum iudicio, etiam uisitando, sed Episcopi tantum examini, & iurisdictioni relinquuntur; etiam si in præsentia inter Episcopum, & Decanum, seu Archidiaconum, aut alios inferiores super causarum istarum cognitione lis aliqua in quacumque instantia pendeat: coram quo, si pars uere paupertatem probauerit, non cogatur extra prouinciam nec in secunda, nec in tertia instantia in eadem causa matrimoniali litigare; nisi pars altera & alimenta, & expensas litis uelit subministrare. Legati quoque, etiam de latere, Nuncij, gubernatores Ecclesiastici, aut alij quarumcumque facultatum uigore,

V

gore,



S E S S I O

gore, non solum Episcopos in prædictis causis impedire, aut aliquo modo eorum iurisdictionem ijs præripere, aut turbare non præsumant; sed nec etiam contra clericos, aliasue personas Ecclesiasticas, nisi Episcopo prius requisito, eoq. negligente, procedant: alias eorum processus, ordinationesue nullius momenti sint; atque ad damni satisfactionem, partibus illati, teneantur. Præterea, si quis in casibus a iure permissis appellauerit; aut de aliquo grauamine conquestus fuerit; seu alias ob lapsum biennij, de quo supra, ad alium iudicem recurrerit; teneatur acta omnia, coram Episcopo gesta, ad iudicem appellationis expensis suis transferre: eodem tamen Episcopo prius admonito, ut si quid ei pro causæ instructione uidebitur, possit iudici appellationis significare. Quod si appellatus compareat; cogatur tunc is quoque actorum, quæ translata sunt, expensas, pro portione sua, si illis uti uoluerit, subire; nisi aliter ex loci consuetudine seruetur, ut scilicet ad appellantem integrum hoc onus pertineat. Porro ipsam actorum copiam teneatur notarius, congrua mercede accepta, appellanti quanto citius, & ad minus intra mensem exhibere. Qui notarius si in differenda exhibitione fraudem fecerit; ab officij administratione arbitrio Ordinarij suspendatur; & ad dupli pœnam, quanti ea lis fuerit, inter appellantem, & pauperes loci distribuendam, compellatur. Index uero, si & ipse impediementi huius conscius,



conscijs, particepsue fuerit, aliterue obfliterit, ne appellanti integre acta intra tempus traderentur; ad eandem dupli pœnam, prout supra, teneatur: non obstantibus, quo ad omnia superscripta, priuilegijs, indultis, concordijs, quæ suos tantum teneant auctores, & alijs quibuscumque consuetudinibus.

## Caput XXI.

**C**VPIENS sancta Synodus, ut ex decretis ab ea editis nulla umquam futuris temporibus dubitandi occasio oriatur, uerba illa, posita in decreto, publicato Sessione prima, sub Beatissimo Domino nostro Pio Quarto, uidelicet: Quæ proponentibus Legatis, ac Præsidentibus, ad horum temporum leuandas calamitates, sedandas de religione controuersias, coercendas linguas dolosas, deprauatorum morum abusus corrigendos, Ecclesiæ ueram, & Christianam pacem conciliandam apta, & idonea ipsi sanctæ Synodo uidebuntur: explicando declarat, mentis suæ non fuisse, ut ex prædictis uerbis solita ratio tractandi negotia in generalibus Concilijs ulla ex parte immutaretur; neque noui quidquam, præter id, quod a sacris Canonibus, uel generalium Synodorum forma hætenus statutum est, cuiquam adderetur, uel detraberetur.



# S E S S I O

## Indictio futuræ Sefsionis .

**I**NSUPER, eadem sacrosancta Synodus proximam futuram Sefsionem feria quinta post conceptionem beatæ Mariæ uirginis, quæ erit dies nona mensis Decembris, proxime uenturi, habendam esse statuit, & decernit, cum potestate etiam abbreviandi. in qua Sefsione tractabitur de sexto nunc in eam dilato capite, & de reliquis reformationis capitibus iam exhibitis, deq. alijs ad eam pertinentibus. Si uero opportunum uidebitur, & tempus patietur; poterit etiam de nonnullis Dogmatibus tractari, prout suo tempore in congregationibus proponetur.

Abbreviata est dies Sefsionis .

S E S S I O



155

# SESSIO XXV,

QVAE EST NONA, ET VLTIMA  
SVB PIO IIII, PONT. MAX.

COEPTA DIE TERTIA, AB-  
SOLVTA DIE QVARTA  
DECEMB. M. D. LXIII.

## Decretum de Purgatorio .



**C**VM Catholica Ecclesia, Spiritu san-  
cto edocta, ex sacris litteris, & an-  
tiqua Patrum traditione, in sacris  
Concilijs, & nouissime in hac œcume-  
nica Synodo docuerit, Purgatorium esse; ani-  
masq. ibi detentas, fidelium suffragijs, potissi-  
mum uero acceptabili altaris sacrificio iuari;  
præcipit sancta Synodus Episcopis, ut sanam de  
Purgatorio doctrinam, a sanctis Patribus, &  
sacris Concilijs traditam, a Christi fidelibus cre-  
di, teneri, doceri, & ubique prædicari, diligen-  
ter studeant. Apud rudem uero plebem difficilio-  
res, ac subtiliores quæstiones, quæq. ad ædifica-  
tionem non faciunt, & ex quibus plerumque nul-  
la fit pietatis accessio, a popularibus concionibus  
secludantur. Incerta item, uel quæ specie falsi la-  
borant, euulgari, ac tractari non permittant.  
Ea uero, quæ ad curiositatem quandam, aut su-  
perstitionem spectant, uel turpe lucrum sapiunt;

V 3 tamquam



S E S S I O

*tamquam scandala, & fidelium offendicula prohibeant. Curent autem Episcopi, ut fidelium uiuorum suffragia, Missarum scilicet sacrificia, orationes, eleemosynæ, aliaq. pietatis opera, quæ a fidelibus pro alijs fidelibus defunctis fieri consueuerunt, secundum Ecclesiæ instituta pie, & deuote fiant; & quæ pro illis ex testatorum fundationibus, uel alia ratione debentur, non perfunctorie, sed a sacerdotibus, & Ecclesiæ ministris, & alijs, qui hoc præstare tenentur, diligenter, & accurate persoluantur.*

*De inuocatione, ueneratione, & Reliquiis Sanctorum, & sacris imaginibus.*

**M**ANDAT sancta Synodus omnibus Episcopis, & ceteris docendi munus, curamq. sustinentibus, ut iuxta Catholicæ, & Apostolicæ Ecclesiæ usum, a primænis Christianæ religionis temporibus receptum, sanctorumq. Patrum consensionem, & sacrorum Conciliorum decreta in primis de Sanctorum intercessione, inuocatione, Reliquiarum honore, & legitimo imaginum usu, fideles diligenter instruant, docentes eos, Sanctos, una cum Christo regnantes, orationes suas pro hominibus Deo offerre; bonum, atque utile esse suppliciter eos inuocare; & ob beneficia impetranda a Deo per filium eius Iesum Christum, Dominum nostrum, qui solus noster Redemptor & Saluator est, ad eorum orationes, opem auxiliumq.



xiliumq. confugere: illos uero, qui negant Sanctos, æterna felicitate in cælo fruantes, inuocandos esse; aut qui asserunt, uel illos pro hominibus non orare; uel eorum, ut pro nobis etiam singulis orent, inuocationem esse idolatriam; uel pugnare cum uerbo Dei; aduersariq. honori unius mediatoris Dei, & hominum Iesu Christi; uel stultum esse, in cælo regnantibus uoce, uel mente supplicare; impie sentire.

Sanctorum quoque Martyrum, & aliorum cum Christo uiuentium sancta corpora, quæ uiua membra fuerunt Christi, & templum Spiritus sancti, ab ipso ad æternam uitam suscitanda, et glorificanda, a fidelibus ueneranda esse; per quæ multa beneficia a Deo hominibus præstantur: ita ut affirmantes, Sanctorum Reliquiis uenerationem, atque honorem non deberi; uel eas, aliaq. sacra monumenta a fidelibus inutiliter honorari; atque eorum opis impetrandæ causa Sanctorum memorias frustra frequentari; omnino damnandos esse; prout iam pridem eos damnauit, & nunc etiam damnat Ecclesia. Imagines porro Christi, Deiparæ uirginis, & aliorum Sanctorum, in templis præsertim habendas, & retinendas; eisq. debitum honorem, & uenerationem impertientdam; non quod credatur inesse aliqua in ijs diuinitas, uel uirtus, propter quam sint colendæ; uel quod ab eis sit aliquid petendum; uel quod fiducia in imaginibus sit figenda; ueluti olim fiebat agen-

V 4 tibus,



tibus, quæ in idolis spem suam collocabant; sed quoniam honos, qui eis exhibetur, refertur ad prototypa, quæ illæ repræsentant: ita ut per imagines, quas osculamur, & coram quibus caput aperimus, & procumbimus, Christum adoremus; & Sanctos, quorum illæ similitudinem gerunt, ueneremur. id quod Conciliorum, præsertim uero secundæ Nicænæ Synodi decretis contra imaginum oppugnatores est sancitum.

Illud uero diligenter doceant Episcopi, per historias mysteriorum nostræ redemptionis, picturis, uel alijs similitudinibus expressas, erudiri, & confirmari populum in articulis fidei commemorandis, & assidue recolendis: tum uero ex omnibus sacris imaginibus magnum fructum percipi, non solum quia admonetur populus beneficiorum, & munerum, quæ a Christo sibi collata sunt; sed etiam quia Dei per Sanctos miracula, et salutaria exempla oculis fidelium subiiciuntur: ut proijs Deo gratias agant, ad Sanctorumq. imitationem uitam, moresq. suos componant: excitenturq. ad adorandum, ac diligendum Deum, & ad pietatem colendam. Si quis autem his decretis contraria docuerit, aut senserit; anathema sit.

In has autem sanctas & salutes obseruationes si qui abusus irrepserint, eos prorsus aboleri sancta Synodus uehementer cupit; ita ut nullæ falsi Dogmatis imagines, & rudibus periculosi erroris occasionem præbentes, statuantur. Quod si aliquan-



aliquando historias, & narrationes sacrae Scripturae, cum id indocta plebi expediet, exprimi, & figurari contigerit; doceatur populus, non propterea diuinitatem figurari, quasi corporeis oculis conspici, uel coloribus, aut figuris exprimi possit. Omnis porro superstitio in Sanctorum inuocatione, Reliquiarum ueneratione, & imaginum sacro usu tollatur; omnis turpis quaestus eliminetur; omnis denique lasciuiam uitetur; ita ut procaci uenustate imagines non pingantur, nec ornentur; & Sanctorum celebratione, ac Reliquiarum uisitatione homines ad comessationes atque ebrietates non abutantur; quasi festi dies in honorem Sanctorum per luxum, ac lasciuiam agantur. Postremo, tanta circa haec diligentia, & cura ab Episcopis adhibeatur, ut nihil inordinatum, aut praepostere, & tumultuarie accommodatum; nihil profanum, nihilq. inhonestum appareat; cum domum Dei deceat sanctitudo. Hae ut fidelius obseruentur, statuit sancta Synodus, nemini licere ullo in loco, uel ecclesia, etiam quomodolibet exempta, ullam insolitam ponere, uel ponendam curare imaginem, nisi ab Episcopo approbata fuerit; nulla etiam admittenda esse noua miracula, nec nouas Reliquias recipiendas, nisi eodem recognoscente & approbante Episcopo. qui simulatque de ijs aliquid compertum habuerit; adhibitis in consilium Theologis, & alijs pijs uiris, ea faciat, quae ueritati, & pietati



ti consentanea iudicauerit. Quod si aliquis dubius, aut difficilis abusus sit extirpandus; uel omnino aliqua de ijs rebus grauior quaestio incidat; Episcopus, antequam controuersiam dirimat, Metropolitanus, & comprouincialium Episcoporum in Concilio prouinciali sententiam expectet; ita tamen, ut nihil, inconsulto Sanctissimo Romano Pontifice, nouum, aut in Ecclesia hactenus inusitatum decernatur.

De Regularibus, & Monialibus. Cap. I.

E ADEM sacrosancta Synodus, reformationem prosequens, ea, quae sequuntur, statuenda esse censuit. Quoniam non ignorat sancta Synodus, quantum ex monasterijs pie institutis, & recte administratis, in Ecclesia Dei splendoris, atque utilitatis oriatur; necessarium esse censuit, quo facilius, ac maturius, ubi collapsa est, uetus, & regularis disciplina instauretur, & constantius, ubi conseruata est, perseueret, praecipere, prout hoc decreto praecipit, ut omnes Regulares, tam uiri, quam mulieres, ad Regulam, quam professi sunt, praescriptum uitam instituunt, & componant; atque in primis, quae ad suae professionis perfectionem, ut obedientiae, paupertatis, & castitatis, ac si quae alia sunt alicuius Regulae, & Ordinis peculiaria uota, & praeccepta, ad eorum respectiue essentiam, necnon ad communem uitam, uictum, et uestitum conseruanda continentia,



tinencia, fideliter obseruent. Omnisq. cura, & diligentia a Superioribus adhibeatur tam in Capitulis generalibus, & prouincialibus, quam in eorum uisitationibus, quæ suis temporibus facere non prætermittant, ut ab illis non recedatur: cum compertum sit, ab eis non posse ea, quæ ad substantiam Regularis uitæ pertinent, relaxari. si enim illa, quæ bases sunt, & fundamenta totius Regularis disciplinæ, exacte non fuerint conseruata; totum corruat edificium necesse est.

## Caput II.

NEMINI igitur Regularium, tam uirorum, quam mulierum, liceat bona immobilia, uel mobilia, cuiuscumque qualitatæ fuerint, etiam quouis modo ab eis acquisita, tamquam propria, aut etiam nomine conuentus possidere, uel tenere; sed statim ea Superiori tradantur, conuentuiq. incorporentur. Nec deinceps liceat Superioribus bona stabilia alicui Regulari concedere, etiam ad usumfructum, uel usum, administrationem, aut commendam. Administratio autem bonorum, monasteriorum, seu conuentuum ad solos Officiales eorundem, ad nutum Superiorum amouibiles, pertineat. Mobilium uero usum ita Superiores permittant, ut eorum supellex statui paupertatis, quam professi sunt, conueniat; nihilq. superflui in ea sit; nihil etiam, quod sit necessarium, eis denegetur. Quod si quis aliter quidquam



S E S S I O

quam tenere deprehensus, aut conuictus fuerit; is biennio actiua & passiuu uoce priuatus sit; atque etiam iuxta suæ Regulæ, & Ordinis constitutiones puniatur.

Caput III.

**C**ONCEDIT sancta Synodus omnibus monasterijs, & domibus tam uirorum, quam mulierum, & mendicantium, exceptis domibus Fratrum sancti Francisci Capuccinorum, & eorum, qui Minorum de obseruantia uocantur, etiam quibus aut ex constitutionibus suis erat prohibitum, aut ex priuilegio Apostolico non erat concessum, ut deinceps bona immobilia eis possidere liceat. Quod si aliqua loca ex prædictis, quibus auctoritate Apostolica similia bona possidere permissum erat, eis spoliata sint; eadem omnia illis restituenda esse decernit. In prædictis autem monasterijs, & domibus tam uirorum, quam mulierum, bona immobilia possidentibus, uel non possidentibus, is tantum numerus constituatur, ac in posterum conseruetur, qui uel ex redditibus proprijs monasteriorum, uel ex consuetis eleemosynis commode possit sustentari: nec de cetero similia loca erigantur sine Episcopi, in cuius diœcesi erigenda sunt, licentia prius obtenta.

Caput



## Caput IIII.

**P**ROHIBET sancta Synodus, ne quis Regularis, sine sui Superioris licentia, prædicationis, uel lectionis, aut cuiusuis pij operis prætextu, subiiciat se obsequio alicuius Prælati, Principis, uel Vniuersitatis, uel Communitatis, aut alterius cuiuscumque personæ, seu loci; neque ei aliquod priuilegium, aut facultas, ab alijs super ijs obtenta, suffragetur. Quod si contra fecerit; tamquam inobediens arbitrio Superioris puniatur. Nec liceat Regularibus a suis conuentibus recedere, etiam prætextu ad Superiores suos accedendi; nisi ab eisdem missi, aut uocati fuerint. Qui uero sine prædicto mandato, in scriptis obtento, repertus fuerit; ab Ordinarijs locorum tamquam desertor sui instituti puniatur. Illi autem, qui studiorum causa ad Vniuersitates mittuntur; in conuentibus tantum habitent: alioquin ab Ordinarijs contra eos procedatur.

## Caput V.

**B**ONIFACII Octauæ constitutionem, quæ incipit, Periculoso, renouans sancta Synodus, uniuersis Episcopis sub obtestatione diuini iudicii, et interminatione maledictionis æternæ, præcipit, ut in omnibus monasterijs, sibi subiectis, ordinaria, in alijs uero Sedis Apostolicæ auctoritate clausuram Sanctimonialium, ubi uiola  
ta



S E S S I O

ta fuerit, diligenter restitui, & ubi inuiolata est, conseruari maxime procurent; inobedientes, atque contradictores per censuras Ecclesiasticas, aliasq. pœnas, quacumque appellatione postposita, compescentes, innuocato etiam ad hoc, si opus fuerit, auxilio brachij secularis. Quod auxilium ut præbeatur, omnes Christianos Principes hortatur sancta Synodus, & sub excommunicationis pœna, ipso facto incurrenda, omnibus magistratibus secularibus iniungit. Nemini autem Sanctimonialium liceat post professionem exire a monasterio, etiam ad breue tempus, quocumque pretextu, nisi ex aliqua legitima causa, ab Episcopo approbanda: indultis quibuscumque & priuilegijs non obstantibus. Ingredi autem intra septa monasterij nemini liceat, cuiuscumque generis, aut condicionis, sexus, uel ætatis fuerit, sine Episcopi, uel Superioris licentia, in scriptis obtenta, sub excommunicationis pœna, ipso facto incurrenda. Dare autem tantum Episcopus, uel Superior licetiam debet in casibus necessarijs; neque alijs ullo modo possit, etiam uigore cuiuscumque facultatis, uel indulti hætenus concessi, uel in posterum concedendi. Et quia monasteria Sanctimonialium extra mœnia urbis, uel opidi constituta, malorum hominum prædæ, & alijs facinoribus sine ulla sepe custodia sunt exposita; curent Episcopi, & alij Superiores, si ita uidebitur expedire, ut Sanctimoniales ex eis ad noua, uel



uel antiqua monasteria intra urbes, uel opida frequentia reducantur, inuocato etiam auxilio, si opus fuerit, brachij sæcularis. Impedientes uero, uel non obediētes per censuras Ecclesiasticas parere compellant.

## Caput VI.

**I**N electione Superiorum quorumcumque, Abbatum temporalium, & aliorum Officialium, ac Generalium, et Abbatissarum, atque aliarum Præpositarum, quo omnia recte, & sine ulla fraude fiant, in primis sancta Synodus districte præcipit, omnes supradictos eligi debere per uota secreta; ita ut singulorum eligentium nomina numquam publicentur. Nec in posterum liceat, Prouinciales, aut Abbates, Priores, aut alios quoscumque Titulares ad effectum electionis faciendæ constituere; aut uoces, & suffragia absentium supplere. Si uero contra huius decreti constitutionem aliquis electus fuerit; electio irrita sit; et is, qui ad hunc effectum se in Prouincialem, Abbatem, aut Priorem creari permiserit; deinceps ad omnia Officia, in religione obtinenda, inhabilis existat; facultatesq. super his concessæ, eo ipso abrogatæ censeantur; & si in posterum aliæ concedantur, tamquam subreptitiæ habeantur.

Caput



Caput VII.

**A**BBATISSA, & Priorissa, & quocumque alio nomine Praefecta, uel Praeposita appellatur, eligatur non minor annis quadraginta, et quæ octo annis post expressam professionem laudabiliter uixerit. Quod si his qualitatibus non reperiatur in eodem monasterio; ex alio eiusdem Ordinis eligi possit. Si hoc etiam incommodum Superiori, qui electioni praeest, uideatur; ex ijs, quæ in eodem monasterio annum trigesimum excesserint, & quinque saltem annis post professionem recte uixerint, Episcopo, uel alio Superiore consentiente, eligatur. Duobus uero monasterijs nulla praeficiatur. Et, si quæ duo, uel plura quocumque modo obtinent; cogantur, uno excepto, intra sex menses cetera resignare. Post id uero tempus, nisi resignauerint, omnia ipso iure uacent. Is uero, qui electioni praeest, Episcopus, siue alius Superior claustra monasterij non ingrediatur; sed ante cancellorum fenestellam uota singularum audiat, uel accipiat. In reliquis seruentur singulorum Ordinum, uel monasteriorum constitutiones.

Caput VIII.

**M**ONASTERIA omnia, quæ generalibus Capitulis, aut Episcopis non subsunt, nec suos habent ordinarios regulares Visitatores, sed sub immediata Sedis Apostolicæ protectione, ac dire-



directione regi consueuerunt ; teneantur infra annum a fine presentis Concilij , & deinde quolibet triennio sese in congregationes redigere , iuxta formam Constitutionis Innocentij tertij in Concilio generali , quæ incipit , In singulis : ibiq. certas Regulares personas deputare , quæ de modo , & ordine , de prædictis congregationibus erigendis , ac statutis in eis exequendis deliberent , et statuant . Quod si in his negligentes fuerint ; liceat Metropolitano , in cuius provincia prædicta monasteria sunt , tamquã Sedis Apostolicæ delegato , eos pro prædictis causis conuocare . Quod si infra limites unius provincie non sit sufficiens talium monasteriorum numerus ad erigendam congregationem ; possint duarum , uel trium provinciarum monasteria unam facere congregationem . Ipsis autem congregationibus constitutis , illarum generalia Capitula , et ab illis electi Præsides , uel Visitatores eadem habeant auctoritatem in suæ congregationis monasteria , ac Regulares in eis commorantes , quam alij Præsides , ac Visitatores in ceteris habent Ordinibus : teneanturq. suæ congregationis monasteria frequenter uisitare ; & illorum reformationi incumbere ; & ea obseruare , quæ in sacris Canonibus , & in hoc sacro Concilio sunt decreta . Quod si etiam , Metropolitano instante , prædicta exequi non curauerint ; Episcopis , in quorum diocesis loca prædicta sita sunt , tamquam Sedis Apostolicæ delegatis , subdantur .

X

Caput



S E S S I O

Caput IX.

**M**ONASTERIA Sanctimonialium, sanctæ Sedi Apostolicæ immediate subiecta, etiam sub nomine Capitulorum sancti Petri, uel sancti Ioannis, uel alias quomodocumque nuncupentur, ab Episcopis, tamquã dictæ sedis delegatis, gubernetur, non obstantibus quibuscumque. Quæ uero a deputatis in Capitulis generalibus, uel ab alijs Regularibus reguntur; sub eorum cura, & custodia relinquantur.

Caput X.

**A**TTENDANT diligenter Episcopi, & ceteri Superiores monasteriorum Sanctimonialium, ut in constitutionibus earum admoneantur Sanctimoniales, ut saltem semel singulis mensibus confessionem peccatorum faciant; & sacrosanctam Eucharistiam suscipiant; ut eo se salutari præsidio muniant ad omnes oppugnationes Demonis fortiter superandas. Præter ordinarium autem confessorẽ alius extraordinarius ab Episcopo, & alijs Superioribus bis aut ter in anno offeratur; qui omnium confessiones audire debeat. Quod uero sanctissimum Christi corpus intra chorum, uel septa monasterij, & non in publica ecclesia conseruetur, prohibet sancta Synodus: non obstante quocumque indulto, aut priuilegio.

Caput



## Caput XI.

**I**N monasterijs, seu domibus uirorum, seu mulierum, quibus imminet animarum cura personarum secularium, præter eas, quæ sunt de illorum monasteriorum, seu locorum familia personarum, tam Regulares, quam seculares, huiusmodi curam exercentes, subsint immediate in ijs, quæ ad dictam curam, & Sacramentorum administrationem pertinent, iurisdictioni, uisitationi, & correctioni Episcopi, in cuius diœcesi sunt sita. Nec ibi aliqui, etiam ad nutum amouibiles, deputentur, nisi de eiusdem consensu, ac præuio examine, per eum, aut eius Vicarium faciendo, excepto monasterio Cluniacensium cum suis limitibus, & exceptis etiam ijs monasterijs, seu locis, in quibus Abbates, Generales, aut Capita ordinum sedem ordinariam principalem habent, atque alijs monasterijs, seu domibus, in quibus Abbates, aut alij Regularium Superiores iurisdictionem Episcopalem, & temporalem in Parochos, & parochianos exercent: saluo tamen eorum Episcoporum iure, qui maiorem in prædicta loca, uel personas iurisdictionem exercent.

## Caput XII.

**C**ENSURAE, & interdicta, nedum a Sede Apostolica emanata, sed etiam ab Ordinarijs promulgata, mandante Episcopo, a Regularibus

X 2 in



S E S S I O

*in eorum ecclesiis publicentur, atque seruentur. Dies etiam festi, quos in diœcesi sua seruandos idē Episcopus præceperit, ab exemptis omnibus, etiam Regularibus, seruentur.*

Caput XIII.

**C**ONTROVERSIA omnes de præcedentia, quæ persæpe maximo cum scandalo oriuntur inter Ecclesiasticas personas, tam sæculares, quàm Regulares, cum in processionibus publicis, tum in ijs, quæ fiunt in tumultandis defunctorum corporibus, & in deferenda umbella, & alijs similibus, Episcopus, amota omni appellatione, & non obstantibus quibuscumque, componat. Exempti autem omnes, tam clerici sæculares, quam Regulares, quicumque, etiam monachi, ad publicas processiones uocati, accedere compellantur; ijs tantum exceptis, qui in strictiori clausura perpetuatiuunt.

Caput XIII.

**R**EGULARIS, non subditus Episcopo, qui intra claustra monasterij degit, & extra ea ita notorie deliquerit, ut populo scandalo sit; Episcopo instante, a suo Superiore intra tempus, ab Episcopo præfigendum, seuere puniatur; ac de punitione Episcopum certiozem faciat: sin minus, a suo Superiore officio priuetur; & delinquens ab Episcopo puniri possit.

Caput



## Caput XV.

**I**N quacumque religione, tam uirorum, quam mulierum professio non fiat ante decimum sextum annum expletum; nec qui in minore tempore, quam per annum post susceptum habitum in probatione steterit, ad professionem admittatur. Professio autem antea facta, sit nulla; nullamque inducat obligationem ad alicuius Regulae, uel religionis, uel ordinis observationem, aut ad alios quoscumque effectus.

## Caput XVI.

**N**ULLA quoque renunciatio, aut obligatio antea facta, etiam cum iuramento, uel in fauorem cuiuscumque causae pie, ualeat, nisi cum licentia Episcopi, siue eius Vicarij fiat, intra duos menses proximos ante professionem; ac non alias intelligatur effectum suum sortiri, nisi secuta professione: aliter uero facta, etiam si cum huius fauoris expressa renuntiatione, etiam iurata, sit irrita, & nullius effectus. Finito tempore nouitiatus, Superiores, nouitios, quos habiles inuenierint, ad profitendum admittant; aut e monasterio eos eijciant. Per haec tamen sancta Synodus non intendit aliquid innouare; aut prohibere, quin religio clericorum Societatis Iesu, iuxta pium eorum institutum, a sancta Sede Apostolica approbatum, Domino, & eius Ecclesiae inservire possint:



possint : sed neque ante professionem , excepto uictu , & uestitu , nauitij , uel nouitiæ illius temporis , quo in probatione est , quocumque prætextu , a parentibus , uel propinquis , aut curatoribus eius monasterio aliquid ex bonis eiusdem tribuatur : ne hac occasione discedere nequeat , quod totum , uel maiorem partem substantiæ suæ monasterium possideat ; nec facile , si discesserit , id recuperare possit : quin potius præcipit sancta Synodus sub anathematis pœna dantibus , & recipientibus , ne hoc ullo modo fiat ; & ut abeuntibus ante professionem omnia restituantur , quæ sua erant . quod ut recte fiat , Episcopus , etiam per censuras Ecclesiasticas , si opus fuerit , compellat .

## Caput XVII.

**L**I B E R T A T I professionis uirginum Deo dicantur . Ldarum prospiciens sancta Synodus , statuit , atque decernit , ut si puella , quæ habitum Regularem suscipere uoluerit , maior duodecim annis sit ; non ante , eum suscipiat ; nec postea ipsa , uel alia professionem emittat , quam explorauerit Episcopus , uel , eo absente , uel impedito , eius Vicarius , aut aliquis eorum sumptibus ab eis deputatus , uirginis uoluntatem diligenter , an coacta , an seducta sit , an sciat , quid agat . et si uoluntas eius pia , ac libera cognita fuerit ; habueritq. condiciones requisitas iuxta monasterij illius , & Ordinis regulam ; ne cnon monasterium fuerit idoneum ; li  
bere



bere ei profiteri liceat. cuius professionis tempus ne Episcopus ignoret; teneatur Præfecta monasterio eum ante mensem certiolem facere. quod si Præfecta certiolem Episcopum non fecerit; quādiu Episcopo uidebitur, ab officio suspensa sit.

## Caput XVIII.

**A**NATHEMATI sancta Synodus subiicit omnes, & singulas personas, cuiuscumque qualitatis, uel condicionis fuerint, tam clericos, quam laicos, sæculares, uel Regulares, atque etiam qualibet dignitate fungentes, si quomodocumque coegerint aliquā uirginem, uel uiduam, aut aliam quamcumque mulierem inuitam, præterquam in casibus in iure expressis, ad ingrediendum monasterium, uel ad suscipiendum habitum cuiuscumque religionis, uel ad emittendam professionem; quiq. consilium, auxilium, uel fauorem dederint; quiq. scientes eam non sponte ingredi monasterium, aut habitum suscipere, aut professionem emittere; quoquo modo eidem actui uel præsentiam, uel consensum, uel auctoritatem interposuerint. Simili quoque anathemati subiicit eos, qui sanctam uirginum, uel aliarum mulierum uoluntatem ueli accipiendi, uel uoti emittendi, quoquo modo sine iusta causa impedierint. Ea q. omnia, & singula, quæ ante professionem, uel in ipsa professione fieri oportet, seruentur non solum in monasterijs subiectis Episcopo, sed & in



S E S S I O

alijs quibuscumque. Ab his tamen excipiuntur mulieres, quæ Penitentes, aut Conuertitæ appellantur: in quibus cōstitutiones earū seruentur.

Caput XIX.

**Q**UICVMQVE Regularis prætendat, se per uim, & metum ingressum esse religionem; aut etiam dicat, ante ætatem debitam professum fuisse; aut quid simile; uelitq. habitum dimittere quacumque de causa; aut etiam cum habitu discedere sine licentia Superiorum; non audiatur, nisi intra quinquennium tātum a die professionis, & tunc non aliter, nisi causas, quas prætenderit, deduxerit coram Superiore suo, & Ordinario. Quod si ante habitum sponte dimiserit; nullatenus ad allegandum quācumque causam admittatur; sed ad monasterium redire cogatur, & tamquam apostata puniatur: interim uero nullo priuilegio suæ religionis inuuetur. Nemo Regularis cuiuscumque facultatis uigore transferatur ad laxiorem religionem; nec detur licentia cuiquam Regulari occulte ferendi habitum suæ religionis.

Caput XX.

**A**BBATES, qui sunt Ordinum Capita, ac ceteri prædictorum Ordinum Superiores, Episcopis non subiecti, quibus est in alia inferiore monasteria, Prioratusue legitima iurisdictio, eadem illa sibi subdita monasteria, & Prioratus, suo



suo quisque loco, atque ordine, ex officio uisitent, etiam si commendata existant. Quæ cum Ordinum suorum Capitibus subsint, declarat sancta Synodus, in ijs, quæ alias de uisitatione monasteriorum commendatorum definita sunt, non esse comprehensa: teneanturq. quicumque prædictorum Ordinum monasterijs præsent, prædictos Visitatores recipere, & illorum ordinationes exequi. Ipsa quoque monasteria, quæ sunt Ordinum Capita, iuxta sanctæ Sedis Apostolicæ, & cuiusque Ordinis constitutiones uisitentur. Et quam diu durabunt huiusmodi commenda, Priores claustrales, aut in Prioratibus conuentum habentibus, Subpriores, qui correctiones, & spirituale regimen exercent, a Capitulis generalibus, uel ipsorum Ordinum Visitoribus instituuntur. In ceteris omnibus præfatorum Ordinum priuilegia, & facultates, quæ ipsorum personas, loca, & iura concernunt, firmæ sint, & illæsæ.

## Caput XXI.

CUM pleraque monasteria, etiam Abbatie, Prioratus, & Præposituræ ex mala eorum, quibus commissa fuerunt, administratione, non leuia passa fuerint tam in spiritualibus, quam in temporalibus detrimenta; cupit sancta Synodus ea ad congruam monasticæ uitæ disciplinam omnino reuocare. uerum adeo dura, difficilisq. est præsentium temporum condicio, ut nec statim omnibus,



bus, nec commune ubique, quod optaret, remedium possit adhiberi: ut tamen nihil prætermittat, unde prædictis salubriter aliquando prouideri possit; primum quidem confidit, Sanctissimum Romanum Pontificem pro sua pietate, & prudentia curaturum, quantum hæc tempora ferre posse uiderit, ut ijs, quæ nunc commendata reperiuntur, & quæ suos conuentus habent, Regulares personæ, eiusdem Ordinis expresse professæ, & quæ gregi præire, & præesse possint, præficiantur. Quæ uero in posterum uacabunt, non nisi Regularibus spectatæ uirtutis, & sanctitatis conferantur. Quo ad uero ea monasteria, quæ Capita sunt, ac Primates Ordinum, siue Abbatia, siue Prioratus, filia illorum Capitum nuncupantur; teneantur illi, qui in præsentia ea in commendam obtinent, nisi sit eis de Regulari successore prouisum, infra sex menses religionem illorum Ordinum propriam sollemniter profiteri, aut ijs cedere: alias commendæ prædictæ ipso iure uacare censeantur. Ne autem in prædictis omnibus, & singulis fraus aliqua adhiberi possit; mandat sancta Synodus, ut in prouisionibus dictorum monasteriorum qualitas singulorum nominatim exprimatur: aliterq. facta prouisio subreptitia esse censeatur: nullaq. subsequenti possessione, etiam triennali, adiungetur.

Caput



## Caput XXII.

**H**AEC omnia, & singula in superioribus decretis contenta, obseruari sancta Synodus praecipit in omnibus caenobijs, ac monasterijs, collegijs, ac domibus quorumcumque monachorum, ac Regularium, necnon quarumcumque Sanctimonialium uirginum, ac uiduarum, etiam si illae sub gubernio militiarum, etiam Hierosolymitanæ, uiuant, & quocumque nomine appellentur, sub quacumque regula, uel constitutionibus, & sub custodia, uel gubernatione, uel quauis subiectione, aut annexione, uel dependentia cuiuscumque Ordinis, mendicantium, uel non mendicantium, uel aliorum Regularium monachorum, aut Canonicorum quorumcumque: non obstantibus eorum omnium, & singulorum priuilegijs sub quibuscumque formulis uerborum conceptis, ac, Mare magnum, appellatis, etiam in fundatione obtentis, necnon constitutionibus, & regulis etiam iuratis, atque etiam consuetudinibus, uel praescriptionibus, etiam immemorabilibus. Si qui uero Regulares tam uiri, quam mulieres sunt, qui sub arctiori regula, uel statutis uiuunt, excepta facultate habendi bona stabilia in communi, eos ab eorum instituto, & obseruantia sancta Synodus amouere non intendit. Et quia sancta Synodus desiderat, ut omnia, & singula supradicta quamprimum executioni deman-  
dentur;



dentur; præcipit omnibus Episcopis, in monasterijs sibi subiectis, & in omnibus alijs, ipsis in superioribus decretis specialiter commissis, atque omnibus Abbatibus, & Generalibus, & alijs Superioribus Ordinum supradictorum, ut statim prædicta exequantur. Et si quid executioni mandatum non sit, Episcoporum negligentiam Concilia prouincialia suppleant, & coerceant. Regularium uero Capitula prouincialia, et generalia, et in defectum Capitulorum generalium Concilia prouincialia per deputationem aliquorum eiusdem Ordinis prouideant. Hortatur etiam sancta Synodus omnes Reges, Principes, Resp. & Magistratus, & in uirtute sanctæ obedienciæ præcipit, ut uelint prædictis Episcopis, Abbatibus, ac Generalibus, & ceteris Præfectis in superius contentæ reformationis executione suum auxilium, et auctoritatem interponere, quoties fuerint requisiti; ut sine ullo impedimento præmissa recte exequantur ad laudem Dei omnipotentis.

Decretum de reformatione. Cap. I.

**O**PTANDUM est, ut ij, qui Episcopale ministerium suscipiunt, quæ suæ sint partes, agnoscant; ac se non ad propria commoda, non ad diuitias, aut luxum, sed ad labores & sollicitudines pro Dei gloria uocatos esse intelligant. nec enim dubitandum est, & fideles reliquos ad religionem, innocentiamq. facilius inflammandos, si  
Præpositos



Præpositos suos uiderint non ea, quæ mundi sunt, sed animarum salutem, ac cælestem patriam cogitantes. Hæc cum ad restituendam Ecclesiasticam disciplinam præcipua esse sancta Synodus animaduertat; admonet Episcopos omnes, ut secum ea sæpe meditantes, factis etiam ipsis, ac uitæ actionibus, quod est ueluti perpetuum quoddam prædicandi genus, se muneri suo conformes ostendant: in primis uero ita mores suos omnes componant, ut reliqui ab eis frugalitatis, modestiæ, continentiæ, ac, quæ nos tantopere commendat Deo, sanctæ humilitatis exempla petere possint. Quapropter exemplo Patrum nostrorum in Concilio Carthaginensi non solum iubet, ut Episcopi modesta suppellectili, & mensa, ac frugali uictu contenti sint; uerum etiam in reliquo uitæ genere, ac tota eius domo caueant, ne quid appareat, quod a sancto hoc instituto sit alienum; quodq. non simplicitatem, Dei zelum, ac uanitatum contemptum præ se ferat. Omnino uero eis interdicat, ne ex redditibus ecclesiæ consanguineos, familiaresue suos augere studeant: cum & Apostolorum Canones prohibeant, ne res Ecclesiasticas, quæ Dei sint, consanguineis donent; sed, si pauperes sint, ijs, ut pauperibus, distribuant; eas autem non distrahant, nec dissipent illorum causa: immo, quam maxime potest, eos sancta Synodus monet, ut omnem humanum hunc erga fratres, nepotes, propinquosq. carnis affectum, unde multorum ma-

lorum



lorum in Ecclesia seminarium extat, penitus deponant. Quæ uero de Episcopis dicta sunt; eadem non solum in quibuscumque beneficia Ecclesiastica, tam secularia, quam Regularia obtinentibus, pro gradus sui conditione obseruari, sed ad sanctæ Romanæ Ecclesiæ Cardinales pertinere decernit: quorum consilio apud Sanctissimum Romanum Pontificem cum uniuersalis Ecclesiæ administratione nitatur, nefas uideri potest, non ijs etiam uirtutum insignibus, ac uiuendi disciplina eos fulgere, quæ merito omnium in se oculos conuertant.

## Caput II.

COGIT temporum calamitas, & inualescentium hæresum malitia, ut nihil sit prætermittendum, quod ad populorum ædificationem, & Catholicæ fidei præsidium uideatur posse pertinere. Præcipit igitur sancta Synodus Patriarchis, Primatibus, Archiepiscopis, Episcopis, & omnibus alijs, qui de iure, uel consuetudine in Concilio prouinciali interesse debent, ut in ipsa prima Synodo prouinciali, post finem præsentis Concilij habenda, ea omnia, & singula, quæ ab hac sancta Synodo definita, & statuta sunt, palam recipiant; necnon ueram obedientiam summo Romano Pontifici spondeant, & profiteantur; simulq. hæreses omnes, a sacris Canonibus, & generalibus Concilijs, præsertimq. ab hac eadem Synodo damnatas, publice detestentur, & anathematizent.



thematizent. Idemq. in posterum quicumque in Patriarchas, Primates, Archiepiscopos, Episcoposq. promouendi, in prima Synodo prouinciali, in qua ipsi interfuerint, omnino obseruent. Quod si quis ex supradictis omnibus, quod absit, renuerit; Episcopi comprouinciales statim summum Romanum Pontificem admonere sub pœna diuinæ indignationis teneantur; interimq. ab eiusdem communione abstineant. Ceteri uero omnes siue in præsenti, siue in futurum beneficia Ecclesiastica habituri, & qui in Synodo diæcesana conuenire debent; idem, ut supra, in ea Synodo, quæ primo quoque tempore celebrabitur, faciant, & obseruent, alias secundum formam sacrorum Canonum puniantur. Ad hæc, omnes ij, ad quos Vniuersitatum, & Studiorum generalium cura, uisitatio, & reformatio pertinet, diligenter curent, ut ab eisdem Vniuersitatibus Canones, & decreta huius sanctæ Synodi integre recipiantur; ad eorumq. normam magistri, doctores, & alij in eisdem Vniuersitatibus ea, quæ Catholicæ fidei sunt, doceant, & interpretentur; seq. ad hoc institutum initio cuiuslibet anni sollemni iuramento obstringant: sed & si aliqua alia in prædictis Vniuersitatibus correctione, & reformatione digna fuerint, ab eisdem, ad quos spectat, pro religionis, & disciplinæ Ecclesiasticæ augmento emendantur, & statuuntur. Quæ uero Vniuersitates immediate summi Romani Pontificis protectioni,

&



& uisitationi sunt subiectæ; has sua Beatitudo per eius delegatos eadem, qua supra, ratione, & , prout ei utilius uisum fuerit, salubriter uisitari, & reformari curabit.

## Caput III.

Q VAMVIS excommunicationis gladius neruus sit Ecclesiasticæ disciplinæ, & ad continendos in officio populos ualde salutaris: sobrietas, magna. circumspeditione exercendus est: cum experientia doceat, si temere, aut leuibus ex rebus incutiat, magis contemni, quam formidari; & perniciem potius parere, quam salutem. Quapropter excommunicationes illæ, quæ monitionibus præmissis, ad finem reuelationis, ut aiunt, aut pro deperditis, seu subtractis rebus ferri solent, a nemine prorsus, præterquam ab Episcopo, decernantur; & tunc non alias, quam ex re non uulgari, causa. diligenter, ac magna maturitate per Episcopum examinata, quæ eius animum moueat; nec ad eas concedendas cuiusuis sæcularis, etiam Magistratus auctoritate adducatur: sed totum hoc in eius arbitrio, & conscientia sit positum: quando ipse pro re, loco, persona, aut tempore eas decernendas esse iudicauerit. In causis uero iudicialibus mandatur omnibus iudicibus Ecclesiasticis, cuiuscumque dignitatis existant, ut quandocumque executio realis, uel personalis in qualibet parte iudicij propria auctoritate

te



te ab ipsis fieri poterit, abſtineant ſe tam in procedendo, quam definiendo, a cenſuris Eccleſiaſticis, ſeu interdicto: ſed liceat eis, ſi expedire videbitur, in cauſis civilibus, ad forum Eccleſiaſticum quomodolibet pertinentibus, contra quoscumque, etiam laicos, per multas pecuniarias, quæ locis pijs, ibi exiſtentibus, eo ipſo, quod exactæ fuerint, aſſignentur; ſeu per captionem pignorum, perſonarumq. diſtriſtionem, per ſuos proprios, aut alienos executores faciendam; ſive etiam per priuationem beneficiorum, aliaq. iuris remedia procedere, & cauſas definire. Quod ſi executio realis, uel perſonalis aduerſus reos hac ratione fieri non poterit; ſitq. erga iudicem contumacia: tunc eos etiam anathematis mucrone, arbitrio ſuo, præter alias pœnas ferire poterit. In cauſis quoque criminalibus, ubi executio realis, uel perſonalis, ut ſupra, fieri poterit; erit a cenſuris abſtinendum: ſed ſi dictæ executioni facile locus eſſe non poſſit; licebit iudici hoc ſpirituali gladio in delinquentes uti; ſi tamen delicti qualitas, præcedente bina ſaltem monitione, etiam per edictum, id poſtulet. Neſas autem ſit ſæculari cuilibet Magiſtratui prohibere Eccleſiaſtico iudici, ne quem excommunicet; aut mandare, ut latam excommunicationem renocet, ſub prætextu, quod contenta in præſenti decreto non ſint obſervata; cum non ad ſæculares, ſed ad Eccleſiaſticos hæc cognitio pertineat. Excommunicatus uero quicumque,



si post legitimas monitiones non respuerit; non solum ad Sacramenta, & communionem fidelium, ac familiaritatem non recipiatur: sed si obdurato animo, censuris annexus, in illis per annum infor duerit; etiam contra eum, tamquam de hæresi suspectum, procedi possit.

Caput IIII.

C O N T I N G I T saepe in quibusdam ecclesiis uel tam magnum Missarum celebrandarum numerum ex uarijs defunctorum relictis impositum esse, ut illis pro singulis diebus, a testatoribus præscriptis, nequeat satisfieri; uel eleemosynam huiusmodi pro illis celebrandis adeo tenuem esse, ut non facile inueniatur, qui uelit huic se muneri subiungere; unde depereunt piæ testantium uoluntates; & eorum conscientias, ad quos prædicta spectant, onerandi occasio datur. Sancta Synodus, cupiens hæc, ad pios usus relictæ, quo plenius, & utilius potest impleri, facultatem dat Episcopis, ut in Synodo diocesana, itemq. Abbatibus, & Generalibus Ordinum, ut in suis Capitulis generalibus, re diligenter perspecta, possint pro sua conscientia in prædictis ecclesiis, quas hac prouisione indigere cognouerint, statuere circa hæc, quidquid magis ad Dei honorem, & cultum, atque ecclesiarum utilitatem uiderint expedire; ita tamen, ut eorum semper defunctorum commemoratio fiat, qui pro suarum animarum salute



lute legata ea ad pios usus reliquerunt.

Caput V.

**R**ATIO postulat, ut illis, quæ bene constituta sunt, contrarijs ordinationibus non detrahatur. quando igitur ex beneficiorum quorumcumque erectione, seu fundatione, aut alijs constitutionibus, qualitates aliquæ requiruntur; seu certa illis onera sunt iniuncta, in beneficiorum collatione, seu in quacumque alia dispositione, eis non derogetur. Idem in præbendis Theologalibus, magistralibus, doctoralibus, aut Presbyteralibus, Diaconalibus, ac Subdiaconalibus, quancumque ita constituta fuerint, obseruetur, ut eorum qualitatibus, uel Ordinibus nihil in ulla prouisione detrahatur: et aliter facta prouisio subreptitia censeatur.

Caput VI.

**S**TATVIT sancta Synodus, ut in omnibus ecclesijs cathedralibus, & collegiatis decretum sub fel. rec. Paulo III, quod incipit, Capitula cathedralium, obseruetur non solum, quando Episcopus uisitauerit; sed & quoties ex officio, uel ad petitionem alicuius, contra aliquem ex contentis in dicto decreto, procedat: ita tamen, ut, cum extra uisitationem processerit, infrascripta omnia locum habeant: uidelicet, ut Capitulum initio cuiuslibet anni eligat ex Capitulo duos: de

2 quorum



quorum consilio, & assensu Episcopus, uel eius Vicarius, tam in formando processum, quam in ceteris omnibus actibus usque ad finem causæ inclusivæ, coram notario tamen ipsius Episcopi, & in eius domo, aut consueto tribunali procedere teneatur. Vnum autem tantum sit utriusque uotū; possitq. alter Episcopo accedere. Quod si ambo ab Episcopo discordes in aliquo actu, seu interlocutoria, uel definitiva sententia fuerint; tunc intra sex dierum spatium cum Episcopo tertium eligant. et, si in electione tertij etiam discordent; ad uiciniorum Episcopum electio deuoluatur; & iuxta eam partem, cum qua tertius conueniet, articulus, in quo erat discordia, terminetur: alias processus, & inde secuta nulla sint, nullosq. producant iuris effectus. In criminibus tamen ex incontinentia prouenientibus, de qua in decreto de concubinarijs, & in atrocioribus delictis, depositionem, aut degradationem requirentibus, ubi de fugatimetur, ne iudicium eludatur, & ideo opus sit personali detentione, possit initio solus Episcopus ad summariam informationem, & necessariam detentionem procedere: seruatō tamen in reliquis ordine præmissō. In omnibus autem casibus ea ratio habeatur, ut iuxta qualitatem delicti, ac personarum, delinquentes ipsi in loco decenti custodiantur. Episcopis præterea ubique is honor tribuatur, qui eorum dignitati par est; eisq. in choro, & in Capitulo, in Processionibus, & alijs



alijs actibus publicis sit prima sedes, & locus, quem ipsi elegerint, & præcipua omnium rerum agendarum auctoritas. Qui si aliquid Canonicis ad deliberandum proponant; nec de re ad suum, uel suorum commodum spectante agatur: Episcopi ipsi Capitulum conuocent; uota exquirant; et iuxta ea concludant. Absente uero Episcopo omnino hoc ab ijs de Capitulo, ad quos hoc de iure, uel consuetudine spectat, perficiatur; nec ad id Vicarius Episcopi admittatur. Ceteris autem in rebus Capituli iurisdictio, & potestas, si qua eis competit, & bonorum administratio salua, & intacta omnino relinquatur. Qui uero non obtinent dignitates, nec sunt de Capitulo; hi omnes incausis Ecclesiasticis Episcopo subiiciantur: non obstantibus, quo ad supradicta, priuilegijs, etiam ex fundatione competentibus, necnon consuetudinibus, etiam immemorabilibus, sententijs, iuramentis, concordijs, quæ tantum suos obligent auctores: saluis tamen in omnibus, priuilegijs, quæ Vniuersitatibus studiorum generalium, seu earum personis sunt concessa. Hæc autem omnia, et singula in ijs ecclesijs locum non habeant, in quibus Episcopi, aut eorum Vicarij ex constitutionibus, uel priuilegijs, aut consuetudinibus, siue concordijs, seu quocumque alio iure maiorem habent potestatem, auctoritatem, ac iurisditionem, quam præsentis decreto sit comprehensum: quibus sancta Synodus derogare non intendit.



## Caput VII.

**C**UM in beneficijs Ecclesiasticis ea, quæ hereditariæ successionis imaginem referunt, sacris constitutionibus sint odiosa, & Patrum decretis contraria, nemini in posterum accessus, aut regressus, etiam de consensu, ad beneficium Ecclesiasticum cuiuscumque qualitatibus concedatur; nec hætenus concessi suspendantur, extendantur, aut transferantur. Hocq. decretum in quibuscumque beneficijs Ecclesiasticis, ac etiam cathedralibus ecclesiis, ac in quibuscumque personis, etiã Cardinalatus honore fulgentibus, locum habeat. In Coadiutorijs quoque cum futura successione idem posthac obseruetur; ut nemini in quibuscumque beneficijs Ecclesiasticis permittantur. Quod si quando ecclesiæ cathedralis, aut monasterij urgens necessitas, aut euidentis utilitas postulet Prælato dari Coadiutorem; is non alias cum futura successione detur, quam hæc causa prius diligenter a Sanctissimo Romano Pontifice sit cognita; & qualitates omnes in illo concurrere certum sit, quæ a iure, et decretis huius sanctæ Synodi in Episcopis, et Prælatibus requiruntur: alias concessiones super his factæ subreptitiæ esse censeantur.

## Caput VIII.

**A**D MONET sancta Synodus quoscumque Ecclesiastica beneficia, secularia, seu Regularia



ria obtinentes, ut hospitalitatis officium, a sanctis Patribus frequenter commendatum, quantum per eorum prouentus licebit, prompte, benigneque exercere assuescant; memores, eos, qui hospitalitatem amant, Christum in hospitibus recipere. Illis uero, qui hospitalia uulgo nuncupata, seu alia pia loca, ad peregrinorum, infirmorum, senum, pauperumue usum præcipue instituta, in commendam, administrationem, aut quemcumque titulum, aut etiam ecclesiis suis unita, obtinent; uel si ecclesiæ Parochiales, hospitalibus forte unitæ, aut in hospitalia erectæ, earumque patronis in administrationem concessæ sint; præcipit omnino, ut impositum illis onus, officiumue administrent, atque hospitalitatem, quam debent, ex fructibus ad id deputatis actu exerceant, iuxta Constitutionem Concilij Vinnensis, alias in hac eadem Synodo sub fel. rec. Paulo III innouatam, quæ incipit, Quia contingit. Quod si hospitalia hæc ad certum peregrinorum, aut infirmorum, aut aliarum personarum genus suscipiendum fuerint instituta; nec in loco, ubi sunt dicta hospitalia, similes personæ, aut per paucæ reperiuntur; mandat adhuc, ut fructus illorum in alium pium usum, qui eorum institutioni proximior sit, ac pro loco, & tempore utilior, conuertantur, prout Ordinario cum duobus de Capitulo, qui rerum usu peritiores sint, per ipsum deligendis, magis expedire uisum fuerit: nisi

si aliter



si aliter forte, etiam in hunc euentum, in eorum fundatione, aut institutione fuerit expressum: quo casu, quod ordinatum fuit, obseruari curet Episcopus; aut, si id non possit, ipse, prout supra, utiliter provideat. Itaque si prædicti omnes, & singuli, cuiuscumque Ordinis, & religionis, & dignitatis, etiam si laici fuerint, qui administrationem hospitalium habent, non tamen Regularibus subiecti, ubi uiget Regularis obseruantia, ab Ordinario moniti, hospitalitatis munus, adhibitis omnibus, ad quæ tenentur, necessarijs, re ipsa obire cessauerint; non solum per Ecclesiasticas censuras, & alia iuris remedia ad id compelli possint; sed etiam hospitalis ipsius administratione, curaue perpetuo priuari possint; alijq. eorum loco ab ijs, ad quos spectabit, substituantur. Et prædicti nihilominus, etiam ad fructuum restitutionem, quos contra ipsorum hospitalium institutionem perceperunt, quæ nulla eis remissione, aut compositione indulgeatur, in foro conscientie teneantur: nec administratio, seu gubernatio huiusmodi locorum uni et eidem personæ ultra triennium deinceps committatur; nisi aliter in fundatione cantum reperiatur: non obstante, quo ad omnia supradicta, quacumque unione, exemptione, & consuetudine in contrarium, etiam immemorabili, seu priuilegijs, aut indultis quibuscumque.

Caput



## Caput I X.

**S**ICVTI legitima patronatum iura tollere,  
 piasq. fidelium voluntates in eorum institutio-  
 ne uiolare æquum non est: sic etiam ut hoc colore  
 beneficia Ecclesiastica in seruitutem, quod a mul-  
 tis impudenter fit, redigantur, non est permitten-  
 dum. Vt igitur debita in omnibus ratio obserue-  
 tur; decernit sancta Synodus, ut titulus iurispatro-  
 natus sit ex fundatione, uel dotatione; qui ex au-  
 thentico documento, et alijs iure requisitis osten-  
 datur; siue etiam ex multiplicatis præsentationi-  
 bus per antiquissimum temporis cursum, qui ho-  
 minum memoriam excedat, aliasue secundum iu-  
 ris dispositionem. In ijs uero personis, seu Com-  
 munitatibus, uel Vniuersitatibus, in quibus id  
 ius plerumque ex usurpatione potius quæsitum  
 præsumi solet, plenior, & exactior probatio ad  
 docendum uerum titulum requiratur. nec imme-  
 morabilis temporis probatio aliter eis suffrage-  
 tur, quam si, præter reliqua ad eam necessaria,  
 præsentationes, etiam continuatæ, non minori  
 saltem, quam quinquaginta annorum spatio, quæ  
 omnes effectum sortitæ sint, authenticis scriptu-  
 ris probentur. Reliqui patronatus omnes in be-  
 neficijs, tam secularibus, quam Regularibus, seu  
 parochialibus, uel dignitatibus, aut quibuscum-  
 que alijs beneficijs, in cathedrali, uel collegiata  
 ecclesia; seu facultates, & priuilegia concessa,  
 tam



tam in uim patronatus, quam alio quocumque iure nominandi, eligendi, presentandi ad ea, cum uacant, exceptis patronatibus, super cathedra- libus ecclesijs competentibus, & exceptis alijs, quæ ad Imperatorem, & Reges, seu regna pos- sidentes, aliosq. sublimes, ac supremos Prin- cipes, iura Imperij in dominijs suis habentes, pertinent; & quæ in fauorem Studiorum gene- ralium concessa sunt, in totum prorsus abrogata, & irrita cum quasi possessione inde secuta intelli- gantur. Beneficiaq. huiusmodi, tamquam libe- ra, a suis collatoribus conferantur; ac prouisio- nes huiusmodi plenum effectum consequantur. Ad hæc liceat Episcopo, presentatos a patronis, si idonei non fuerint, repellere. Quod si ad infe- riores institutio pertineat; ab Episcopo tamen, iuxta alias statuta ab hac sancta Synodo, exami- nentur: alioquin institutio ab inferioribus facta, irrita sit, & inanis. Patroni autem beneficio- rum, cuiuscumque Ordinis, & dignitatis, etiam si Cômunitates, Vniuersitates, collegia quæcum- que clericorum, uel laicorum existant, in perce- ptione fructuum, prouentuum, obuentionum quo- rumcumque beneficiorum, etiam si uere de iure- patronatus ipsorum ex fundatione, & dotatione essent, nullatenus, nullaue causa, uel occasione se ingerant; sed illos libere Rectori, seu Benefi- ciato, non obstante etiam quacumque consuetu- dine, distribuendos dimittant. Nec dictum ius- patronatus



patronatus uenditionis, aut alio quocumque titulo in alios contra Canonicas sanctiones transferre præsumant. si secus fecerint; excommunicationis, & interdicti pœnis subiiciantur; & dicto iure patronatus, ipso iure, priuati existant. Insuper accessiones, per uiam unionis factæ de beneficijs liberis, ad ecclesias iurispatronatui, etiam laicorum, subiectas, tam Parochiales, quàm ad alia quacumque beneficia, etiam simplicia, seu dignitates, uel hospitalia, ita ut prædicta beneficia libera eiusdem naturæ cum ijs, quibus cum uniuntur, efficiantur, atque sub iure patronatus constituentur. Hæ si nondum plenarium sortitæ sunt effectum; uel deinceps ad cuiusuis instantiam fient, quacumque auctoritate, etiam Apostolica, concessa fuerint; simul cum unionibus ipsis per subreptionem obtentæ intelligantur: non obstante quacumque in ijs uerborum forma, seu derogatione, quæ habeatur pro expressa: nec executioni amplius demandentur; sed beneficia ipsa unita, cum uacauerint, libere, ut antea, conferantur. Quæ uero a quadraginta annis citra factæ, effectum & plenam incorporationem sunt consecutæ; hæ nihilominus ab Ordinarijs, tamquam a Sede Apostolica delegatis, reuideantur, et examinentur; ac quæ per subreptionem, uel obreptionem obtentæ fuerint, simul cum unionibus irritæ declarentur; ac beneficia ipsa separentur, & alijs conferantur. Similiter quoque patronatus qui  
cumque



cumque in ecclesijs, & quibuscumque alijs beneficijs, etiam dignitatibus antea liberis, acquisiti a quadraginia annis citra, & in futurum acquirendi, seu ex augmento dotis, seu ex noua constructione, uel alia simili causa, etiam auctoritate Sedis Apostolicæ, ab ijsdem Ordinarijs, uti delegatis, ut supra, qui nullius in his facultatibus, aut priuilegijs impediuntur, diligenter cognoscantur: & quos non reppererint ob maxime euidentem ecclesiæ, uel beneficij, seu dignitatis necessitatem legitime constitutos esse, in totum reuocent; atque beneficia huiusmodi sine damno illa possidentium, & restituto patronis eo, quod ab eis iccirco datum est, in pristinum libertatis statum reducant: non obstantibus priuilegijs, constitutionibus, & consuetudinibus, etiam immemorabilibus.

## Caput X.

**Q**VONIAM ob malitiosam petentium suggestionem, & quandoque ob locorum longinquitatem personarum notitia, quibus causæ mandantur, usque adeo haberi non potest; hincq. interdum iudicibus, non undequaque idoneis, causæ in partibus delegantur: statuit sancta Synodus, in singulis Concilijs prouincialibus, aut diæcesanis aliquot personas, quæ qualitates habeant, iuxta Constitutionem Bonifacij **V I I I**, quæ incipit Statutum; & alioquin ad id aptas designari, ut præter



præter Ordinarios locorum ipsius etiam posthac causæ Ecclesiasticæ, ac spirituales, & ad forum Ecclesiasticum pertinentes, in partibus delegandæ committantur. Et, si aliquem interim ex designatis mori contigerit; substituatur Ordinarius loci cû consilio Capituli alium in eius locum usque ad futuram provincialem, aut diœcesanâ Synodum: ita ut habeat quæque diœcesis quattuor saltem, aut etiam plures probatas personas, ac ut supra qualificatas; quibus huiusmodi causæ a quolibet Legato, uel Nuncio, atque etiam a Sede Apostolica committantur: alioquin post designationem factam, quam statim Episcopi ad summum Romanum Pontificem transmittant, delegationes quæcumque aliorum iudicum alijs, quam his, factæ, subreptitiæ censeantur. Admonet de hinc sancta Synodus tam Ordinarios, quam alios quoscumque iudices, ut terminandis causis, quanta fieri poterit breuitate, studeant; ac litigatorum artibus, seu in litis contestatione, seu alia parte iudicij differenda, modis omnibus aut termini præfixione, aut competenti alia ratione occurrant.

## Caput XI.

MAGNAM ecclesijs perniciem afferre solet, cum earum bona, repræsentata pecunia, in successorum præiudicium alijs locantur. omnes igitur hæ locationes, si anticipatis solutionibus fient, nullatenus in præiudicium successorum ualidæ intelli-



telligantur: quocumque indulto, aut privilegio non obstante: nec huiusmodi locationes in Romana Curia, uel extra eam confirmentur. Non liceat etiam, iurisdictiones Ecclesiasticas, seu facultates nominandi, aut deputandi Vicarios in spiritualibus locare; nec conductoribus per se, aut alios ea exercere: aliterq. concessionem, etiam a Sede Apostolica factam, subreptitiæ censeantur. Locationes uero rerum Ecclesiasticarum, etiam auctoritate Apostolica confirmatas, sancta Synodus irritas decernit, quas a triginta annis citra, ad longum tempus, seu, ut in nonnullis partibus, ad uiginti nouem, seu bis uiginti nouem annos, uocant factas; Synodus prouincialis, uel deputandi ab ea, in damnum Ecclesiæ, & contra Canonicas sanctiones contractas fuisse iudicabunt.

Caput XII.

*de decimis*  
*non sunt ferendi*  
**N**ON sunt ferendi, qui uarijs artibus decimas, in ecclesijs obuenientes, subtrahere moliuntur; aut qui ab alijs soluendas temere occupant, et in rem suam uertunt: cum decimarum solutio debita sit Deo; & qui eas dare noluerint, aut dantes impediunt, res alienas inuadant. Præcipit igitur sancta Synodus omnibus, cuiuscumque gradus, & conditionis sint, ad quos decimarum solutio spectat, ut eas, ad quas de iure tenentur, in posterum cathedrali, aut quibuscumque alijs ecclesijs, uel personis, quibus legitime debentur, integre persoluant.



foluant. Qui uero eas aut subtrahunt, aut impediunt; excommunicentur: nec ab hoc crimine, nisi plena restitutione secuta, absoluantur. Hortatur dehinc omnes, & singulos, pro Christiana caritate, debitoq. erga Pastores suos munere, ut de bonis sibi a Deo collatis, Episcopis, & Parochis, qui tenuioribus præsunt ecclesiis, large subuenire ad Dei laudem, atque ad Pastorum suorum, qui pro eis inuigilant, dignitatem tuendam, non grauentur.

## Caput XIII.

**D**ECERNIT sancta Synodus, ut quibuscumque in locis, iam ante annos quadraginta, Quarta, quæ funeralium dicitur, cathedrali, aut parochiali ecclesiæ solita esset persolui, ac postea fuerit ex quocumque priuilegio, alijs monasterijs, hospitalibus, aut quibuscumque locis pijs concessa, eadem posthac integro iure, & eadem portione, quæ antea solebat, cathedrali, seu parochiali ecclesiæ persoluatur: non obstantibus concessionibus, gratijs, priuilegijs, etiam, Mari magno, nuncupatis, aut alijs quibuscumque.

## Caput XIII.

**Q**UAM turpe, ac clericorum nomine, qui se diuino cultui addixerunt, sit indignum, in impudiciæ sordibus, immundoq. concubinato uersari, satis res ipsa, communi fidelium omnium offensione,



jensione, summoq. clericalis militiæ dedecore, te-  
 statur. Vt igitur ad eam, quam decet, continen-  
 tiam, ac uitæ integritatem ministri ecclesiæ reuo-  
 centur; populusq. hinc eos magis discat reuere-  
 ri, quo illos uita honestiores cognouerit: prohi-  
 bet sancta Synodus quibuscumque clericis, ne con-  
 cubinas, aut alias mulieres, de quibus possit ha-  
 beri suspicio in domo, uel extra, detinere, aut cum  
 ijs ullam consuetudinem habere audeant: alio-  
 quin pænis, a sacris Canonibus, uel statutis eccle-  
 siarum impositis, puniantur. Quod si, a Superio-  
 ribus moniti, ab ijs se non abstinerint; tertia par-  
 te fructuum, obuentuum, ac prouentuum bene-  
 ficiorum suorum quorumcumque, & pensionum  
 ipso facto sint priuati; quæ fabricæ ecclesiæ, aut  
 alteri pio loco arbitrio Episcopi applicetur. Si ue-  
 ro in delicto eodem cum eadem, uel alia femina  
 perseuerantes, secundæ monitioni, adhuc non pa-  
 ruerint; non tantum fructus omnes, ac prouentus  
 suorum beneficiorum, & pensiones eo ipso amit-  
 tant, qui prædictis locis applicentur; sed etiam a  
 beneficiorum ipsorum administratione, quoad Or-  
 dinarius, etiam uti Sedis Apostolicæ delegatus,  
 arbitrabitur, suspendantur: & si ita suspensi, ni-  
 hilominus eas non expellant; aut cum ijs etiam  
 uersentur; tunc beneficijs, portionibus, ac offi-  
 cijs, & pensionibus quibuscumque Ecclesiasticis  
 perpetuo priuentur, atque inhabiles, ac indigni  
 quibuscumque honoribus, dignitatibus, benefi-  
 cijs,

cis, ad  
 manife-  
 rioribus  
 dum.  
 terminis  
 di scanda-  
 rint; prae  
 nis gladii  
 exempti  
 suspendi  
 ad Ar-  
 riores  
 strebit  
 inspecta  
 cia Eccle-  
 xta deli-  
 qualita  
 pensioni  
 obtine  
 punian  
 iusmodi  
 prouine  
 facto sim  
 Sanctissim  
 modo de  
 per priua  
 tat.



*cijis, ac officiis in posterum reddantur; donec post manifestam uitæ emendationem ab eorum Superioribus cum ijs ex causa uisum fuerit dispensandum. Sed si, postquam eas semel dimiserint, intermissum consortium repetere, aut alias huiusmodi scandalosas mulieres sibi adiungere ausi fuerint; præter prædictas pœnas, excommunicationis gladio plectantur. Nec quæuis appellatio, aut exemptio prædictam executionem impediat, aut suspendat: super prædictorumq. omnium cognitio, nõ ad Archidiaconos, nec Decanos, aut alios inferiores, sed ad Episcopos ipsos pertineat: qui sine strepitu, & figura iudicii, & sola facti ueritate inspecta, procedere possint. Clerici uero, beneficia Ecclesiastica, aut pensiones non habentes, iuxta delicti, & contumaciæ perseuerantiam, & qualitatem ab ipso Episcopo carceris pœna, suspensione ab Ordine, ac inhabilitate ad beneficia obtinenda, alijsue modis, iuxta sacros Canones puniantur. Episcopi quoque, quod absit, si ab huiusmodi crimine non abstinuerint; & a Synodo prouinciali admoniti, se non emendauerint; ipso facto sint suspensi: & si perseuerent, etiam ad Sanctissimum Romanum Pontificem ab eadem Synodo deferantur: qui pro qualitate culpæ, etiam per priuationem, si opus erit, in eos animaduertat.*



Caput XV.

**V***t paternæ incontinentiæ memoria a locis, Deo consecratis, quos maxime puritas, sanctitasq. decet, longissime arceatur; non liceat filiis clericorum, qui non ex legitimo nati sunt matrimonio, in ecclesiis, ubi eorum patres beneficium aliquod Ecclesiasticum habent, aut habuerunt, quodcumque, etiam dissimile, beneficium obtinere; nec in dictis ecclesiis quoquo modo ministrare, nec pensionis super fructibus beneficiorum, quæ parentes eorum obtinent, uel alias obtinuerunt, habere. Quod si in præsentî pater, & filius in eadem ecclesia beneficia obtinere reperiantur; cogatur filius suum beneficium resignare, aut cum alio permutare extra ecclesiâ intra triû mensium spatium: alias ipso iure eo priuatus existat, & super ijs quæcumque dispensatio subreptitia censeatur. Ad hæc, reciproce resignationes, si quæ posthac a parentibus clericis in fauorem filiorum fient, ut alter alterius beneficium consequatur; in fraudem huius decreti, & Canonicarum sanctionum factæ omnino censeantur: nec collationes secutæ, uigore huiusmodi resignationum, seu aliarum quarumcumque, quæ in fraudem factæ fuerint, ipsis clericorum filiis suffragentur.*

Caput

ST A  
nefi  
tur, qua  
ficutore  
la deincep  
ta Vicari  
tantur:  
quæ su  
tæ. In  
tionem  
rium pe  
tu ab im  
grua po  
que non  
quamp  
præsen  
mam d  
Quod f  
tum t  
per cessi  
quomo  
cium cum  
men cesse

NON  
re



## Caput XVI.

**S**TATUIT *sancta Synodus, ut Ecclesiastica beneficia secularia, quocumque nomine appellentur, quæ curam animarum ex primæua eorum institutione, aut aliter quomodocumque retinent, illa deinceps in simplex beneficium, etiam assignata Vicario perpetuo congrua portione, non conuertantur: non obstantibus quibuscumque gratijs, quæ suum plenarium effectum non sunt consecutæ. In ijs uero, in quibus contra earum institutionem, seu foundationem cura animarum in Vicarium perpetuum translata est, etiam si in hoc statu ab immemorabili tempore reperiantur, si congrua portio fructuum Vicario ecclesiæ, quocumque nomine is appelletur, non fuerit assignata; ea quamprimum, & ad minus intra annum a fine præsentis Concilij, arbitrio Ordinarij, iuxta formam decreti sub fel. rec. Paulo III assignetur. Quod si id commode fieri non possit; aut intra dictum terminum factum non erit: cum primum per cessum uel decessum Vicarij, seu Rectoris, aut quomodolibet alterum eorum uacauerit; beneficium curam animarum recipiat; ac Vicariæ nomen cesset; & in antiquum statum restituatur.*

## Caput XVII.

**N**ON potest *sancta Synodus non grauiter dolere, audiens Episcopos aliquos, sui status*  
Z 2      oblitos



S E S S I O

oblitos, Pontificiam dignitatem non leuiter dehon-  
nestare; qui cum Regum ministris, Regulis, et Ba-  
ronibus in ecclesia, & extra, indecenti quadam  
demissione se gerunt, & ueluti inferiores ministri  
altaris, nimis indigne non solum loco cedunt, sed  
etiam personaliter illis inferuiunt. Quare hæc,  
& similia detestans sancta Synodus, sacros Cano-  
nes omnes, Conciliaq. generalia, atque alias Apo-  
stolicas sanctiones ad dignitatis Episcopalis deco-  
rum, & grauitatem pertinentes renouando, præ-  
cipit, ut ab huiusmodi in posterum Episcopi se ab-  
stineant; mandans eisdem, ut tam in ecclesia, quã  
foris suum gradum, & Ordinem præ oculis ha-  
bentes, ubique se Patres, & Pastores esse memi-  
nerint; reliquis uero tam Principibus, quam ce-  
teris omnibus, ut eos paterno honore, ac debita re-  
uerentia prosequantur.

Caput XVIII.

SICUTI publice expedit, legis uinculum quan-  
doque relaxare, ut plenius, euenientibus casi-  
bus, & necessitatibus, pro communi utilitate sa-  
tis fiat: sic frequentius legem soluere, exemploq.  
potius, quam certo personarum, rerumq. delectu,  
petentibus indulgere, nil aliud est, quam unicui-  
que ad leges transgrediendas aditum aperire.  
Quapropter sciant uniuersi, sacratissimos Cano-  
nes exacte ab omnibus, & quoad eius fieri pote-  
rit, indistincte obseruandos. Quod siurgens, in-  
staq.



Itaq. ratio, & maior quandoque utilitas postulauerit, cum aliquibus dispensandum esse; id, causa cognita, ac summa maturitate, atque gratis, a quibuscumque, ad quos dispensatio pertinebit, erit præstandum: aliterq. facta dispensatio subreptitia censeatur.

## Caput XIX.

**D**E TESTABILIS duellorum usus, fabricante Diabolo, introductus, ut cruenta corporum morte, animarum etiam perniciem lucretur, ex Christiano orbe penitus exterminetur: Imperator, Reges, Duces, Principes, Marchiones, Comites, & quocumque alio nomine, Domini temporales; qui locum ad monomachiam in terris suis inter Christianos concesserint; eo ipso sint excommunicati; ac iurisdictione, & dominio ciuitatis, castri, aut loci, in quo, uel apud quem duellum fieri permiserint, quod ab Ecclesia obtinent, priuati intelligantur; & si feudalia sint, directis Domini statim acquirantur. Qui uero pugnam commiserint; & qui eorum patrini uocantur; excommunicationis, ac omnium bonorum suorum proscriptionis, ac perpetuae infamiae poenam incurrant; & ut homicidae, iuxta sacros Canones, puniri debeant. Et, si in ipso conflictu decesserint; perpetuo careant ecclesiastica sepultura. Illi etiã, qui consilium in causa duelli, tam in iure, quam facto dederint; aut alia quacumque ratione ad id



quemquam suaserint ; necnon spectatores, excommunicationis , ac perpetuæ maledictionis uinculo teneantur : non obstante quocumque privilegio , seu praua consuetudine, etiam immemorabili .

## Caput XX.

C V P I E N S sancta Synodus Ecclesiasticam disciplinam in Christiano populo non solum restitui , sed etiam perpetuo sartam tectam a quibuscumque impedimentis conseruari ; præter ea, quæ de Ecclesiasticis personis constituit, sæculares quoque Principes officij sui admonendos esse censuit ; confidens eos , ut Catholicos , quos Deus sanctæ fidei, Ecclesiæq. protectores esse uoluit, ius suum Ecclesiæ restitui , non tantum esse concessuros ; sed etiam subditos suos omnes ad debitam erga clericum , Parochos , & superiores Ordines reuerentiam reuocatuos ; nec permissuros, ut Officiales, aut inferiores Magistratus Ecclesiæ & personarum Ecclesiasticarum immunitatem , Dei ordinatione, & Canonicis sanctionibus constitutam , aliquo cupiditatis studio, seu inconsideratione aliqua uiolent ; sed una cum ipsis Principibus debitam sacris summorum Pontificum , & Conciliorum constitutionibus obseruantiam præstent . Decernit itaque, & præcipit, sacros Canones, & Concilia generalia omnia , necnon alias Apostolicas sanctiones in fauorem Ecclesiasticarum personarum, libertatis Ecclesiasticæ, & contra eius uiolato-



latores editas, quæ omnia præfenti etiam decre-  
to innouat, exacte ab omnibus obseruari debere.  
proptereaque admonet Imperatorem, Reges,  
Resp. Princeps, & omnes, & singulos, cuiuscum-  
que status, & dignitatis extiterint, ut quo lar-  
gius bonis temporalibus, atque in alios potestate  
sunt ornati, eo sanctius, quæ Ecclesiastici iuris  
sunt, tamquam Dei præcipua, eiusq. patrocínio  
tectæ, uenerentur; nec ab ullis Baronibus, Domi-  
cellis, Rectoribus, alijsue Dominis temporali-  
bus, seu Magistratibus, maximeq. ministris ip-  
sorum Principum lædi patiantur; sed seuerè in  
eos, qui illius libertatem, immunitatem, atque  
iurisdictionem impediunt, animaduertant: qui-  
bus etiam ipsimet exemplo ad pietatem, religio-  
nem, ecclesiarumq. protectionem existant; imi-  
tantes anteriores optimos, religiosissimosq. Prin-  
cipes, qui res Ecclesiæ suæ in primis auctoritate,  
ac munificentia auxerunt, nedum ab aliorum iniu-  
ria uindictarunt. Adcoq. ea in re quisque officium  
suum sedulo præstet; quo cultus diuinus deuote  
exerceri, & Prælati, ceteriq. clerici in residen-  
tijs, & officijs suis, quieti, & sine impedimen-  
tis, cum fructu, & ædificatione populi, perma-  
nere ualeant.

## Caput XXI.

POSTREMO sancta Synodus, omnia, & sin-  
gula, sub quibuscumque clausulis, et uerbis,  
Z 4 quæ



quæ de morum reformatione, atque Ecclesiastica disciplina, tam sub sel. rec. Paulo III, ac Iulio III, quam sub Beatissimo Pio Quarto, Pontificibus Maximis, in hoc sacro Concilio statuta sunt, declarat, ita decreta fuisse, ut in his salua semper auctoritas Sedis Apostolicæ & sit, & esse intelligatur.

Decretum de continuanda Sessione  
in diem sequentem.

CUM ea omnia, quæ in præsentì Sessione tractanda erant, quia hora tarda est, commode expediri non possint; propterea iuxta id, quod in generali Congregatione a Patribus statutum fuit, ea, quæ supersunt, in diem crastinam, hanc eandem Sessionem continuando, differuntur.

CONTINUATIO SESSIONIS  
DIE IIII DEC.

Decretum de indulgentiis.

CUM potestas conferendi indulgentias a Christo Ecclesiæ concessa sit; atque huiusmodi potestate, diuinitus sibi tradita, antiquissimis etiam temporibus illa usa fuerit: sacrosancta Synodus indulgentiarum usum, Christiano populo maxime salutarem, & sacrorum Conciliorum auctoritate probatum, in Ecclesia retinendum esse docet, & præcipit; eosq. anathemate damnat, qui aut  
inutiles



inutiles esse asserunt; uel eas concedendi in Ecclesia potestatem esse negant. In his tamen concedendis moderationem, iuxta ueterem, & probatam in Ecclesia consuetudinem, adhiberi cupit; ne nimia facilitate Ecclesiastica disciplina eneruetur. Abusus uero, qui in his irrepserunt, & quorum occasione insigne hoc indulgentiarum nomen ab hæreticis blasphematur, emendatos, & correctos cupiens, præsentis decreto generaliter statuit, prauos quæstus omnes pro his consequendis, unde plurima in Christiano populo abusum causa fluxit, omnino abolendos esse. Ceteros uero, qui ex superstitione, ignorantia, irreuerentia, aut aliunde quomodocumque prouenerunt; cum ob multiplices locorum, & prouinciarum, apud quas hi committuntur, corruptelas commode nequeant specialiter prohiberi; mandat omnibus Episcopis, ut diligenter quisque huiusmodi abusus ecclesiæ suæ colligat, eosq. in prima Synodo prouinciali referat: ut aliorum quoque Episcoporum sententia cogniti, statim ad summum Romanum Pontificem deferantur: cuius auctoritate, & prudentia, quod Vniuersali Ecclesiæ expediet, statuatur; ut ita sanctarum indulgentiarum munus pie, sancte, & incorrupte omnibus fidelibus dispensetur.

De



De delectu ciborum, ieiuniis, &  
diebus festis.

INSUPER hortatur sancta Synodus, & per sanctissimum Dominum nostrum, atque Saluatoris aduentum Pastores omnes obtestatur, ut tamquam boni milites illa omnia, quæ sancta Romana Ecclesia, omnium ecclesiarum mater, & magistra, statuit; necnon ea, quæ tam in hoc Concilio, quam in alijs œcumenicis statuta sunt, quibuscumque fidelibus sedulo commendent; omniq. diligentia utantur, ut illis omnibus, & ijs præcipue, sint obsequentes, quæ ad mortificandam carnem conducunt, ut ciborum delectus, & ieiunia; uel etiam, quæ faciunt ad pietatem augendam, ut dierum festorum deuota, & religiosa celebratio; admonentes populos crebro, obedire Præpositis suis: quos qui audiunt, Deum remuneratorem audient; qui uero contemnunt; Deum ipsum ultorem sentient.

## De Indice librorum, Catechismo, Breuiario, &amp; Missali.

SACROSANCTA Synodus in secunda Sessione, sub Sanctissimo Domino nostro Pio Quarto celebrata, delectis quibusdam Patribus commisit, ut de uarijs censuris, ac libris, uel suspectis, uel perniciosis, quid facto opus esset, considerarent; atque ad ipsam sanctam Synodum referrent;

audiens



audiens nunc, huic operi ab eis extremam manū  
impositam esse; nec tamen, ob librorum uarieta-  
tem, & multitudinem, distincte, & commode  
possit a sancta Synodo dijudicari; præcipit, ut  
quidquid ab illis præstitum est, Sanctissimo Ro-  
mano Pontifici exhibeatur; ut eius iudicio, atque  
auctoritate terminetur, & euulgetur. Idemq. de  
Catechismo a Patribus, quibus illud mandatum  
fuerat, & de Missali, & Breuiario fieri mandat.

#### De loco Oratorum.

DECLARAT sancta Synodus, ex loco assi-  
gnato Oratoribus, tam Ecclesiasticis, quam secu-  
laribus, in sedendo, incedendo, aut quibuscum-  
que alijs actibus, nullum cuiquam eorum factum  
fuisse præiudicium; sed omnia illorum, & Impe-  
ratoris, Regum, Rerumpublicarum, ac Princi-  
pum suorum iura, & prerogatiuas illæsas, &  
saluas esse, in eodemq. statu permanere, prout an-  
te præsens Concilium reperiiebantur.

#### De recipiendis, & obseruandis De- cretis Concilii.

TANTA fuit horum temporum calamitas,  
& hæreticorum inueterata malitia, ut nihil tam  
clarum in fide nostra asserenda umquam fuerit, aut  
tam certo statutum; quod non, humani generis  
hoste suadente, illi errore aliquo contaminaue-  
rint. ea propter sancta Synodus id potissimum cu-  
rauit,



rauit, ut præcipuos hæreticorum nostri temporis errores damnaret, & anathematizaret; ueramq. & Catholicam doctrinam traderet, & doceret, prout damnauit, anathematizauit, & definiuit. Cumq. tamdiu tot Episcopi, ex uarijs Christiani orbis prouincijs euocati, sine magna gregis sibi commissi iactura, & uniuersali periculo ab ecclesijs abesse non possint; nec ulla spes restet, hæreticos, toties, fide etiam publica, quam desiderarunt, inuitatos, & tamdiu expectatos, huc amplius aduenturos; ideoq. tandem huic sacro Concilio finem imponere necesse sit: superest nunc, ut Principes omnes, quod facit, in Domino moneat ad operam suam ita præstandam, ut quæ ab ea decreta sunt, ab hæreticis deprauari, aut uiolari non permittant; sed ab his, & omnibus deuote recipiantur, & fideliter obseruentur. Quod si in his recipiendis aliqua difficultas oriatur; aut aliqua inciderint, quæ declarationem, quod non credit, aut definitionem postulent; præter alia remedia, in hoc Concilio instituta, confidit sancta Synodus Beatissimum Romanum Pontificem curaturum, ut uel euocatis ex illis præsertim prouincijs, unde difficultas orta fuerit, ijs, quos eidem negotio tractando uiderit expedire, uel etiam Concilij generalis celebratione, si necessarium iudicauerit, uel commodiore quacumque ratione ei uisum fuerit, prouincialium necessitatibus, pro Dei gloria, & Ecclesiæ tranquillitate, consulatur.

De



De recitandis Decretis Concilii sub Paulo  
III, & Iulio III, in Sessione.

QVONIAM diuersis temporibus, tam sub  
fel. rec. Paulo III, quam Iulio III, multa in  
hoc sacro Concilio, quo ad Dogmata, ac morum  
reformationem, statuta, & definita sunt; uult san-  
cta Synodus, ut illa nunc recitentur, & legantur.  
Recitata sunt.

De fine Concilii, & confirmatione petenda  
a Sanctissimo Domino nostro.

ILLVSTRISSIMI Domini, Reuerendissi-  
miq. Patres, Placet ne uobis, ut ad laudem Dei  
omnipotentis huic sacrae œcumenicæ Synodo finis  
imponatur? & omnium, & singulorum, quæ  
tam sub fel. rec. Paulo III, & Iulio III, quam  
sub Sanctissimo Domino nostro Pio Quarto, Ro-  
manis Pontificibus, in ea decreta, & definita  
sunt, confirmatio nomine sanctæ huius Synodi  
per Apostolicæ Sedis Legatos, & Præsidentes a  
Beatissimo Romano Pont. petatur?  
Responderunt, Placet.

POSTMODVM Illustrissimus & Reueren-  
dissimus Cardinalis Moronus, primus Legatus, & Præ-  
sident, benedicens sanctæ Synodo, dixit: POST  
GRATIAS DEO ACTAS REVEREN-  
DISSIMI PATRES ITE IN PACE.  
Qui responderunt, AMEN.

ACCL A-



ACCLAMATIONES PATRVM  
IN FINE CONCILII.

CARDINALIS ALOTHARINGIA.

Beatissimo Pio Papæ, & Domino nostro,  
Sanctæ, & Vniuersalis Ecclesiæ Pontifi-  
ci, multi anni, & æterna memoria.

RESPONSIO PATRVM.

Domine Deus, Sanctissimum Patrem diu-  
tissime Ecclesiæ tuæ conserua; multos  
annos.

Card. Beatissimorum summorum Pontificum a-  
nimabus, Pauli III, & Iulij III, quo-  
rum auctoritate hoc sacrum generale Con-  
cilium inchoatum est, pax a Domino, &  
æterna gloria, atque felicitas in luce San-  
ctorum.

Resp. Memoria in benedictione sit.

Card. Caroli V Imperatoris, & Serenissimorum  
Regum, qui hoc uniuersale Concilium  
promouerunt, & protexerunt, memoria  
in benedictione sit.

Resp. Amen, Amen.

Card. Serenissimo Imperatori Ferdinando, sem-  
per Augusto, Orthodoxo, et Pacifico,  
& omnibus Regibus, Rebusp. & Principi-  
bus nostris, multi anni.

Resp.



Resp. Pium, & Christianum Imperatorem Domi-  
ne conserua: Imperator cælestis terre-  
nos Reges, rectæ fidei conseruatores,  
custodi.

Card. Apostolicæ Romanæ Sedis Legatis, & in  
hac Synodo Præsidentibus, cum multis  
annis magnæ gratiæ.

Resp. Magnæ gratiæ: Dominus retribuat.

Card. Reuerendissimis Cardinalibus, & Illustri-  
bus Oratoribus.

Resp. Magnas gratias, multos annos.

Card. Sanctissimis Episcopis uita, & felix ad ec-  
clesias suas reditus.

Resp. Præconibus ueritatis perpetua memoria:  
Orthodoxo Senatui multos annos.

Card. Sacrosancta œcumenica Tridentina Syno-  
dus: eius fidem confiteamur, eius decreta  
semper seruemus.

Resp. Semper confiteamur, semper seruemus.

Card. Omnes ita credimus: omnes id ipsum sen-  
timus: omnes consentientes, & ample-  
ctentes subscribimus. Hæc est fides beati  
Petri, & Apostolorum: hæc est fides Pa-  
trum: hæc est fides Orthodoxorum.

Resp. Ita credimus; ita sctimus; ita subscribimus.

Card. His decretis inhærentes, digni reddamur  
misericordijs, & gratia primi, & magni su-  
premi Sacerdotis, Iesu Christi Dei, inter  
cedente simul inuiolata Domina nostra  
sancta



sancta Deipara, & omnibus Sanctis.

Resp. Fiat, fiat. Amen. Amen.

Card. Anathema cunctis hæreticis.

Resp. Anathema, Anathema.

Post hæc mandatum fuit a Legatis, & Præsidibus sub pœna excommunicationis omnibus Patribus, ut, antequam discederent e ciuitate Tridentina, subscriberent manu propria Decretis Concilij; aut ea per publicum instrumentum approbarent. Qui omnes deinde subscripserunt, & fuerunt numero cclv, uidelicet, Legati quattuor, Cardinales duo, Patriarchæ tres, Archiepiscopi xxv, Episcopi clxviii, Abbates septē, Procuratores absentium cum legitimo mandato xxxix, Generales Ordinum septem.

#### L A V S D E O.

Concordat cum originali: in cuius fidem subscripsimus,

Ego Angelus Massarellus, Episcopus Thelesinus, sacri Concilij Tridentini Secretarius.

Ego Marcus Antonius Peregrinus, Comensis, eiusdem Concilij Notarius.

Ego Cynthius Pamphilus, clericus Camerinenſis diœcesis, eiusdem Concilij Notarius.



## CONFIRMATIO CONCILII.



Nos Alexander, S. Lauren-  
 tii in Damaso Diaconus  
 Cardinalis, de Farnesio,  
 S. R. E. Vicecancellarius,  
 fidem facimus, & attestamus, qua-  
 liter hodie, die Mercurii, xxvi  
 Ianuarii, M. D. Lxiii, Pontifi-  
 catus Sanctissimi D. nostri D. Pii,  
 diuina prouidentia Papæ Quarti,  
 anno quinto, in Consistorio secre-  
 to, apud S. Petrum, Reuerendiss.  
 DD. mei, Cardinalis Moronus, &  
 Simoneta, nuper reuersi a sacro Con-  
 cilio Tridentino, cui uti Sedis Apo-  
 stolicæ Legati præerant, petierunt  
 ab eodem Sanctissimo D. nostro ut  
 infra.

Beatissime Pater, in Decreto su-  
 per fine Concilii œcumenici Tri-  
 dentini, pridie nonas Decembris  
 præteriti publicato, statutum fuit,  
 ut per Sanctitatis Vestræ, & sanctæ

AA Sedis



Sedis Apostolicæ Legatos, & Præ-  
dentes peteretur nomine dicti Con-  
cilii a Sanctitate Vestra confirmatio  
omnium, & singulorum, quæ tam  
sub fel. rec. Paulo III, & Iulio III,  
quam sub Sanctitate Vestra in eo de-  
creta, & definita sunt. Quapropter  
nos Ioannes Cardinalis Moronus,  
& Ludouicus Cardinalis Simone-  
ta, qui tunc Legati, & Præsidentes  
eramus, uolentes exequi, quod in  
dicto Decreto stabilitum fuit, humi-  
liter petimus nomine dicti Concilii  
œcumenici Tridentini, ut Sanctitas  
Vestra dignetur confirmare omnia,  
& singula, quæ tam sub fel. rec. Pau-  
lo III, & Iulio III, quam sub San-  
ctitate Vestra in eo decreta, & de-  
finita sunt.

Quibus auditis, Sanctitas Sua, ui-  
so, & lecto tenore dicti Decreti, &  
habitis uotis Reuerendiss. DD.  
meorum Cardinalium, respondit  
per hæc uerba.

Petitioni,




Petitioni, nomine Concilij œcumenici Tridentini super eius confirmatione per dictos Legatos nobis factæ, annuentes, omnia, & singula, quæ in dicto Concilio tam sub fel. rec. Paulo III, & Iulio III, prædecessoribus nostris, quam Pontificatus nostri tempora decreta, & definita sunt, auctoritate Apostolica, etiam de Venerabilium fratrum nostrorum Cardinalium consilio, & assensu, matura cum illis deliberatione præhabita, confirmamus, atque ab omnibus Christi fidelibus recipi, & inuiolabiliter observari mandamus, in nomine Patris, & Filii, & Spiritus sancti, Amen.

Ita est. A. Cardinalis

Farnesius, Vicecancell.

F I N I S.





*Cesio p giudicio e uoluntà*

5850022



